

元史演義

四



田 滕 蛟 編 纂

商 務 印 書 館 發 行

NORTH CHINA UNION LANGUAGE
SCHOOL LIBRARY

1

元史演義卷七

元史演義卷七

第四十三回 金山寺索通盜寶

雲夢賊賈翀。既破漢陽。兵屯漢川。四出大掠。將獲黃州。有倪鵬兒。汪夜。又姚太師。宋羅睺。趙閻羅等議曰。此去蕪黃不遠。攻城掠地。不足介意。惟兵餉不足奈何。趙閻羅曰。我兵目下。雲集響應。不下十餘萬衆。古云。兵多將累。糧草不敷。決遭困憊。不如大加簡閱。精壯者留。其難民脅從者。用武安君長平之法坑之。汪夜又曰。不可。饑民脅從。用以衝鋒則不足。用以擄糧則有餘。隨從我軍。令自覓食。亦足以壯聲色。卽遇官軍截殺。亦無損於大隊。豈不兩便。倪鵬兒曰。二公議皆未盡善。某有一法。難民俱有用處。衆問何用。倪鵬兒曰。我兵行處。並無輜重押後。全靠擄掠。今將擄掠之法。分爲三等。第一酷比縉紳。第二贖取婦女。第三搜括富戶。夫縉紳之家。卽



在任廉介者。薪俸之餘。豈無微積。若貪污官吏。日坐私衙。敲精吸髓。民膏民脂。入橐輦歸。遂甲第連雲。膏腴萬頃。非我輩不能出所藏也。至擄掠婦女。另置一營。不准男女混雜。以身分高卑。定貴賤取贖。素封之家。累世蓄積。嚴加擄掠。拷出私窖。糧餉自充足矣。衆人皆曰。此計甚妙。比縉紳掠富戶二件。卽令難民脅從者任之。爲伊等平日吐氣。當有奇效。惟贖取婦女一事。非我輩自爲稽查。不可也。倪鵬兒曰。各委部下將校主掌。但紀律不可不嚴。擄來婦女。決不可犯。如有士卒奸淫者。立斬不赦。如此則贖取日衆。而銀錢自廣矣。衆人如命。此令一下。縱兵四出。漢沔一帶。鷄犬俱盡。時有安陸縣鄭恆者。度宗時曾知紹興府。其高祖毅夫。仁宗朝狀元。及第。世代通籍。鄭恆爲紹興知府。抗疏力言襄樊不可不救。賈似道諷臺臣奏劾之。罷歸安陸石柱鄉。不久遂卒。宋亦隨亡。妻梁氏。生

一子一女。子名夢蘭。才華秀美。女名玉奴。姿容閒雅。一兄一姊。讀書木蘭山房。而玉奴穎悟過人。每相問難。夢蘭自歎弗及也。年十五。工吟詩。善填詞。七夕登樓。作憶江南二首。詞云。

七月七。瓜果設庭中。乞巧穿鍼兒女技。在天在地誓深宮。銀漢自空空。

其二云。

七月七。鵲渡訴離衷。儘夜綢繆今夜裏。情魔難障太陽紅。分手各西東。

夢蘭見之。悵然曰。字句雖然清新。聲口未免懊惱。恐有不祥。玉奴又題楊妃教鸚鵡念心經一絕云。

春寒卯酒睡初醒。笑倚東牕小玉屏。早悟眼前空是色。不教鸚鵡念心經。

又題綠珠墜樓云。

花飛金谷彩雲空。玉笛吹殘步障風。枉費明珠三百斛。荆釵那
及嫁梁鴻。

夢蘭見之喜曰。妹此二作。頗斂成就範矣。一日木蘭亭前。池中芙蓉盛開。夢蘭有感。乃作菩薩蠻一詞云。

紅雲半壓秋波急。豔妝泣露嬌啼色。住夢入仙城。風流石曼卿。
宮袍呼醉醒。休捲西風景。明月粉香殘。六橋烟水寒。

玉奴觀畢。亦作行香子詞二首云。

如此紅粧。不見春光。向菊前蓮後纔芳。雁來時節。寒沁羅裳。正
一番風。一番雨。一番霜。

其二云。

蘭舟不採。寂寞橫塘。強相依。暮柳成行。湘江路遠。吳苑池荒。奈

月朦朦。人杳杳。水茫茫。

夢蘭看罷。愀然不樂。曰。吾妹將來大有逆遷。觀詩詞聲口可見矣。無何雲夢賊起。乃奉母梁夫人。避兵京山縣。莫愁邨。時盜賊縱橫。人情洶洶。家中廝僕。逃亡過半。餘者俱懷觀望。惟老僕二人。一名索通。自稱賽崑崙。一名馬陵。綽號紹虬髯。二人素有肝膽。原本山東死囚。遇鄭恆生之。收爲健僕。後奉使淮西。夜宿蒙城。賈似道遣人行刺。被二人擒獲。竟免於禍。鄭恆待之益厚。景定間。三使海道。頗得其力。但二人積不相能。常睚目視。同食不交語。睚眦小忿。輒奮老拳相毆鬪。及聞漢陽已陷。縱兵四出。漸至近村。夢蘭已束手無策。忙與母梁夫人及妹玉奴。棄家逃竄。倉皇出走。馬陵攙伏梁夫人。一步一跌。行不數里。索通方負一橐。趕上。喘息未定。忽一隊賊兵蜂擁而至。主僕衝散。梁夫人母女。慌做一處。忽見一枯橋。內

頗空闊。潛伏其中。俟賊去。乃逡巡而出。已不知夢蘭與二僕何所。急尋僻路而奔。回望各村。俱烟焰蔽空。道路皆橫屍枕籍。見男婦號哭而行者。絡繹不絕。行約數十里。力漸不支。足亦皸裂。乃投深林中。母女相對而泣。坐以待旦。腹餒特甚。捱至天明。又恐賊至。母女狼狽而行。午後已十分困憊。前臨石橋。於綠楊深處少憩。饑不堪。乃摘柳葉嚼之。驚怖方定。聞橋上逃死者。悲慟欲絕。不勝酸楚。又至黃昏時。四野蟲鳴啾啾。母女更喁喁飲泣。自分必死。忽疏星淡月中。橋西若有人大踏步而來。口中唧唧嚶嚶。聞語云。夫人小姐。存亡未卜。此事怎了。玉奴細聽之。索通聲口也。急低聲呼喚。索通一聞大喜。急至橋下。扶出母女。夫人曰。夜靜行將安之。索通曰。此名離狐村。前去不遠。有延慶寺。權往寺中。明日再作理會。遂一步一步行去。直入寺中。月下見門庭荒蕪。並無燈火。母女至佛

前禱拜泣訴。就殿角坐定。索通將橐中食獻上。夫人始問夢蘭消息。索通愀然曰。不知去向。業有馬陵往迹之矣。夫人泣不可止。玉奴亦泣曰。倉卒出奔。並無資斧。倘至京山舅氏家。則無慮矣。索通曰。老奴橐中。幸預有準備。且過應城。須顧車馬。方能直達京山。三人勉強。捱至天明。索通前去探路。緩緩而行。但所過殘燬。並無旅邸。索通覓食食之。一日道出烏坂。達鹿頭口。將近大路。索通曰。衝要之處。防有賊兵。老奴往探之。夫人玉奴。匿路旁深林中。既而林外。忽聞有人來往。玉奴方探頭一望。誰知正是賊隊探軍。一見玉奴。知是奇貨。凡十餘人。奔入林中。將母女拏住。夫人叩頭不已。玉奴情知難免。正欲投崖。賊一繩縛定。慰之曰。我等不傷性命。若有親眷取贖。異日還可歸家。不由分說。押赴而行。少頃。索通飛奔而來。一見夫人玉奴被陷。狂呼不已。投入隊中。賊將刃之一賊曰。且

問係此女何人。索通曰：老僕也。賊曰：既爲主僕，卽屬親眷。賈大王有令，不戮婦女，須用金贖取，決不食言。索通恐詐，且泣曰：老奴願隨軍中，乞將主母小姐釋放。衆賊大怒，三拳兩足，推之使去。非三百金，不能贖也。簇擁而去。索通抵死追趕，且呼且泣，只見一賊引弓持滿向之曰：老奴才不畏死耶。某營中所得婦女，何止萬千，但宦家女子，贖以千金，民家者三百金，命婦五百金，有金則歸，無則死。嗖的一聲，索通應弦而倒，負痛而起，忙拔出箭鏃，則右臂血流如注，裂衣束之。賊已去遠矣。坐而泣下曰：保主不全，不如一死。卽欲尋自盡，旣而又轉念曰：抱慚而死，不惟無以見老爺於地下，且馬陵有知，將笑我爲偷死矣。今日之事，一生九死，不可不死中求生。賊明明告我，以千金贖取，若得千金，則夫人小姐，生還皆可冀也。遂熬著痛楚，立起身來。暗思主人舊日，頗有蓄積，家中豈無

暗藏。不如仍歸安陸。遂連夜奔回石柱鄉。方入里門。見凋殘已極。再至家中。則廬舍已付煨燼。一見愴然。基址俱發掘靡遺。心如灰死。無計可施。左右思維。忽然曰。計在是矣。京山縣梁氏舅家。亦是世胄。且屬至戚。惟此處爲可望耳。且幸身邊尙有餘金。行路有資。遂至京山。但梁氏家則先一月。已被抄掠矣。索通如冷水澆頭。垂淚而已。抽身便走。又忽憶著主人存日。同寮有一蘇學士。最相契。學士乃宰相蘇頌之孫。世居丹陽。不如竟赴京口。且南徐不曾被兵。此計定不落空。遂不分星夜。雇舟直下。迤邐達於鎮江。由江口撥運河。十數日。已近丹陽。上岸訪問居址。俱云。蘇相公世居城西晚香村。於大宋革命時。遠遷台州去矣。索通望空捉雪。大失所望。囊中羞澀。流落京口。幸幼年頗好引拳。尙能記憶。遂以賣拳營生。且救眉急。一日在丹徒縣焦山鎮。遇一頭陀。亦鎗棒師也。兩人心

投意合。言語之下。索通不時長歎。頭陀怪而問之。索通以實告。且曰。若得千金。則吾事成矣。頭陀曰。此處金山寺。現貯數千金。何不取之。索通驚問何金可取。頭陀笑曰。其實金則無之。有一物可值數千金耳。索通又問何物。頭陀曰。北宋時有一佛印禪師。乃是高僧。住錫金山。蘇東坡學士將往訪之。直造寺中。禪師迎問曰。內翰何來。此間卻無你坐處。蘇學士戲曰。借和尚的四大身體。用作禪床。少坐。禪師曰。山禪有一轉語。內翰答得來則罷。不然將身上玉帶留下。永鎮山門。蘇學士卽解下玉帶。請問何語。禪師曰。山僧四大本無。五蘊皆空。學士要在何處坐。蘇學士一時答應不及。禪師卽囑侍者速收玉帶。蘇學士欣然棄帶而去。按此帶出宋皇上御賜。所值何止千金。見今存在方丈後。佛頂閣。庋置第一層樓上。若得此帶。勝汝數千金多矣。索通大喜。深謝頭陀。頭陀戒之曰。汝義

氣可嘉。故以密告。但百年鎮寶。盜之甚非容易。吾將逝矣。索通力任不辭。頭陀遂去。索通便渡過揚子江。見金山浮在江心。四面懸絕。一徑孤懸。暗驚此山如何可上。方逡巡山下。瞻前顧後。忽山頭有人大呼曰。山下有賊至矣。索通大驚。細審之。乃賣拳頭陀聲也。心中大疑。旣而忿然曰。但得救主。赴湯蹈火。亦所不辭。是夜方欲上山。聞寺內鳴鐘不已。卽當更漏。甚是分明。不敢入寺。一連數日。聞本月初七日。乃英烈龍王誕辰。賽會燒香。索通喜曰。機會在此時矣。至初七日。果人山人海。索通躡將上去。但人人進香者。俱至龍王堂而止。寺前寺後。巡視甚衆。直延至晚下。見衆僧俱登佛殿頂禮。喃喃喧揚佛號。索通由大殿經過。數重殿宇。混入方丈。側左有門未閉。竟闖將入去。果見一閣。高出層霄。暗思必佛頂閣也。正欲登閣。一時聞方丈內木魚震響。衆僧已入方丈。索通大懼。忙至

閣子後。黑暗中伏定。少頃。又見十餘僧。合掌而入。索通悚息。毛髮皆豎。見衆僧一一掇梯。直上樓去。索通懊悔曰。計不成矣。旣而樓上梵音齊作。時腹中餒甚。遂出大殿。見佛前羅列供獻菓品。正好充饑。饞猿遇果。餓犬聞腥。任餐一飽。更轉身入閣下。聞梵唄聲。少息。又欲躡上樓去。未及閣門。忽履聲橐橐。慌忙轉身。正在窘急。忽見回廊右手畔。有一小門。可盼江水。遂徐步而出。見有小徑。可以紆道。直達山門。幸有生路。始潛身下山。正值夜渡船。搭過江去。宿於旅中。當夜納悶不已。展轉牀席。未能合眼。時月影當牕。猛聽隔巷有行步聲。起而竊視之。見一偷兒在隔巷人家壁下。蛇行而入。少頃。橐負而出。如是者再。索通看得分明。徐至壁下。偷兒正探頭從竇中出。索通一把挈住。偷兒作慌。忙將橐中財物獻上。索通一時觸動心事。扭至僻靜處。抵死不放。偷兒乞命不已。益發窘急。伏

地叩頭。乞免一死。索通笑曰。某非捕盜者。特有求於汝耳。偷兒不省。索通曰。汝入此道幾年矣。偷兒聽其聲口。似同道者流。乃答以初學。索通不覺愀然久之。偷兒已窺其意。乃曰。實不瞞公。某作此勾當。近今十五年矣。索通大喜。急叩以有閻子火。鷄鳴斷魂香否。偷兒愕然。暗驚此人乃大盜也。今晚小巫見大巫矣。因問以何用。索通曰。有則求之。無則不勞說辭。卽以橐還之。令去。偷兒負橐欲行。仍止。復問曰。足下果何人也。索通怒曰。免汝一死。速去耳。饒舌何爲。偷兒愈不肯行。棄橐於地。再拜曰。何敢相瞞。某實係小偷。願拜門下。以聽驅策。若得承教一二。沒齒不忘。索通復笑曰。汝以吾爲巨盜也。爲汝求二物。殆將有所用耳。遂以心事告之。偷兒大喜。曰。斷魂香。閻子火。惟吾師處有之。吾師爲江陰巨猾之魁。每在皂角林。瓜洲渡等處。截江剪徑。徒衆百有餘人。如虎生翼。要得此帶。

許。急以婉言謝之。令去。偷兒又曰。公既存心仁厚。不願買禍。某一人去。竟將此帶盜出。用以報公盛德。何如。索通大喜。又曰。寺中防範綦嚴。重樓複榭。道路曲折。恐汝路徑不熟。須某同去。方保無虞。偷兒大笑曰。作此勾當。寧問道於人耶。某試探之。決不辱命。次日當晚。二人搖舟過江。至山下。索通遂止舟中。偷兒躡上山去。犬吠無聲。至更許而回。索通急問之。偷兒曰。業已探過。在閣上古佛龕前。皮置第三層。以伽楠香木泥金匣裝護。外用紫紗罩定。周圍俱列禪牀。共宿一十六僧。明晚定當取至。索通驚以爲神。仍駕舟回至寓所。次晚又至舊處。將船繫定。偷兒邁步上岸。已近寺門。忽犬吠一聲。偷兒折身便轉。曰。事不諧矣。索通促之令去。偷兒曰。大凡此道。最忌犬聲。犬既司驚。入戶必多危險。且俟五日後。再至可也。

索通恨不一時到手。便去贖取夫人玉奴。十分歎息。偷兒曰。盜取他人之物。豈可迫促。偷太倉卒。必生他變。索通懊恨而回。二人遂隱至僻靜處。五日方至。黃昏偷兒忽不見。索通處處蹤跡。並無形影。始嘆強人無義。誤我大事。十分追悔。乘著月色。再至江下。悵望一會。見隔江一人。駕小舟如飛而來。方欲避之。忽舟中人大呼曰。幸不辱命。有以報公矣。索通驚異。視之。偷兒也。棄舟上岸。手捧一匣。背負一橐。望僻靜處而走。索通狂喜。直至北固山脚下。啓匣視之。果玉帶一圍。用黃羅封裹。再啓其羅。見帶上鑲嵌明珠二十四粒。中交環處。乃通天犀角。琢就龍鳳交戲之狀。兩旁護腰。皆于闐玉也。光艷奪目。真希世異寶。匣中更有玉葶金樽。古玩珍奇十餘事。索通德偷兒。惟取一帶。餘盡以贈偷兒。偷兒不受。曰。予橐中尚有貨物。不啻數百金值也。得此足矣。視之。皆金銀器皿。白鐵數十

錠。偷兒喜出望外。曰。得公義氣所激。直入寶藏庫中。席捲一盡。勝某十五年行竊矣。索通笑問。如何得近閣上。偷兒曰。此易與耳。閣中耳目甚衆。俟僧等熟睡。竟從閣上沿屋而下。既得此匣。又見龕前羅列許多寶玩。天與不取。留以供羣禿作無窮受用也耶。索通曰。寺中既失許多寶物。必鳴官緝捕。足下此地固不可留。卽梁上君子之行。亦不可再。某勸足下刻意改行。前愆晚蓋。有此數百金。不愁不作富家翁。將匣中寶玩。盡以贈之。偷兒堅拒不受。索通怒曰。可知賽崑崙是有肝膽男子。仗義救主。故作此事。並不爲貨財起見。爾堅拒不受。毋乃無意改行。而甘心作竊盜乎。偷兒唯唯謝罪。泣曰。某乃京西鮑立家貧落魄。自念生平行竊。并無此膽。今爲公義氣所激。輕身涉險。若履平地。非天實啓之乎。某從此仍歸京西去矣。得此餘生。皆公所賜。又承厚贈。感戴何極。索通甚喜。二人

遂迎江而上。過丹陽。由南京。達湘湖。至黃梅渡口。方始分手。索通再三囑咐。鮑立泣別而去。索通將玉帶用匣皮定。打聽賊兵音耗。時已破蘄水。賊營現在廣濟。索通遂直叩營門。賊兵稟知主將。傳言所掠婦女。盡在應城。有來贖者。自赴應城可也。索通聽言。暗思雲夢去應城不遠。吾不如先赴應城。竟至雲夢賊首賈翀處獻帶。免生枝節。主意已定。直奔雲夢。先稟知廖維新。翁國彤二謀士。隨令入見賈翀。將玉帶呈上。賈翀一見。光豔照人。知是異寶。滿心歡喜。把玩不置。遂問寥翁元二人。價值若干。廖翁齊聲曰。此御賜寶帶。歲閱既久。應值五千貫。賈翀狂喜。遂問索通欲金乎。欲官乎。索通曰。兩俱不欲。願得主母小姐。并大王令勅。得保鄉里足矣。賈翀曰。汝主母小姐爲誰。索通曰。主母梁氏。小姐鄭玉奴。現在應城。賈翀卽付令勅。命廖維新引至應城。查出梁氏玉奴。付與索通。再賜



銀五百兩。以賞獻帶之勞。不日面南稱尊。佳兆在此一帶矣。索通謝恩而出。同廖維新至應城。有劉環將冊籍呈上。查命婦籍。果有梁氏。應贖五百金。宦女籍。果有鄭玉奴。應贖千金。廖維新笑曰。汝獻帶贖主。允稱義僕。但價值過半。倘有姻戚。准更贖數人去。時玉奴有同伴二女子。皆潛江人。逐日與玉奴寸步不離。甚是相得。聞玉奴贖去。悲悼不勝。夫人不忍。命索通一同贖去。二女子得離虎穴。皆索通之力也。索通拜謝廖維新。領四人而出。自知京山不可復居。雇車馬。直過江右。望九江而去。

第四十四回 周處臺馬陵伏妖

潛江二女子。長鸞英。次鳳英。姓許氏。有殊色。父母俱逝。兄嫂猶存。遭亂相失。陷賊中。與玉奴親若姊妹。得索通共夫人贖出。同至江右彭澤縣。小姑山北。買山築室。爲避亂之計。內有夫人作主。外有

至彭澤。爲母子會合。而眞夢蘭所主之龐老名洪者。上元素封也。有二子。延師課讀。夢蘭主僕。正無家可奔。遂托足任爲西席。所居園亭幽寂。花木叢茂。夢蘭安心住下。惟思念母妹。與馬陵太息而已。住月餘。忽有一女子。眉目如畫。月夜就之。聞漏聲則來。及曉鐘乃去。每去。夢蘭啓扉而送。復掩扉而寢。龐氏二子。臥榻前。月餘。夢蘭恐其覺。以微言試探。而毫不省。馬陵獨臥一室。更不知就裏。會一日龐老留他客同宿齋中。女子先一夕告曰。暮有客至。妾不能來。當遣人迎子。夢蘭至是稍疑之。是夜三更後。果有兩人。自牕紙中入。皆衣青衣。貌極醜惡。夢蘭不欲行。不覺被其扶掖出門。行如駛。至元武湖。躡浪而渡。夢蘭大恐。然毫不沾濡。無異蜻蜓之點水。旣入門。則甲第連雲。儼王侯家。女子貌益莊雅。服飾愈麗。迎夢蘭於中門。慰勞甚懽。席間綺繡錯陳。金玉羅列。酒酣。攜手入臥內。至

其陳設之璀璨。尤人所未見。帳前懸明珠十二顆。間有大於雞卵者。雙金鴛鴦口吐香烟。環繞衣袂間。香不添而烟不減。夢蘭至此時。目蕩神搖。不知置身何地。榻前復設小酌。女子橫玉琴。彈之。捧紅玉卮。滿斟香醪。自飲其半。以半進夢蘭。將就寢。隔帷簫聲嗚嗚然。夢蘭揭帷。忽見一女子。年十四五。恣態更妍。不覺得隴望。蜀不能自持。前女子急牽其袖曰。小妹學簫。羞見生客。無煩竊看。遂寢。女子攬被覆之。被如輕烟。若不知有被者。以手捫之。惟輕溫貼體而已。雞鳴。復呼二醜人送歸。還至湖邊。醜人推之入水。大驚。狂呼而寤。客與二弟子俱問先生。適夢魔耶。夢蘭唯唯。而窗外鬼聲啾啾。聞之始懼。告於馬陵。馬陵視其面目形容。大與前異。遂與偕寢。迨女至。仍懵然與之歡狎。馬陵無力可助。從此日漸尪羸。益懼。告於龐老。龐老使健僕數人守之。仍如故。衆咸以爲淫魔。連請數巫。

俱不能遣。自此夢蘭終日昏昏若夢。病轉增劇。馬陵十分着急。龐老又訪得天慶觀羽士楊真人。善能伏魔降妖。不惜重禮。請羽士來登壇作法。穿戴星冠羽衣。拈香禮拜。卽念淨心神咒。一手執七星降魔劍。一手持五雷訣。步罡踏斗。用天蓬尺在案上。三敲四擊。口中唧唧噥噥。又念金光咒。淨天地神咒。北方眞武蕩魔神咒。念畢。勅符遣將捉邪。龐老以爲此妖定可伏矣。誰知女子卽附在夢蘭身上。至壇前斂衽言曰。奴與鄭公子有夙緣。乃五百年前結好。何勞念咒書符。楊真人見此光景。老大作慌。急將法劍在案上一擊。揚聲喝曰。都天大雷公。霹靂震虛空。神兵千萬上。來降此壇中。敢有逆令者。雷部定不容。吾奉太上老君。急急如律令。勅念畢。隨又燒符。召請龐劉苟畢。鄧辛張陶。馬趙溫關。十二天君。速來降妖。女子在壇前。不覺撫掌大笑曰。楊真人。汝滿身皆魔。自己心中魔。

尙不能祛。焉能驅人魔也。俺與汝同是一魔。若以魔治魔。豈有此理。說罷。仍轉入書齋去。楊真人滿面羞慚。只得收拾法器而去。龐老無可如何。馬陵守定夢蘭。無可發洩。目中火出。日泣訴於嶽帝廟前。而土偶無靈。夢蘭日憊一日。甚且不肯服藥。馬陵忿然曰。可笑紹虬髯。直爾無能。便束手待斃也。一日龐老謂馬陵曰。汝能往信州一行乎。馬陵曰。何故。龐老曰。信州天師張與才。乃漢道陵天師三十八代元孫。元主封與才爲太素神凝廣道真人。領江南諸路道教。但往還千餘里。汝若不辭辛苦。往求符籙。當必有效。馬陵一心救主。毅然願往。龐老贈以資斧。馬陵次早。即離上元。不分星夜。數日遂達信州。直至貴溪。見山前兩石對峙。如龍臥虎踞。乃道書三十二福地之一。馬陵三次請謁。候至日晡。始入上清宮。見處處俱有神牌。十分嚴肅。少頃。天師出。馬陵參見畢。遂達來意。天師

見白手求符。面有慍色。微曰。此易與耳。汝速至茅山。可傳吾命。請猶是道人去。馬陵見天師羽葆星冠。執笏秉圭而退。遂不敢停留。又望集慶路奔走。往還半月有餘。始至句容。上茅山。至觀中間。猶是道者。或曰。在山下左側茅庵。種菜而居。馬陵問至山下。果見茅屋數椽。叩門問之內。云。糞田未歸。馬陵暗暗叫苦。良久。果見一擔糞桶者。頭挽雙髻。時已秋末冬初。尙穿麻衣。貌甚猥瑣。馬陵足恭問訊。答言。卽猶是道者。馬陵卽拜懇伏妖。并達天師之意。道士笑曰。天師終年賣符籙。得金錢以千萬計。降伏妖孽。終必煩我擔糞人也。遂命之入。道士放下糞桶。坐謂馬陵曰。汝主所患者。蛇妖耳。非吾符籙。不能制也。建康故城西。舊有周處臺。臺下深穴。藏蛇甚多。自梁及今。魅人不知幾許。吾所持者。乃太乙神符。念汝義氣可嘉。將此符授汝。歸而盡之。無留種類。貽害他人。慎勿負予心也。道

士遂口話指授。馬陵盡得其訣。拜謝而歸。回至西州城南村。則此妖已於三日前屏跡去矣。夢蘭病亦少瘥。逐日痊愈。馬陵深思妖蛇不除。此恨難消。遂偕龐老家健僕十餘人。多備雄黃藥水。種種毒蛇之物。直至周處臺前。往穴中逐一注下。少頃。聞內喘聲如牛。衆人大懼。馬陵命衆少退。自伏劍以俟。不一會。果然穴內刮起一陣冷風。令人毛髮皆豎。竄出一蟒。身如吊桶。眼若金鈴。張開血紅大口。露出雪白齒牙。衆人一見。手足皆軟。退後便倒。馬陵手持神符。惡狠狠奮勇上前。妖蛇一見此符。果然不敢妄動。馬陵見路旁有大石。卽用費長房飛石法。書符於石。石便飛空落下。此蛇粉碎。少時連出二蛇。微遜此蟒。馬陵如法治之。無不立斃。始信擔糞人不欺我也。馬陵呼衆人觀之。已心膽俱碎。遠遠立定。無不吐舌。馬陵候至半晌。俱無蛇出。始率衆歸。龐老得知大喜曰。可笑前此法

師直兒戲耳。馬陵歎曰：豈但各處巫師兒戲，卽龍虎山廣道真人亦裝腔做勢，圖騙金錢耳。向非遇擔糞人，此妖烏能伏哉。龐老亦笑曰：今後遇賣菜傭，慎勿以爲不足齒之儉也。彼裝模做樣者，直黔驢之技耳。馬陵主僕深感，猶是道者不置。夢蘭病已全愈，辭別龐老欲行。龐老不敢強留，命二子拜謝，厚贈之。主僕遂渡采石磯，由太平蕪湖，以達池州，欲從安慶，還江右九江，而回京湖。一日至東流縣黃花驛，偶遇一人問曰：公子幾時至此。夢蘭愕然，不識爲誰。其人又曰：某昨自小姑北山來，公子猶在家中，何迅速如此。夢蘭益發不省。馬陵心知其誤，因私問曰：汝所問者爲誰。其人曰：鄭公子夢蘭，京山人也。家一母一妹，二女子，一老僕索通，如何不是馬陵大驚。因問家在何處。其人曰：此去百餘里。彭澤縣小姑山下是也。住此已數月矣。馬陵狐疑不定，催促夢蘭速過彭澤縣小姑

北山訪之。主僕兼程而進。三日遂抵小姑。訪至北山下。只見索通一見馬陵。便大罵無義。棄主而逃。馬陵見不是頭。心內火起。揮拳便欲相打。索通忽又見一夢蘭相隨。大驚不止。聲聲叫鬼。夢蘭喝曰。索通不得無禮。索通忙上前叩見畢。急先奔回家中。則家內先來之夢蘭。已不知去向矣。連呼怪事。夫人問之。則云。又一小主至矣。先來小主。如何不見。夫人叱之曰。老奴何昏憤至此。明明公子散步而回。何得家中一公子。門外又來一公子。寧公子有身外身法耶。索通一手指定曰。馬陵來矣。只見夢蘭與馬陵徐步而入。夢蘭叩見夫人曰。兒不孝。失散後。不知母妹何所。幾乎骨肉不能聚首。言畢。嗚嗚而泣。又與玉奴兄妹敘禮。夫人十分駭異。細察形音無異。惟面目少覺消瘦。似從病後來者。玉奴在旁大疑。鸞英鳳英。滿面發頰。馬陵亦叩見夫人。泣述夢蘭所遇之事。夫人玉奴益發

驚駭。夢蘭曰。莫非家中亦遇妖耶。諸人疑惑不定。馬陵遂大罵。索通在家。眞實不辨。某因公子遇妖。茅山求符。歷盡辛苦。始回。索通亦罵馬陵狂妄。某贖夫人小姐。曾向金山寺。三次盜寶。始得生還。二人兩不相下。轉是夫人調停曰。兩俱忠心爲主。吾家自當酬勞。時有鸞英鳳英姊妹。俛首一旁。欲言仍止。夢蘭不知二女來歷。倉卒間猶未問及。夫人爲言其故。始亦以兄妹禮見。夫人曰。汝姊妹何言。不妨直說。只見鸞英羞澀滿面。格格不吐。鳳英情知難掩。遂向壁而泣曰。兒等已許身於前日之夢蘭兄矣。索通聽罷。勃然大怒。欲發仍止。夫人心中鶻突。暗問玉奴。玉奴曰。兒每見他言語輕佻。出口嫖嫖。心竊疑之。至今方知非吾兄也。夫人大恚。馬陵曰。此又一妖耶。前公子所遇。尙有巢穴。此則不知逃匿何所矣。鳳英遂向夫人低言曰。前中秋月夜。妖於酒後露出一言。說周處臺下。更

有二妹子。兒急問周處臺何處。彼急掩飾。兒猶以爲男子在外。風月常情。未及深問。馬陵恍然大悟曰。是矣。卽將藥酒命二女服之。二女遂大呼腹痛欲裂。夫人驚慌無措。大罵馬陵。馬陵安慰夫人曰。非此藥不能救二女。至晚各產一小蛇。二人羞忿欲死。夫人再三慰之。馬陵更以藥服之。二女遂愈。馬陵遂問索通曰。公子已歸。吾二犬再至周處臺。斬蛇除害何如。索通欣然願往。稟過夫人。公子遂直往江南。望建康故城不遠。南至周處臺。仍用前法。向穴內探之。無蛇在內。二人遂轉過東府城。聞道路沸沸揚揚。說樂遊苑左近。姚進士有愛女。被妖所魅。百計遣之不去。馬陵問妖形狀。云是偉然丈夫。各處法師。俱莫可如何。索通曰。定在此。二人直叩姚進士門首。稱來伏妖者。姚進士正無法可施。急出迎入。索通急問曰。此妖現在何處。姚進士曰。日在弱息房中。飄飄然白面書生也。

法師一至門首。卽口吐白光。對面不見。不知何妖。索通不信。命馬陵守定外面。大踏步而入。至門首。猶聞嬉笑之聲。聽之。夢蘭也。索通更悄悄步從窗外窺之。則宛然一鄭公子。方與女在榻前。雙陸作戲。索通不管好歹。闖關而入。以鐵搥奮擊之。妖夢蘭一見。索通張口卽噴白光。索通便倒。妖人抽身就走。索通在地。瞑目躍起。復以鐵搥從後擊之。不中。妖人奔出門首。馬陵仗劍阻定。妖人大怒。倏化爲猱獠惡鬼。兩目灼灼有光。手持雙刀。左五右六。且戰且走。索通馬陵如何肯舍。直從樂遊苑。追過東府城。未能拿獲。索通恨此妖入骨。一心欲生擒之。以察其變。看看又過建康故城。已近周處臺矣。馬陵恐其仍入故穴。急畫太乙神符於劍。此符眞妙。用無窮。一時劍忽飛起。不偏不正。恰好從空落下。將妖斬去。仍爲巨蛇。長有數尋。索通大怒。馬陵不應誅之。須生擒以證前事。馬陵亦怒曰。

此妖也。何能生擒。二人忿爭。幸得姚進士家丁十數人。追至。慌忙勸止。姚氏家丁一見巨蟒。無不悚然驚異。索通忿持鐵搥。寸寸斷之。姚進士隨後亦至。邀請二人。轉至家中。馬陵索通不得已。仍回樂遊苑。姚氏莊堂上大設華宴。姚進士親爲把盞。十分殷勤。其女病亦愈。命出拜謝。索通馬陵。酩酊大醉。姚進士厚贈金帛。二人不受。回至小姑山家中。細言其故。夫人玉奴等。心始釋然。夫人遂有意以許氏二女配夢蘭。夢蘭不好出口。因與索通馬陵言之。索通願說二女。馬陵願說夢蘭。夢蘭以爲既定姊妹。豈應聯婚。馬陵曰。此營中權宜之辭。彼自姓許。公子自姓鄭。於兄妹何有。夢蘭終以二女爲妖所污。不懌。馬陵怒曰。二女因在汝家。爲妖所魅。公子獨不爲妖所魅乎。始終皆汝家所誤。彼將誰歸。夢蘭大慚。馬陵正色曰。此皆公子誤之。非二女之過也。夢蘭亦念二女難中。無故爲妖托名。

所誤。我不娶之。更誰爲之偶者。遂允之。馬陵大喜。索通告知二女。鸞英鳳英含羞不語。索通曰。此終身事。旣無父母稟告。須自主持。何必羞澀。鸞英泣曰。姊妹陷於賊營。性命皆恩人所賜。姊妹更有何言。索通怒曰。老奴斷不相強。允不允在汝一言。鳳英曰。夜來夢父說姊妹天緣有定。瀝血人卽結髮人也。當應在來日。恰好今日。恩人說合。非泉下人預示兆乎。兩俱允之。索通甚喜。稟知夫人。夫人安排佳期。不日合卺。從此遂爲一家。

第四十五回

梅參政昭關戰死

元參政梅殷檄調三路進兵。自統大隊出巢湖。渡淮水。望歷陽進發。兵行數日。聞戚璘在六安州弩台。連戰皆捷。恢復霍山兩縣。裴金仙亦到宣城宛溪。惟廣德州一路。尙未探的。梅參政旣得此信。聞宿州無備。竟襲宿州。一鼓下之。有賊將楊洪蔡汜。兵屯懷遠縣。

荆山聞宿州有失。引兵來援。梅參政以大隊蹙之。二將敗死。遂由懷遠。徑長驅而前。中途又敗敵將樊龜王雄李歛之兵。再取虹縣。倍道而進。已抵鳳陽。時僞主淮王。以世子秦楠守鳳陽。張師旦偶過壽春未歸。秦楠不意元兵猝至。又聞沿途軍將皆敗。忿怒不止。率兵出戰。被元師大殺一陣。兵敗入城。梅殷圍之數重。急切不下。淮王秦錫帛聞之。命賈智深同二子緊守壽春。率兵赴援。史獻疇將諫。賈智深視之以目獻疇不語。淮王以耿星星邢士龍等。皆有元兵抵敵。未可調回。惟張師旦方遣赴臨淮。不數日。遂飛檄召之。淮王率精兵直趨鳳陽城下。聲言決戰。鋒銳甚銳。梅參政一面攻打。一面迎敵。秦楠聞乃父引兵親援。亦大開城門。縱兵出戰。內外夾攻。秦楠一馬當先。正遇元將戴摩訶馬騰芳。雙馬攔定。秦楠便與交鋒。二將敗走。秦楠縱馬直追。忽報元兵入城。秦楠猛省。回馬

望見城上。概是元兵旗幟。怒奔城下。箭如飛蝗。人不可近。抽身殺回。方與淮王合兵。混戰一會。殺出重圍。元兵已大獲全勝。復了鳳陽。淮王父子。俱帶重傷。兵退劍山。遇張師旦。從臨淮。引兵來援。方始屯住。張師旦請淮王仍歸壽陽。請世子秦楠移軍定遠縣。以就糧草。自率一軍。卽屯劍山。不日元將王峻。引兵來取定遠。被張師旦戰敗而去。師旦以定遠城小而堅。請秦楠緊緊守定。劍山離城西僅三十里。元將戴摩訶赤里古等兵來幾次。皆被師旦敗去。梅參政大怒。命馬騰芳王峻薛超徐罡四將。用重兵守城。自引輕騎來攻定遠。張師旦以定遠終難抵敵。棄城而走。直奔臨淮。梅參政既得定遠。知張師旦乃淮南驍將。不除終貽後患。故又督兵直追臨淮。張師旦方渡淮水。參政追及。下令曰。今日之戰。有進無退。能獲秦楠賞千金。封萬戶。能取張師旦首級亦賞千金。封統制。不用

命者誅。一時元兵奮勇爭先。濟過東岸。大戰淮水之濱。張師旦畢竟英勇。刺翻元將十餘人。身中數鎗。顧不得秦楠。拍馬便走。秦楠方潰圍而出。被赤里古一搦刺死。張師旦不敢戀戰。引敗殘人馬奪路奔走。逃過歷陽湖。直入和州。梅參政從西路追來。張師旦分兵一半。扎定遏狐城。元兵一至。張師旦以逸待勞。大呼陷陣。元兵少卻。戴摩訶奮勇上前抵敵。張師旦咬牙切齒。將戴摩訶搦死馬下。梅參政見元兵失利。鳴金收軍。退保昭關。相持數日。張師旦聞六安廣德二州元兵俱失利引退。大喜曰。羯奴。吾有以破之矣。不數日。耿星星。邢士龍。俱引兵來會。師旦迎入營中。泣曰。二將軍能助某一戰。世子之仇可復矣。邢耿二將皆願効死力。張師旦曰。某觀參政梅殷知兵而不諳陣法。請二將軍誘敵。吾用混元一氣陣破之。二將許諾。次日邢士龍直叩昭關討戰。梅參政命赤里古出

馬不數合。邢士龍敗走。梅參政在關上。看得分明。見賊軍隊伍不整。終是烏合。亦慮赤里古疎虞有失。自率大軍。從後掩殺策應。命楊暹魏鏞。各引一支伏兵。以備不虞。梅參政追不數里。又遇耿星星截殺一陣。皆敗去。不以為意。忽賊兵散者復合。邢士龍耿星星二將。又勒馬殺回。大呼曰。梅參政何不納降。梅殷大怒。督衆將力戰。邢士龍手起刀落。赤里古死於非命。參政忿怒不已。援桴擊鼓。楊暹魏鏞兩翼伏兵殺出。邢士龍耿星星分頭迎敵。忽連珠礮響。張師旦引一支生力軍馬殺來。列成一陣。勢若八卦。形如六花。團團圍住。梅參政定睛看時。見霧籠烟迷。天昏地黯。并無門戶。方向始大驚曰。吾生平不喜陣圖。嫌爲死法。今爲賊將所算。麾下將士。有能識此陣者。方可殺出。不然。吾命休矣。將士攻殺一會。楊暹魏鏞。俱已落馬。部下死亡過半。梅殷仰天嘆曰。吾三入樞密。位極人

臣。又從太傅伯顏。身經數百戰。一旦落於賊將之手。有何面目於人世乎。乃北向泣謝曰。臣辱國喪師。不能平賊。有負知遇之恩。願陛下速遣兵將。以救淮南百姓。臣死且不朽。言訖。拔劍自刎。元兵死者降者。不計其數。餘皆逃回鳳陽。張師旦三將合兵。來奪鳳陽。馬騰芳等。不能抵敵。聞參政陣亡。心膽俱裂。棄城而遁。三將又復取鳳陽。報入壽春。淮王秦錫昂。此時因痛惜其子秦楠。死於淮水。亦不行賞。惟令邢士龍張師旦二將。鎮守鳳陽。耿星星仍領本部兵。守廣德州而去。

第四十六回

賈平章壽陽篡位

淮王秦錫昂。自鳳陽敗歸後。猜忌日甚。淮水之戰。又以張師旦不力戰保護。致隕世子。痛恨諸將。欲行誅殺。一日與左相賈深議曰。張師旦雖智勇足備。而強悍暴戾。終難駕馭。孤欲因事除之。免

生他日之患。卿以爲何如。賈智深曰。此無難事。鳳陽之復。大王尙未行賞。以犒功爲名。賺入壽陽。誣以怨望殺之。不然。一生他變。恐諸將非其敵也。淮王深然其策。旣又以耿星星在廣德逗遛。不速赴援致敗。亦欲逮之。賈智深曰。一箭雙鵰。大王此舉甚善。淮王大喜。議妥。卽差官往鳳陽廣德去訖。不知賈左相久蓄不臣。淮王之猜忌日甚。左相之覬覦亦日深。此謀一定。智深卽遣心腹。通知二將。以淮王近日妒賢忌能。謀殺功臣。已定某日。飲至策勳。實賺殺二公之謀云云。二將自恢復鳳陽後。見不行封賞。未免缺望。又聞此信。益不自安。張師旦乃以言挑邢士龍曰。淮王爲人殘刻少恩。將軍由六安州直趨歷陽。血戰千里。毫無封賞。將來若臨行陣。誰肯用命。邢士龍曰。淮王之不行賞者。以喪世子。失鳳陽故也。鳳陽若不恢復。則吾與公罪且不免。將功折罪。亦云幸矣。尙得隴望蜀。

哉。張師旦曰。鳳陽之失。世子失之。獨無應得之罪乎。我等復故城於既失之後。元大將死者。不下數十員。殺其參政。覆其全軍。卽鐵券分封。恐不爲過。吾與公等疆場血戰。所望者祇此耳。今懋典竟安在耶。邢士龍曰。不然。凡爲人臣者。盡心爲國。與君分憂而已。至疆場爭戰。皆爲將者分所應當。卽有功不賞。亦靜以待命而已。其他非所知也。張師旦見說他不動。暗遣人至廣德州。耿星星處約會。耿星星回書。密言淮王不仁。不如推戴賈丞相。共圖霸業。約於某日。會合壽陽。議圖大事。張師旦正合心意。暗暗準備。不日差官至鳳陽。命邢士龍一人鎮守。張師旦卽隨差官。同入壽陽。時賈智深已密布心腹。不時打聽。聞張師旦耿星星至。卽邀入府中。直至密室。則韓某先已在內。更有參政莫綏猷。左丞楊城。院判王芝仙。鈐轄耿青。府丞蔡傳。荆章坦等。惟右相史獻疇。連邀數次不至。時

座中莫綏猷曰。淮王近日荒酗猜疑。在廷諸臣。人人危懼。又復謀殺有功文武解體。元兵一至。壽陽何以當之。今賈相豁達有度。功德日隆。我等曷不共相翊戴。正位稱尊。徐圖大舉。諸君以爲何如。衆人皆言如命。蔡傳荆曰。舉大事者。須得人心。今我等無不願推右相。機會誠不可失。耿星星曰。史獻疇不至。恐泄機密。不如令人刼之。張師旦曰。史獻疇一人。焉能成事。但邢士龍尙擁重兵。守鳳陽。係淮王起義之人。若不防備。內寧必有外憂。韓某曰。且請右相一同商議。少頃賈智深至。諸人備言衆口一辭。力相保戴。惟史獻疇邢士龍二人。一在內。一在外。未免稍掣肘耳。賈智深故爲推遜曰。智深有何功德。焉敢當此。衆皆曰。人心所屬。此天與也。天與不取。必有大咎。賈智深曰。史獻疇爲人。隱忍少決斷。不足慮也。邢士龍遠在鳳陽。何能便至。卽至而主客相形。一戰可以成擒。淮王近

日日在醉鄉。已與智深定計於千秋節。設宴含章殿。就席前執張耿二將軍。以擲盃爲號。今日之舉。卽可將機就計。韓某以鐵甲兵一千。阻塞朝門。耿青率壯士五百。埋伏殿角左廂。一聞鐘聲。卽入宮捕秦氏。無少長皆殺之。淮王業有令旨。命智深畫計。謀殺二將。兵入禁門。必不疑也。餘皆依計而行。賈智深更有心腹健將二人。一名項嗣昌。一名閻飛熊。俱力敵萬夫。智深命隨侍左右。臨機應變。是日淮王陞殿。文武拜舞畢。淮王宣言。鳳陽疊次陷沒。失而復得。隨征將士。幾經血戰。厥功殊偉。孤欲倣古人飲至策勛之典。便殿設宴。君臣同樂。文武諸人當爲張耿二卿把盞。羣臣舉手稱慶。少時供俸官陳設方物。水陸珍錯。無不畢集。淮王命依次列坐。鼓樂交作。淮王一心以賈相爲之計。晝停妥。頻以目視之。賈相亦暗相照會。酒過三爵。淮王舉杯。方欲擲下。忽賈智深將金鐘連撞數

聲見殿角下無數甲士頓起。耿青仗劍直奔淮王。張師且耿星星隨後。秦杞秦梓情知有變。掣劍上前。望智深便砍。早被項嗣昌閤飛熊奪劍殺之。淮王下殿欲走。耿青一把扭住。張師且按劍厲聲言曰。淮王殘刻不仁。素無君德。我等共推左相爲主。有不從者。先試吾劍。文武嚇得面如土色。莫綏猷蔡傳荆等皆曰。惟將軍命。衆官無可奈何。皆曰。諾。惟史獻疇就席前舉起玉卮。望賈智深迎面便擊。大罵篡國逆賊。言未畢。被耿星星拔劍斬之。淮王秦錫帛瞑目大罵賈智深。孤自金山起義以來。何負於汝。身爲篡逆。禍不旋踵。天道好還。孤生不能啖汝之肉。死必褫汝之魂。一時罵不絕口。有耿青回顧賈智深曰。殺之乎。生之乎。智深曰。速殺之。爲南宋人吐氣。耿青麾動甲士。淮王及侍從內豎數十人。皆死於刀劍之下。耿青率兵直入後宮。不分良賤數百口。誅戮殆盡。賈智深乃命約

定前後軍士。打掃宮殿。莫綏猷等。始率衆官。請賈智深陞殿受賀。更稱爲壽陽王。妻韓氏爲妃。長子熙爲世子。次子尙幼。莫綏猷韓某爲左右相。蔡傳荆爲參政。張師旦耿星星爲左右都督。閻飛熊項嗣昌爲龍虎二將。耿青爲指揮使。楊城章坦王芝仙汪維彥等。俱任樞要。內外文武。俱加陞賞。傳諭各處將士。緊守要害。消息傳至鳳陽。邢士龍聞之。勃然大怒曰。智深與某等起義。共立淮王。今逆賊弒君篡國。不共戴天。誓必殺之。爲淮王復仇。遂傾鳳陽之兵。直抵壽州而來。中途早有張師旦耿星星。二將引兵來迎。邢士龍一見二將。愈加忿怒。瞋目大罵曰。二賊黨惡弒君。有何面目。更立人世。二將在馬上欠身施禮曰。將軍但知其一。不知其二。淮王殘酷不仁。自取滅亡。我等所以更立壽陽王者。防元兵若至。爲將軍守昔日血戰開基之業也。邢士龍怒發如雷。任你花言巧語。如何

肯聽。揮刀便砍。二將用鎗尖抵住曰。我等念疆場共事。故婉言勸之。公一味執迷。我等寧懼汝耶。邢士龍復手一刀。二將不隄防。虎口震破。鮮血迸流。一齊大怒。雙鎗並舉。邢士龍毫無懼怯。大戰五十餘合。漸次力乏。遂走。二將亦不追襲。收兵回營。邢士龍打點精神。次日力戰。當日困倦。被二將劫寨。所將之兵亦多二將擲下。降去大半。邢士龍欲戰。二將閉營不出。一連數日。忽報鳳陽已被耿星星奪去。家口俱陷。邢士龍大驚。只見張師且耿星星耀武揚威。列陣討戰。邢士龍揮刀而出。二將笑曰。將軍家口已接入壽陽去矣。曷自苦乃爾。邢士龍不聽。二將又接戰一時。不數合敗走。邢士龍不捨。驟馬趕來。忽踢踏一聲。連人帶馬跌入坎塹中。兩旁伏兵用撈鈎抓起二將回馬招降其衆。將邢士龍簇擁直入壽春。押赴府中。壽陽王賈智深一見。忙下階親解其縛。邢士龍大罵弑君之

賊。淮王何負於汝。而汝反耶。可恨。士龍手無寸鐵。不能剗心抉目。爲淮王招魂設祭耳。壽陽王笑曰。將軍與智深。乃同事起義之人。淮王猜忌日甚。謀殺勳舊。爲衆所迫至此。非智深本心也。將軍爲淮王復仇。力已盡矣。將軍家口業已安處無恙。將軍何不輔助智深。共圖王霸之業。必區區以淮王爲念乎。士龍罵益厲曰。與賊共事。狗彘不如。忽奮手奪過衛士佩刀。望智深擲去。智深急閃。插入殿庭石柱上。入有寸許。火星直迸。龍虎二將。忙將士龍。依舊縛定。智深知不肯降。命推出斬之。邢士龍至死。罵不絕口。賈智深憐而葬之。卹其家。

第四十七回 鳳凰臺大開武選

元世祖二十八年。上都太原等處大饑。平陽地震。世祖御殿。各處奏知。下令賑恤。右丞何榮祖奏曰。淮南自耶律淵陣亡後。行省參

政梅殷相繼戰死。壽陽不能討平。陛下須詔文武會議討賊一事。世祖卽宣右丞相完澤。問以平賊方略。完澤奏曰。壽陽各郡賊盤踞已久。區區徵調人馬無多。京師宿多物故者。精兵亦少。不如卽命集慶路安撫自行招募。伺便圖之。一舉兩得。世祖允奏。卽傳此詔。達至建康。時行省安撫乃宣徽北院使塔思不花。一接此旨。卽大閱士卒。武備一新。與僚佐商議。再行設法招募。以充行伍。有廣陵府統制鞠弋仲曰。召募之法。前梅參政已於淮南行之。安撫欲選武略。何不竟設武科。俾天下英雄。盡赴建康。選取。安撫親行典試。拔其尤者。練成一隊。爲常勝軍。餘則分列各部。至選將之道。則以萬人敵者爲上將。次者副之。又次者爲裨將。大選十八日。命自相角勝。則技藝盡矣。塔思不花喜曰。不拘資格。不限貴賤。而以能者爲尊。大選十八日。十萬師不難聚也。壽陽聞之。亦足以奪其氣。

矣。淮安兵馬使臧凱進曰。安撫旣開武選。須高設一臺。臺上陳設詔命。誥勅獎賞等項。臺下角藝。勝者陞臺受賞。填寫誥身。補作某官某秩。至考取之法。首韜略。次弓矢。雜藝。次強大有力。一材一技。皆分別錄用。更宜設一典試都監。須足智多謀。勇冠三軍。方可當之。塔思不花撫掌稱善曰。都監之設。凡應選者。須與比試。有能勝過都監者。方得上臺受賞任職。否則仍歸卒伍。如此。不惟選舉不濫。亦足爲朝廷生色。卽有松江統制裴金仙。京口都督彭悅。齊聲曰。典試都監之任。非鎮海將軍戚璘不可。時戚璘亦在座中。安撫欠身揖之。戚璘起立曰。安撫爲平賊起見。大開武選。璘不才。願以郭隗自任。安撫塔思不花大喜。卽傳令出榜。曉諭遠近。限以三月內。齊集建康應選。一面擇地建臺。府尹周岐政曰。建康乃文獻之邦。遍是名勝。然無過城西鳳凰臺。卽今之保寧寺也。宋元嘉中以

鳳凰曾降此山。故建臺。唐宋以來。名人多有題詠。李白所謂三山半落青天外。二水中分白鷺洲是也。昔南朝陳將吳明徹亦在此山。練兵伐魏。安撫卽就此處建臺。揆文奮武。亦有聲有色矣。塔思不花從之。卽委官吏預爲應供。凡選場應用器物等項。無不兼備。惟候英雄畢集。登臺閱武。此信一出。遠近無不周知。時登州府萊陽縣高麗村有一人。覆姓勾龍。名闢海。力能扛鼎。稍涉書史。不事生產。落拓有大志。一聞此令。不覺技癢。數千里赴選。一至建康。見人山人海。凡一技一長者。無不來歸。以求錄用。不數日。安撫使見期限已逾。應選者亦已畢集。訂期於四月初六日起。至廿四日止。先期射策。以衡武畧。次則角藝。以校武力。又與文武將校等擬就各款條例二十則。張掛臺下。若能中選。依次擢用。衆人至初六日。皆紛紛攘攘。爭往獻策。安撫與僚佐等。逐一閱畢。大驚曰。似此選

舉。焉能拔十得五也。就中熟諳韜略者。不過十數人而已。若分別去取。則珠玉莫辨。若概用收錄。又濫於取材。欲僅錄此十餘人。又恐阻天下應選之意。奈何。都監戚璘進曰。安撫開選。不專用射策。取韜略也。待角藝比武後。則優劣定矣。安撫允之。次日戚都監結束停當。令臺下校射。能於百步外箭中紅心者。上賞。戚都監下令畢。卽下臺。縱馬連發三矢。俱中紅心。只見臺左湧出一少年壯士。自稱南陽史忠。都監之射。不足爲奇。亦縱馬連發三矢。不上不下。不左不右。皆一貫出之。戚璘贊聲未已。臺西又出一碧眼紫髯者。大呼淮北馬昌。連放二矢。而於末後一箭。反背射之。亦中紅心。史忠驚訝。馬昌面有德色。忽臺東湧出一人。面如重棗。大呼鉅鹿人韓雙。待某射來。控馬上前。三矢更反背而發。俱一貫出之。臺上安撫暗暗喝采。命從官注記分明。一時爭奇賽勝。射無休息。校射

三日畢。更演鎗法。及各般武藝。亦是都監戚璘。首先出馬。大呼應選者。能與某力戰三百合否。一時應聲而出者不數合。俱被戚都監戰敗。末後有遼西耶律霸者。挺鎗上前。大戰五十餘合。戚都監力乏。方欲退下。不隄防。耶律霸暗掣銅鞭在手。喝聲着中。戚璘負痛而走。戚璘弟戚璠。在臺上大怒。縱馬下臺。耶律霸接住。又戰三十餘合。戚璠抵敵不住。右臂業已被創。鮮血迸流。帶傷而逃。有壽陽將閻飛熊。暗在隊中。看定二人皆敗。勒馬殺出。不數合。耶律霸量不能敵。虛掩一槍便走。隨有韓雙手挽雙刀而出。力戰二十餘合。見力不能勝。遂暗發紫金標。思以中之。連發三標。俱被閻飛熊接去。回手一標。韓雙幾乎隊馬。史忠馬昌。雙馬齊奔。不三合。皆敗。又有漢陽賊將白文俊。宋羅曠。在隊中。見閻飛熊戰敗數將。大怒出馬。壽陽項嗣昌。恐傷同伴。急驟馬上前助戰。臺上早有人認識。

四人者。暗暗告知安撫。安撫大驚。急令諸將下臺拏獲。都監臧璘曰。不可。四賊驍勇異常。諸將又全無准備。造次妄動。倘選場一亂。將如之何。不如聽其爭戰。兩虎競勝。必有一傷。塔思不花已驚得六神無主。惟令諸將緊護臺下。不可稍離。只見四人惡戰不已。勾龍闢海暗思。此時可出馬矣。從中殺出。撇開四將。左右敵住。四將暗吃一驚。隨與交鋒。殊不知四將鏖戰半响。業已力乏。不數合。早被勾龍闢海鎗挑。宋羅暉。鏢打項嗣昌。一齊敗下。臺上臧都監大呼。戰勝者登臺填爵受賞。勾龍闢海甚喜。正欲上臺。誰知壽陽張師旦。暗藏臺下。從人叢中覷定臺上。暗發一矢。安撫塔思不花。應弦而倒。臺上下一時大亂。閻飛熊。項嗣昌。欲殺上臺去。有裴金仙。鞠弋仲。臧凱等。忙掣劍阻定。而漢陽賊將。白文俊。宋羅暉。倪鵬兒。汪夜叉。四人偷入建康。思從中取事。亦乘亂殺出。幸有勾龍闢海。

奮勇抵敵。四將。戚都監弟兄。分頭迎敵。有耶律霸。史忠。馬昌。韓雙。應選諸英雄。一時分別不出。惟助戚都監弟兄往來截殺。頃刻間。鳳凰臺下。校場改作戰場。兵民相雜。各難分辨。踐踏死者。不計其數。壽陽賊將耿青。乘亂混入城中。縱火焚倉廩。糧草一空。有集慶村花山賊。莫天夜等。三十六人。亦乘亂劫了寶藏庫而走。及官軍來追時。業已去遠。時變起倉卒。又無號令。東西奔走。處處救應。處處俱不及救應。幸得勾龍闢海。戰退白文俊等四將。又來助裴金仙等。夾攻壽陽三將。當下項嗣昌。爲流矢所中。張師旦。閻飛熊。漸不能支。刺斜殺出便走。裴金仙等。亦不暇追趕。急來保護。安撫。且幸受傷猶輕。拔出箭頭。用藥傅上。簇擁回府。戚都監等。已撲滅了火。迎入府中。衆將齊伏地請罪。疎於防範。安撫使塔思不花。自顧無顏。見衆將佐。無不帶傷。亦未便深究。遂遷怒太府周岐政。不應

以凶地作選場。致生此變。欲行奏免。周太守推說。大開武選。不與文員相涉。若無防範。雖城中難保不生變也。安撫滿面含羞。惟喚集將佐。大加呵斥而已。臺下保護。深德勾龍闢海。耶律霸等之力。且武略邁衆。遂請過誥身。勾龍闢海議陞建康副都統制。耶律霸都指揮使。韓雙馬昌史忠等。俱武功郎。餘皆進秩有差。編入卒伍者。共得三萬餘人。命鞠弋仲臧凱二將。各引二百輕騎。分追壽春。漢陽兩處賊將。務獲戚璠。引二百輕騎。追花山賊。三將引兵。沿途追訪。俱言去遠。不得已齊歸復命。時壽陽張師旦等四人。改換服色逃歸。不久。項嗣昌遂卒。子普略。見淮南不可久居。望南陽而去。漢陽白文駿等。雖偷入建康。大鬧選場。而汪夜叉。宋羅喉。俱身受重傷。回歸臥病不起。就中惟花山賊。席捲財寶。滿載而去。

第四十八回

鴛鴦絹巧判良緣

新城九龍潭。有沈生名菁華者。親沒家貧。下帷苦讀。爲邑諸生。端謹自持。其鄰崔鉉家亦中產。有兩男一女。其女以中秋月夜而生。故名蟾蜍。貌美。且嫺閎訓。已占鳳於本鄉。魏儀之子魏夙。魏儀曾判池州。致仕在家。富甲一邑。雖與崔氏聯姻。而嫌其非閎閎子。魏夙亦傲睨驕恣。每悻悻自言曰。魏公子豈崔氏嬌客哉。沈生亦與魏夙相善。魏夙爲此言。沈生每規勸之。魏夙不以爲然。適里中有嚴從典者。亦富翁也。聞沈生家貧苦讀。遂以女妻之。沈生一日出門。偶於路旁拾得鵝黃輕絹香羅一幅。上繡芙蓉一枝。鴛鴦雙棲於上。刺理精妙。巧奪天工。沈生把玩不已。回齋中置之案頭。一日魏夙過訪。一見卽突然問曰。兄何來此物。沈生以拾得者漫應之。魏夙觀玩一會。忽然色變。少頃。又滿面堆笑曰。兄好造化。拾得此美人物也。兄必有別情。休瞞知己。沈生素謹樸。一聞此言。不覺面

赤無言可對。魏夙益發心疑。遂乞此絹。沈生未可。再三相懇。沈生拒之益堅。魏夙又含笑曰。家婦雛年學女紅。欲假此作刺譜摹繡。不日當原璧歸趙也。沈生許之。日復一日。不見退還。欲往追索。未免不雅。一日友人相召作賞花飲。沈生方欲出門。忽有公幹持朱票者數人至。不由分說。簇擁沈生而去。直至縣中。始知爲魏夙所告。沈生如聞青天霹靂。吃驚不小。且看縣令作何區處。原來魏夙亦有一絹。乃與崔氏聯姻時。崔鉉所贈。云爲蟾蜍手出者。又見沈生亦有此絹。如何不惱。歸家兩相比較。針工線理。一毫不差。且長短廣狹。乃一幅香羅。裁爲兩段者。眼見係出一手。當下說與乃父。魏儀尚在疑信之間。其母重將兩絹比對。毫釐不爽。乃曰。係一人手出無疑。沈生與比鄰而居。非贈沈生而何。魏儀不覺大怒曰。何物市儈。玷我清門。但沈氏寒酸子。如此欺我。誓不容之。令人先絕。

崔氏之婚。次控沈生在案。蓋卽以陷沈生者。絕崔氏也。崔鉉一聞退婚之言。忿怒不已。欲與控訴。情知石卵不敵。暗思蟾蜍素守姆訓。且蓬門桑戶。左右咫尺。容有別情。遂與妻喚出蟾蜍。問之。坐索此幅綉絹。蟾蜍一時倉卒。左箱右籠。尋覓殆遍。乃用汗衫一領。包裹在內者。兩俱不見。崔鉉又聞有汗衣一領。情景逼真。勃然大怒。拳足交加。妻亦辱罵不已。蟾蜍此時。有口難辨。自顧已靦顏人世。至宵分。乃泣下歎曰。紅顏薄命。信不誣也。作詩一首。遂投繯自縊。詩曰。

精衛啣山不計年。冤沉海底奈何天。而今化作香魂去。不綉鴛鴦綉杜鵑。

次日崔鉉夫婦啓門。業已呼喚不醒。懊悔無及。慟哭一場。備棺入殮。成喪出殯。崔鉉將詩辭玩味。明明齎恨而死。慟心飲泣。深恨魏

儀無狀。斷送蟾蜍一命。聞已控沈生在案。亦入縣中。控訴魏夙憎貧誣奸。逼休隕命。以詩詞爲證。且說新城莫縣宰。將魏夙所控各節質訊。因見沈善華。恂恂書生。言辭樸訥。非儂薄子弟。綉絹未必卽苟合之謀。沈生口中。亦毫無分辨。惟言路旁拾得者。莫縣宰暗思。必女子另贈他人。失落於此。沈生得之。適中魏夙之忌。而魏夙以捕風捉影一詞。遽絕婚姻。人倫風化。豈可造次。此案須提崔女澈底根究。方得水清石見。恰好崔鉉亦至。將控魏夙狀子。附詩詞呈上。莫縣令觀畢。訝曰。崔女業已死乎。然羞憤而死。其中不無私情。綉絹之贈。根株其在此乎。雖詩詞有抱怨聲口。女殆薄有才名。故用是自掩耳。時莫縣宰心中。有徇情魏鄉宦之意。又以沈生崔女。又屬比鄰。一有才。一有貌。鍼鋒相湊。愈想愈真。沈善華遂覆盆難釋矣。當下翻轉面皮。復問沈生曰。汝等文士。每恃才華。筆墨勾

挑。何所不至。業已污人名節。斷送人命。綉絹之來。夫豈無因。沈生一時倉皇失措。惟指天誓日。自明心意。莫縣令大怒。喝教行刑。將三木套上。沈生冤填胸臆。搶地呼天。熬住痛楚。抵死不招。魏夙心中暗喜。崔鉉老不服。抗聲言曰。小民甘貧守素。桑戶咫尺。時有防閑。私情從何說起。求賢父母高懸秦鏡。照澈魏夙肝膽。則民女污名湔雪。賢父母實生死人而肉白骨矣。縣令責之曰。家訓不嚴。致生風波。綉絹自在女家。閨閣之物。何至落於人乎。汝癡夢未醒耳。尙言爲女招雪也耶。崔鉉含淚。力辨綉絹之誣。非蟾蜍所出。且描鸞刺鳳。誰家閨閣無之。安見綉絹。獨爲崔氏之物。而誣以不潔之名乎。民女實爲屈死。縣令未及回答。魏夙卽插口咬定。以綉絹明贈沈生。何得謂誣。迨羞忿而死。奸情畢露。沈生與崔鉉。同口一詞。事益可見。且天下有如此同形相似之物。而謂出於二人之手。

乎。崔鉉大怒曰。恃汝門戶。嫌我寒微。累有悔親之說。汝將綉絹。作成圈套。絕婚是實。今逼出人命。魏夙應宜抵償。莫縣令見崔鉉。抵賴支吾。大怒。笞之二十。令衆逐出。乃曰。魏夙業已絕婚。不必饒舌。亦磨之令去。再將沈生撈起。拷問一遍。沈善華以孱弱書生。熬授不過。登時暈絕。胥役等以水沃之。少頃復甦。仍然不招。莫縣令命且繫獄。而富翁嚴從典。一聞此事。始知沈生無行。亦入縣中逼沈生退婚。沈生身陷囹圄。不敢不從。魏儀聞之喜曰。沈氏寒酸子。吾有以報之矣。卽託人與嚴富戶聯姻。委禽。嚴從典欣然便允。魏儀不日。遂與子成婚。彩輿花燭。旌旗鼓吹。喧闐輝煌。炫耀鄉里。沈生在獄聞之。吞聲飲泣而已。魏夙合卺後。誰知嚴氏女。乃聾耳印鼻。齟唇歷齒者。卽通用珠圍翠障。抹巾掩袖。強作媚態。益增其陋。魏儀父子。懊恨無及。然門戶相當。亦隱忍聽之而已。且說蟾蜍益絕。

墜地時。卻未嘗身死。奄奄一息。崔鉉夫婦悲憤中。草草殮畢。昇棺即殯。殊近處有偷兒數人。以爲崔老葬女。棺內豈無金銀簪珥。次夜即乘月色朦朧。遂發其棺。甫撬開棺蓋。正待伸手入棺。去頭上掇取首飾。詎料蟾蜍在棺內。忽長嘆一聲。偷兒數人聞之。以爲死鬼尸變。嚇得魂不附體。回頭便走。一步一跌。耳內但聞窸窣聲響。從後趕來。益覺心慌。數人你顛我仆。狼狽奔竄四五里。回頭看時。並無鬼影。低頭審視。原來足上帶着一根草索。繫定荆棘。愈奔愈響。遂不覺疑心。思暗鬼偷兒逃去。蟾蜍甦醒。覺得身如束縛。不能轉動。少頃星眼微瞬。惟看殘月在樹。疎星幾點。荒蕪滿目。古木參天。見自己身在棺內。方知已死復生。掙扎而起。渴極思飲。翹首見柏葉上。露液晶瑩。乃以掌掬之。吸入口中。雞鳴後。不覺精神開爽。心目了然。天明見幼弟偶至墓前。一見輒大驚小怪。抽身便走。蟾

蟾呼之而已無及。少頃。崔鉉夫婦。舉家齊至墓所。見其復生。喜出望外。急命人攙扶昇之歸。進以湯藥。安定魂魄。母夫人微微喚之。蟾睖然答曰。兒含羞。又履人世。魏氏退婚。有此事否。崔鉉曰。豈惟退婚。現搆訟未休。西鄰沈生。亦繫累在獄。案懸未結。蟾睖泣曰。爲我家不白之冤。又株連他人。魏公子薄情。亦至斯耶。母夫人見其悲悼。恐生魂未定。令崔翁勿與之言。安慰一會。仍命人將棺掩好。勿令人知。休養將息。案完結與否。聽之可也。且說當夜掘棺偷兒數人。奔至天明。亡魂喪魄。正遇捕盜馬快。用鐵繩鎖定。牽入縣中。時莫縣令署中。亦被大盜竊其衣物器具等項。席卷欲遁。偶遇閩者夜遺。驚而去。衣物等項。失而復得。遂不以爲意。而莫縣令不知也。按莫縣令一子一媳。同在任所。子名如珩。媳葉氏。夫人樊氏。被盜之次日。葉氏偶過複室中。見一物在地。拾起看時。乃並蒂蓮。

瓣。綉香囊。上繫伽楠香佛手柑。并於闐玉扇墜一個。葉氏隨手攜歸臥室。掛於壁上。是日。樊夫人至葉氏房中。一見綉囊。知是莫公之物。驚問何來。葉氏回言。乃得自複室者。樊夫人素有醋癖。見莫公香囊。乃入葉氏房中。也不多問。候莫公退入私衙。迎着便罵。老無恥。老烏龜。汝綉囊贈與誰人去也。汝常言兒媳賢淑。桑榆有靠。卻作如此勾當。莫縣令一毫不省。見其妻出言醜詆。惱羞成怒。亦大罵潑婦無恥。樊夫人益加忿怒。其罵愈厲。莫縣令激得雙目直瞪。揮動老拳。猶未打去。而樊夫人已手批其頰。連髭鬚拔去一半。臉。上指爪血痕。端然五具。莫縣令咆哮不已。操杖逐之。樊夫人直望外衙走去。婢妾門子。慌忙阻住。挽留入內。幕寮賓客。亦勸止莫公。樊夫人猶且罵且泣。莫公正捶胸頓足。間。忽報兒媳葉氏縊死。莫公驚慌無措。樊夫人罵亦頓止。齊往觀之。命公子如珩。速速呼

喚已氣絕矣。莫公大罵樊氏。造言生事。逼死兒媳。一時忿餓中燒。聲淚俱下。樊夫人此時亦嗚嗚咽咽。哭不成聲。幕友賓客等一一勸開。猶幸葉氏乃莫公原郡所娶。并無親眷相隨。買棺入殮。聲稱中惡身死。不日出殯東郭。莫公慟悼不已。又以面上傷痕。不便理事。託言養疾。乞假一月。莫公日含淚眼。臥牙牀。深恨夫人迭與反目。後始知內衙被竊未果。香囊必失落在複室中者。遂大恨竊賊。立即飭差嚴加緝捕。不拘城近城遠。大偷小偷。鼠賊猾賊。數日後。拏獲約有數十。莫縣令駭然曰。何新城縣盜如此之多也。限滿一月。傷痕亦愈。開門提訊。用重刑拷打。內有二盜。果入府中行竊。而實未得財物者。問何從出入。盜言由署後。踰牆升屋。越閣道直入內室。又由左側回廊。過複室中。出內廚。爲閹人起溺所阻。棄物而遁。又問所竊何物。可一一記憶否。盜言衣物器具。大小數十事。然

強半遺忘矣。又問所竊有香囊扇墜等物否。盜猛省曰。有之。似未出內廚。業已失落。莫縣令暗暗點頭。命用長枷。以鐵釘釘之。餘盜俱加榜掠。監下。狠狠而退。衙役等皆竊議曰。縣公自此。疾賊如仇矣。莫縣令退入私衙。始將綉香囊原委。一一說知。葉氏實係屈死。樊夫人至此。悔之無及。惟日赴葉氏殯宮。啼哭不已。莫縣令當晚在枕上翻來覆去。寢不成寐。猛想前日崔氏蟾蜍之事。沈生繫獄。尙未完案。安知綉絹不與香囊同出一轍。金鷄三唱。卽披衣而起。令傳梆。立提魏夙一案。兩造覆審。一班書吏差役。星飛火急。傳喚各處不及。飯後已催促數四。午後始集。一到便審。始知蟾蜍復生。係盜開箱。驚訝不已。莫縣令也不問兩造。惟拘羣盜拷問。有曾入崔鉉家行竊否。事非偶然。仍是署內行竊。二盜承認。言曾掩入室內。啓其筥。被犬吠一聲。僅得羅帕一幅。汗衫一領。驚逸。羅帕不知。

失落何處。惟盜得汗衫而已。餘皆分毫未動。莫縣令拍案叫苦。只見崔鉉伏跪在旁。不覺狂叫曰。原來如此。莫縣令喝住。二盜復承曰。崔女身死後。我等復往開棺。欲取金銀首飾。遇尸變鬼靈。亡命逃走。爲役所獲。可見天網恢恢。疎而不漏。莫縣令見兩事首尾。俱是此二盜所爲。激得怒髮衝冠。令速杖斃。沈生之冤始白。莫縣令傳至案前。爲去刑具。慰之曰。吾一時不明。幾乎燒琴煮鶴。爾雖在縲絏之中。非其罪也。勉自刻勵。有厚望焉。只見沈生泣訴曰。生繫獄累月。岳家已逼退婚。魏夙又娶我原聘。求大人作主。莫縣令一聞此言。滿面發赤。命將嚴家父女一齊喚至。縣令一見魏夙。怒容滿面。卽責以妄相告訐。離散兩婚。令杖之。魏夙窺見蟾蜍甚美。亦在堂上。卽叩首伏罪。願續前好。與崔氏仍爲翁壻。嚴從典在旁。怒氣勃勃。尙未發言。崔鉉厲聲曰。魏夙乃宦家子。旣不齒於崔宗。豈

有絕而復續之理。嚴從典自知已誤。豈容再誤。惟叩頭謝過。甘伏退婚另嫁之罪。莫縣令此時也不暇與辨罪輕罪重。惟看魏夙傲很猥鄙。與嚴女龐然大足者。允稱配合。回看崔女蟾蜍。明眸皓齒。一種嫣然。與此人物俊雅。瀟灑出塵之沈生。亦天然鸞鳳。遂喚崔鉉沈生近前曰。沈生棄艾獲蘭。蟾蜍逐鷓得鳳。凶者吉之兆。禍者福之基。鴛鴦一絹。殆爲汝等牽繡幙之絲也。汝二人應作翁壻。兩不可違。崔鉉沈生一齊應允。叩首謝恩。言未已。只見鄉宦魏儀。公服上堂請曰。崔女旣白玉無瑕。治下魏某。業經聘過。願續舊好。領歸成婚。莫縣令因此案。左袒魏氏。正在滿腹牢騷。無可發洩。今魏儀又出此謬戾之語。遂讓之曰。兄真以婚媾爲兒戲耶。魏儀艷然作色曰。縣公以魏某無力。竟不能娶崔女耶。崔女卽不歸於魏氏。亦不應配與沈生。魏某亦薄司民社。無此判法。莫縣令勃然大怒。

曰。魏儀以某爲木偶人。不能爲朝廷執法乎。飛簽令將魏夙滿杖後。照加等之律。如法論罪。嚴從典阿富憎貧。亦受譴責。喝左右將魏鄉宦逐出。竟令沈生蟾蜍。當堂成婚。一時鼓樂交作。二人拜謝縣尹。一夫一婦。女貌郎才。天生佳偶。莫縣令公座受拜。始而喜。繼而慍。終復浩歎。且暗暗垂淚。令彩旗鼓吹。送沈生蟾蜍出衙。觀者無不稱羨。莫縣令退至內署。始嘆曰。非葉氏一死。此案不能結也。是皆居官者。不嚴盜賊之故。而亦居官者。誣人名節之報也。可不慎哉。

第四十九回

岳招討計賺長沙

翔龍府涪陵王。命耿進誠在邵武。建都立國。經營土木之事。又分撥諸將。於江右閩廣大興屯田。積儲有餘。都統制岳燕超。已在廣南練兵。養精蓄銳。一日關普靈。引降將二人入見。涪陵王問之。乃

劉遇隆藍天蔚也。涪陵王以用人之際，俱授武議郎，撥入統制營下聽用。二將拜謝入營。會涪陵王拜統制岳燕超爲招討使，調集隨營將士，選精兵十萬，以扈德威爲先鋒，辭別涪陵王及文武等，由廣南望湖湘而進。前隊扈德威、方踰桂嶺，有兵馬使寇復雷由茶陵州亦引兵來會。二將相見甚喜。扈德威問曰：「長沙各處守將何如？」寇復雷曰：「長沙防禦使杜元侃頗有威望，而湘東守將邵倫蒲宏不協人心，可襲取也。」二將卽首先引兵濟湘江，赴衡陽。至煙霞關，有元將撒哩合達阻住。扈德威寇復雷將軍馬列開，勢若長蛇，鼓譟而進，撒哩合達開關迎敵。兩軍合戰，撒哩合達豈是二人之敵，不三合，中鎗身斃。元兵遂敗。宋師乘勢搶關，降其餘衆。大隊繼進，二將直過回鴈峯，遂抵郡城。邵倫登陴固守，蒲宏引兵出戰，扈先鋒督軍卽與對壘。蒲宏鏖戰多時，被德威奮斬之。元軍大敗。

城內接應兵出。方鳴金收軍。次日邵倫死守不出。欲老宋師。二將竟引兵徐退。至三十里屯住。元兵不省。城中閉關數日。漸次少懈。出入樵汲。五日後。宋師復至。將城圍定。邵倫登城。親自巡視。弓弩矢子。迭番施放。二將督兵奮勇攻打。圍至宵分。忽城西有人開關。接宋師入城。邵倫大驚。率兵下城巷戰。兵無鬪志。邵倫被擒。二將遂得衡陽。勸降邵倫所屬州縣。傳檄而定。時岳招討大軍在湘江。既得捷音。命張懷亮。种世虎。馬遇樂三將引兵。徇下湘潭。以開路徑。大隊望長沙進發。經安化縣。有杜元侃部將。陳璣。苗賁。屯兵七星砦。以遏宋兵。招討命岳坤退敵。岳坤以山勢險峻。路徑不熟。初戰。竟爲所敗。招討大怒。立命斬之。衆將苦苦告免。始杖之。仍令破敵。岳坤負罪引兵再戰。陳苗二將。果爲所殺。破其軍。遂過此砦。令人哨探回報。此去長沙沿途俱有兵阻。而杜防禦之兵。屯善化縣。

西北八十里金盤山。長沙城近。共七十二座連珠營。內外戒嚴。招討聞之。卽移兵向善化而進。中途又連遇元將馬挺、張濟、杜勛等之兵。俱爲种世虎敗去。遂抵金盤山。列陣討戰。時馬挺等敗回金盤山。杜防禦怒責之。黜退。令趨護郡城。自率部將迎敵。張懷亮一騎早出。元軍中一將大呼。團練使劉鴻來也。二將交馬不一合。杜防禦令健將白忠從東南角殺來。霍霖從西北角殺來。各引一軍橫衝其陣。詎料宋師壁立不動。杜元侃援桴擊鼓。督將士力戰。混殺一會。招討見兩軍互有損傷。鳴金收軍。當夜宋營中有降將藍天蔚。劉遇隆。請往劫寨。招討不許。曰。杜元侃老成持重。寨豈可劫。待別尋良策破之。張懷亮曰。杜元侃輜重。必由浮邱嶺、益陽等處搬運。招討若停兵數日。某願往截糧道。招討曰。杜元侃駐兵於此。原非持久之計。糧運有限。但截斷浮邱。令伊腹背受敵。亦是一策。

惟不可不慎耳。卽令張懷亮率藍天蔚。劉遇隆。引輕軍一隊。由間道去訖。次日杜防禦引軍索戰。宋兵不出一連數日。杜防禦心疑。卽命劉鴻。率兵往益陽一路哨探。時張懷亮已偷過浮邱。阻住糧道。劉鴻兵至。已遲一日。爲宋師所遏。遂大戰於浮邱嶺上。劉鴻不敵三將。爲藍天蔚所殺。兵皆逃散。報入防禦營中。杜元侃自悔疎虞。大隊仍堅守不動。藍天蔚暫守浮邱嶺。張懷亮劉遇隆二將。率兵遂襲益陽。益陽兵少。守將不支。遂潰。二將安民畢。又往奪寧鄉。杜元侃自知善化難守。遂由金盤山。徐徐引退。衆將皆欲追之。岳招討曰。此兵進退。井井有法。不可追也。令狄勇以一軍拔善化。亦移營而進。時扈先鋒引兵渡青草湖。會合湘陰。張懷亮亦至寧鄉。會同進兵。直抵長沙。距城五十里下寨。杜元侃調集將佐。堅守城垣。迎戰於銀塘浦前。士殊死鬪。宋師少卻。而岳招討壓定陣脚。步

伍不亂。杜防禦亦舉止慎重。立即鳴金收軍。是役也。宋師頗有損傷。元軍將士無不稱慶。杜防禦不以爲喜。惟令將士益加小心。次日宋營中。馬遇樂討戰。元軍健將霍霖出馬。不數合。馬遇樂敗走。霍霖驟馬趕來。狄勇种世虎。兩翼伏兵殺出。元軍大敗。霍霖措手不及。爲馬遇樂所斬。仍來討戰。杜防禦令白忠對壘。馬挺張濟。左右救應。不三合。馬遇樂又敗。白忠不追。令人哨探。號召左右救應。二軍而進。忽鼓聲大震。扈德威一軍突至。大刀闊斧。阻定前路。馬遇樂一軍。反抄出元兵之後。前後掩殺。三將腹背受敵。元兵大敗。扈德威輕舒猿臂。生擒白忠於馬上。擲之於地。衆軍縛定。馬挺正慌。亦被馬遇樂刺死。張濟落荒而走。元兵死者大半。餘皆逃去。宋師大獲全勝。杜元侃大驚。移軍入城。堅閉不出。岳招討且不攻城。卽撥扈先鋒率种世虎劉遇隆等。引兵三千。直犯營陽。先拔江華。

新田等縣。進攻道州。道州都指揮赤丁引瀟水以灌宋師。宋師少創。再戰浯溪口。赤丁大敗。退保祁陽。扈先鋒旣得道州。立攻祁陽。赤丁立脚不住。望營陽而走。扈先鋒進兵營陽。以种劉二將攻城。自引精兵五百。埋伏城西朝陽岩靜候。种世虎劉過隆領兵圍困營陽。東南擊鼓。西北啐殺。砲聲震天。班聲動地。城內驚慌不定。太守嚴公輔朝服望闕再拜。服毒而死。軍民縋城降者甚衆。赤丁阻遏不住。潰圍出走。种劉二將早已撤開西路一隊人馬。赤丁乘勢混戰一會。望城西而逃。甫及朝陽岩。扈德威一軍攔住去路。赤丁交馬不一合。宋軍俱用長繩絆馬。赤丁墜地。一擁縛定。降其餘衆。扈先鋒與二將合兵入城。出榜安民。連夜將赤丁械赴大營。岳招討一見喜曰。吾計成矣。卽喝退左右。親釋其縛。設酒壓驚。赤丁感其意誠。遂降。自言願效死力。赴湯蹈火。在所不辭。招討卽附耳低

言。給衣甲鞍馬。帶領營陽降兵。黃昏逕奔城下。大呼營陽敗兵求援。城上驗之。果係元軍。卽令開門入城。赤丁一見杜防禦。哭訴營陽失陷。太守殉節。求防禦分兵。往復故城。杜防禦細細問以失陷情形。不覺心疑。推言本處且守禦不遑。豈可分兵。令協守城池。退敵後。且議營陽之事。此時宋兵日夜討戰。杜元侃一味堅守不出。欲俟糧盡擊之。宋師攻打。日久怠生。坐臥辱罵。全無隊伍。杜防禦始以爲誘敵之計。愈久愈甚。已忍耐不住。欲遣部將掩殺。又恐疎虞。遂令衆護城。自領一軍突出。宋師不意猝至。人不及甲。馬不及鞍。倉皇遁走。杜元侃望見宋將張懷亮若喪魂魄。飛越逃竄。心中咤異。忽號礮震響。方欲約住衆兵。見左側紅旗招颺。狄勇一軍殺出。右側黑旗飛舞。史進一軍殺出。前有先鋒扈德威一軍攔住。宋師人人奮勇爭先。元兵不敵。杜防禦情知中計。勒馬殺回。只見青

旗對對。拓跋琳將鐵騎列開。握槊便刺。杜元侃無心戀戰。虛掩一鎗。刺斜殺出。望城而走。奔至城下。見弔橋拽起。赤丁獨立城上。大呼曰。吾降宋已多時矣。杜元侃大怒攻城。忽敵樓上刀鎗齊樹。劍戟如林。宋招討岳燕超憑欄坐定。左陳同。右岳坤。招討帶笑言曰。杜防禦力戰辛苦。汝部將吾已擒獲。何不納降。杜元侃怒忿不休。督兵攻打。只一聲梆子響。矢石交下。杜元侃欲退。又見扈德威拓跋琳張懷亮史進狄勇五隊精兵。一齊掩至。大呼曰。有能生擒杜防禦者。封萬戶。賞千金。元兵當者卽死。杜元侃自知不免。仰天大呼曰。元侃竭盡心力。誓不負國。遂拔劍自刎。一時元兵死者無算。餘皆降之。岳招討安輯居民。弔生恤死。拔幽賑困。人心大悅。衆將一一獻功。設宴慶賀。賞賚三軍。令將杜防禦葬於八景臺前。以旌其忠。

第五十回 慕容晃鏖兵武陵

岳招討既撫定長沙。議取建州。武議郎藍天蔚進曰。末將初隸麾下。未建寸功。願取建州。以酬知遇。招討許之。劉遇隆亦願同往。招討甚喜。撥兵一萬與之。二將謝別起程。既過衡永。已非一日。將抵邵陽。聞朱梅嶺有兵控制。劉遇隆先引一軍探之。且說鎮守朱梅嶺者。乃副將靳虎臣。驍勇善戰。昔在安豐路。曾與劉遇隆相識。疆場共事者三次。劉遇隆乃按兵不動。潛修一書。勸虎臣降宋。虎臣大喜。其部下有牙將王秀。累犯軍令。虎臣常責之。王秀得此消息。竟赴建州。太守錢鳳儀處告變。鳳儀遂與都督解公輅商議設宴。命牙將王秀代理軍事。召虎臣議退敵計。就席間擲杯爲號。殺之。虎臣既誅。王秀始至軍中。一至朱梅嶺。軍士不服。鼓譟營中大亂。劉遇隆聞之。疾赴其營。元兵爭砍王秀之頭以獻。蓋虎臣待下素

有恩信故也。劉遇隆撫定餘衆。藍天蔚後軍亦至。喜曰。聞建州僅一靳虎臣。若解公輅。直奴才耳。二將一同進兵。至鹿角岳。解都督引兵阻定。藍天蔚曰。待某破之。解公輅一見宋兵。方指揮軍士。紛紛擾擾。列陣迎敵。藍天蔚趁他行陣未就。卽率兵如潮湧而進。解公輅不能抵敵。棄營奔入城中。守禦各項倉皇未備。宋師接踵而至。滿城軍民無不歎曰。靳統制若在。當不至此。解公輅聞之。始大悔。恨府尹失策。錢鳳儀不肯任過。亦譙讓都督行軍躁率。一文一武忿爭不已。城外炮聲大震。宋師圍城。水泄不通。百姓驚慌無措。藍天蔚劉遇隆圍僅三日。竟將西南攻破一角。宋兵蟻附而上。錢府尹在集瑞堂前解帶自縊。解公輅不敢迎戰。引家將數十騎。望武陵逃去。藍劉二將兵不血刃。遂得建州。其城步新寧等縣無不納降。惟武崗州負固不服。劉遇隆引兵徇之。方始納款。各處撫定。

往返未踰一月。卽告捷於長沙。岳招討大喜曰。吾固知二將必成功也。帳下有台州降將慕容晃。大呼而出曰。建州既定。武陵未收。當令末將建此微功。岳燕超曰。武陵乃荆湖重地。必有能將鎮守。恐汝非其敵。致損吾兵威也。慕容晃大怒曰。如晃取武陵不下。甘當軍令。招討曰。軍中無戲言。慕容晃卽寫下軍令狀。招討撥兵一萬與之。慕容晃大喜而出。有先鋒扈德威進曰。此去武陵必下矣。招討曰。子何以知之。扈先鋒曰。觀其臨行時。意思安閑。必有成算。是以知之。招討亦以爲然。慕容晃領兵。由桃源龍陽二縣。俱無阻隘。竟奔武陵。時常德守將屈突鷗。因解公輅來奔。已掃清境內。以待。一聞宋師入境。領兵者乃台州楊鎮龍故將。大怒曰。鄙夫何敢欺我。卽命偏將王鷲。穆良。引兵一千。離城三十里。崔婆井埋伏。候宋師既過。從後擊之。自統大隊出城。就沈約臺前屯住。果然宋兵

不曾防備。前隊竟爲二將所敗。比及慕容晃知之。已無及矣。慕容晃見少挫其銳。勃然大怒。曰。晃昔在台州。將烏合之衆。尙欲橫行天下。今大宋以堂堂之陣。正正之旗。兵精糧足。晃若不能收復武陵。有何面目見招討乎。催軍直逼沈約臺下寨。立營未定。屈突鷗以逸待勞。出其不意。又敗其軍於武陵城外。慕容晃直激得氣餒騰空。太陽穴火星透上三千丈不止。次日。結束停當。一刀一騎。坐索屈突鷗出戰。屈突鷗怒欲出馬。健將潘孟揚曰。何勞主將臨陣。末將願往敗之。慕容晃見健將出馬。益加忿怒。潘孟揚甫交手。已被慕容晃刀劈馬下。仍然勒馬討戰。屈突鷗怒發如雷。正待出馬。王鷲穆良二將齊出。慕容晃毫無懼怯。大奮神威。不三合。用拖刀計。斬卻穆良。王鷲着慌便走。慕容晃拈弓搭箭。嗖的一矢。王鷲落馬。爲宋兵所獲。屈突鷗在門旗下飛馬來救。已無及矣。屈突鷗氣

滿胸膛。恨不生擒。以與三將復仇。接住慕容晃惡戰五十餘合。不分勝負。慕容晃拍馬便走。屈突鷗不捨。追過木瓜砦。慕容晃手出一鷄。望空飛上。四下伏兵齊起。聲聲大呼。休教走了屈突鷗。元兵圍在垓心。死戰不已。損傷過半。屈突鷗奮勇殺出。已中數創。奔至沈約臺。始得生力兵一支。前來接應入城。慕容晃性急如火。卽督兵攻打。一次圍城。屈突鷗憤焰中燒。次日登城大呼曰。宋將能與某力戰。便將軍馬撤退。否則任汝攻打。守禦有備。不畏汝也。二將一性急。一性燥。慕容晃果然將軍馬撤退五里。仍至沈約臺前扎定。屈突鷗鼓譟而出。揀一平曠所在。列成六甲迷魂陣。大呼宋將打陣。慕容晃定睛一看。見六隊之中。顛倒參差。暗藏六神。不省此陣。未敢造次。亦調七隊精兵。列爲七星斬將陣。敵之。屈突鷗見之。曰。此常陣也。慕容晃呼曰。能入陣否。屈突鷗不以爲意。選精兵千

餘一馬當先。殺入陣中。慕容晃磨動令旗。抽出一軍。以遏外援。頃刻化爲圓陣。又將屈突鷗圍在核心。元兵死戰。無路可出。屈突鷗仔細看時。訝曰。分明七星陣。倏化爲六花陣也。吾一時欺敵。誤入此陣。衝殺一會。卻得建州都督解公輅引兵由西北殺入。接應而出。且戰且走。奔至城中。喘息未定。宋師又至。慕容晃二次圍城。屈突鷗守禦甚嚴。宋兵攻打。卽將灰瓶滾木金汁等項施下。傷人甚衆。慕容晃大怒。量雲梯衝車等物。不能破之。立造尖頂木驢。矢石所不能制者。運以攻城。詎料屈突鷗卽用雉尾炬。拖鐵鏃。灌以油。擲下。木驢盡燒燬。慕容晃架起虹橋。屈突鷗禦以撞竿。慕容晃命穴地道。屈突鷗暫塹以長濠。慕容晃百計攻城。屈突鷗隨方禦之。攻者自勞。守者自逸。旬餘。慕容晃見城不能下。且解圍暫退。兵屯茶陵山。屈突鷗又引兵出城北駐紮以敵之。慕容晃納悶營中。暗

思此城如何可下。左右思維。智勇俱困。是夜。星月交輝。夜半後。忽狂風驟起。大雨傾盆。終夜不止。慕容晃猛省。柳葉湖之水。若得暴漲。可以灌入城中。令人探之。果然水起丈餘。慕容晃大喜。急令軍士沿夜冒雨。用木板塹定。阻其下流。湧入城西。并合玉帶河之水。用灌武陵。果然次日。武陵城外澎湃汪洋。怒湍奔流。滔滔汨汨。不絕於響。城不陷者三版。慕容晃率兵乘筏。鼓譟而來。三次攻城。時屈突鷗已移軍入城。水勢洶湧。無可消瀉。雖有闢門數次。洩出有限。且隨洩隨滿。無力可施。遂深恨宋將。登城認定慕容晃。極力一箭。中在右臂。幾乎墜入水中。得衆軍擁扶。熬定痛楚。拔出箭鏃。忙用藥敷住。慕容晃咆哮大怒曰。城下誓將屈突鷗剛之。時水勢倍漲。高與城齊。元兵捨死。就女牆阻定。力不少懈。宋師見主將受傷。攻打益厲。不一會。城垣坍塌數處。元兵不能制。宋師乘筏直入。屈

突鷓先殺妻子。然後與宋師決一死戰。慕容晃一見。恨入骨髓。令衆軍萬弩齊發。屈突鷓體無完膚。死於亂箭之下。少頃。衆軍擒解公輅至。慕容晃亦命斬之。其餘大小官吏。逃者甚衆。餘者皆降。時宋師以掘開水閘。元兵民死者皆衆。慕容晃始安輯人民。清查倉庫。略定所屬四縣。事事皆定。乃令人往長沙告捷。岳招討大喜。卽令岳鎮史進運牛酒犒兵。并黃金彩緞。先爲慕容晃獎其功。

元史演義卷八

第五十一回 西冷橋樊生遇豔

房縣湘鄉樊東樓。自涪陵祠。得范國昌扈德威等。救二姊歸後。其父樊進士。不久遂卒。母亦病故。二姊出閣。業已身無繫累。因見范韓諸人。落落行徑。亦思作江湖散人。優游山水。待時而動。將家事託老僕樊鴻經理。買舟放於七澤。直至蘇州之太湖上岸。按蘇州太湖。周迴三萬六千頃。與浙省之烏程長興等縣接壤。樊東樓至蘇州。遊遍虎邱吳苑館娃靈巖諸勝。遂過湖州吳興諸處。遊覽一會。由桐鄉達秀水及富陽。訪嚴子陵釣臺。泝流而上。看錢塘江潮。始覽西湖之勝。西湖山景。除却天竺靈鷲石屋烟霞葛嶺孤山而外。有城西十二里靈隱寺。尤爲絕勝覺場。此山周圍十二里。稱爲武林。發脈於新安。從富春至餘杭。蜿蜒五百里。始結脈於兩高峯。

三天竺。每逢春曉雨霽。登山賞七級之浮屠。遠眺羣峯屏列。湖山鏡浮。雲光倒垂。萬象俱俯。畫舫來往。恍若飛鳧。又山之峯。則有烏門。石笋。香爐。獅子。蓮花。飛來諸峯。山之洞。則有呼猿。玉女。龍泓。射旭諸洞。山之澗。則有南澗。北澗。大澗。山之泉。則有月桂。伏犀。永清。倚錫諸泉。最足動人者。尤爲冷泉。山之靜室。則有韜光。白沙。石笋。無着。松偃諸菴。山之閣。則有望海。超然。永安。彌陀。雲來諸閣。俱屬天造地設。甲於天下。湖中勝景。則爲蘇堤春曉。曲院風荷。平湖秋月。斷橋殘雪。兩峯插雲。三潭映月。雷峯夕照。南屏晚鐘。柳浪聞鶯。花港觀魚諸妙。樊東樓尋山問水。應接不暇。四顧爽然。正所謂若到西湖遊一遍。就是凡夫骨也。仙東樓一心玩景。暫寓錢塘。日到湖上。見南山一帶。樹色蒼翠。相連甚遠。且晚輕烟一抹。甚可人意。回看湧金清波二門。一帶城郭立於東。保叔塔。葛仙嶺樓。賞烏石。

北高峯。繞於西北。南高峯。南屏山。鳳凰山。繞於西南。竟將明聖一湖。包裹在內。儼然一面菱花水鏡。而孤山宛在中央。但水闊烟深。可望而不可卽。往還非舟楫不可耳。東樓此時。幾如身入蓬島。人在廣寒。一日偶至瀕湖橋畔。見一墳。題曰。錢塘蘇小小之墓。恍然曰。當年油壁香車。點綴湖山之佳麗者也。乃以瓣香杯酒奠之。吟曰。

香車何處碾芳塵。悵望西冷草似茵。風柳動搖蘇舞袖。露桃開落剩歌唇。行雲岫冷連前夢。織錦詩奇悟後身。識得鮑仁誇俊眼。湖山點綴有佳人。

吟畢。流連不舍。猶嘖嘖稱羨曰。美人好一雙識英雄俊眼。慨然以百金贈鮑刺史。於未遇之先。此鬚眉男子所不能者。豈風塵中物哉。時道旁觀者。無不笑爲癡狂。東樓仍日日遊湖。往來橋畔。玩賞。

茂林芳草。如親佳麗。一日遊覽。漸次夕陽在山。逸興遄飛。見楊柳依依。儼然招我。飛花片片。恍欲留人。信步沿着湖堤。觀玩山光水影。又吟曰。

十分顏色十分才。豈肯風流便永埋。自是西冷橋畔路。也應紅杏出牆來。

沿堤踱來。踱去。不覺少憊。至松杉茂密處。少憩片時。見一女郎。從松杉影裏。披冰綃。曳霧縠。丰姿絕世。冉冉而來。向東樓歛衽曰。妾蘇小小也。六朝至今。絕少知音。感君嘉惠。泉下不忘。特來一晤。君子所謂何處結同心。西冷松柏下也。東樓狂喜。急起揖之。問曰。美人。宋蘇小小耶。抑南齊之蘇小小也。女郎笑曰。妾本一人。何分齊宋。東樓曰。美人獨不聞趙司戶與盼奴之詩乎。司戶寄盼奴詩。有云。

昔時名妓鎮東吳。不戀黃金只好書。借問錢塘蘇小小。風流還似大蘇無。

又有虞美人長短句云。

槐陰別院宜清晝。人坐春風秀。美人圖子阿誰留。都是宣和名筆。內家收。鶯鶯燕燕分飛後。淡粉梨花瘦。只除蘇小不風流。斜插一枝萱草鳳釵頭。

詩曰錢塘曰還似大蘇無。詞亦說鶯鶯燕燕之後。此爲趙司戶之蘇小小也。明矣。美人何不一決千古之疑。免致作詩者。或誤錢塘或誤嘉興。或謂縣治。或謂西泠。卽如近日吾友張生光弼所吟曰。香骨沉埋縣治前。西陵魂夢隔風烟。好花好月年年在。潮落潮生更可憐。

光弼不知有二。旣曰西陵。又曰縣治。是并不知誰爲宋人。誰爲南

齊矣。女郎掩口笑曰。湖曲江干。兩難憑信。南齊東晉。著說滋疑。妾本若蘭後身。只因璇璣圖巧奪天工。自恃多才。以故偶謫風塵。再生仍爲蘇長女身。後果前因。本來不爽。妾不知宋小小爲何如人也。况妾雖爲六朝金粉之冠。而家住西冷。實爲山川增勝。卽虎邱眞娘墓。錦江薛濤墳。金陵湘蘭塚。若輩皆遠不逮妾。而更何有於宋小小乎。妾自鮑刺史一爲表墓。雖千載下珠沉玉瘞。猶得騷客詩人唏噓憑弔。妾生前之願酬。身後之念遂矣。感君子貺以佳叶。妾亦有短句。願瀆清聽。遂朗吟唐多令詞一闋曰。

多少別離衷。相思誰與同。千年隔世信難通。曾記香車遊覽處。鏡湖閣下簾櫳。西子返。去吳中。長廊響屐空。獨立怨東風。便令身輕如燕子。飛不到館娃宮。

女郎吟畢。東樓狂興勃發。亦還以阮郎歸詞云。

衫羅膚玉映分明。松杉影真。風兒偏肯做人情。送來一愛卿。雲
髻墮。可憐生。香車寶馬迎。月兒不肯做人情。阻儂一歸程。

女郎嘆曰。名下洵無虛士。但君固多情。其如妾薄命何。承惠已多。
結他生緣可也。再賦一斛珠詞一闋云。

今宵歡聚松陰小。並肩兒語。綾箋分譜相思句。說不盡情。總被
情牽住。一刻千金空擲去。他時重會知何處。曉風吹斷鶉鴉羽。
悵悵風前。還向東風訴。

吟罷。悵然若失。拔紫玉釵一枚。贈東樓曰。君子珍藏之。莫謂女鬼
無靈。惟識得昔年鮑刺史也。語未竟。忽聞南屏寺鐘聲聒耳。驚醒
則身臥小亭。回顧松杉影裏。曉月將殘。起視手中。玉釵猶存。細審
之。宛然數百年物也。再至墓前謝別而歸。

第五十二回 木棉菴老魅譚禪

龍溪士人章生。性樸訥。讀書城南木棉菴。寒暑無間。風雨之夕。菴左廂斗室中。常有悲泣聲。章生不以爲意。一夕月明如晝。章生偶步東軒翫月。室中悲聲頓起。章生諦聽之。蓋女子聲也。涕泣一會。又互相告語。其一曰。妾來鴈。本吳江人。幼嫻書史。工詞翰。奈家貧親沒。無以爲葬。自鬻於淮西軍。淮西夏貴。見妾頗通音樂。遂送至葛嶺。誤我一生。今老賊旣死。妾等齎恨以沒矣。言訖而泣。其一曰。妾嘉興李蘭香也。會稽守劉良貴。買妾獻媚於老賊。得擢轉運。及妾在半閒堂。鬪蟋蟀。偶拂老賊之意。立杖殺之。妾死不足惜。妾有老母。未知身葬何處耳。又一曰。妾蕙娘。柳氏。偕老賊共游西湖。偶過斷橋。見裴生丰度可人。不覺失聲贊美。老賊心疑。可憐紅顏薄命。竟作斷頭之鬼。言畢哭聲嗚嗚。又二人齊言曰。妾姊妹乃餘杭沈氏。芳卿。瑞卿也。父爲司李。一字本邑李侍郎長子。一字於潛吳

學士三郎。姊妹偶出踏青。被翁應龍所見。稟知老賊。強被娶去。父含羞而死。李郎。吳郎。亦鬱鬱而卒。妾姊妹自盡。十年。賈平章老賊。始時衰運退。爲陳潘兩御史。劾奏免官。妾等間關奔走。先至閩中。俟老賊數盡。再圖復仇。詎料會稽尉鄭虎臣。啣冤尤甚。生則拉胸殺其身。死則吸魂索其魄。怒氣勃勃。妾等不能近前。奈何。此外更有數女子。嚶嚶哭泣。方欲訴苦。有一人問曰。汝等沉埋地下。多歷年所。豈亦賈平章所陷耶。女子泣曰。妾等墮入香粉地獄。十餘年矣。薰娘問曰。何謂香粉地獄。女子曰。大凡陽世官吏。犯貪酷二字。自有國法。而間有漏網者。地府則錄其愛女弱媳。入青樓以償孽債。今之倚門賣俏者是也。薰娘問曰。汝等父母。生前作何官。女子曰。妾等五人。一爲縣令媳。兩爲縣令女。兩爲典史女。父皆以賄賂。堂吏廖翁二人。得選美缺。開門納賄。贓寶無算。敗露後。仍被上官

搜括。獻媚與平章去。妾等已罰入九幽。填補贓款。陷沒至今。向使平章正身率下。廉以奉公。不開納賄之門。妾等又何至於此。蕙娘曰。汝等來漳州幾時矣。女子曰。妾等步跡追隨。物色殆遍。首至越州。暨老賊終喪後。聞謫婺州。卽隨至婺州。及婺人露布逐之。乃徙建寧。隨至建寧。又遇翁合文上表諫阻。始安置循州。妾等奔憊已甚。始隨老賊而行。及今仍不能報仇雪恥。此恨何極。言已。大哭不止。衆女子嗚嗚咽咽。重復飲泣。正悲悼間。忽又聞一老嫗聲。大笑而出曰。衆女鬼何事悲慟。要報宿恨。非問過來人不省也。衆女子譁然曰。花月姑至矣。若相起居問訊者。少頃。老嫗又曰。昔非今是。一切休稱。後果前因。殊無差忒。衆女子及今。尙未悟澈本來。耶。衆女子肅然聽命。老嫗曰。女等粉黛籍中。宿債未償。或青年淪亡。或紅顏未老。故今世同附和於富貴之場。以消魔障。從此脫離煩惱。

當赴清涼世界矣。衆女子曰。妾等宿愆。固然應償。而老賊生平。一味安樂淫佚。果何福報如此乎。老嫗曰。賈秋壑孽緣實深。罪如山積。渠一世爲秦將白起。以殺孽太甚。墮入畜生道。爲牛。雷殛後。得轉人道。罰亳州爲娼。以贈金十兩。曾救人七命。再世爲江陰富翁。力行濟人利物之事。在唐卽李林甫。一居相位。頓失本來。陰險陷人。奸惡特甚。沒後。罰長白山爲犬。司戶善警。主人甚愛之。犬斃。更爲僧。能持戒。喜放生。全活者無算。故仍得宰官身。旣入平章。故態復作。欺君罔上。吝軍賞。開邊釁。陷忠良。肆聚斂。種種誤國。怙惡不悛。尙當與章惇。蔡京。童貫。秦檜諸人。受無量怖苦。從此永無輪回望矣。衆女子無不稱快。老嫗又曰。誤國之罪重。誤人之罪輕。賈秋壑所誤汝等者。乃生命耳。渠雖誤人。實汝等自誤也。故被鄭虎臣一靈索去。汝等俱不能報。然女等不能報其身。獨不能報其子孫。

乎。漢陽雲夢。咫尺不遠。區區守此殯宮。奚益哉。衆女子齊謝曰。蒙花月姑指迷。妾等不朽矣。一時人聲頓息。哭聲亦止。章生在窗外聽得分明。次日急啓其戶視之。毫無他異。惟壁上題詩二絕云。

山上樓臺湖上船。平章醉後懶朝天。輕盈妙質歸何處。黃壤沉冤不計年。

其二云。

雲鬢消盡轉蓬稀。旅魄逐荒無可依。牧馬不嘶山月白。魂驚猶欲向南飛。

章生奇之。爲白寺僧。始知菴中左廂。爲賈似道死所。菴側爲賈似道殯宮地也。章生視其殯所。猶露棺在外。因責之曰。誤國老賊。汝生前踞葛嶺。遊西湖。有無窮受用。曾亦知有今日否。命人舉其棺碎之。後章生成進士。作南豐令。有循聲。

第五十三回 扈先鋒收復岳陽郡

岳招討見連收數郡。三降將俱建奇功。卽令人鎮守。更換三將回營。十分獎勵。仍命三將各帶精兵五千。乘破竹之勢。畧定郴辰桂陽等處。再令先鋒扈德威統水陸兵二萬五千。率史進。狄勇。种世虎。拓跋琳。岳坤五將。徑由漳州過洞庭。取岳州府。分撥已定。扈先鋒造齊戰艦。統軍率衆。由湘陰撥舟入青草湖。徑巴邱山。入洞庭之西。至巴陵峽口。有元兵阻住。扈先鋒欲奪險而上。時元軍中乃常山王成吉思帖木兒。自引大隊。阻住峽口。而以都督阿爾忽朮守城。當下常山王望見宋師。號礮震時。早有驍將夔夔。放下四五十號戰船。沿湖擺開。夔夔手橫丈八蛇矛。立於船頭。往來如飛。宋軍中种世虎。已覷定分明。拽滿鵬弓。暗發一矢。夔夔正當上風頭。行舟如駛。忽應弦而倒。元軍大驚。扈先鋒用鎗尖一指。宋師齊進。

兩軍水面交鋒。元兵幾次衝突。宋師列在水上。堅不可入。扈先鋒昔年建閩襄陽。慣習水戰。所造蒙衝。以犀革覆船。皆兩廂開製。棹孔。前後左右。有弩窗。矛穴。礮車。置疊木鐵汁。安樓三重。列女牆。戰格。樹幟。敵不得近。矢石亦不能敗。其餘戰艦。走舸。遊艇。俱設女牆。木牀。奔走往反。速如飛鷗。乘人不及。更有海鷗頭船。頭低尾高。前小後大。如鷗之狀。左右置浮板。如鷗翅翼。雖風波大漲。不慮顛翻。當時扈先鋒卽乘海鷗頭。往來衝殺一會。奮勇躍入元軍舟中。砍翻軍士五將。繼之。元兵多半識得扈先鋒者。望風而逃。又宋師精銳。元兵不敵。夔夔被創。不堪力戰。棄船上岸。宋師遂奪險上岸。常山王大軍阻遏不住。移營少退。扈先鋒直逼元軍下寨。常山王令人下書。扈先鋒批來日決戰。暗與衆將計議已定。次日以史進出馬。元將夔夔捉矛交還。史進力怯。撥馬望城東而走。夔夔自恃。

有常山王大隊接應。督兵卽追。常山王亦恐有詐。自出一軍。隨後策應。剛得離營。拓跋琳引兵疾往砍開鹿角。元軍將士慌來抵敵。被拓跋琳槊翻健將數人。元兵不支而潰。遂據其營。常山王返旆來追。扈先鋒引軍攔住。卽與交馬。扈先鋒乃久練沙場。常山王焉能抵敵。不三合敗走。扈先鋒亦不追趕。且說夔夔追史進。直過城東。忽一聲鼓響。岳坤狄勇各引一軍。截出後路。夔夔着驚。卽移後隊迎敵。史進督軍勒馬殺回。元兵圍在垓心。死戰不已。却得常山王敗兵亦至。殺入救應。夔夔始脫身。保護常山王。且戰且走。史進三將追殺不已。都督阿爾忽。在城上望見常山王。正在危急。忙披執上馬。引兵出城助戰。混殺一會。夔夔已被岳坤刺落馬下。阿爾都督也不顧衆軍。捨命殺開血路。保常山王望城而走。忽探馬飛報。阿爾都督引兵出城時。宋師已乘機入城。常山王大驚。奔至

城下。只見宋將种世虎。威風凜凜。立於城上。厲聲曰。羯奴吾取城多時矣。常山王追悔不及。阿爾都督引殘兵。保護望澧州而去。扈先鋒率衆將入城。招撫安輯。官吏降者無數。軍民無犯。百姓大悅。隨令狄勇引兵徇華容。岳坤領兵收平江。史進拓跋琳引軍進攻澧州。元常山王阿爾忽。堅守石門關。且以二將兵少。思養精蓄銳。一鼓殲之。故閉關不戰。史進卽選精壯軍士數十人。自己扮爲赤松山樵子。各擔柴負薪。混入關中。約定火起爲號。拓跋琳引兵打關。史進內應。其關遂破。阿爾都督爲史進所殺。常山王自知澧州難恃。奔襄陽而去。州守不敢迎敵。皆降。安民畢。兵回岳州。扈先鋒告捷長沙。岳摺討見各路俱有捷報。舉手加額。爲涪陵王稱慶。惟郴辰桂陽等處三將。久無音耗。暗思三將。連取大郡。戰無不捷。豈區區郴辰桂陽。不能收入版圖。次日探馬飛報。三將合兵至辰

州。郴州俱已納款。惟劉遇隆戰桂陽州。臨武縣。桐柏山失利。岳招討聽畢。有張懷亮等。皆欲請兵往援。招討曰。小小進退。不足介意。彼三人同心協力。何功不成。且待數日。自有捷音。越三日。又報劉遇隆再敗。藍山縣。錦鷄石。招討聞之甚喜。諸將不解。直至扈先鋒岳州兵回。始得露布告捷。劉遇隆誘戰。引元將莫如龍。莫如虎。至天窗岩。陷入飛天網。攬地龍之內。用地雷火攻。大破元將。覆其全軍。桂陽所屬皆服。岳招討笑謂衆將曰。果不出吾所料也。自是湘湖州郡。半爲宋土。岳招討飛奏宋主。一面檄調鎮守肇慶府驃騎將軍韓搏虎至。同征雲夢。

第五十四回 元太后駕遊五臺山

元至元三十年。湘潭各處。相繼陷沒。湖廣行省左丞。飛章告急。世祖昏髦病憤中。心志衰頹。無意出師。時常山王成吉思帖木兒兵

敗。表至。世祖不覺。丞相完澤安童等憂之。十月紫微垣彗星見。抵斗魁。光芒丈餘。三月乃滅。甲午春。正月壬子。世祖不豫。以天變告警。免朝賀。越日。御紫檀殿。召平章政事不忽木。問以天變如何可銷。不忽木奏曰。風雨自天而至。人則棟宇以待之。江河爲地之限。人則舟楫以通之。天地有所不能者。人則爲之。此人所以與天地參也。且父母怒。人子不敢疾怨。起敬起孝。故易曰。君子以恐懼修省。詩曰。敬天之怒。無敢馳驅。三代聖王。克謹天戒。鮮有不終。漢文之世。同日山崩者三十有九。日食地震。頻歲有之。善用此道。天亦悔禍。海內乂安。此前代之龜鑑也。願陛下法之。因誦文帝日食求言詔。世祖悚然曰。此言深合朕意。旣而歎曰。朕昔年平宋之後。一片雄心。欲掃盡海內。連年征交趾。搗日本。伐占城。而叛者四起。命將出師。殆無虛日。我國家建極開運。垂五十年。而壹意用兵。遺黎

殘姓。游魄驚魂。虔劉盪摩。殆欲殲盡。而征愈勞。叛愈廣。此皆朕嗜殺之過。無惑乎天怒人怨。災異告警也。自今以往。朕不復用兵於海內矣。言已而泣。不忽木亦泣。奏曰。陛下善自保重。海內餘氣。不日自當平靖。世祖曰。朕所深慮者。廣南故宋耳。其措畫甚大。在廷諸臣無出其右者。朕撫心自問。恐昔年滅宋伐陵諸事。未免太過。自此以後。卿等好爲之。不忽木叩謝而出。癸酉。世祖崩。時皇太子真金已卒。弘吉刺皇后。卽傳懿詔。以真金第三子。皇孫鐵木耳。卽帝位。是爲成宗。尊弘吉刺皇后爲徽仁裕聖皇后。同預國政。后卽以御史大夫崔彧。所獻玉璽。賜之。夏四月。蘭州河清三日。先是。世祖不豫。諸王頗懷覬覦。成宗方在軍中。料理軍務。欲整飭戎行。討平荆湖。思大有爲。迨世祖旣崩。以奔喪至上都。得卽帝位。遂深感徽仁裕聖皇后之力。乃大崇釋教。廣作佛事。爲皇后資冥福。修

福寧寺。合經藏之數。共五千八百四十間。金碧煒燿。極其華美。有五臺山。在太原府五臺縣東北一百四十里。周迴五百餘里。高出雲表。頂皆積土。因謂之臺。分東西南北中。又東五臺。與西五臺。相去二百餘里。直至奉州之北。卽世傳北方文殊師利所居之清涼山也。成宗爲皇太后修寺。擬始於元貞之初。閱三年而功未竣。花費鉅萬。羣臣有諫阻者。輒罪之。至大德元年。丁酉。又請太后由上都路入居庸關。經可汗州。臨幸五臺。諸王駙馬。六宮妃嬪。隨駕者數千人。所過郡縣。供億浩繁。民多逃竄。官吏苦之。輦薪運米。絡繹於道。下男不供。役及婦女。鑾輿所駐。信宿卽行。飲食委棄。狼籍滿地。所謂螻蟻人民。沙泥金帛。莫此爲甚矣。御史臺臣等。皆畏罪。莫敢發言。獨監察御史李元禮。上疏諫曰。

臣聞五臺山創建寺宇。工役俱興。供億繁重。民不聊生。伏以太

皇太后臨幸五臺。尤不可者。有五。盛夏禾稼方茂。民食所仰。騎從經過。不無蹂躪。一也。親勞聖體。經冒風日。往復數千里。山川之險。萬一調養失宜。悔之何及。二也。天子舉動。必書簡冊。以貽萬世。書而不法。將焉用之。三也。財不天降。皆出於民。今日支持調度。百倍曩時。而又勞民傷財。以奉土木。四也。佛以慈悲爲教。雖窮天下珍玩供養。不爲喜。雖無一物爲獻。亦不怒。今太后欲爲兆民求福。而先勞聖體。使天子曠定省之禮。五也。伏望回轅中道。端處深宮。上以循先皇后之懿範。次以盡聖天子之孝誠。下以慰元元之望。如此則不祈福而福自至矣。臣無任屏營之至。

疏入。成宗大怒曰。此寺乃先皇帝嘗許修建。腐儒何知。輒敢訕謗。立命下獄。勅右丞相完澤。平章不忽木鞠之。二臣不敢違詔。但遷

延其事。俟帝怒稍解。方爲保奏。時京湖各處守臣。請兵告急。日有表至。成宗覽畢。曰。廣作佛事。兵戈永息。何事張皇。乃爾。勅下令。緊守要害而已。且說太后既幸寺中。佈施動以萬計。諸王駙馬。爭舍金錢。以資福果。羣禿幾富敵於國。藉焚獻以充囊橐。土偶無知也。太后在寺中。留戀月餘。祇候官吏。苦不勝言。太原各郡生民。日朘月削。賣妻鬻子。死者枕藉於道。生者則負繲綫。猶肩荷重任。鵠面鳩形。含情莫訴。鑿輿所經。罔不側目。所謂敢怒而不敢言也。至土門關。有羅雄州酋長阿那龍少。糾合生番子數百人。攔輿劫駕。太后大驚。諸王駙馬。極力保護。命扈從將士。勦擊。僅獲生番子百餘人。殺之。阿那龍少。竟被逸去。太后受驚得疾。諸王駙馬等。十分憂危。不日至幽州昌平。入居庸關。此關西連太行。東亘遼海。狼居胥諸山。皆爲襟帶。太后下令。不出北口。乃由關南。行僅一百二十里。

遂抵大郡。鑾輿至關南相通處。路遶兩崖間。其隘如線。其側如傾。其峻捫參。其降趨井。而下有深澗。巨石磊塊。艱折萬狀。凡四十五里。太后正行兩崖間。忽大風驟起。鑾輿幾爲所掀。太后驚得魂不附體。路旣險狹。不堪車輦。太后乃下車。令人扶掖而行。惟舉手膜拜。聲聲我佛有靈而已。一時風又猛起。隨從多墜崖死者。太后已心膽俱碎。諸王駙馬。妃嬪內官。無不口出怨言。太后聞之。病轉增劇。諸王等急并日而行。始達上都。帝及文武出郭迎入太寧宮。拜賀畢。帝慰勞曰。太后親勞聖體。駕幸旃檀。佛日增輝。應受無疆之慶。太后搖手泣答曰。幾乎與官家不能面會矣。帝驚問之。諸王駙馬始言其狀。帝亦驚訝。太后怒曰。文武當時。何獨無一諫者。丞相完澤。平章不忽木。始奏御史李元禮。因諫下獄之故。臣等奉詔。尙未鞠問。太后取疏觀之。且感且泣曰。官家若從此諫。土門不受驚。

矣。帝大慙。即日旨下。李元禮出獄。復其官。以金帛賜之。自此太后遂臥病不起。

第五十五回 兩先鋒分勦雲夢

雲夢巨寇賈翀。虎踞江漢。控制德安。安陸。漢陽。鄖陽。蕪州五大郡。幾及十年。累勝累敗。元人竟無如之何。後又與壽陽聯盟。益肆猖獗。惟至元二十九年。集慶路大開武選。賊將白文俊等。混入建康大鬧選場。賊夥汪夜叉。宋羅喉。俱受重傷。不久遂死。從此勢燄少衰。賈翀隨調白文俊。仍屯水寨。姚太師。倪鵬兒。駐紮漢江口。忽報宋師兩路來征。正先鋒扈德威。統兵三萬。由岳州華容渡青草湖。直攻雲夢。副先鋒韓搏虎。統兵三萬。由湘衡直抵荆山。取荆門州。賈翀大驚。忙令漢江口二將。移兵迎敵。雲夢水寨。亦命准備。是時韓搏虎鎮守肇慶。奉檄征討。掛副先鋒印。所部有任天鵬。夏侯傑。

馬晉臣。楊孝伯。虞凱。度靖。廖雲。陳同。吳廣。龐英。十將。共水陸兵三萬。韓先鋒渡漢江。擊楫爲衆將言曰。搏虎昔在漢陽。曾將此賊戰敗七次。惜大功垂成不就。賊勢益猖。今幸得與諸君共佐明主。建闡出師。仗諸君威力。搏虎若不能肅清江漢者。有如此水。衆將皆曰。願聽先鋒之令。共効死力。時宋兵旣過漢江。賊姚太師倪鵬兒擁兵阻住。韓先鋒大怒曰。二賊皆某敗將。焉敢阻抑我師。誓必擒之。廖雲度靖齊出曰。割鷄焉用牛刀。二將結束上馬。姚太師手舞鋼叉抵敵。二將混戰一會。韓先鋒所部皆有紀律之兵。加以昔年威望。賊兵業已膽落。不三合。姚太師已被二將戰敗。賊兵皆鳥獸散。韓先鋒麾動人馬。如風雨驟至。殘花敗葉。無不委地。賊兵死者降者。不計其數。所棄鞍馬器械。山堆阜積。姚太師遂奔走當陽。倪鵬兒乃竄過潛江。韓先鋒遂撥任天鵬。馬晉臣。吳廣。龐英。四將領

兵一支追勦潛江。自統全軍。追勦當陽。約定鍾祥縣會齊。四將引兵。追至潛江。與倪鵬兒大戰於覆釜洲。倪鵬兒狡獪善走。見不敵。宋將如狼奔豕竄。率兵又走京山。據城死守。四將築長圍困之。百姓斬關獻城。倪鵬兒奪門出走。爲任天鵬所殺。盡降其衆。壯者留之。餘散歸農圃。四將安輯民居。始回安陸。時安陸府城。賊已久據。府庫空虛。滿目荒涼。居民聞宋師平賊而來。爭相出迎。四將肅隊而入。不一日。韓先鋒全隊亦至。時姚太師奔走當陽。追至漳江。竟爲韓先鋒所擒。賊兵降者過半。餘皆逃去。四將出城迎入。百姓焚香道左。韓先鋒再三安慰。命將姚太師綁至府城法場斬之。以首級曉諭漢江上下。居民人人稱慶。無不牽羊挽車。轅門助餉。韓先鋒養兵三日。卽過漢陽。師至沔陽州。有賊將劉環鎮守。韓先鋒令夏侯傑探敵。且說劉環昔日曾犯襄陽。爲扈先鋒所敗。逃歸應城。

至是白文俊撥守沔陽。聞宋師至。準備迎敵。時夏侯傑引兵討戰。正當沔陽之南。見劉環遠出西門。乃北向迎之。竟爲所敗。次日馬。晉臣出戰。見劉環又屯營城南。心中暗算。須用心隄防。倘再敗時。將爲夏侯傑所竊笑。交馬不一合。劉環臨以精銳之兵。心內膽怯。又爲所敗。回營。韓先鋒激得雙目直豎。勃然大怒。一面分撥諸將。逐處埋伏。一面令陳同出馬。劉環抖搜精神。大戰三十餘合。陳同料難力敵。詐敗而走。劉環追來。遂撒出錦標。回手放去。而劉環亦有心隄防。錦標尙未及身。流星早已出手。陳同收標不及。已爲流星所中。幾乎墜馬。却得吳廣龐英兩支伏兵殺出。劉環始退。陳同翻身殺回。賊兵大敗。劉環正奔走間。忽信礮響時。左有任天鵬。右有夏侯傑。兩軍阻定。劉環被五將圍在垓心。層層攻殺。人馬漸盡。劉環猶奮勇抵敵。捨命衝突。陳同深恨著中流星之仇。隨放一標。

劉環滾鞍下馬。被衆將砍爲肉泥。五將合兵。奔赴漢陽城下。韓先鋒大隊亦至。一鼓下之。漢沔皆平。諸將上功畢。一面賞兵。與城中父老歡飲數日。令陳同守定漢陽。就此養疾。夏侯傑鎮江口。任天鵬守安陸。自統衆將望雲夢進發。非止一日。行經應城隨州等處。韓先鋒不覺感歎。物是人非。昔年風景依稀猶在目前。打探賊耗。則賈翀智勇俱困。被扈先鋒圍住水寨。賊將如趙閻羅等戰死過半。韓先鋒遂督兵倍道而進。甫過應山。濟東河忽遇一支賊兵。倉皇遁走。韓先鋒麾衆圍之。全股被擒。無漏網者。就縛審問。方知卽雲夢二謀士。廖維新翁國彤也。因見賈翀勢敗。欲遁鳳陽。入壽春。不期被獲。韓先鋒大喜曰。二賊助桀爲惡。不可不明正典刑。令檻車囚之。韓先鋒最熟各處險隘。分撥衆將緊守水陸要害。防賊逸去。自引大軍直搗夢澤。助扈先鋒成功。且說扈先鋒率舟師由青

草湖。放入雲夢。三戰大破賈翀。德安已爲史進岳坤二將所襲。賈翀逃入水寨。與白文俊等死拒宋師。扈先鋒圍之數重。令种世虎略隨州。拓跋琳取應城。狄勇攻破應山。廖翁逃竄。衆將收復各處。仍回夢澤。同引大隊蹙之。時已月餘。白文俊累次衝突。奈宋師如銅牆鐵壁。堅不可動。時賊中餓死者甚衆。人自爲食。力不能支。賈翀與白文俊潰圍奪舟出走。种世虎望見賈翀。忙駕小舟趕近。躡身躍入賊船。砍翻數人。一把擒定。衆將繼至。其子賈仁。賈義俱死。賈翀就縛。白文俊乘空而走。棄舟上岸。自幸得離虎口。急望應山而逃。不數里。端遇韓先鋒一軍。蓋地而來。阻住去路。交馬不一合。被韓搏虎揮刀斬之。賊兵死者無算。餘皆降。將士逃出者。俱被各隘口衆將擒獲。韓先鋒兵至夢澤。見巨寇就縛。大喜。招回七將之兵。略定各處。餘黨盡平。兩先鋒合兵德安。大輻三軍。招撫瘡痍之

民各安家室。所降賊兵。老弱者。盡歸於農。賊寨焚之。命將留兵鎮守。始統大隊而歸。至是雲夢漢陽百姓逃亡在外者。乃還。四郡百姓。亦感兩先鋒之恩不盡矣。

第五十六回 岳招討怒打襄陽

夢澤既平。扈韓兩先鋒。合水陸兵。押定檻車。仍由漢江。欲返岳州。不料元常山王成吉思帖木兒。逃至襄陽。養精蓄銳。又以襄陽重鎮。控制三大團營。可以任意指揮。聞宋師討平雲夢。跨江撫有數郡。老大不平。遂集三大統制。五都部署。及諸將校議曰。宋人往來湖湘。欺人太甚。今以得勝之兵。直濟漢江。我兵可截江一戰。數郡不難定也。當時三統制。銚藩。劉瓚。脫虎脫。五都部署。耿精忠。楊剛。李梁。李通。呼延鈺。皆曰。宋師聲勢甚大。我兵恐非其敵。卽如阻險攔截。長江有千里之遙。亦恐顧此失彼。不如且俟之歸。所留將

士定然無幾。出其不意攻之。此兼弱攻昧之策也。常山王怒曰。若待緩圖。則兩湖陷沒盡矣。朝廷養汝輩。寧坐視敵兵往來漢江。束手待斃耶。楊剛李梁齊聲曰。非末將畏死怯戰。以襄陽乃京湖重鎮。不可妄動。一被敵至。恐襄樊數千里。自此無寧日矣。常山王大怒曰。庸懦之夫。不足與謀。爾等自赴各鎮。緊護襄陽。待我親自引兵。截殺宋師。衆將校知其意不可回。皆曰。大王且親冒矢石。將等何敢畏死。常山王始回嗔作喜。令三統制守襄陽。五都部署隨軍出戰。各領兵一萬。至漢川等處阻住。不許宋師過江。自率一軍。徑取漢陽。時宋將陳同在漢陽。病已全愈。聞之大怒。方欲作露布罵之。繼又聞引兵者。乃岳州敗去之成吉思帖木兒。喜曰。此易與耳。統軍迎戰。常山王列開旗門。裨將出馬。不三合。被陳同刺死。常山王大怒。援桴擊鼓。麾動大軍。以蹙宋師。陳同兵少。亦恐有失。退馬

壓定陣脚不動。元兵衝突數次。俱被強弓勁弩射退。乃徐徐旋師入城。是役也。宋兵毫無損傷。陳同自思。元兵若不大創。漢陽焉能保守。遂用遁甲遊都之法。以天耳聽之。主乙庚之日。應覆敵軍。更神在子。賊神在午。明日庚子。主傷敵一員大將。乃伐陰木之枝。爲六甲神符。符中書六甲名。陳同至夜。乃披素服。仗劍再拜北斗。不致酒脯。焚香爲祭。藉用白茅。用五色綵爲幣。以所祈之事。北面禱祝。三奠而止。祭罷爲六囊。各盛一符。不令人知。次日臨陣。卽以本旬符囊。繫於旗纛內。令裨將舉之。果然元兵望見。卽駭走。陳同遂與常山王交馬。十餘合。陳同暗發錦標。如星飛電警。正中常山王脇下。血流如注。滾鞍下馬。正欲挺鎗結果性命。元軍有裨將數人。捨命相殺。竟被救去。元軍大敗。陳同督兵大殺一陣。元軍立脚不住。拔寨而走。宋師追過漢川。見元兵去遠。唱凱而還。常山王被創

甚。引大軍。先回襄陽。且說扈韓兩先鋒。合兵欲由漢江。撥入石首。抵華容。聞元兵阻涓口。不容過江。韓先鋒大怒曰。巨寇擾亂十年。置之不理。乃阻我平賊之師也。扈先鋒急問爲何處兵。左右曰。乃襄陽兵也。扈先鋒笑曰。成吉思。技止此耳。韓先鋒問及夏侯傑。防江一軍。則已爲元將所敗。退保沔陽州去矣。軍行不一會。忽哨軍報江口水面。下五大寨。阻住我師。舟不可行。滿營將士。無不忿怒。皆欲決戰。奪險而過。兩先鋒卽令史進。狄勇。种世虎。馬晉臣。四將出戰。各領戰船二十隻。未抵江口。早見元軍五寨。分布水面。旗幟耀目。劍戟如林。外列樓櫓。勢若城郭。兩岸俱石壁孤懸。江口仄狹。勇不可施。四將觀望良久。無所爲計。忽元寨中旗旛麾動。放出五六十號小船。如飛而來。船頭元將大呼曰。宋人欲得過江。除非還我地土。復我州郡。不然。此江不容渡也。史進聽得。怒目圓睜。奮勇

當先。不隄防。弓弦響處。史進中箭落水。元軍之來。其舟如飛。狄勇忙救起史進。种世虎馬晉臣。引舟師抵敵。詎料元軍發動神機銃。一時轟天震響。宋師中者皆死。四將大敗回舟。元軍追迫甚急。却得張懷亮。楊孝伯。二將兵至。始殺退元軍。四將回營請罪。兩先鋒皆言。此非汝等之罪。以不知虛實故也。次日韓先鋒親往挑戰。督同衆將。身先士卒。力戰一會。元兵少却。忽風浪驟起。元兵所據。乃是上流。宋師戰船。進難退易。元軍隨放出二三十號。艨艟巨艦。衝突而來。宋師下流奮勇。如何抵敵。一時中箭被槍者。不計其數。宋師又敗。將士帶傷而退。韓先鋒回營。鬱鬱不樂。相持數日。兩先鋒令人打探旱路。可有間道。抄出元軍後者。回報各處間道。俱有元兵把斷。扈先鋒忿然曰。此江且不能渡。焉能回軍。令選大船百餘號。編聯配搭。上用平板鋪定。排鐵騎於上。外用小船數十隻。令水

軍各備火箭。俟鐵騎衝突。與元軍交戰時。小船卽飛進元寨。以火箭射其箬篷。各軍再多備引火之物。火焚水寨。元軍必亂。衆將準備。次日。扈先鋒自統鐵騎。以戰艦突陣。元軍五將齊出。兩下在水面交鋒。宋軍後隊一聲鼓響。水軍如飛奔出。將近元寨。施放火箭。正待舉火。忽上流頭風刮水面。對面撲來。人不敢近。火不能發。韓先鋒見風色不順。急鳴金收帆。元兵趁勢。因風縱火。火箭火礮火銃。一齊施放。戰艦惹着火種。煙燄齊起。水軍小船。一時救應不及。元兵乘勢攻殺。宋師大敗。衆將奮勇。極力斷後。元兵方不敢窮追。宋師折損甚衆。兩先鋒只激得咬牙切齒。指天誓曰。若一過江。必滅襄陽。令將士調養數日。韓先鋒一人微服上岸。偷度小別山。行過江潯。暗至陽臺觀等處。瞰元軍虛實。見五寨紮在水面。勢若列星。人馬甚衆。下寨處正當湓口。回看漢水波光浩蕩。齊赴沔口。而

澗水發源。在漢川之東。有隄捍定。故元軍得於隘口下寨。若決其隄。引動漢水一發。則元軍皆魚鱉矣。韓先鋒勸得分明。急回與扈先鋒商議。移兵上岸。決隄淪之。扈先鋒喜曰。我兵不利於火。寧不利於水耶。當夜盡棄船隻。移營上岸。韓先鋒遂率狄勇。岳坤。廖雲。度靖四將。選精壯三百人。偷過小別山。見山頭有元哨軍數十人。被衆將擒而殺之。再過陽臺。又遇數十伏路軍人。亦爲所殺。連過數隘口。俱無巡軍。齊奔澗口。衆軍一齊。將隄口決開。澗水久蓄未洩。一發如雷。又有上流漢水。以助其勢。長堤一洗。蕩然無存。勢若天崩地塌。萬頃洪波。洶洶湧湧。直望澗口衝突而來。當夜元軍五寨將士。多在夢寐中驚覺。五都部署忙駕小舟上岸。回看水寨。并不知澗口今在何處。但見波濤激湍中。將士爭相逃命。五都部署忙令上岸軍士。用撈鈎抓起。直至天明。五萬人馬。已淹去三分之

二。急至高阜處。營未紮定。只見宋師大隊奮勇殺來。此時元兵驚魂未定。焉能抵敵。扈先鋒身先士卒。衆將繼之。宋兵無不以一當十。截殺元軍。如摧枯拉朽。楊剛李梁被創而死。耿精忠李通呼延廷鈺三將保定殘兵。望襄陽而走。宋將迤邐追趕。三將率兵逃竄。眼睜睜惟望常山王及三統制兵來援。豈知常山王自漢陽敗歸。數日創甚。病卒。三統制急爲料理喪事。表奏朝廷。匆忙之間。忽報宋招討岳燕超領兵由岳州來攻打襄陽。三統制大驚。急令驍將許思進合萬戶甄宏副將夏德興等引兵出屯峴山。脫虎脫登城固守。銚藩劉瓚自引大軍阻住鳳林關。此關濱江作險。爲水陸門戶。銚劉二將緊守此關。且說岳招討自調扈韓二先鋒出征雲夢。遂引兵過岳州駐紮。不時打探。俱有捷音。後聞雲夢已平。賈翀就縛。因過漢川澗口。爲襄陽兵所擊。連戰皆敗。大爲所窘。岳招討聞

報大怒。投袂而起。卽檄寇復雷來守岳州。自統水陸兵一萬。率慕容兵。藍天蔚。劉瑛。岳鎮。四將。放舟直打襄陽。不日遂抵鳳林關。慕容兵。藍天蔚。奮勇爭先。不畏天險。一鼓奪關。元將鈔藩。劉瓚。披靡直走峴山。合着許思進之兵。來戰宋師。岳招討披執臨陣。親冒矢石。士氣百倍。慕容兵。藍天蔚。二將。忘生奮死。萬衆辟易。襄陽兵焉能當此惡戰。許思進。夏德興。俱爲慕容兵所殺。鈔藩。劉瓚。甄宏。率敗兵望城而走。不數里。又遇岳鎮。劉瑛。伏兵。截殺一陣。甄宏爲流矢所中。血流滿面。倉皇遁走。岳招討曰。兵貴神速。立卽攻城。若養成銳氣。又費爭戰矣。宋師一聲吶喊。圍了襄陽。太守鄧公亮。已驚得六神無主。脫虎脫登城。罵敵。被岳招討洩滿神臂弓。射中墜城而死。宋師班聲動地。礮響連天。城中百姓入見太守曰。府公素有德政。何不獻城納降。以救生靈。鄧公亮遂率百姓。開門迎降。岳招

討下令軍民安堵。秋毫無犯。命劉瑛岳鎮統大軍屯於城外。率慕容晃藍天蔚引一軍肅隊而入。百姓扶老攜幼爭觀宋師。有喜至泣下者。至府中坐定。聞鄧府尹素得民心。令仍知府事。少時宋師擒姚藩劉瓚至。二將口稱願降。并言常山王謀截宋兵欲奪疆土。非我等敢敵天兵。岳招討始知起釁之由。允其降。命隨軍聽用。乃查倉廩賑困窮。問傷弔死。登俊舉賢。養老恤孤。行諸善政。軍民大悅。不日所屬州縣俱有表至。忽報南江口有無數人馬爭渡逃竄。招討卽命慕容晃藍天蔚二將引輕騎覘之。乃襄陽都部署元將耿精忠李通呼延廷鈺兵也。三將大敗而來。慕容晃藍天蔚見是元兵舉鎗便殺。元將人困馬乏。耿精忠被慕容晃揮刀劈死。李通呼延廷鈺見前後俱是宋兵。自知不免。大呼願降。藍天蔚麾軍士縛之。盡降其衆。半日後。扈韓兩先鋒大軍已至。始知招討已得襄

陽大功成就。入城相見甚喜。越日招討令將賈翀。廖維新。翁國彤。三人斬於襄陽西市。將首級傳送沿江上下。被難百姓無不焚香拜謝。招討卽在襄陽犒軍。降將李通。呼延鈺。隨軍聽用。彈壓各處。分撥諸將。至是而荆湖之寇始平。

第五十七回 廣陵散竹生得譜

湘陰寇竹生。自繫獄得遇陳副使。昭雪而歸。廬墓三載。有鄉先達。不時顧恤。家始小康。杜門謝客。惟與王用槐間有往來。偕一母一妻。深自韜晦。如是者數年。遷於洛西。一日省親。道經東平鎮。暮宿華亭。是夕。星月閃爍。竹生寢不成寐。又當秋夜。四壁蟲聲。唧唧唧。唧。每懷身世。未免淒然。披衣徐起。四顧闐寂。又見屋角參差。夜色蒼涼。更遠遠望去。覺叢樹修篁。瑟瑟風起。鳥啼一聲。不覺有感於中。遂踞胡牀。取綠綺。按弦而鼓。烏夜啼一曲。覺弦中風雨。指下波

瀾。不啻有雍門之悲者。竹生寫心未已。更連奏楚澤涵秋。塞門積雪二曲。正在五弄三終。神爽飛越。忽亭西一人。鼓掌大笑。竹生輟手驚起。揖之就坐。其人遂請過七弦。審視一會。撫玩不置。乃曰。僕生平亦有膠柱之癖。但久荒絲桐。爲君一鼓下里巴人。以佐良宵清話。可乎。竹生大喜。其人遂奏清夜吟一曲。音韻淒惻動人。竹生自謂弗及也。其人曰。此清夜吟。與君所鼓不換金。不換玉。皆琴曲。十小調也。竹生笑曰。君誤矣。愚所鼓者。乃楚澤涵秋。塞門積雪也。其人曰。不然。琴曲十小調。一曰不換金。二曰不換玉。三曰峽泛吟。四曰越溪吟。五曰越江吟。六曰孤猿吟。七曰清夜吟。卽予適所鼓也。八曰葉下聞蟬。九曰三清。十亡其名。皆隋時賀若弼所製。至宋太宗時。始改不換金爲楚澤涵秋。不換玉爲塞門積雪。此十小曲大略也。竹生見其人深明琴調。十分歎服。叩其底蘊。對答如流。竹

生自以爲鍾期遇伯牙。惜相見之恨晚。二人促膝談心。你稱曹子建。玉樹臨風。我羨白樂天。陽春白雪。一會說李濟公百衲。精妙入神。一會說蔡伯喈焦尾。希世罕覩。辨論一會。其人曰。琴調更有佳者。足下亦欲聞乎。竹生聞言。急代爲撫軫理弦。焚香以俟。其人援琴而彈。竹生諦聽之。若風入松間。泉流石上。儼鍾儀之操南音。莫名其妙。疑師曠之調清角。不減其精。元鶴白鶴。欲翔欲舞。不知此曲爲何曲也。彈畢。方欲叩之。其人忽顏色慘沮。推琴長歎而起曰。千年不鼓之曲。今更流傳於世矣。竹生卽問此曲何名。其人曰。此廣陵散也。凡四十一拍。共有六段。段各有題。按開指一段。小序三段。俱名止息。今并以傳足下。最宜留心。竹生此時。一心在琴。急問其詳。其人曰。大序凡五段。曰。

井里 申誠 順物 因時 于時

正聲凡十八段。曰。

取韓 呼幽 亡身 作氣 含志 沉思

返魂 狗物 衝冠 長虹 風寒 揚名

烈婦 奴人 發怒 含光 沉名 投劍

亂聲凡十八段。曰。

峻迹 守質 歸政 讐畢 終思 同志

用事 辭鄉 氣銜 微行

後序凡八段。曰。

會止息意 意絕 悲志 嘆息 長吁 傷感

恨憤 亡計

足下領會此調。抱琴一出。海內盡傾心矣。竹生曰。何謂廣陵散。其人曰。晉承魏後。有王陵母邱儉。文欽諸葛誕等。爲揚州都督。咸有

興復之謀。後皆爲司馬氏所殺。廣陵散者。言魏之散亡。當自廣陵始也。今傳之足下。僕東市之恨。可瞑目矣。竹生盤桓終夕。猛省此曲。乃魏晉絕調。此人如何得知。叩其姓字里居。其人曰。僕卽魏人中散大夫。稽康是也。因鍾士季之譖。爲司馬昭所害。天道好還。士季亦爲伯約所算。死於亂軍之手。司馬氏國運。不久亦斬。宿恨雖申。奈廣陵散未傳海內。不但袁孝已引以爲恨。卽天下後世知音者。莫不引以爲恨也。故遊魂飄泊千餘年。猶戀華亭。今夕適聞足下琴聲。不覺技癢。幽明遇合。亦奇緣也。上虞雖遙。僕從此逝。拱手而起。竹生欲挽留致謝。條忽不見。竹生不勝駭異。幸得廣陵散。前後四十一拍。無不了了於心。抱琴歸寢。次日始歸。自此廣陵散仍傳於世。

第五十八回 牡丹鈿玉奴擇婿

樊東樓遊西湖而歸。中心悵然。每念西冷橋芳卿不已。日在隕陽。遊鰲水。訪龍山。登爽籟亭。盼熙春樓。優游山水。吟風弄月。不及西湖萬一。東樓偶爾春游。過翫花臺前。見四面桃花楊柳。丹桂芙蓉。點綴得紅紅綠綠。心焉愛之。踱過臺左。見一宅第。綠槐修竹。清陰欲滴。池內點溪荷葉。鋪滿水面。池上春花開滿。馥馥郁郁。分外可人。良久。忽聞有嬌聲語曰。美哉少年。東樓着驚。四顧見池西綠陰中。小樓之上有三四嬌娥。傾國傾城。倚檻而窺。中一女子尤豔。見東樓顧盼。一齊退入樓中。東樓以瓜田李下。欲進不敢。只得逡巡而出。步過花臺。心懶意倦。東樓以弱冠少年。刻意求凰。尙虛嘉耦。自此行坐寢食。俱有一樓上美人。時在意中。乃吟最高樓詞一闋云。

垂楊裏。隱起最高樓。雕闌曲。綺牕幽。碧霄乍看開金鏡。珠簾恰

好上銀鈎。倚樓人。瞧着我。一回眸。他初見人來。微靠後。他又見
儂來。凝望久。思展步。已勾留。應知心事。遙難達。如傳眉語。轉含
羞。倒教人。平白地。一天愁。

吟罷。投筆而臥。伏枕後。不覺又入花臺。徐步而進。見池沼依然。花
木宛在。樓上美人。悄無形影。悵望良久。在樓下。踱來踱去。口中不
住吟曰。

去年今日此門中。人面桃花相映紅。人面不知何處去。桃花依
舊笑春風。

吟畢。歎曰。人言秀色可餐。如芳卿者。亦可以療飢矣。言未畢。樓上
簾鉤響處。美人方露出半面。東樓正喜。忽樓下突出二人。一碧眼
紫髯。一偉岸風骨。齊聲喝曰。何處風狂兒。擅窺人閨闥。大踏步欲
來拏獲。東樓嚇得魂不附體。抽身便走。東西亂竄。無路可出。恨脇

下無兩翼。插翅卽飛。奈舉足無力。回看追者已近。一時窘急。忽聽老僕樊鴻呼喚。驚覺仍在枕上。猶惴惴不已。旣又惱恨。非此二人阻隔。則美人已會合矣。悶悶不語。老僕樊鴻已窺其意。問之。東樓以實告。樊鴻曰。此易事耳。吾家去花臺不遠。何不令人訪之。如果佳麗。竟央塞修納幣可也。東樓聞言。驚喜欲狂。樊鴻令人訪問。始知卽安陸京山縣鄭夢蘭之妹。避亂彭澤。賊平後。仍奉母與妹。轉遷房縣者也。東樓翌日備禮投刺其家。升堂拜母。與夢蘭訂文字交。東樓一見索通馬陵二僕。暗驚曰。此卽夢中所見二人也。心猶鶻突。夢蘭亦造其室。俱有饋送。從此二人往來甚密。蘭夢知東樓未偶。遂有爲玉奴擇婿之意。母夫人亦屬意東樓。與玉奴言及。玉奴堅拒不從。母夫人未便強逼。遂托他故。婉言辭之。東樓忽忽不樂。漸致染疾。誰知玉奴以花朝偕二嫂鸞英鳳英登樓賞花。望見

樓下少年。未免有情。日在心中。故母與兄言。樊生求親之事。一味堅拒。又不敢明言。懨懨在牀。漸就疲憊。鸞英鳳英。微將此意。達之夢蘭。夢蘭叱之。二嫂亦不敢多言。母夫人惟命。延醫調治。諸藥罔效。玉奴病中。每念樓下書生而已。一日夢復登樓上。倚檻而立。時紅梅盛開。望見前日書生。仍從池畔。冉冉而來。直入樓下。各道相慕之意。玉奴拔鬢邊牡丹花鈿。方欲擲下與之。忽索通馬陵。嚷聲驚覺。得此一夢。病若少瘥。而東樓臥病已久。一日夢蘭往問其疾。則病已增劇。展轉牀席。恍惚作嚙語曰。若得花鈿。雖死無恨。夢蘭聞之。不解所謂。少頃。東樓開目。視夢蘭曰。弟死之後。望兄見憐。他無所託。乞與先考妣。邱墓附葬。得正首邱。於願足矣。夢蘭泣答曰。弟宜珍重。何出此不祥之語。東樓亦泣。夢蘭別去。東樓滿腹抑鬱。無可排遣。纏綿數月。醫者皆言不治。日就尪羸。老僕樊鴻十分着

急。更延一醫。此醫刀圭業已三世。自詡國手。預言謝儀。方爲診脈。診畢搖手曰。此漸成癆瘵矣。凡人傷其精。則陰虛而火動。耗其血。則火亢而金虧。相公六脈沉細。微瀋而數。元氣耗散。脾胃損傷。氣血虧損。臟腑虛弱。而相火上炎。熏尅肺金。肺爲五臟華蓋。受火邪一尅。所以四肢倦怠。五心煩熱。咽乾聲啞。蠱脹腫滿。此難治之症也。當爲養心血。扶元氣。健脾胃。以茯苓芡朮等藥投之。東樓服後。益加困憊。喘急不已。樊鴻又更一醫。視曰。此肺受邪故也。肺主外感。有汗表虛。無汗表實。故症有實喘。有虛喘。實喘喉必作聲。肩必擡起。症若重而實輕。以黃芩烏藥等類。治之卽愈。相公此症。乃虛喘也。腎氣太虛。脾氣又復將絕。故奔冲而上。欲絕未絕。此病殆死症也。幸幾微之氣。流連於上下之間。若用涼藥。是速其死。卽用桂附補之。亦速其亡。當用救絕止喘方。一劑輕。二劑止。全愈。必服十

劑。樊鴻從之。誰知服後。病仍如故。樊鴻嘆曰。醫者爭奇誇勝。無非捕風捉影。此疾何日瘳也。暗暗垂淚不已。時東樓氣結。已不能言。奄奄待斃。會其中表陰生者。來省其疾。陰生故精岐黃。隨爲診視。乃啞然笑曰。此鬱症也。心有所慕而不得。故鬱氣蘊於中懷。憤懣留於脇下。而更以補劑溫之。則增劇矣。此疾倘投其所好。如其所願。將不藥可愈。急命諸藥勿服。樊鴻卽懇陰生治之。陰生將逍遙散。略變其法。曰。此藥開鬱行氣。去濕利痰。於散之中。有補之法。得補益之利。受解散之功。命煎一帖投之。氣若少舒。而終不能言語。陰生曰。病在傷肝。傷肝而又伐肝。是助其鬱也。急多服救肝開鬱湯。樊鴻曰。前者醫士莫不治肺。金木相尅。是猶操刀殺人。此藥妙處。亦可得而聞乎。陰生曰。此方妙在用白芍多至三兩。則直入肝經。以益其匱乏之氣。自然血生火熄。又用白朮當歸。健土以生血。

柴胡以解鬱。甘草以和中。白芥子以消膜膈之痰。又妙在多用茯苓。使鬱氣與痰涎。盡入膀胱之中。而消弭於無形。一劑而聲出。再劑而神安。三劑而鬱盡解矣。果然服此藥後。疾漸回春。樊鴻大喜。厚贈陰生。陰生不受而去。一日聞夢蘭在園中招飲。作紅梅宴。詩社諸友。無不折柬相邀。東樓此時。疾已減去三分之二。亦欲抱病赴會。樊鴻多令僕從隨侍。一至鄭園中。夢蘭迎入。喜出望外。衆友各申契闊。無不粲然。東樓見勝友如雲。高朋滿座。又見滿園紅梅。含苞吐豔。灼灼照眼。如含宿雨。如帶新煙。園以西竹林深處。卽是前日所見小樓。四顧爽然。疾更不知何往矣。少頃。分席列坐。水陸雜陳。雖無絲竹管絃。而低斟淺酌。幽情暢敘。飲興方酣。夢蘭卽席請曰。今日敝園。紅梅盛開。略設小飲。不可不題咏佐酒。勿令梅花笑我。衆皆曰。甚佳。但引興必煩東道主。我等乃以下里巴人。和陽

春白雪耳。夢蘭謝曰。座中皆名公鉅手。并蛙敢語海耶。拋磚引玉。恐不堪覆諸君酒甕耳。卽以紅梅爲題。書七律一首。詩曰。

一自東風嫁海棠。全欺絳雪艷羣芳。火齊夜照疎鐘冷。錦瑟朝翻繡幕香。素質豈堪留血淚。纖肌故遣襯荷裳。任誇艷冶牡丹貴。不藉花鈿賽曉妝。

衆賓交口稱羨。一時唱和甚多。獨樊東樓一見首韻。便有含蓄。尾聯有牡丹花鈿四字。默然有感。卽題七絕六首。其詩曰。

芙蓉不耐九秋霜。菡萏趨炎怯晚妝。爭似芳菲冰雪體。牡丹豈復羨河陽。

玉盞醲顏興未央。染成殷膩暈檀郎。多情錯認啼鶻淚。拾作花鈿有暗香。

灼灼含苞綴玉房。爲邀神女漱雲漿。相逢月下驚嬌豔。不是羅

浮舊日妝。

燒殘絳蠟。裏明光。午夜輕寒擁鵝鸕。不向曉風貪結子。丹衣染就謝東皇。

稜稜玉骨映紅牆。照眼橫斜水一方。聞道石家舒步障。珊瑚滿樹引鴛鴦。

雨到春山點壽陽。瓊枝玉樹總明璫。金鈿釋手開歡靨。咫尺花臺是七襄。

詩成。衆皆贊美。特不知寓意之所在。衆友入座又暢飲一會。方始別去。原來此宴。乃玉奴所設。玉奴一日病起。因至樓上。見園中紅梅盛開。觸動情景。夢中樓下書生。宛在目前。因作紅梅詩一首。詩雖咏紅梅。而以牡丹花鈿。藏在詩尾。卽夢蘭所書一律。而詭爲己作者也。玉奴因母擇配。高低不就。心戀樓下書生。又慮有貌無才。

遂心生一計。對天立誓。以紅梅招飲。各處名士畢集。以己詩詭爲兄作。務令屬和。就中若有喻得牡丹花鈿之意者。必樓下書生。卽己之畫眉人也。此意惟白母氏。夢蘭不知也。玉奴遍觀衆人和韻。佳叶非不甚夥。而多粘定紅梅。惟此六絕深明其意。累累關合花鈿在內。心中暗喜曰。此必樓下書生也。但衆人分紙題咏時。皆未署名。并不知此人爲誰。玉奴一時躊躇。暗想諸人倡和。吾兄必一周知。但與明言。殊覺不雅。又心生一計。將各詩盡用封緘。而以牡丹鈿。獨藏於此人詩囊中。餘者封潤筆銀五錢。令家人逐一送去。吾兄發付時。當自有斟酌。誰知夢蘭不解其意。以爲賞花招飲。各贈潤筆。亦屬尋常。隨接手中。呼馬陵至前。執筆微啓封緘。視之曰。此某人詩也。送某處。此某生詩也。送某處。逐一送去。亦未細審詩囊所貯之物。容有不同者。而東樓之詩。恰恰誤筆標爲竹溪王

生開選。王生開選。轉誤爲樊生東樓之詩。獨有東樓此時得詩稿送還。見俱有潤筆。喜不自勝。開緘視之。乃封銀五錢。再看詩稿。却非己原詩。爲五言律二首。心中大疑。細審詩意。亦僅咏紅梅之色香而已。一時躊躇暗思。此詩豈夢蘭之再韻耶。抑閨中之屬和耶。而家人口中。詩囊紙上。明明言原韻奉還。益發不解。東樓滿望姻事克諧。在此次詩爲之媒。詎知乖舛無常。望空捉雪。已痊之病。漸欲復發。旣而轉念曰。樊東樓。何執迷乃爾。改日夢蘭兄至。問之。自見分曉。遂日日崑望夢蘭。探王昌之消息。殊夢蘭有母舅梁崑。因亂移家棗陽。目下宋師平定漢東。收復襄陽。招納賢俊。梁崑已投宋出仕。授武經大夫。轉薦鄭夢蘭於宋帥岳招討。梁崑書達房縣。夢蘭得知。卽奉母命赴襄陽。一以省舅。一以自圖進取。於賞花招飲後五日。卽與馬陵同去。東樓得此信息。心如冰冷。自念姻事坎

珂左右連遭。鄭氏量無復諧之理。樓前邂逅。特鏡花水月耳。遂將此念擯棄不題。一日忽有數十壯士。馬上擁一軍官。款門問曰。樊先生東樓。可在家否。樊鴻應之。軍官自言大宋人也。奉扈韓兩先鋒之令。特送薦書至此。東樓聞之。卽出延入。叩其來意。始知平定夢澤巨寇者。卽昔年涪陵祠相遇之扈德威韓搏虎也。扈韓二人投宋。已爲上將。身統重兵。討平巨寇。漢東一帶業已肅清。襄樊諸郡無不納款。軍官亦言不久又見太平氣象矣。先生抱濟世之才。身遇明主。正好出仕。慎勿辜負兩先鋒之意。東樓謝之。置酒款待。次日東樓厚贈之。辭去。東樓始觀其書曰。

憶自涪陵祠前。藉接清暉。別後遂身歸故宋。蒙宋以不次拔擢。用爲列將。累積微功。目下已收復閩廣湘漢諸郡。大宋帝業。不日可成。先生旣懷瑾握瑜。擇主而事。時不可失。定如尊翁之言。

不負從龍之意。尺書到日。先生可至長沙。俟大兵凱旋。同見宋主。自當重用。餘不宣。扈德威韓搏虎。同拜。

東樓久欲仕宋。今得此書。正中其懷。遂命樊鴻治裝。不日起行。一日有鄭氏老僕索通至。東樓叩其家事。則梁夫人無恙。玉奴臥病未愈。蓋玉奴以花鈿贈詩。久無音耗。不覺鬱鬱成疾。母夫人深知其意。每問擇壻。究屬何人。玉奴曰。得吾牡丹鈿者。卽壻也。奈花鈿既無下落。長兄又遠去襄陽。壻擇何所。母夫人因命索通往招飲諸友。逐一探問花鈿消息。多疑在樊東樓處。索通因以微言挑其意。東樓始言詩稿不知誤送何所。而所得者。乃竹溪王生詩也。畢竟索通會意。卽討過詩稿。登時別去。遂竟往竹溪。時王生開選。自鄭園招飲後。卽有友約共遊洞庭未歸。詩稿見在家中。未開。索通大喜。卽說明錯誤。更換詩囊。索通細審內有貯者。卽花鈿也。如獲

至寶。先攜歸家。與玉奴看明不差。以愈其疾。始送與東樓。東樓得見花鈿。封貯在已詩囊內。不禁狂喜。把玩不置。指定花鈿笑曰。花鈿。花鈿。樓上美人。樓下書生。望汝作蹇修。乃播弄人如此耶。遂設酒款待。索通因問夢蘭幾時回歸。索通曰。公子行程。尙無定期。但家中大小諸事。老奴力能相助。東樓卽請作伐。索通笑曰。有此花鈿。二家姻事。不諧自諧。回歸與夫人玉奴說知。約定成婚。一日馬陵亦歸。索通迎門大罵。村夫無識。將詩稿誤送。幾誤大事。馬陵曰。此公子手書之誤也。夫人急問夢蘭之事。馬陵曰。公子隨舅父。引見岳招討。得蒙收錄。以文士宜隨大軍。過長沙。去見宋主。自當重用。命老奴回家報知。接家共往歸宋。且言小姐姻事。宜在樊生。夫人早爲于歸。他無所囑。夫人大喜。以夢蘭旣不在家。命索通知會東樓入贅。東樓命樊鴻預送聘金。權爲花燭之費。一至佳期。夫人

命張燈結綵。肆筵設席。笙簧迭奏。鼓吹喧闐。迎接樊東樓入贅。金屋銀屏。共飲合巹。花燭影裏。玉奴看東樓。明明樓下書生。東樓亦暗瞧玉奴。仍然樓上美人。東樓卽命侍婢。交還花鈿。司馬才高。文君調絕。非花鈿無此幾番狼狽。非花鈿亦無此一對鸞鳳也。玉樹琪花。允稱佳偶。比翼鳥。比目魚。有未足喻其夫婦相得之樂者。旬日後。一同治裝。東樓遂請夫人。玉奴鸞英。鳳英。侍婢等。隨行。自與索通馬陵樊鴻衆僕。役挈家望長沙而去。

第五十九回 耿星星兵敗海門島

集慶路安撫使塔思不花。旣大開武選。得將領數十人。士卒編入行伍者。亦數萬餘人。遂欲討平鳳陽。無如建康倉庫。被賊焚燬。糧草不充。乃檄各郡。運糧至宣城。一面徵集各路將士。協力大舉。卽命典試都監鎮海將軍戚璘。爲大都督。統屬衆將。勾龍闢海爲前

部。率耶律霸。韓雙。馬昌。史忠等。領兵五千。由廣德州而進。時守廣德者。乃兵馬都監耿青。以兵阻住州南三十里石雲梯。勾龍關海厲兵秣馬。率衆將奮勇爭先。壽陽兵望而奪氣。元兵直過隘口。三戰而敗耿青之師。復取廣德。耿青退至寧國。韓虎梁玠。二將聞之。急引兵來爭廣德。中途遇勾龍關海等。大殺一陣。二將大敗。仍舊退保寧國。元兵圍困寧國。二將飛馬告急。壽陽僞王賈智深大驚。急命張師旦爲兵馬大元帥。韓彧爲監軍。時龍虎二將項嗣昌已死。則命閻飛熊爲先鋒。引兵一萬。速救寧國。是夜張師旦宿於營中。合眼便見淮王秦錫帛至。師旦大驚。方欲起迎。淮王大罵逆賊。還我命來。張師旦未及回答。忽轉過邢士龍。拔劍砍之。取首級而去。張師旦急用手撫摩。問左右曰。吾還有頭否。左右不答。一時忿怒。正欲投袂而起。忽鳴鑼一聲。驚覺。乃在夢中。一時悚然。毛髮皆

堅。恐此次行師不利。起行渡江。直抵宣城。正遇鳳凰台鬪武之人。師且駭曰。此勁敵也。次日以連座車大破勾龍闢海之兵。元兵死者無數。勾龍闢海忿怒不已。解了寧國之圍。遂與張師且大戰。宛溪之上。元兵又敗。韓雙史忠陣亡。折兵數千。時大都督鎮海將軍戚璘亦至。謂闢海曰。張師且智勇足備。耶律都督梅參政皆死於其手。將軍尙宜仔細。勾龍闢海曰。都督休長賊兵銳氣。未將自有計破之。次日請戚都督壓定陣腳。命耶律霸出馬。壽陽軍中閻飛熊綽斧迎敵。不三合。耶律霸敗走。閻飛熊恨不馬踏元師。耶律霸連戰皆敗。張師且恐閻飛熊有失。請監軍韓彧守定大營。自引一軍。隨後接應。耶律霸望見張師且。親自來追。拍馬落荒而走。張師且沿途打探。並無伏兵。始放心追去。暗想元軍若除去勾龍闢海。諸人不足慮也。耶律霸直敗至太平縣。西去二十里。三折嶺下。此

嶺上有石洞。接連山南。孤絕處一石門。可容一人一騎。下有深澗。名曰沉香潭。耶律霸敗至嶺下。直入石門過之。閻飛熊喜曰。元將行入絕地。其被擒必矣。驟馬追去。勾龍闢海伏其上。見閻飛熊過。毫不在意。直待張師旦後軍到來。急發響箭。射入碧空。伏兵齊起。將粗木巨石疊下。阻塞前後去路。張師旦驚曰。身入虎口。此行危矣。只見勾龍闢海立在石門上。瞋目大呼曰。張師旦若不納降。吾準備多時。將爲梅參政耶律都督報仇矣。張師旦厲聲大罵曰。羯狗奴。吾豈懼汝耶。言未畢。只見勾龍闢海。手舉巨石。重有千觔。劈空從石門打下。張師旦並無躲處。連人帶馬。死於沉香潭中。一時嶺表。四下伏兵。矢石如雨。壽陽兵死者過半。餘盡降之。耶律霸將閻飛熊引過此嶺。聞賊兵已殲。急回馬揮兵圍之。竟被奮勇衝殺而去。張師旦旣死。逃兵敗回營中。韓瑊不敢抵敵。引兵望鳳陽而

走城中三將得知。心膽俱碎。戚都督乘勢。遂取寧國。韓虎梁琬。俱爲亂兵所殺。閻飛熊耿青。引敗殘兵。奔至壽陽。元兵大隊。陸續追至。戚都督引兵攻鳳陽。勾龍闢海一軍。竟打壽春。時鳳陽城乃耿星星鎮守。戚都督兵未入境。耿星星遣裨將二人。引兩軍抄出。元兵之後埋伏。戚都督前部臧凱。直入伏中。大敗而走。比及戚都督來救。已無及矣。耿星星出其不意。夜襲其營。元兵又潰。退至五十里下寨。深溝固壘。與耿星星相持。以免鳳陽與壽春。犄角相援。勾龍闢海。兵至壽春。壽陽王不意元兵。神速如此。倉卒間。命王芝仙等守城。閻飛熊耿青。仍舊引兵迎敵。連戰皆北。敗入城中。元兵圍城。四面攻打。壽陽城中。滿望鳳陽耿星星引兵來援。殊鳳陽有戚都督大兵牽制。焉能動身。加以壽陽王任政。專信妻舅韓彧。其蔡傳荆莫綏猷等。備員而已。韓彧傲狠肆酒。頤指氣使。睚眦小忿。無

不報復。壽陽王性尤褊急。峻刻御下。小不如意。則將莫綏猷蔡傳荆等。大加訶斥。十分窘辱。因此二人。頗懷怨望。壽陽王寵一愛姬。名曰香雲。有國色。善歌舞。元兵圍城。猶在宮中。假香樓。據胡床。擁香姬。飲酒作樂。時閭飛熊被毒箭所傷。創甚而死。元兵攻打甚急。王芝仙耿青。力不能支。莫綏猷蔡傳荆。直入樓前諫曰。大王猶晏。酣自恣耶。元兵已攻破外城矣。壽陽王酒已昏迷。乃歛容答曰。捍禦外侮。自有卿等。何必問孤也。復引手撫香姬曰。得卿張麗華。孤即作一陳叔寶。亦復何恨。况自古及今。寧有萬歲天子耶。二臣面面相覷而出。時壽陽百姓。無不怨入骨髓。一齊擁至午門大呼曰。我等皆大元赤子。願誅滅此昏主。同歸大元。莫綏猷蔡傳荆二人。一見民變。事急智生。忙安慰百姓曰。不勞汝等費力。我二人自將昏主首級。獻上大元。退兵以保滿城。百姓何如。百姓大喜。拜謝而

去。二人曰事不宜遲。莫綏猷遂至城上。召耿青王芝仙至。告以故。仍命耿青入宮行事。耿青曰。若命青臨陣退敵。殊心驚面顫。若令作此勾當。則渾身是膽矣。耿青遂仗劍入宮。至宮門遇壽陽王次子賈琨。卽拔劍斬之。挾取首級。藏於身畔。至偃香樓下。壽陽王一見青至。問曰元兵退否。耿青厲聲曰。元兵攻城甚急。特來取汝首級。去退敵。壽陽王大驚曰。孤待卿等不薄。何出此言。耿青曰。淮王秦錫帛待汝亦不薄。汝尙弑之。今日乃天道好還之時也。壽陽王泣曰。乞與妻兒訣別。死亦瞑目。耿青不許。將賈琨首級。擲而與之。壽陽王嚇得魂不附體。手攜香姬。往內便走。且曰。赴景陽井去矣。行不數武。忽兩眼一昏。見淮王秦錫帛與史獻疇。立在面前。遂暈絕於地。耿青大踏步上前。拔劍砍其首級。并香姬斬之。不一會。王芝仙入宮。亦言世子賈熙爲其所殺。隨後莫綏猷。蔡傳荆。楊城。章坦。

等皆至。一齊拔劍入內。將賈氏無少長。盡斬之。始攜壽陽王首級出宮。命百姓登城大呼納降。元兵驗過首級。勾龍闢海始分兵入城。收其降表。將首級用匣皮好。莫綏猷等十餘人。面縛入見。勾龍闢海命且監下。俟戚都督發落。出榜安民。積年巨寇。一旦而定。百姓鼓舞大悅。勾龍闢海令耶律霸馬昌二將分兵鎮守壽春。自引大隊回攻鳳陽。時戚都督亦知大功成就。闢海入見。相得甚歡。酌酒稱賀。闢海因問此處賊勢若何。戚都督曰。耿星星善戰。某故深溝固壘。牽制其師。以待壽陽功成。一鼓破之。勾龍闢海亦以爲然。且說鳳陽城中韓彧。聞壽春已破。壽陽王已死。卽欲納降。奈耿星星岷強要戰。勉強應承。而韓彧此時已亡魂失魄。耿星星日在營中。與兵休息。投石超乘。養精蓄銳。練成一陣。名曰長虹。其法前校首兵。中校首兵。左右兩騎兵。兩伏兵。齊相邀起截殺。銳不可當。此

陣不畏衝突。準備已審。元先鋒勾龍闢海。自恃材勇。以得勝之兵。望敵而進。被耿星星磨動七星旗。五隊齊出。勢若奔濤。元兵不能抵敵。大敗奔走。死者無數。勾龍闢海亦身被數傷。回營納悶。問衆將。俱不識此陣。遂心生一計。用車戰法以敵之。令營中連夜造成如式車輦。接衝扼而駕以牛。布爲方陣。首尾相聯。狀若連城。士卒臨陣上車。各持強弓勁弩射敵。更以騎兵翼之。翌日耿星星率兵搦戰。勾龍闢海隨與交鋒。不數合。用鎗尖一指。營中推出無數戰車。面面圍定。箭如飛蝗。人不敢犯。復信礮震響。更出兩翼騎兵。一齊衝殺。鳳陽兵大敗。耿星星被戰車所圍。死戰不已。一心惟望韓彧引兵來援。遂且戰且走。保護餘兵。奔至城下。只見韓彧在敵樓上。已豎起降旗。大開城門。元兵直入。耿星星直激得七竅生烟。幾乎墜馬。元兵大呼曰。有能生擒耿星星者。受上賞。放縱者殺無赦。

耿星星不敢爭城。翻身殺回。咬牙切齒大怒曰。能戰者。皆來受死。元兵罔不披靡。一連搦翻裨將數人。引敗殘兵。竟衝殺而出。戚都督統師入城。將韓彧囚下。立命勾龍闢海。率臧凱。李雲龍。鞠弋仲。裴金仙等。追勦耿星星。勾龍闢海五將。領兵直追過臨淮。耿星星又攔城固守。五將攻打不隄防。勾龍闢海。又爲耿星星射中手腕。衆皆忿怒。極力攻打。三日遂破臨淮。耿星星潰圍而出一枝鎗。神出鬼沒。勾龍闢海已負傷不能力戰。四將皆非其敵。不一會。耿星星又刺中臧凱。戮傷裴金仙。殺出重圍。竟過垓下。竄廣陵界口。四將見已去遠不追。勾龍闢海憤然曰。不生擒此賊。淮南萬里終未平也。四將不得已。一同追至高郵。又被元兵圍定。耿星星奮起神威。又鎗挑裴金仙於馬下。護衆而走。軍士忙救起裴金仙。則耿星星更遠去矣。四將不欲窮追。獨勾龍闢海一人抵死不退。令請揚

州護軍蘇聯芳引兵會合勦賊。勾龍闢海又與蘇護軍合兵追至駱駝嶺。及之。三馬連環。鏖戰不已。蘇聯芳措手不及。被耿星一鎗刺死。保護餘衆直下通州。奪船入海門島而去。勾龍闢海大驚。忙令將蘇護軍屍首殮於廣陵。候安撫奏請封卹。乃率本部兵索然而歸。時戚都督已稟知安撫。將莫綬猷等齊上檻車。諸將分兵鎮守。班師回建康。安撫塔思不花奏聞元主旨下。以賊黨俱在建康處決。將首級曉諭遠近。安撫陞樞密正使。進爵爲公。戚璘封關內侯。爲集慶路大都督。勾龍闢海爲敦武大將軍。都統制。如臧凱。裴金仙。鞠弋仲。李雲龍。馬昌。俱進位有差。陣亡者俱有優卹。大犒三軍。自此鳳陽一帶道路始通。

第六十回 王用槐吹簫九嶷山

岳招討旣在襄陽。休兵三月。招賢納俊。四方歸者如雲。卽命扈先

鋒德威鎮守襄陽。其餘各處分撥控制。乃率兵由岳州過洞庭。望長沙而進。以任天鵬守岳州。寇復雷仍鎮長沙。時寇復雷之姪竹生。由洛西來歸。岳招討甚喜。命與樊東樓。鄭夢蘭等。俱隨大軍而行。却有辰州獠酋秦猛。膂力過人。稍有謀畧。部落畏服之。遂訓練蠻部。得三千餘人。俱能披甲渡水。涉溪跳澗。矯捷如獼猴。因見宋元搆兵。攻城略地。潛謀不軌。乃煽動各部。如苗蠻。峒蠻。武陵蠻等。各擁蠻兵。擾亂州郡。又誠州獠酋楊有樛。宋熙寧中。其先世有光僧。光富者。歸附朝廷。爲右班上直。飛山一帶道路。俱設巡檢司。子孫世職。其名再思者。曾據牂牁稱刺史。有功於民。死而靈異。土人祀之。楊氏至元世失官。故有樛久蓄異志。所部又得猛將二人。一名濮三怨。虎臂熊腰。雄健絕倫。自言怨天不以富貴庇己。怨地不以富貴載己。怨人每欺我無才無能。故名三怨。一名插翅飛。本名

牛二。銳頭蠱目。粗莽有力。因能披重甲。越巨塹。故名插翅飛。二人齊歸有樛。遂統蠻兵。四出大掠。州縣騷然。秦猛亦從五溪等處。大肆猖獗。時郴辰桂陽各州。俱劉遇隆鎮守。遇隆恐不能制。令人星夜至長沙告急。岳招討大隊。尚在長沙。卽撥兵五千。令狄勇岳坤往助。討平土蠻。二將兵至五溪。則秦猛已被劉遇隆追過沅水。渡渠河。踰黃茅嶺。藤蘿營。與楊有樛入夥。二將遂督兵直抵誠州。有濮三怨正率蠻部在攻擊擄掠。被二將痛勦一陣。濮三怨敗去。二將遂屯兵七星崑。次日楊有樛甚忿。統其族姓。共三十三州峒之衆。來決死戰。狄勇曰。賊聲言致死於我。不如少避其鋒。俟其疲倦。擊之一戰可定。岳坤然之。令衆軍堅護營寨。如擅離鹿角者立斬。楊有樛率峒丁在寨前。耀武揚威討戰。宋師不理。直至午後。人已困倦。多有解甲下馬。坐臥而嫚罵者。忽宋營中鼓角齊鳴。鐵騎當

先步兵繼之。蠻兵倉皇不敵。陣脚已動。楊有樛阻遏不住。遂潰。二將大破其砦。劉遇隆在藤蘿營。與秦猛大戰良久。忽插翅飛引蠻兵。從落濛關驟至。攻擊宋師之後。劉遇隆腹背受敵。力不能支。遂敗。二將聞之。狄勇急引兵往援。至九龍山。正遇插翅飛奮勇而來。狄勇下令衆軍。俱用大刀闊斧。如牆而進。插翅飛與狄勇交馬。不一合。被狄勇一鎗刺死。宋師大殺一陣。苗兵皆鳥獸散。狄勇遂與劉遇隆合兵。復攻獠酋秦猛。至郴州之白馬嶺。獠酋部落勇健善戰。宋師不能勝。潰於嶺下。秦猛所部之衆。亦損去三分之一。未能抵敵。聞營陽麒麟峽。武陵寨酋長姚應龍。部落有三千餘衆。遂率餘兵。急往歸之。狄勇劉遇隆。見蠻兵去已遠。未便追襲。遂回兵來威砦。時楊有樛在會同縣。烟墩岡。負固阻險。前臨大溪。前後皆修篁密箐。輜重屯其中。俱臨溪而守。三將兵至。觀望良久。劉遇隆遂

引兵偷過圍後。上山縱火焚輜重。狄勇岳坤引大軍就溪邊。鏖戰不已。楊有樛前後受敵。救應不暇。所部精銳。漸已殺盡。遂棄衣甲鞍馬。與濮三怨混入蠻隊中而遁。沿途打探。插翅飛一軍消息。則已在九龍山戰死。秦猛一隊。又過麒麟峽。與姚應龍入夥去矣。楊有樛濮三怨。亦率餘部。望營陽而進。宋將狄勇岳坤劉遇隆。引兵沿途追勦。迤邐直過道州。一日抵飛霞嶺。有苗兵阻住。三將率兵奮勇奪險。而苗兵弩箭傷人。最爲利害。軍士皆怯。三將各執蠻牌。身先士卒。衆兵繼其後。苗兵遂退過嶺去。三將引軍。大殺一陣。直踰孤雲澗。丹岩石。則有武陵蠻。姚應龍大隊。阻住去路。姚應龍碧眼紫鬚。手舞蛇矛迎戰。三將分左右翼而進。蠻兵殊死鬪。三將見難以力勝。遂鳴金收軍。次日姚應龍合秦猛楊有樛濮三怨四酋。各將苗兵。一齊湧至。直蹙宋師。劉遇隆望陣而逃。四酋窮追不已。

狄勇已入麒麟峽。令軍士縱火焚其巢穴。烟焰蔽天。姚應龍正在追擊宋師。忽回頭望見大驚。急欲回兵。而號礮震響。岳坤發動伏兵。楊有樗被岳坤手起一鎗。刺於馬下。劉遇隆督兵殺回。蠻兵大敗。宋師如發蒙振落。姚應龍也不顧後軍。拍馬便走。將入峽口。正遇宋師大出。狄勇一馬當先挺鎗便刺。姚應龍不敢貪戰。奪路而走。宋師亦不追趕。姚應龍見營寨已燬。妻子俱戮。大悲曰。此仇不可不報。率秦猛。濮三怨等。離峽而去。且說劉遇隆。岳坤。狄勇。三將合兵商議曰。賊已膽落。趁破竹之勢。討平蠻部。成功在此一舉。三將令人往探。云賊在披雲洞。養蓄精銳。三將一同進兵。不日至石笋窩。越虎兒峪。路皆險峻。三將防有不測。分三隊而行。以便前後救應。行經數日。俱無苗兵。一日抵九門峽。將入飛蛇口。忽濮三怨引一隊蠻兵迎敵。前隊狄勇。接住交戰。濮三怨焉能抵敵。十餘合。

大敗而走。狄勇忙令人報知中隊岳坤。引兵追去。岳坤聞報。卽催
趨而進。再報後軍。令速來接應。前隊狄勇。追襲蠻軍。濮三怨且戰
且走。狄勇見蠻兵。並無接應。中隊岳坤亦至。遂放心追去。行不數
里。見兩崖多峭壁。削天。怪石蹲踞。岳坤狄勇。未免心疑。忙令人哨
探。所追蠻兵。忽不見。二將大驚。立命兩軍退出谷口。則四山已鼓
角亂鳴。二將恐被圍。急奮勇殺至一處。地名曰將軍壘。就山頭紮
定。回看谷中。無數苗蠻。奇形怪像。蜂擁而出。處處阻住。二將幾次
衝殺。不能奪險。一心惟望劉遇隆援兵接應。誰知劉遇隆後隊。聞
報卽遇秦猛一部蠻兵。橫衝其陣。阻截前後。劉遇隆與戰卽退。追
至落星崑。亦入伏中。被搖蠻所圍。三將聲息不通。劉遇隆在落星
崑。眼睜睜日盼二將之兵回救。半月有餘。軍士飢不能起。掘草根
削樹皮。勉強入腹。蠻兵安坐守定。以飽待飢。宋師大困。劉遇隆仰

天嘆曰。天不欲興大宋耶。何置人於死地乎。軍士飢不能堪。互相怨尤。號泣不已。死者相繼。時當秋深。是夜月明如晝。銀河在天。蠻兵隊中。悄無人聲。劉遇隆左右思惟。無計可出。心如鹿撞。忽聞遠處若有吹洞簫者。簫聲嗚嗚。迎風送至。覺得一聲長。一聲短。一聲高一聲低。其音淒涼。其韻清越。字字令人下淚。劉遇隆審聽一會。覺其音自九嶷山東南最高處而來者。旣而歎曰。此張子房之簫吹散八千子弟兵者也。吾其殆矣。宋師聽者。多嗚咽不能成聲。蠻兵當夜。三五成羣。聚於一處。側耳聽之。始初猶覺餘音嫋嫋。可歌可咏。繼而愈聽愈覺蒼涼。愈聽愈覺酸楚。蠻兵各隊。無不望月飲泣曰。我等各有部落。各有鄉土。何苦死守於此。倘遇敗績。不徒作他鄉之孤魂游魄耶。遂一齊號吼。解圍而去。秦猛不能禁。劉遇隆聞之。撫慰軍士稍強者當先。弱者隨後。亦乘勢殺出。正遇秦猛。交

馬只一合。被劉遇隆殺之。忽前面塵土大起。疑峒蠻大至。準備迎敵。及近視之。則狄勇岳坤。二將亦言潰圍殺出。深得九疑山簫聲。解散之力。三將始合兵一處。忙將蠻兵所棄之糧。令三軍飽食。食猶未畢。濮三怨。姚應龍。領苗兵千餘來追。宋師業已得食。可以力戰。三將圍之。混戰一會。姚應龍中箭身斃。苗兵無主自亂。濮三怨下馬請降。三將允之。餘苗亦多降者。三將回至營陽。以酒食贈苗兵。各以溫語安慰。厚其賞賜。卽命濮三怨爲本峒之主。撫輯苗夷。兼制獐獠。奏聞宋主。更頒誥勅。無得復生異心。濮三怨率衆蠻兵泣拜而去。諸蠻盡平。劉遇隆曰。我三人幸而成功。非吹簫之力。不至此。遇隆當至九疑山訪之。岳坤亦欲往。二將不用。隨從。遂由寧遠。直至山上東南最高處。隱仙巖側。有一讀書堂。內一書生。二將叩之。卽昔日洞庭湖中吹簫之王用槐也。大名人。避亂湘陰。與寇

竹生同里。因見寇氏橫遭無辜。乃隱於九嶷。岳坤劉遇隆叩見畢。各道來意。并謝其吹簫解散苗兵之力。用槐遜謝曰。僕是夜亦偶爾步月。因有感二十四橋。故爾品一十六管。亦書生輩適情自恣耳。僕何力之有。岳坤劉遇隆齊聲曰。若非先生簫聲一助。某等不惟不能成功。且坐受臺城之困矣。先生高臥空山。相時而動。今宋主龍興。懷才抱藝者。可以出矣。王用槐曰。僕烟霞痼疾久矣。大宋重興。自有將軍等。風雲相從。僕枯槁之士。敢濫廁吹竽耶。岳坤曰。前某等大軍平定襄陽。招納賢豪之士。何啻數十人。各處聞之。莫不望風景從。先生不出。想以千鈞之弩。不爲鼯鼠發機。寧薄大宋而不屑耶。用槐遂不敢再辭。留二人。宿於山中。次日治裝。同至營陽。又與狄勇相見。劉遇隆仍舊引兵。鎮守郴辰桂陽等州。二將領五千原兵。同王用槐。望廣南而去。

元史演義卷九

第六十一回 炎宋興復設方鎮

宋主遣朝議郎耿進誠在邵武建宮立署。以城西之熙春山。更名爲萬壽山。城東之千松嶺。更名爲千歲嶺。宮殿皆靠定城北蓮花九峯而南向。築城周圍四十五里三分。計八千一百一十六丈。敵樓四。堆房三十六。門九。東泰安。西懷遠。南鼎新。北永定。中神武。東北曰靖海。東南曰安瀾。西北曰揚威。西南曰耀德。八門常開不閉。惟永定一門常閉不開。引樵溪綏江之水。環以爲池。城內前朝後市。左祖右社。工已告竣。始表請涪王。由翔龍府發駕臨幸。定鼎建極。涪王乃加張懷亮爲留守。司都統制。鎮翔龍府。而以老將王方副之。擇吉於是年庚子二月朔。率後宮文武起行。沿途百姓父老。嵩呼華祝。無不擊壤而歌。酌兕而獻。涪王皆安慰之。不日抵邵武。

有耿進誠。高耀。卿。韓靖。夏等。率同城文武官吏。父老。踰界相迎。邵武百姓。扶老攜幼。瞻視威儀。涪王入城。見宮殿朝署。安布皆井井有法。不華不陋。深嘉進誠不置。妃嬪入宮。各有內院。文武各官。俱已安下。一日。涪王設朝。文武進見。請上尊號。涪王猶欲遜謝。范國昌。司馬肅。皆曰。匡山而後。中國無統者。三十餘年矣。臣等忍恥蒙垢。直至今日。此時諸事已定。中外一心。殿下雖欲辭之。不可得矣。涪王始命資政大夫劉知幾。南郊築壇。又命參政司馬肅。學士白映雪等。酌定儀注。文武各官俱有職事。分別辦理。以本年庚子夏四月朔日。丙午。祭告天地正位。文武甚喜。拜謝而出。數日後。內外大小文武。畢集於邵武。漳州府。漳浦縣。奏醴泉至。長沙府。寧鄉縣。奏一麥九穗。撫州進芝草。廉州合浦還珠。文武皆曰。此天意也。劉知幾奉命南郊築壇。按周天之數。壇高三丈六尺五寸。凡三層。上

層圓以象天。中層方以象地。下層正以象人。上列兩曜。五星。八卦。九宮。二十四氣。以及周圍旗幟。亦各象蒼龍。白虎。朱雀。元武。壇上。又奉皇天后土。日月星辰。風雲雷雨。社稷山川之神。以及三皇五帝。三代聖君。并宋初太祖以後一十八代之靈。不日壇成。又有司馬肅白映雪等。將壇中一應禮儀制度。陳設俱備。內外文武。罔不恪遵。君臣先期三日。齋戒沐浴。是時正元成宗大德四年。夏四月丙午朔。文武保護。駕至南郊。簇擁登臺。始受袞冕。改元重康。是爲顯宗皇帝。壇下鼓樂交奏。帝始行八拜禮。學士白映雪。朗聲讀祝文曰。

維大宋重康元年。歲次庚子。夏四月。丙午朔。臣涪陵王趙晟。敢昭告於皇天后土。日月星辰。風雲雷雨。社稷山川。歷代聖君。及我大宋太祖。太宗。眞宗。仁宗。英宗。神宗。哲宗。徽宗。欽宗。高宗。孝

宗。光宗。寧宗。理宗。度宗。恭宗。端宗。帝曷之靈曰。天佑下民。作之君。作之師。思我王度。式如玉。式如金。以故周武一戎衣。膺籙而著得魚之瑞。漢高三尺劍。受圖而開逐鹿之基。雖遭遇異時。建極不同。其揆一也。自我太祖皇帝。混一土宇。肅清中夏。諸侯以禮爲歸。此之謂矣。皇天惟德是輔。豈其謬哉。爰及列聖。莫不抱一垂型。函三受福。皆所稱允文允武。克長克君者也。胡元蒙古。奪我神州。竊我名器。而乃滅天毀聖。妄據四海九州。敗俗亂常。竟致土崩瓦解。蝟亂蠶起。鳥思靜於飛塵。蝗國瘡民。魚豈安於沸水。臣本海島餘生。涪陵嫡脈。仗虎賁三千。倡義而揮戈江右。作龍飛九五。正位而捲席閩中。爰至湘廣。靡不率從。爲衆所推。攝君之位。重恢藝祖版圖。無思不服。用踐章憲遺詔。咸與維新。今改元重康。統繼兩宋。托天之威。尙期興復久淪之境土。仗神

之力。更求翼贊大統之乾坤。祈天邁相。永克丕承。是享。

白映雪讀罷。禮畢。文武扶帝下壇。范國昌岳燕超等。衆文武及都城父老。無不歡呼萬歲。鑾儀司遂請帝陞輦。龍旗鳳羽。侍衛警蹕。帝始偕文武。奉歷代神主。送入太廟。追秦王爲德祖。睿皇帝。王妃爲睿太皇后。皇考爲孝康裕皇帝。皇妣爲孝慈裕皇后。推而上之。皇祖考妣。皇曾祖考妣。俱追尊。帝后之號。而小宗。太宗。左昭。右穆。俱各如位。帝始由太廟。陞輦入朝。城中軍民。歡聲若雷。無不家懸燈戶。結彩。觀者填街塞巷。有喜至泣下者。帝乃陞殿。受文武揚塵舞蹈拜賀畢。詔以此殿爲奉天殿。邵武爲京畿。更名武都。册立孟氏爲皇后。陳氏爲宸妃。劉氏爲淑妃。世子璉爲太子。次子瑩爲廣王。三子璣爲湘王。官設二相。六官。九卿。左右丞。左諫議。右贊善。臺諫文學。俱依舊制。武職設正副樞密使。與宰相並。大將軍幕府。大

都督軍府。其餘都部署。總領衛兵馬使。團練屯田等使。俱如舊制。帝於次日。大集文武。崇德報功。以范國昌爲左相。兼少師。种世龍爲右相。兼少傅。司馬肅爲中書令。兼少保。韓昭。李穆。皇甫惇。葛天民。侯長孺。耿進誠。爲六部尚書。白映雪。劉知幾。爲左右丞。蘇伏威。爲諫議大夫。馮道南爲贊善大夫。宗夢弼。長孫軌。苗秀實。章蔚文。陳鵬。陳華。陸宣。文佐。黃仲通。李精誠等。俱爲部郎。上官誠。鄭夢蘭。寇竹生等。爲學士。樊東樓。令狐韜。爲太子洗馬。上官樸。爲資政大夫。王用槐。爲太常卿。方連茹。爲議郎。岳燕超。爲樞密正使。晉爵上柱國。永安公。狄定國。爲樞密副使。晉爵保昌侯。高耀卿。爲威武大將軍。韓靖夏。爲威武副將軍。關普靈。爲龍武大將軍。武陵侯。寇復雷。扈德威。韓搏虎。張懷亮。馬遇樂。劉瑛。六人。俱封列侯。授大都督之職。种世虎。狄勇。史進。拓跋琳。岳鎮。岳坤。鹿靖。陳同。八人。戰功尤

著爲總領衛大將軍。都部署。楊孝伯。宇文廣。劉瑄。史霸。任天鵬。夏侯傑。斛律亢宗。馬遇陽。屈突申。廖雲。焦芳。牛竝。張燕。傅宥。吳廣。吳康。王麟。王方。王彥。馬晉臣。李繼業。查士珩。洪時錦等。俱驃騎將軍。龐英。張昌。石雄。曲遜。史良璧。王遼。朱景。朱昇等。兵馬正使。而新降將佐。若邵綸。赤丁。銚藩。劉瓚。呼延廷璠等。亦授都團練之職。孟來。扮以椒房。雖無戰功。亦進爵爲子。授武德將軍。至慕容晁。藍天蔚。劉遇隆。三降將。以平定湖湘等處。戰功頗多。劉遇隆爲執金吾。授懷遠將軍。藍天蔚爲左護衛使。龍驤將軍。慕容晁爲右護衛使。虎翼將軍。其餘內外大小文武。新舊將佐。俱各拜官進秩。有差。各官一齊當殿拜舞。山呼謝恩畢。又念羅浮起義。終成大業。加少傅。种世龍。爲福寧侯。食邑五百戶。而昔年海島播越。深得二馬之力。乃患難中人。馬遇樂。已爵通侯。食邑三百戶。遇陽亦進爵爲始興伯。

食邑二百戶。劉瑛。劉瑄。張懷亮。皇甫惇。皆仗義舉事之人。各賜黃金彩緞等項。劉瑄。皇甫惇。俱賜子男之爵。又前後各處陣亡將士。如王建忠。李君貴。虞凱。杜樸。霍商。徐建勛等。俱有追封。入廟奉祀。士卒陣亡者。亦有廕卹。又大出帑藏。賞犒三軍。州縣頻年用兵。及水旱不時者。皆蠲免其賦稅。又勅各處州郡長吏守宰。問老恤貧。及鰥寡孤獨。皆宜賑恤。拔幽出滯。興賢育才。尤爲首務。所詔各款。次第舉行。人心鼓舞大悅。帝與羣臣大宴三日。各官外任者。俱各去訖。帝一日與宰臣各部酌議。下詔分爲四鎮。建閩。設節度使。以統御之。時閩中已控邵武。漳州。汀州。福寧。又續入延平一府。廣南此時并高。廉。瓊。雷。盡入版圖。已全省控制。江右則建昌。撫州。贛州。南安。吉安。已轄五府。湖廣則長沙。武陵。營陽。建州。郴州。靖。辰。沅。桂。陽。岳州。并跨江而襄陽。安陸。漢陽。德安。無不統轄。閩中建閩於

延平。江右建闡於建昌。廣南建闡於肇慶。湖廣建闡於長沙。而以寇復雷爲長沙節度使。韓搏虎爲建昌節度使。馬遇樂爲肇慶節度使。劉瑛爲延平節度使。應敵禦侮。檄調兵將。皆得便宜行事。惟襄陽太遠。與元接境。則仍以扈德威爲襄陽節度使。獨鎮漢沔四郡。至武都爲京畿。密邇福州。以杉關爲重鎮。設行軍元帥府。用重兵控守。仍加威武副將軍韓靖夏爲太尉鎮之。步步連營。碁布星羅。翔龍府仍設留守司都統制。張懷亮鎮守如故。潮州府海寇不時竊發。加史霸爲靖海大都督鎮之。桂嶺三關。仍立營寨。用三將防守。治國之要。一依右相种世龍。中書令司馬肅。二人條陳各款。如法頒行。自是而炎宋之業再興矣。

第六十二回 衆夷國入貢武都

元成宗一日設朝。有福建平章高興。建寧路御史中丞忽都魯兒。

二臣飛章上奏。以宋帝建都邵武。有并吞全閩之意。又立鎮建閩。措畫甚大。不可不先事預防。京湖安撫使李羅帖木兒。亦奏全楚陷沒。僅餘荆郢。觀宋人舉動。有席捲京湖之志。臣等外鎮閩帥。并無其敵。乞陛下早作良圖。成宗覽奏。憂形於色。平章梁德珪張九思進曰。自古兩國相敵。非戰則和。陛下欲休兵養民。何不竟遣使與宋人畫江爲界。各保境土。免致塗炭生靈。豈不美乎。且臣觀內外將帥。并無知兵。若老太傅伯顏。都元帥張宏範者。喪師辱國。非止一次矣。所謂揚湯止沸。不如去薪也。成宗方欲從之。有翰林承旨留夢炎急奏曰。不可。不可。大元中外一統。胡越一家。豈無懷抱孫吳。可以戡亂定功其人者。若與之和。是借寇兵而齎盜糧也。陛下若命將伐宋。老臣雖邁。當爲行軍司馬。作露布以告厥成功。張九思笑曰。承旨有意征宋。能保其必勝乎。留夢炎曰。仗陛下天威。

將帥得人。老臣雖儒士。亦請試鉛刀一割。帝曰。留卿之言甚壯。張九思遂不敢復言。帝卽詔以建寧路總管武康侯赫連頤。率閩中兵征之。夢炎卽預參幃幄。拜行軍司馬。更詔廣右行省參政蒯毅。檄調各處將士。進兵太平。兩路夾攻。宋人疲於奔命矣。留夢炎齎詔。遂赴閩中而去。時大宋重康二年。春。有海外夷王。遣使入貢。不期而來。武都者。凡十有八國。各獻方物。雜陳百戲。而貢物最爲珍異者。首推日本。日本國王坦呢特布。因蒙古喪師而退。感帝德弗衰。因聞大宋御極。乃命國相紇搭。大將叱咤。一文一武。奉表來朝。以一瑪瑙囊。滿貯甘露。又曼陀羅華五瓶。曼陀羅華者。日本王子七歲。卽講聖鬢經。天爲雨花。瓶皆用文具嵌就。又吠琉璃一方。吠琉璃者。寶青色。至堅。一切寶皆不可破。亦非火燄所能鎔。惟鬼神有道力者。乃能破之。此寶出須彌山。非日本土產。此物乃番舶

過海所得者也。至日本所轄。五畿。七道。三島。所產異物。如芝草。紫玉。仙樹漿。碁子等類。無不畢獻。次則真臘。獻七寶牀。鷄駭犀。瓊漿石。即石瑪瑙也。再次則暹羅。獻元精玉。黃蛇珠。又次則占城。獻女珊瑚一樹。安南。獻仙艾花。此花以仲春日開。雨後花落水面。羣魚吞之。多化爲龍。外此若三佛齊。獻神鹿一隻。高三尺。前黑後白。毛短。蹄三踏。滿刺。加獻蕉心簞。爪哇。獻五色鳥。琉球。獻辟寒金。忽魯謨斯。獻草上飛。草上飛者。奇獸。大如貓。身玳瑁斑。百獸見之。皆驚伏。和蘭。獻神銃。銃長二丈有餘。發之。可洞石城。震數十里。蘇門答刺。獻如意珠。此珠出摩竭大魚腦中。魚身長二十八萬里。珠一名金剛堅。得此珠。毒不能害。火不能熱。餘更有佛郎機。合貓里。婆羅蘇吉丹。交欄山。諸國。皆有異寶入貢。不可殫述。各國旣入武都。自有接待外夷各官。館驛祇候。文武預先奏知。帝乃於中和節。御奉

天殿。大設朝會。十八國使臣。一齊三呼九拜。舞蹈朝見。各國王表奉正朔。各獻方物。日本一表。尤極深感戴之意。帝一一慰勞。受其禮物。二使臣。一文一武。俯伏丹墀。帝視之。已頭半白黑矣。帝勞之曰。朕前在上國。過蒙推許。別後未幾。二卿已兩鬢含霜。回憶奉聖寺。扶桑島諸事。依依如昨。勞卿遠涉。惠顧中土。國王無恙耶。二卿亦無恙耶。叱咤紇搭齊奏曰。日本蒙天皇寵臨。爲海邦大振國威。敝主所轄五畿七道三島。及附庸百國。罔不臣服。皆昔年天皇威德之所賜也。海不揚波。知聖人在位久矣。薄具土產。略表寸心。煙波餘生。致勞天皇寵問。圖報無地矣。帝一時感舊。不禁愴然良久。於暹羅占城。真臘諸國。無不問候備至。各國使臣。俱極感激。叩謝而出。次日帝於宣政殿。設宜春宴。一十國使臣俱齊。百戲雜陳。殿左右太常樂部。亦皆鳳吹鸞謳。鶖絃鴈柱。龍笛象管。蝶拍鶯簧。迭

奏太和舒和昭和休和諸樂。一時真是天上人間。千載一時。帝又命學士樊東樓、鄭夢蘭、令狐韜等作王會圖詩，以紀一時之勝。文學諸臣若司馬肅、皇甫惇、白映雪等輩，和者又數十人。可謂君臣同樂。中外一家。酒已半酣，各國使臣奏曰：外臣不解文字，請各陳風土，以佐觴政可乎？文武皆曰：甚善。齊傾耳聽之。有占城使首言其國晝夜分十更，用鼓打記。非午不起，非子不睡。見月則飲酒歌舞爲樂。十人五人圍坐，以竹籥插入糟甕中，輪次吹之。至國王則每採生人膽入酒，與衆人同飲，以爲通身都是膽也。真臘使者曰：吾國風土與上邦不同，貿易皆用婦人。如中國針梳磁漆等物最貴。婚娶則燃燈不息。女十歲即嫁。至國王則三日視朝，坐七寶牀。列玉猿孔雀犀象，名百塔洲，以桑香佛舍爲饌。盛以金銀盤盃。諺所云富貴真臘也。琉球使者曰：吾國有歡會門，以金葫蘆團扇爲

儀衛。美姬含米造酒。名曰米奇。官皆金簪。子弟入國子監讀書。歸爲長史。至婦人則以羅紋白布爲帽。雜毛爲衣。螺爲飾。其聲如珮。以墨黥手爲花鳥之形。有奉神殿。神以婦人爲尸。名女君。三四百人。各戴草圈。攜樹枝。乘騎入王宮遊戲。一唱百和。音甚哀慘。爪哇使者曰。吾國舊傳乃鬼母與罔象合。生子百餘。嘗食人。忽一日雷震石裂。中坐一人。衆異之。遂爲國王。領兵驅滅。一村男女兇惡。有異僧取水喫之。化爲獼猴。獨一老嫗不化。隨老猴爲侶。稱猴王。猴夫人生子一歲。則置刀一把。名不刺頭。每月爲春首。有竹鎗會。夫婦並坐塔車。至會所。各執竹鎗。妻執三尺木棍立其中。以鼓爲號。二男交鋒三合。二妻以棍隔之。曰。那刺那刺。卽退散。若殺死。王令勝者與死者家金錢一個。死者之妻。卽隨勝者男子而去。文武聽畢。無不大笑。暹羅使者亦笑曰。吾國土俗。又與上邦不同。大小

事悉決於婦。其夫聽命而已。習水戰。大將用聖鐵裹身。刀矢不能入。聖鐵者人腦骨也。人死。將尸放海邊。令鳥食之。餘骨棄海中。謂之鳥葬。三佛齊使者曰。吾國水多地少。民置木筏。蓋屋而居。覆以柳葉。田土甚肥。故諺云。一年種穀。三年生金。吾國之謂也。蘇吉丹使者曰。吾王以五色布纏首。跣足乘車。從者五百餘人。各執鎗劍。如虎鹿牛羊狀。吾國東至海水。勢漸低。女人國在焉。逾東則尾閭所泄。非復人世矣。忽魯謨斯使者曰。吾國有五色土。紅如銀硃。白如石灰。又有青綠鴉姑。以銀鑄錢。名底那兒。鬪羊。角灣向前。上帶小鐵牌。行動有聲。人養在家。賭錢爲戲。產花福祿獅子。駝鷄如鶴。長三四尺。脚二趾。毛如駝。行亦如之。佛耶機使者曰。吾國有蜈蚣船者。底尖面平。長十丈。闊三尺。旁駕櫓四十。每舟容三百人。雖無風可疾走。俗最信佛。每六日拜禮。手持紅杖而行。婚姻詣佛前相

配。以僧爲證。謂之交印。當下一十八國。各陳土風。一時聽者。無不哄堂。有日本使臣紇塔。推箸而起曰。蒙天皇寵宴。海邦下臣。皆飲和食。德足矣。各國使者。俱起叩首謝恩。帝始命徹宴。令文武送出。各國使臣。在武都留連旬日。一一辭別。俱回以禮物。厚其賞賜。優詔答之。使臣皆有重贖。而紇塔叱咤。尤賞賚甚厚。及占城暹羅真臘諸使。亦另有加等。無不大喜過望。歸海上而去。

第六十三回 蘇公堤朝雲集句

廣南惠州府。城西有湖。曰豐湖。湖上有堤。曰蘇堤。因宋紹聖中蘇子瞻謫守惠州。見地方人修堤不就。出所賜金錢。助以成功。故名。蘇公堤。誌不忘也。子瞻旣謫惠州。以道途遙遠。不帶姬妾。惟朝雲苦欲相隨。許之。朝雲者。錢塘名妓也。子瞻爲杭州太守。納爲常侍。相依嶺外。子瞻甚憐之。曾有詩曰。

不學楊枝別樂天。且隨通德伴伶元。阿奴絡秀方同老。天女維摩總解禪。經卷藥爐新活計。歌衫舞袖舊因緣。丹成隨我三山去。不作巫陽雲雨仙。

朝雲隨子瞻。至惠州。未及一載。以不服水土病卒。子瞻痛惜。以西江月一詞悼之云。

玉骨那愁霧障。冰肌自有仙風。海上時過探芳叢。倒挂綠毛么鳳。素面翻嫌粉膩。洗妝不褪唇紅。高情已逐曉雲空。不與梨花同夢。

子瞻葬之於棲禪寺大聖塔後。因朝雲臨卒。以誦如夢如泡之句而死。子瞻爲造一亭。以覆其墓。卽名曰六如亭。此墓遂與虎邱貞娘。錢塘蘇小。俱爲名墓。後人每屆清明。俱來墓前。滴酒澆奠。至於墓地常溼。亦惠州一勝蹟也。時朝議郎韓昌爲惠州太守。昌有姪。

名文通。同在任所。攻讀之暇。輒散步於湖山佳勝。一日有契友數人。招飲平湖閣。呼盧浮白。吟詩填詞。或選瑤臺之勝。或寄玉灘之景。一觴一咏。暢叙幽情。直飲至東山月上。遠遠望見合江樓。俱在目中。文通始辭別衆友。喚侍僮相隨。乘醉踏月而歸。行不數武。忽閣道前。有一淡妝素衣女子。偕一侍婢。持燈前導。女子冉冉而行。文通業有七分醉意。急躡其後。素衣女子。却孃孃娜娜。其行如駛。文通追之不上。至棲禪寺。大聖塔。六如亭邊。倏忽不見。文通深以爲異。侍僮皆見之。文通心知爲朝雲之靈。惜未識面。惆悵不已。緩步而歸。是夜。寢不成寐。伏枕暗思。此人明明在目。竟當面錯過。豈不可惜。翻來覆去。直待東方發白。卽披衣而起。欲往六如亭前。思一申禱古。信步行去。不覺仍過蘇堤。忽見平湖閣在前不遠。乃啞然笑曰。誤矣。方欲轉去。忽又想昨宵之事。明明遇合在此。且至閣

下少坐。思一良夕佳會何如。甫過堤畔。經閣道。只見西廊墨瀋淋漓。字迹遍滿壁上。文通逐一覽之。則壁上共成七言律集句十首。七言絕集句十二首。乃仙靈之貽芳。不朽於世也。七言律云。

家住錢塘東復東。偶來江外寄行蹤。三湘愁鬢逢秋色。半壁殘燈照病容。豔骨已成蘭麝土。露華遍溼蕊珠宮。分明記得還家夢。一路寒山萬木中。

妾本錢塘江上住。雙垂別淚越江邊。鶴歸華表慘新塚。燕蹴飛花落舞筵。野草怕霜霜怕日。月光如水水如天。人間俯仰成今古。只是當時已惘然。

三生石上舊精魂。化作陽臺一段雲。詞客有靈應識我。碧山如畫又逢君。花邊古寺翔金雀。竹裏春愁冷翠裙。莫向西河歌此曲。清明時節雨紛紛。

東望望春春可憐。江籬漠漠荇田田。遠籬野菜飛黃蝶。糝徑楊
花鋪白氈。雲近蓬萊長五色。鶴歸華表已多年。夢回明月生南
浦。汨血染成紅杜鵑。

浮雲漠漠草離離。淚溼春衫鬢脚垂。秋水爲神玉爲骨。芙蓉如
面柳如眉。鐘隨野艇頻孤棹。蟬曳殘聲過別枝。青塚路遙南鴈
盡。問君何事到天涯。

身前身後事茫茫。惱斷蘇州刺史腸。儂帶玉環歸洞後。君騎白
馬傍垂楊。鶴羣長遠三株樹。花氣渾如百合香。慚愧情人遠相
訪。爲郎憔悴却羞郎。

孤月無情掛翠巒。金爐香燼漏聲殘。雲收雨散知何處。鬢亂釵
橫特地寒。去日漸多來日少。別時容易見時難。明朝有約誰先
到。青鳥殷勤爲探看。

杏花疎雨立黃昏。金屋無人見淚痕。短鬢欲星愁有效。此身雖異性常存。關門不鎖寒溪水。環珮空歸月夜魂。倚柱尋思增惆悵。夜寒雛玉倩誰溫。

萬紫千紅總是春。登臨一度渴思君。舞低楊柳樓心月。香惹梨花夢裏雲。風景蒼蒼多少恨。陰蟲切切不堪聞。思君今夜腸應斷。書破羊欣白練裙。

零落殘魂倍黯然。一身憔悴對花眠。南園綠草飛蝴蝶。落日深山哭杜鵑。天若有情天亦老。月如無恨月常圓。此聲腸斷非今日。風景依稀似去年。

七言絕云。

舞衫歌扇舊因緣。萬事傷心在目前。雲物不殊鄉國異。天桃窗下對花眠。

煙籠寒水月籠沙。誰信流年鬢有華。燕子腳將春色去。夢中猶記咏梅花。

青山隱隱水迢迢。客路都隨歲月消。惟有別時今不舍。水邊楊柳赤闌橋。

杜陵寒食草青青。長誦金剛般若經。雨冷香魂吊書客。夢魂同躡鳳凰翎。

遠上寒山石徑斜。宮前楊柳寺前花。紅顏未老恩先斷。莫怨東風常自嗟。

與君約略說杭州。山外青山樓外樓。屈指別來經幾載。愁心一倍最離憂。

旅館寒燈夜不眠。湘波冷浸一枝蓮。何時最是思君處。月落烏啼霜滿天。

欲寫愁腸愧不才。依稀猶記妙高臺。問予別恨知多少。巴蜀雪消春水來。

紫煙衣上繡春雲。一樹繁花對古墳。辛苦無歡容不異。半緣修道半緣君。

春愁冉冉帶餘醒。珍簾銀牀夢不成。知子遠來深有意。酷憐風月爲多情。

光陰卒卒一飛梭。怨入東風芳草多。舊枕未容春夢斷。秦雲楚岫暗相和。

身前身後事茫茫。秋菊春蘭各吐芳。慚愧情人遠相訪。爲郎憔悴却羞郎。

文通一一讀罷。始而驚。繼而羨。終而浩歎者三。急取筆墨。疊稿抄去。回衙不敢隱瞞。稟之韓昌。兼以詩呈上。韓昌亦驚訝不已。乃曰。

有才如此。我見猶憐。無惑乎蘇老當年。依依不舍也。即下令將蘇堤墨跡封好。差人守護。不許污損。一面邀集同城僚友。備少牢一具。齊至六如亭前奠之。奠畢。即就亭前大宴。令將此詩刻石亭左。韓昌親爲作記。以誌其事。

第六十四回 七星巖焦芳殉節

長沙節度使寇復雷。一日聞元主詔廣右進兵。將欲伐宋。暗思不如先發制人。即調集所屬將士。若廖雲。王彥。傅朮。吳廣。屈突申。洪時錦。焦芳。斛律亢宗等。八將。共徵兵二萬有餘。寇節度即拜斛律亢宗爲都押牙。統制。總攝軍事。焦芳爲前部。吳廣。王彥爲後應。次日起程。有前隊焦芳。領兵三千。由營陽。江華縣。直過臨賀嶺。一股銳氣。橫衝直搗。攻破富川縣。遂抵平樂。平樂府守將王良棟。與焦芳大戰於鳳凰山。宋師久練。所向無敵。王良棟竟爲焦芳所殺。元

兵大敗。宋師遂拔平樂。斛律亢宗大軍始到。所屬州縣。傳檄而定。隨告捷於長沙。寇節度甚喜。卽命驍將曲遜。運糧直赴平樂。斛律統制遂進兵蒼梧。宋師約束嚴明。軍民無犯。經行處。百姓懽呼於道。餽餉絡繹不絕。前隊焦芳兵至蒼梧縣。隔江下寨。是夜忽見前山。火光燭天而起。焦芳着驚。下令軍士。勿得妄動。疊次見火。直至天曉。並無兵至。次日訪之。始知此間有一山。名冲霄山。每三五夜。輒見火光。相傳以爲南越王趙佗藏寶劍於山阿。故夜深騰光也。焦芳喜曰。劍氣冲霄。我兵之兆也。必下蒼梧矣。蒼梧太守管城璧。有文武材。兵屯城外。阻住宋師。焦芳候大軍一到。遂渡南江。與元兵決戰。管太守望見宋師。嚴陣以待。焦芳更不打話。挺鎗躍馬。身先士卒。管太守揮刀迎敵。不一合。元軍兩翼伏兵。從左右殺出。焦芳全隊。被圍垓心。斛律統制已到。卽命屈突中洪時錦二將。引兵

殺入接應。焦芳奮勇殺出。元兵遂潰。管連城約住後軍。徐徐而退。兩軍略有損傷。管連城見宋師嚴整。且衆自知不敵。入城堅閉固守。暗令一軍截斷宋師糧道。俟糧盡從後擊之。斛律統制見深入重地。亦慮及此。令後隊吳廣王彥一軍緊屯隘口。不時巡哨打探。一日元兵被二將殺敗遁去。斛律統制遂督將士圍定蒼梧。一時軍中造起輜輶車。飛雲梯。礮車。撞竿等項。管太守隨方禦敵。城不能下。焦芳偶然觸動火光燭天之兆。見城上所設木幔樓櫓。高與雲齊。遂用火箭以小瓢盛油。灌石端。射城樓櫓板上。瓢敗油散。因以箭鏃內箝中。射油散處。其火立燃。復以油瓢續之。樓櫓盡焚。又聞城中囤積甚多。先用雀杏子中空。以艾實之。繫雀足上加火。於薄暮羣飛入城。向囤積廬舍棲宿。一時火發。管太守救應不及。軍心遂亂。斛律統制卽駕四輪車。立桔槔於上。令趨卒蟻附而登。

焦芳刺翻數人。奮勇上城。軍士繼之。管太守知事不濟。自刎而死。元兵死者無算。餘皆降之。斛律亢宗入城安民畢。令將管連城葬之。卽遣洪時錦。廖雲諸將。徇岑溪。藤容等縣。不日皆下。養兵數日。命健將守定。前隊焦芳。又引兵直過潯州。此時桂林府行省參政。劇毅夫。已得元主之詔。興師伐宋。忽聞宋師入境。攻陷平樂。蒼梧二郡。大驚。急料兵於榕樹門下。令將士選大將一人。須智信義勇。賢明者。主之。副將二人。一主軍糧。一主馬糧。智信仁勇忠義平直者。主之。總管四人。二主虞侯。二主押衙。嚴勇諳識軍容者。主之。子將八人。明行陣。金鼓。曉部署者。主之。大將別湊八人。兼十六人。副大將總管。別湊並同。此外用判官二人。以沉毅深密者任。至偏將軍一人。以勇猛果敢。力敵萬夫者。主之。副偏將二人。子將四人。以明旌旗金鼓節令者。主之。城房二人。判官一人。虞侯押官各二人。

諸將領俱已充備。而惟大將無人。蒯參政遂自主之。始簡閱行伍。各隊士卒。每五十爲一隊。各依隊次。解幡立隊伍。相去各十步。分布使均。其駐隊塞空處。去前隊二十步。列布訖。諸營士卒。俱令向大將磨下聽調度。每隔一隊。定戰隊。卽出向前。各進五十步。聽角聲。第一聲絕。諸隊卽一時散立。第二聲絕。諸隊一時棕槍張弓。捲幡拔刀。第三聲絕。諸隊一時舉槍。第四聲絕。諸隊一時跪膝籠槍。坐看大將黃旗。耳聽鼓聲。黃旗向前。亞鼓聲動。齊向前到中間。一齊喝殺。齊入。敗退。敗訖。可趁行三十步。審知賊徒喪敗。馬軍從背逐北。聞金鉦動。卽須聽去。行膊上架槍側身回身。本處散立。第一聲絕。一時棕槍。便解幡旗。第二聲絕。一時舉槍。第三聲絕。一時旗隊。一看大將處兩旗交。卽五隊合爲一隊。便是二百五十人爲一隊。其隊法及解幡舉槍旗隊鬪戰法。並依前。一看大將處五旗交。

卽十隊合爲一隊。便是五百人合爲一隊。其隊法及捲幡舉槍旗隊鬪戰法。並如前。聽第一聲角絕。卽散二百五十人爲一隊。如此三度散畢。士卒俱聽大將賞罰進止。第三聲角絕。始令從頭引隊。伍還軍。蒯參政見坐作進退。指揮無不如意。伍長什長。督兵俱各遵令。連日又將步戰船戰法。逐一教演。見可以戰。蒯參政遂自掌中軍旗鼓。令偏將軍樊飛豹作先鋒。充頭隊。又令副將羊雷。朱光斗。領兵押後。自統四總管。曹豹。王淮。周虓。范瓊。領大軍三萬。猶未起行。探馬又報潯州已失。守將府尹。俱已盡節。宋師目下。攻打橫州甚急。蒯參政頓足曰。敵兵神速至此。急引軍直抵南寧。駐定。立檄前隊樊飛豹。速救橫州。時宋將焦芳。引軍圍困橫州。城垂破矣。忽樊飛豹一軍救至。橫州之圍遂解。而橫州守將樊飛彪。乃飛豹之弟。手足赴援。相見甚喜。飛豹曰。參政大軍。見屯南寧。宋師不足。

慮也。弟兄計畫已定。次日引兵搦戰。宋師大至。飛豹飛彪棄城而走。兵敗寶華山。飛豹飛彪既離橫州。斛律統制乘勢遂取橫州。飛豹飛彪忿來爭城。廖雲傳宥雙馬出戰。不三合。樊飛豹大喝一聲。傳宥措手不及。被飛豹斬於馬下。廖雲大驚。虛掩一鎗。方欲敗走。樊飛彪隨手一鎗。已中廖雲左腿。負傷而逃。斛律亢宗怒發如雷。橫槊而出。焦芳亦忿焰中燒。一槊一鎗。戰退二將。飛豹飛彪引軍敗走。斛律統制催動後軍。極力追襲。焦芳一馬當先。恨不飛擒二將。迤邐直追數十里。轉過一山。忽報元將轉抄在後面。阻定統制大軍。焦芳猛省。卽令人打探。則前面已入山峪。俱天生石壁。無路可進。焦芳着急。遂令衆軍攀蘿附葛。沿壁而上。且踰此險。更作理會。誰知峪中。周圍相連七山。袤延十餘里。皆危崖孤懸。峭壁如削。石洞玲瓏。惟谷口猶可攀援。餘皆猿鳥不下。而峪口經行處。已爲

元兵用巨石阻塞。並無出路。焦芳又命衆軍往巖後尋路。則背枕槎江之水。洶洶湧湧。奔騰有千里之勢。焦芳一軍在山頭。左旋右轉。如蟻行磨上。尋思無計。滿望斛律統制兵入援。一連十餘日。軍士死者過半。餘多病不能起。焦芳肉顫心驚。偶至巖前。見立一石碣。上書曰。

上爲七星巖。

下有槎江水。

伏兵犯太陰。

宋將至此死。

焦芳看畢歎曰。吾一時輕進。爲敵所算。其死宜矣。惜吾不能掃平廣右。與宋主成大業耳。遙望武都再拜。自刎而死。

第六十五回 雲貞女萬里傳書

韓生文錦。字秋塘。泗州天長人。骯髒不羈。落拓有大志。仕元許州州判。在任以崛強。累與州牧有郟。州牧銜之。而州牧後以賊敗。韓

州判亦被議遣戍緬甸。萬里投荒。家口未歸。生母尙殯任所。嫡母楊氏在家。偏愛諸兄弟。膏腴沃壤。皆不及秋塘。諸弟傲狠在家。屢生枝節。欲以陷兄任所。秋塘不以爲意。殊禍生不測。妻妾子女相向而泣。秋塘曰。我身生還無望。母老子幼。汝等能代余侍奉甘旨。教育兒女。秋塘雖在烟荒。死亦瞑目。時秋塘一妻馬氏。二妾劉氏。吳氏。無不毅然應允。誓無二心。秋塘喜曰。如此吾復何憂。萬里之行。其甘如飴。惟側室陳氏。默然不語。秋塘問之曰。雲貞何獨不語。寧以吾勢敗。將欲改適耶。雲貞陳氏歛容答曰。韓氏祖宗不知修德幾許。今一旦乃建無數貞節坊矣。自古迄今。間有改醮之命婦。寧有守貞之側室耶。秋塘聞言。色慘神沮。雲貞亦向隅而泣。秋塘暗思。他日首先改醮者。必雲貞也。遂勉強安慰一會。其妻馬氏諸事均肩其任。囑以勿慮。秋塘歎曰。家政綱紀。仍不離結髮人也。當

夜置酒。與秋塘餞別。次日。姬妾俱送至汜水。惟雲貞依依不舍。直送至襄城楓亭。掩泣而別。秋塘猶以欲他適。故作此態也。者。怏怏惜別。秋塘既登長途。不勝淒楚。雲貞自回許州。偕正室馬氏等。收拾細軟。招集僕從。啓殯。望泗州進發。不日遂抵天長。至家。將生母安葬。諸事停妥。初時亦相安無事。久之。而五弟文秀。謂秋塘萬里遠戍。妻妾在家。坐耗廩糧。令各自爲計。馬氏大怒。與文秀互相詬詈。楊夫人左袒文秀。反杖馬氏。馬氏且號且泣。恚怒欲死。雲貞勸止之。六弟文釗。乃與秋塘一母所出。繼而三弟文綿。四弟文華。皆欲驅逐雲貞。誣以不孝。搆母訟之。雲貞遂陷囹圄。久之。縣令以無所驗。白得釋。家中遂如水如火。全不相入矣。有中表王生者。美少年也。偶至家。而秋塘妾吳氏與之接談。被文華所窺。大怒。俟王生去後。立逼吳氏改醮。吳氏披髮號泣。指天誓曰。楊夫人亦醜詆備。

至。王生知之。以一書怒絕文華。其事遂寢。自此秋塘長兄文鳳亦事事偵察。窺隙覓釁。僕役使女多用買囑。而屋宇田產。文秀漸次吞併。又累搆與鄰人爭訟。以傾陷之。媒孽事端。已非一次。馬氏劉氏吳氏皆不勝忿怒。惟雲貞不以爲然。婉勸之曰。石卵之不敵明矣。且姑待之。楊夫人又責以每歲甘旨。非數百金不可。雲貞皆委曲從之。秋塘在緬甸。疊有家書。俱爲雲貞所得。雲貞意中早有把握。至元間。江淮大饑。人不自保。壽陽賊又不時擾亂泗州。徭役頻興。馬氏等漸次力不能支。又訛傳秋塘已在緬甸身故。於是妻妾數人自相魚肉矣。馬氏每責劉氏。日日誚讓。鞭笞隨及。劉氏久不能堪。亦恚曰。夫人不過欲獨建貞坊。逼劉氏作再醮之婦而已。馬氏立命尋媒。不數日。卽將劉氏嫁於淮西。楊夫人及諸弟文秀等無不暗喜。惟雲貞一女名瓊兒。楊夫人鍾愛之。年雖冲幼。性最穎。

異。上及祖母諸叔。下及嫡母馬氏。往來調停。頗得其力。馬氏欲加凌厲。無隙可尋。乃暗減刻其衣服飲食。久而又與雲貞爲難。而雲貞每俛首低眉。不稍露一辭色。馬氏有子名丁郎。亦甚聰明。至是馬氏生心。并其子亦苛遇之。每不與食。而雲貞暗相保護。丁郎反依戀雲貞。若生母然。馬氏益加憤懣。愈生風波。不拘雲貞。吳氏瓊兒。丁郎等。一罵便是。四夜三朝。一打便是。千紅萬紫。文秀見此光景。正中其懷。又黨於馬氏。益加唆使。暗相謀陷。吳氏丁郎等。度日如年。未及半年。吳氏不堪其苦。又被馬氏嫁去。馬氏至此。專意雲貞。窘辱備至。俱難撼之。無可發洩。日日打雞罵犬。雲貞已窺其意。以言挑之曰。夫人經理家政。十分勞苦。馬氏怒曰。若非賤婢等累我。此家業已交卸於丁郎矣。雲貞又曰。聞緬甸物故之信。乃係訛傳。夫人何言及此。馬氏亦怒曰。如此景况。漫道訛傳。即使秋塘尙

在。余已久不能堪。欲脫離此苦海矣。但無人瓜代耳。雲貞曰。夫人戲言耳。若果有此意。妾願撫孤成立。爲秋塘立後。馬氏遂回嗔作喜。曰。恐汝亦戲言耳。雲貞曰。妾何敢與夫人作戲。馬氏一時不覺。五體投地。再拜而起。曰。雲貞妹子。乃馬氏再造之人也。自今以往。馬氏不復作韓家婦矣。也不稟告楊夫人。竟自央媒。嫁與徐州邳縣趙進士爲妾。楊夫人見此光景。未免快悒。從前念頭亦漸改三分之一。而秋塘田園。被文秀侵奪去者。存亦無幾。加以歲益荒旱。文綿文華皆相繼而卒。而惟文秀搖唇鼓舌。啓釁生禍者。猶安然無恙。文秀至此。猶時時謀陷雲貞。讒毀多端。雲貞艱苦萬狀。百折不回。上以承母夫人之歡心。下以供兒女子之朝夕。早晚尙得瓊兒。稍一寫心。無何而瓊兒病故。雲貞慟哭不已。目幾失明。從此惟一子丁郎。一女瓊兒。作伴過日。又一小鬟蓮姐。年幼而頗有血性。

文秀久思染指。一日因蓮姐往花園摘花。幾爲文秀所逼。雲貞敢怒而不敢言。惟命出入時加防閑。一日六弟文釗自盱眙歸來。言二兄秋塘未抵緬甸。在蒙化軍某處。因有公幹。尙在盱眙。雲貞連夜修書一封。附詩六首。托文釗立時寄去。且說秋塘自離許州。迤邐直達滇南。幸有潞州全椒縣陳青者。爲蒙化廳司李。陳青乃雲貞之從四兄也。遂館秋塘。時去時來。荏苒光陰。多在蒙化。一日蒙化廳得緬甸公幹人送書至。陳青交與秋塘。秋塘持歸寓所。急拆觀之。書曰。

妾雲貞。端肅歛衽再拜。致候秋塘大人安履。憶自楓亭分手。彈指十年。萬里羈愁。空懷歲月。長門幽恨。莫訴晨昏。然母親膝前。兒女團圓。尙可安慰。君隻身孤戍。依人作計。誰與爲歡。問煖噓寒。窺飢探渴。涼涼踽踽。未知消受幾許。凄其貞雖不能縱萬里。

之身。續一夕之好。而離魂斷夢常繞左右矣。思君十二。腸迴九折。豈虛語哉。別來七奉手札。未覆一函。使固難逢。筆亦莫罄。單詞片語。未足慰雙撐盼睫也。客歲五月初六日。得一密信。來人送書之日。適貞臥病之時。投遞參差。幾成不測。幸瓊兒解人覷破。支吾遮掩。得以解紛。不覺冷汗涔涔。二豎頓然告退。伏枕細讀。悲喜交集。少頃。母親折書榻畔。笑語貞云。錦兒帶罪邊衛。歸期可望。來稟頗自愧悔。想已磨折俊改。我今亦憐之矣。是皆君孝思所感。不然。此恩正未易施也。別後情景。概未寄知。生母新阡。樹木成林。圍牆完固。歲時伏臘。瞻拜如常。江水平漕。不相侵害。可以放懷。嫡母杖履優游。飲食猶昔。惟痰症時作。精神稍衰耳。親族中概同陌路。大姊夫大姊姊雖不甚冷落。亦無大照料。二姊夫已故。二姊姊尙留都下。七妹遠在楚省。音問久疎。翼廷

大兄人雖刻薄。但爲母親所依賴。嗣有書來。總以一味感歎。不
失歡心。三弟四弟。業已物故。至負義人五弟。今已移居他所。不
及隄防。萋斐之言。曖昧之事。難免聳惑於高堂。貞惟忍性堅心。
立定脚跟。期盡吾之所當盡而已。至於青蠅牆茨之譖。信與不
信。又何敢必。總之瓊女而在。尙可爲解。不幸又於去年八月。出
疹冒風以死。十五年。他儻辛苦。盡付東流。草草治棺。瘞於塋側。
猶記沒之前夕。捧貞頰而啼曰。爹爹離家已久。兒沒後。萬不可
一語及之。今憶此言。不禁淚如泉湧。何止殘稿遺書。驚心玉碎。
零脂剩粉。觸目蘭摧耶。丁郎讀書。頗有父風。然特聰明。而少沉
潛。務高遠。而不咀嚼。詩詞有新穎之句。文藝則駁雜不純。青青
子衿。初非金馬玉堂中人。也。來書詢其所師。舞勺以前。皆貞口
授。經史詩詞。略知大義。庚戌仲夏。始就楊先生受業講解。嗣後

楊先生選任辭去。至今皆卜權齋訓迪。教法頗嚴。貞亦不敢稍假辭色。課文之暇。仍以詩詞試之。不留餘力。惟母親姑息太甚。奈何奈何。所可恨者。君元室馬氏侍妾劉氏吳氏。皆言力能守貞。不及數載。頓食前言。良人猶在。改醮他適。拋棄兒女。苟圖富貴。惟此殊增人怛悼耳。丁郎雖出馬氏。猶貞所生。此君一塊骨血。而貞之所莫敢違息者也。貞母於壬秋患病。延至癸春二月六日。奄然長逝。兩老人一生血脈。惟貞一線之存。不料六十年鏡花水月。情深半子。能不酸楚耶。壻弟原非己出。漠不相關。祇知搜索家資。良可痛恨。貞自遭此變。愈覺難堪。顆粒纓絲。一無所出。家計歲入不敷。貞屢求典售。而又不忍輕去。徒令侵吞剝削。多致荒廢。房產欹傾過半。復被負義人據爲己有。拆變一空。僅留敗屋數椽。聊蔽風雨。大非昔時光景。從前緩急可商之處。

近皆裹足不前。遇有急需。貞亦不輕啓齒。正恐不惟無濟。反惹非笑。君友馮郭西。絕迹多年。近來詢問消息。情意頗眞。些小通融。尚可資助。第恐日久漸疎。難保終始如一耳。而其肫肫懷念之忱。則未可負之。節次囑帶瓶口扇套鞋襪筆茶諸物。盡爲負義人賺去。言之恨恨。貞邇來兩餐之外。不能稍自舒展。嫁筭奩具。陸續盡歸質庫。頻年己身之補綴。蓮姐之盤纏。丁郎之膏火束修。瓊女之釵釧鞋脚。在在皆挖肉補瘡所辦也。况問安侍寢。未敢偶離。怡色柔聲。猶虞獲咎。卽飲食衣服。儉則負吝。奢之嫌費。又受奢侈之責。素則云樸陋無色。艷則云冶容誨淫。非詬諱迭加。卽夏楚從事。求有一日之完膚。而不可得。貞年逾三十。非復少時兒女。家人見之。有何面目。結褵之始。筆墨爲命。拈毫橫笛。倡隨幾及十年。一旦梗斷蓬飄。往事不堪回首。簫聲研跡。久

已荒疎。縱有屬和之章。不過勉強承命。吟風弄月之句。斷不敢形於毫端。顧影自憐。可勝悲咽。蓮姐自壬夏摘花受逼之後。其志益堅。兩榻風樞。寒更暑夜。甘苦與共。形影相隨。此貞今世之贅癩。而君他年之桃葉也。高魁顏忠。賀花兒等。祇知迎合上意。計飽私囊。素芝碧桃輩。鈎深索隱。播弄如簧。尤爲腹心之患。此狂奴故態。又何足道。惟有委曲將就。話以甘言。博一時清淨而已。負義人屢言在緬甸館穀豐隆。一年之中。若肯節省。尙可餘三四百金。而貞初不信也。伏思君以疎狂之性。未展才華。頓遭大難。一朝失足。萬念俱灰。又有何心矜持名節。且棲身異域。舉目誰親。月夕花晨。酒闌燈燼。呼盧排悶。擁妓消愁。亦旅人常事。或值多情倩女。知音嫠婦。彼美憐才。書生結習。未能免俗。聊復爾爾。貞方痛憫不暇。寧效彼妒婦口吻。涉筆規諷耶。惟念君身

已非強健。情復愁癡。彼若果以心傾。何妨竟爲情死。特恐口錫齒蜜。腹劍腸冰。徒耗有用之精神。反受無窮之魔障。私心自揣。殊爲君憂。况黷斃迷心。兼能痛腹。擣菹游戲。更喪文名。些小儻來之財。何足爲計。所慮君以千金之體。甘自頽唐。反不若貞之釜蟻餘生。尙知自愛者何哉。來書三月適館。四兄春齋。六月仍回故地。此中原委。未得其詳。君旣與四兄爲骨肉之交。相依邸舍。便可爲家。何必舍此他圖。別生枝節。况去之未久。旋復歸來。則貞所不能解者。大丈夫處世。怨固不可深結。恩亦不宜過求。未曾拜德之前。先思圖報之地。四兄豪俠。人所共稱。窺其心跡。量可超拔君於苦海中。而噓拂之。酬報之機。貞心早爲區畫矣。相隔萬里餘。忽東忽西。萍跡靡定。未覩鴈足。空致魚書。卽有薄裹冰資。亦不敢徑行遠寄。恐蹈故轍。轉使空函莫達也。去春有

徐州俞令回籍恩旨。惜未波及。然此後機緣。大有可望。十年期滿。定遇赦歸。諸凡惟隨遇而安。耐心以守。鸞臺珠浦。我兩人寧終無團圓時耶。每念弱草微塵。百年一瞬。夢幻泡影。豈能久留。生死兩途。思之已審。別後况味。不減夜臺。現在光陰。幾同羅刹。何難一揮慧劍。超入清涼。奈緣孽如絲。牢牢縛定。不得不留。此軀殼。鬼譚排場。冀了一面之緣。不負數年之苦。他年白頭無恙。孺子有成。大事一肩。雙手交卸。真心不大快哉。故今者。君一日未回。此擔一日不容放下也。六弟自盱眙來。聞有緬甸公幹。故掩戶挑燈。略書悃忱。淚痕滿紙。神魂盪飛。計書到日。開緘當在黃梅。想君閱之。亦心與俱酸也。附詩六首。聊以言志。信手拈來。亦是一幅血淚圖耳。詩曰。

搔首雲天接大荒。伊人秋水正茫茫。可憐遠戍頻年夢。幾斷深

聞九曲腸。并白敢云虧婦道。荻丸聊以繼書香。孝慈兩字今無負。卽此猶堪報數行。

鶯花零落懶拏幃。怕看簾前燕子飛。鏡裏漸斑新鬢角。客中應減舊腰圍。百年幻影身如寄。一線餘生命亦微。強笑恐違慈母意。藥囊偷典嫁時衣。

十五嬌兒付水流。綠窗不復喚梳頭。殘脂賸粉鞦韆閣。碎墨零香問字樓。千種淒涼千種恨。一分憔悴一分愁。儂親亦未終儂養。似此空花合共休。

當時夢裏喚眞眞。此際迢迢若比鄰。愛寫團圓邀字讖。偷占榮落祝花神。那堪失意飄零日。翻作關心屬望人。別有憐才惟一語。年來消瘦恐傷春。

早自甘心百不如。肩勞任怨敢歎歎。迷離摸索隨君夢。顛倒尋

求寄妾書。妝閣早經疎筆墨。簫聲久已謝庭除。讒言休撼離人耳。猶是堅貞待字初。

未曾蘸墨意先癡。一字剛成血幾絲。淚縱能乾終有跡。語多難寄反無詞。十年別緒春蠶老。萬里羈愁塞鴈遲。封罷小牕人靜悄。斷烟冷露阿誰知。

甲午嘉平朔夕。雲貞載拜上。秋塘觀畢。聲淚俱下。釋書長歎曰。馬氏自言養親教子。力肩重任。乃一旦改事他人。結髮情安在耶。劉氏吳氏固不足言。孰知韓文錦恩人。乃陳雲貞也。卽向書長揖曰。勞卿代余養親教子。肩勞任怨。辛苦惟汝當之。文錦當年目不識卿。眞負心人也。從此以往。文錦知罪矣。手捧其書。嗚嗚而泣。直至元貞二年丙申。遇赦回籍。則五弟文秀亦卒。秋塘一入家中。見丁郎瓊兒兩兩出迎。一男一女。業已成立。但物是人非。舉目愴惻。老

母蒼然。尙猶矍鑠。拜見定省畢。回至私室。一見雲貞。也不暇詳問。便撲靛靛淚下。將一男一女。并雲貞三人。一束抱住。瞠目而泣。嗚咽不能成聲。雲貞此時。始任情一哭。淚如湧泉。秋塘觀之。更撫膺欲絕。自言吾過矣。吾過矣。彼婦之口。自言能守。今安在耶。丁郎瓊兒亦悲悼不能仰視。轉是蓮姐在旁。再三婉勸。以爲骨肉團圓。一天之喜。若更悲楚。恐痛傷陳夫人矣。秋塘方釋手。收淚謝曰。雲貞乃秋塘恩人。應宜拜謝。言未已。卽伏在地下。雲貞亦拜畢。丁郎瓊兒置酒。爲父上壽。六弟文釗聞兄萬里歸來。亦攜酒餽。爲之洗塵。長兄文鳳亦扶掖楊夫人至。一家聚會。酌酒稱慶。秋塘見丁郎學已有成。歎曰。此汝母之力。乃父不與知也。秋塘自此待雲貞至老不衰。後果納蓮姐爲小星。不忍拂雲貞之意。瓊女字本邑邊太守之子。丁郎後出仕於宋。至資治少尹。秋塘夫婦壽皆耄期。得與

誥命焉。

第六十六回 鍾情人一心合墓

劉翠翠。壽陽民家女也。生而穎悟。能通書史。父母令就學。同學有金生名鏞者。與同庚。亦聰明俊雅。諸生戲之曰。同歲者當爲夫婦。二人亦私相許諾。金生贈翠翠詩曰。

十二闌干七寶臺。春風隨處豔陽開。東園桃李西園柳。何不移來一處栽。

翠翠和曰。

平生每恨祝英臺。懷抱何爲不早開。我願東君勤用意。早移花樹向陽栽。

旣而翠翠年長。不復至學。父母爲之擇配。輒悲泣不食。問之初不肯言。久之乃曰。西家金郎。妾已許之。若不相從。有死而已。誓不登

他門也。父母以金生家貧。欲占鳳富室。則翠翠抵死不從。然以金生少年俊秀。且勤學。遂許可焉。卜日合巹。凡幣帛之類。羔鴈之屬。皆女家自備。迎婚入門。夫婦相得之樂。雖翡翠之戲。蘭苕。鴛鴦之游。綠水。未足方喻。時壽陽爲賊陷沒。賈智深篡位稱尊。用莫綏猷爲右相。一日莫綏猷出郊。偶見夫婦二人踏青。姿容絕世。問之。卽翠翠夫婦也。莫綏猷未免垂涎。將納爲婢。翠翠夫婦聞風而逃。將竄至建平縣。母姨蔡氏家少避。誰知中途正遇元兵來勦壽陽。夫婦失散。翠翠爲元將吳興李都監所獲。納爲側室。壽陽旣平。道路始通。行李無滯。金生打聽翠翠下落。遂辭別內外父母。物色其妻。中途囊橐盡竭。此心終不少懈。草行露宿。乞丐於人。不日始達湖州。則李都監以平壽陽有功。陞團練正使。安撫重之。威焰隆赫。金生佇立轅門。欲進不能。欲言不敢。聞者怪而問之。金生答曰。僕壽

州人也。喪亂以來。聞有一妹在於貴署。今不遠千里至此。欲求一見。非有他也。閹者叩其姓名。并其妹年貌何似。生曰。僕姓劉。名金鏞。妹名翠翠。識字能文。當離散時。年僅十七。以歲月計之。今二十有四矣。閹者曰。是矣。府中果有劉氏者。壽州人也。年二十餘。識字善吟詩。性巧慧。本使寵之專房。汝言信不誣。吾代汝稟知。遂奔走入告。少頃。令生入見。李團練坐於廳上。生見畢。具述其由。李團練。武人也。信而不疑。卽命小鬟告於翠翠。曰。汝兄自壽州來此。當出見之。翠翠承命而出。以兄妹之禮。見於廳事。兩情默喻。四目凝視。竟不能措一詞。惟吞聲悲咽而已。李團練曰。汝千里遠來。卽在吾署中棲止。吾當徐爲之所。生遂館焉。翌日。謂生曰。汝妹旣識字。汝亦通筆墨否。生告以業儒。李團練大喜。委以記室。生性旣和平。益自檢束。應上接下。咸得其歡。代書回東。曲盡其意。李團練以爲得。

人。豐其廩。給。託以腹心。待之甚厚。府中內外人等無不敬禮之。然生之來此。實爲訪妻。自廳前一覲面後。侯門似海。欲達一意。終無間可乘。荏苒數月。時及授衣。西風大起。白露爲霜。獨坐空齋。抑鬱無聊。乃成一詩曰。

好花移入玉闌干。春色無緣得再看。樂處豈知愁處苦。別時雖易見時難。何年塞上重歸馬。此夜庭中獨舞鸞。霧閣雲烟深幾許。可憐辜負月團圓。

詩成題於片紙。卽拆衣領而縫之。時有小鬟常相出入。生餌以百錢。曰。以衣付吾妹。令其縫紉。將以禦寒。小鬟持入。交與翠翠。翠翠解其意。拆衣而詩見。大慟無聲。別爲一詩。亦縫於衣領內。付出還生。詩曰。

一自鄉關動戰鋒。舊愁新恨幾重重。腸雖已斷情難斷。生不相

從死亦從。長使德言藏破鏡。終教子建賦游龍。綠珠碧玉心中事。今日誰知也到儂。

生得詩。涕泣不已。知其以死許之。無復可望。愈加傷感。遂成痼疾。翠翠聞之。請於李團練。始得一至榻前問候。而生病已劇。翠翠以臂扶生而起。生引首側視。凝淚滿眶。長歎一聲。奄然死於其手。李團練憐之。葬於城南道場山麓。翠翠送殯而歸。是夜得疾。不復飲藥。展轉牀席。奄及一月。一日告團練曰。妾棄家相從。已逾八載。流離外郡。舉目無親。止有一兄。今日已死。妾病必不起。乞埋骨兄側。庶泉壤之下。有所依託。不致作他鄉孤鬼也。言訖而卒。團練痛惜不已。不違其意。竟附葬於生壙之左。東西二邱。宛若同穴焉。葬後有五彩異鳥。翔於墓前樹上。比翼哀鳴。數日而去。李團練猶以爲兄妹魂棲異域。精靈所感。十分傷悼。始終不喻其意。吁。此李團練

之所以爲李團練。可歎亦可恨也。

第六十七回 宋主重立元祐碑

宋重康四年。帝命集賢直學士呂希賢。右補闕張純粹。給事中楊懷清。富珩等。提學各郡。命崇文館大學士李仁恭。權知貢舉。得士百餘人。擢用爲州縣長吏。所在有循聲。時稱得人。帝甚喜。考官重有賞賚。一日帝微行。至廣祐廟。見一碑。字已漶滅。不可識。末題元祐五年立。碑上有人題詩云。

微軀飄泊豈無家。只爲蠅頭一念差。白髮已添頭上雪。黃金都盡眼前花。夢魂自信歸鄉國。骸骨誰憐沒草沙。寄語妻孥休問卜。十年戎馬陷中華。

帝讀畢。卽訪其人。乃郝文慶。安西州燉煌人也。蒼頭白髮。僑居廟中。自言幼業儒。其後貿易入閩。因元兵陷沒不得歸。帝憐而恤之。

使歸。因下詔各郡。所在有羈旅阻滯。及孤苦疾病者。從優賑恤。務使得所。帝又見廟中碑上。有元祐五年等字。因下詔求元祐黨碑觀之。欲盡得當時諸賢姓名。詔下旬餘。有潭州守范時中。覓得此碑。獻之。帝原碑云。

皇帝嗣位之五年。旌別淑慝。明信賞罰。黜元祐害政之人。靡有佚罰。乃命有司。夷考罪狀。第其首惡。與附麗者。以聞。得三百九人。皇帝書而列之石。置於文德殿門之東壁。永爲萬世臣子之戒。又召臣京書之。將以頒之天下。臣竊惟陛下仁聖英武。遵制揚功。彰善。瘉惡。以昭光烈。臣敢不對揚休命。仰承陛下繼述之志。司空尙書左僕射兼門下侍郎臣蔡京謹書。

元祐姦黨

文臣曾任執政官二十七人

曾任待制以上官四十九人

司馬光

文彥博

呂公著

呂大防

劉摯

范純仁

韓忠彥

曾布

王巖叟

梁燾

蘇轍

王存

鄭雍

傅堯俞

趙瞻

韓維

孫固

范百祿

胡宗愈

安燾

李清臣

劉奉世

范純禮

陸佃

黃履

符祥

張商英

蔣之奇

符元

蘇軾

劉安世

范祖禹

朱廷光

姚勔

趙君錫

孔文仲

孔武仲

吳安時

馬默

錢勰

李之純

鮮于侁

趙彥若

孫覺

趙高

並元

王欽臣

孫升

李周

王份

韓川

顧臨

賈易

呂希純

曾肇

王覲

范純粹

呂陶

王古

豐稷

張舜民

張問

楊畏

陳次升

鄒浩

謝文瓘

進元

岑象求

周鼎

路昌衡

徐勣

董敦逸

上官均

郭知章

楊康國

葉濤

龔原

朱緩

葉祖洽

朱師服

進元

餘官一百七十七人

秦國

黃庭堅

晁補之

吳安詩

張耒

歐陽棨

劉唐老

王鞏

楊琳	李深	李績中	葉仲	呂希續	朱光裔	張庭堅	余卜	鄭俠	畢仲游	司馬康	呂希哲
蘇蒞	李之儀	陳祐	李茂直	吳儁	蘇嘉	馬涓	李格非	常立	常安民	宋保國	杜純
葛茂宗	范正平	虞防	吳處厚	歐陽中律	龔夫	孫諤	陳瓘	程頤	汪衍	湯或	張保源
劉渭	曹蓋	李祉	商倚	尹才	王回	陳鄂	任伯雨	唐義問	余爽	黃隱	孔平仲

鄧忠臣	鹿敏求	蘇迥	朱紘	張夙	黃策	金極	李貫	趙响	孫宗	衡鈞	柴衰
种師極	江公望	檀固	吳明	鮮于綽	吳安遜	高公應	石芳	封覺民	范彙中	袁公適	洪羽
韓浩	曾紆	何大受	梁安國	呂諒卿	周永徽	張集	趙令時	胡端修	鄧考甫	馮伯樂	李新
郁貺	高士育	王箴	王古	王貫	高漸	安信之	郭執中	李傑	王察	周誼	趙天佐

秦希甫	梁寬	羅鼎臣	陳師錫	許堯甫	寇宗顏	黃才	周遵道	王公彥	劉吉甫	倪直儒	王楊
錢景祥	呂彥祖	劉勃	于肇	楊肫	張居	高道恪	林膚	王交	胡潛	蔣津	梁俊民
周綽	沈于	王極	黃遷	梅君俞	李修	曹興	葛輝	張溥	楊懷寶	王守	張裕
何大正	曹興宗	黃安期	黃俠正	胡良	達純熙	侯顧道	宋壽巖	許安修	董祥	劉元中	陸表民

葉世英

諸潛

陳唐

劉經國

扈充

張恕

陳并

洪芻

周諤

蕭剋

趙越

滕友

江詢

方适

許端卿

李昭玘

向訓

陳察察

鍾正甫

高茂華

楊彥璋

彭醇

廖正一

李夷行

梁士能

並元祐

武臣二十五人

張巽

李偁

王獻可

胡田

馬田

馬稔

王履

趙希夷

郭子旂

任璿

錢盛

趙希德

王長民

李永

李愚

王庭臣

吉師雄

吳休復

崔昌符

潘濬

高士權

李嘉亮

李玩

劉延鑒

姚雄

李一基
並元符

內臣二十九人

岳全忠

陳恂

張士良

知新

李綽

譚辰

竇鉞

趙約

黃卿從

馮說

魯燾

蘇舜民

楊僈

梁弼

陳恂

張茂則

張琳

裴彥臣

李僈

王緩

閻守勤

李穆

蔡克明

王化基

王道華

鄧世昌

鄭居簡

張祐

王化臣
並元祐

爲臣不忠二人

王珪

元祐

章

惇

元祐

右今准尙書兵部符備降勅令旨揮立石監司廳崇寧四年
二月 日

帝觀畢笑謂文武曰此碑自靖國五年毀碎遂希傳本今獲見之猶獲寶籙矣元祐諸賢除溫潞兩公及范韓數十人外設無此碑焉能識其姓字此碑在當時獨蔡京以爲不可毀傳至今日則天下後世人皆不欲毀之矣命刻石重立朝門尙書李穆奏曰此碑當時竝文德殿門者乃徽宗親書州郡廳事則蔡京筆也後星變遂毀當毀碑時蔡京厲聲曰碑可毀名不可滅也京之意欺當時並欺後世夫忠奸自有公論京之愚可謂甚矣學士白映雪亦奏曰崇寧中此碑發至開封推官命碑工安民刻石安民辭曰民愚

不知碑中之意。如司馬相公者。乃目爲奸人耶。不受命。推官怒欲加罪。安民泣曰。民被役不敢辭。乞免鑄安民二字於石末。免得罪後世。又江州有碑工李仲寧。自顏其居曰琢玉。官召刻石。亦辭曰。小民因蘇黃二學士詞翰。以致溫飽。忍目之爲奸耶。揮淚而逃。以免其役。當時士大夫洵碑工之不若矣。今陛下旣重刻黨碑。當鑄二名於末曰。不刻黨碑石工某某。以昭後世。帝笑而從之。

第六十八回 孝伯誤陷金鎖陣

元建寧路設總管府。世祖以武康侯赫連頡素有重望。鎮建寧十年。一日翰林承旨留夢炎。賫詔至。令舉兵伐宋。赫連頡望闕拜受命。訖設宴款使。留夢炎就席前。叩以伐宋之策。赫連頡曰。用兵之道。相機而行。故兵有五機。留夢炎曰。何謂五機。赫連頡曰。五機者。一地機。二事機。三勢機。四利機。五神機是也。列營布陣。先據要害。

敵取逆。我取順。動息得勢。是謂地機。審探敵事。因而爲之。以中敵情。使敵不知。爲我所覺。得以欺敵。是謂事機。鼓十人之氣。爲百人之用。鼓百人之氣。爲千人之用。威名氣燄。動如雷霆。所當者破。是謂勢機。糧芻儲積。士馬嫻習。是謂利機。敵人料我於前。失之於後。料我於遠。失之於近。動靜出入。敵不能察。是謂神機。用兵能以五機應敵。未有不坐操勝算者。留夢炎深服其說。自言願居麾下。得參幃幄。自効。赫連頡待以賓禮。仍傳檄各營將士。整飭戎行。赫連頡重加簡閱。以福建指揮桑仲遠爲先鋒。率兵三千。卽日起行。直抵建寧縣下寨。副將蠻子呀班領兵三千爲合後。自與留夢炎等統大隊居中。哨馬報入杉關。韓太尉卽陞帥府。問衆將誰往應敵。有驃騎將軍宇文廣。楊孝伯皆言願往。韓太尉甚喜。卽以兵五千付二將退敵。宇文廣。楊孝伯引兵出關。議曰。元兵之來。勿使入境。

我師可兼程而進。一敵其前。一抄其後。元兵可敗也。敗其前哨。則元人之銳氣折。二將急出界外五十里。元將桑指揮前隊已至。宇文廣列開旗門。出馬問曰。元人無禮。直犯我界。何故興此無名之師。桑仲遠笑曰。汝宋人侵奪我州郡。幾半海內。何爲無名。宇文廣曰。汝主天下。從何得來。汝今臨陣。敢與某決戰否。桑仲遠怒曰。不勞唇舌。吾誓必擒汝。二將交馬十餘合。宋師便退。桑仲遠以爲力怯。督軍衝殺。宇文廣且戰且走。約退數里。元兵後隊忽亂。宇文廣指揮將士。勒馬殺回。橫當其前。楊孝伯一軍迅擊其後。首尾夾攻。宋師銳不可當。元兵拋戈棄甲而走。桑仲遠被圍在垓心。死戰得免。奔五十里。宋師始駐。赫連總管聞前哨敗績。速來赴援。則宋師已退。大怒。桑指揮深入重地。致挫軍威。黜退不用。桑仲遠滿面羞慚而去。赫連總管遂撤去前隊。而添左右兩翼。以總統葛顛爲左

哨防禦使。以都監唐玲爲右哨救應使。并已中軍。三路並進。而宋將宇文廣楊孝伯二人合成一隊當之。二將一應敵。一守寨。連戰數日。互有勝敗。赫連頤暗驚。宋將勇健善戰。引軍稍退。二將立逼其營討戰。赫連頤命左右兩翼輪流交戰。日日戰。日日敗。直退近浦城。赫連總管謂夢炎曰。司馬來日可預備酒宴。待吾破敵後。賀功。留夢炎問之。總管不語。當夜乃密喚葛顛。唐玲二將謂曰。此去離浦城不遠。有地名曰郎官原。四圍空闊。前後山勢俱有照應。可用諸葛武侯八卦圖以破宋師。八陣者一方陣。二圓陣。三牡陣。四牝陣。五冲陣。六輪陣。七浮沮陣。八鴈行陣。此陣名八卦。亦名八門金鎖。其法共六十四陣。而總曰八陣也。蓋六十四陣者。天衡十六陣。居兩端。地軸十二陣。居中間。天前衝四陣。居右。後衝四陣。居左。地前衝六陣。居前後衝六陣。居後。風八陣附天。雲八陣附地。合爲

八陣。天衝併前後衝二十四陣。合風八陣爲三十二陰。遊兵二十四陣。在六十四後衝二十四陣。合雲八陣爲三十二陰。遊兵二十四陣。在六十四陣後。凡行軍結陣。合戰設疑。補闕全在游兵。天地之前衝爲虎翼。風爲蛇蟠。兵家先陰。以右爲前。又風從虎。虎與蛇皆陰類。同位西北也。天地之後衝爲飛龍。雲爲鳥翔。兵家後陽。以左爲後。又雲從龍。龍與鳥皆陽類。同位東南也。四陽爲正。四陰爲奇。四陽者。天地風雲也。四陰者。龍虎鳥蛇也。又天陣列西北。地陣列東南者。取天地之相對也。每以二陣相從。一陣之中。又有兩陣。一戰一守。中外有輕重之權。陰陽有剛柔之節。彼此有虛實之地。主客有先後之數。宋將若不諳方位。不明向背。必爲吾所擒矣。二將得令。自往耶官原。如法布置。而以游兵二十四陣。純用弓矢。防宋將驍勇。衛衝突也。唐都監遂伏耶官原。葛總統引戰。且說宇文廣楊孝伯二將

追元兵。直抵浦城。是夜孝伯伏枕後。夢祖父再興。立於小商橋上。呼之甚急。醒來。深以爲異。次日。宇文廣忽欲停兵。一日。孝伯問之。宇文廣曰。今日干支。乃十惡大敗日。不宜出兵。孝伯笑曰。十惡大敗者。我敗敵兵也。湯武之乙卯甲子。其明徵矣。大將出師。焉計此類。宇文廣遂從之。言未畢。又報元將葛顛搦戰。楊孝伯大怒。率兵躍馬出營。忽馬失前蹄。將孝伯跌翻。軍士慌來扶掖。孝伯一躍而起。換馬挺鎗。直取元將。葛顛隨與交鋒。不數合。葛顛力怯。敗走。楊孝伯縱馬如飛。督兵追殺。將至郟官原。葛顛勒馬復戰。楊孝伯怒不可止。奮勇一鎗。已將葛顛左肘連甲去了三分。葛顛幾乎墜馬。負痛落荒而走。孝伯正欲生擒葛顛。忽號炮震響。只見元將唐玲領八隊精兵。一齊殺來。列成一陣。團團圍住。孝伯已知遇伏。忙定睛看時。乃八門金鎖陣也。暗笑曰。此陣按休。生傷杜。景死驚。開八

門。或變六花。或變長蛇。只此而已。吾今日從生門開門。擊入景門。休門殺出。其陣必亂。遂約定軍士。勿得妄動。急接乾坎艮震巽離坤兌方位已定。認着生門列在西北。正待挺鎗躍馬。衝突而入。忽有遊兵突至。愈殺愈廣。二十四隊遊兵一齊圍定。亂箭齊發。楊孝伯身受重傷。棄鎗於地。與戰馬共死於亂箭之下。

第六十九回 韓太尉罵死留夢炎

時宇文廣自知孤軍難敵。引軍退建寧界口。扼險而守。令人星夜回杉關求援。報入。韓太尉立檄張昌石雄朱昶王遼四將。引兵三千先行。自統大軍五千隨後。一日夜。即抵宇文廣營中。文廣迎入。極言赫連頴鋒銳甚銳。日來討戰。末將拒險。以死守之。韓太尉曰。我兵失利。且勿妄動。建寧路密邇武都。須大敗之。小小進退。不足計也。命營中將士。權爲楊孝伯招魂設奠。韓太尉率衆將痛哭奠。

之。大小三軍無不感動。遂下三大寨。以四將居左。宇文廣居右。己居中。犄角相援。首尾互應。作常山蛇勢。太尉按兵不動。日在營中。教士卒以步戰法。船戰法。林戰法。谷戰法。養精蓄銳。相持半月。赫連總管不獲一戰。意以宋將持重。徒老我師。遂揚言抄出新城界口。徑襲杉關。宋營將士皆言根本宜護。太尉不之理。諸將皆摩拳擦掌。欲請與戰。太尉又不許。諸將莫解其故。赫連頗見宋師不動聲色。知不可以虛喝。遂以行軍司馬留夢炎統屬將士。權攝營中事宜。與宋將相持。自引一軍。抄過建寧。渡綏江。赴新城。欲襲杉關。兵行數日。宋營始知之。韓太尉令人哨探。果然分兵而去。乃喜謂諸將曰。此可以戰矣。卽撥張昌朱景二將。各領兵五百。抄出元軍之後。近甌城。分左右埋伏。宇文廣引兵一千。亦抄出元軍之後。五十里外埋伏。截斷歸路。再調石雄引兵一千。伏於宋營之左。王遼

引兵一千。伏於宋營之右。自統健將數員。以一軍應敵。分撥已定。隨下戰書。約次日決戰。元軍中行軍司馬留夢炎得知。即請副將蠻子呀班。總統葛顛。都監唐玲等。商議應敵。蠻子呀班曰。水來土掩。兵來將當。宋師欲戰。自有某等足以對敵。司馬但督裨將等緊守大寨。以固根本。留夢炎曰。老夫當親臨行間。以勵將士。方不負元主策遣之意。葛總統曰。兵凶戰危。軍司馬何必親冒矢石。以某等爲不足破敵耶。留夢炎曰。不然。戰爭之事。老夫何敢越俎。但以老夫衰朽殘年。且不畏鋒鏑。親蒞戎行。將士見之。恐奪其功。則士氣百倍矣。三將然之。翌日昧爽。唐都監緊守大寨。副將蠻子呀班。總統葛顛。皆披執整齊。簇擁留夢炎而出。宋營韓太尉有子。名飛瓊。年方弱冠。驍勇善戰。亦白袍銀鎧。持戟躍馬。隨於父後。韓太尉一見元軍門旗下。有龐眉皓首。鬚髯若雪。跨青驄馬。軒然而來者。

乃卽馬上欠身問之。答曰。老夫行軍司馬留夢炎也。太尉猛省。急問曰。老先生乃端拱間狀元宰相之留夢炎乎。抑別爲一人乎。留夢炎正色曰。夢炎卽老夫一人。惡得有二。太尉冷笑曰。然則老先生乃故宋舊臣也。今宋元交兵。兩軍對壘。乃鋒鏑死亡所在。老先生身臨不測之地。意欲何爲。留夢炎不覺面赤神沮。惱羞成怒。忿然曰。宋室氣數已盡。厓山一戰。靡有子遺。汝等假托宋氏。妄言恢復。鼠竊狗盜。皆中山狂人之黨。若稍知時務。趁此時面縛請成。或保首領。不然。則微軀三尺。將付於京觀之顛矣。韓靖夏聽畢。微微而笑。揚言曰。宋元兩軍將士。且肅聽一言。留夢炎在故宋。以狀元及第。身爲宰相。奇榮殊遇。不可謂不至矣。諺云。烈女不事二夫。兒女子稍有志節者。尙能不惜一死。爲天地留正氣。爲人倫扶綱常。乃堂堂天子門生。巍巍國家元老。而顧反顏事仇。不復知人間有

羞恥事。謂爲跖犬吠堯。則跖之犬雖吠非其人。而尙能爲主。留夢炎乃瘦狗狂噬。反傷其豢養之人。尙於兩軍陣前。謂我等爲假托趙宋。鼠竊狗盜乎。又其甚者。留夢炎上欺幼主。則觀望誤國。下黨奸相。則阿附取容。進不能背城借一。免君於懷愍之羞。退不能伏劍飲銑。盡節作祖宗之氣。偷生以逃德祐。畏死而降蒙古。天地所不載。鬼神所不容。人類所不齒。便當囚首蠻部。飭彼餘瀝。何面目見我大宋龍興之人物乎。皓首匹夫。賣國老賊。是皆大宋一十八主有靈。天奪之魄。故令汝今日自來送死。遂厲聲大呼曰。衆將速拿老賊。碎屍萬段。韓飛瓊應聲而出。留夢炎聽畢。氣填胸臆。一聲長歎。兩足直挺。眼昏頭眩。翻身墜於馬下。登時遂死。元軍數員健將。忙負入營去。蠻子呀班急拍馬殺出。敵住飛瓊。韓太尉磨動大軍。混戰一會。飛瓊撥馬便走。宋師遂退。蠻子呀班葛顛二將。初聞

韓太尉罵留夢炎之言。亦氣餒。無心交鋒。繼見宋師少退。急放人馬。從後追殺。宋師倉皇不敢入營。望寨後奔走。元兵搶入營中。忽號礮一聲。左石雄。右王遼。兩支伏兵殺出。韓飛瓊亦引大軍翻身殺回。三路人馬圍定。元軍大敗。總統葛顛被韓飛瓊一戟刺於馬下。副將蠻子呀班心膽俱裂。保護人馬。奪路而走。宋師從後奮勇攻擊。都監唐玲不敢停留。拔寨而走。宋師追至三十里。蠻子呀班曰。任汝追襲。若至甌城。有所恃而不恐矣。元軍前哨回報。已近甌城。蠻子呀班心始放下。行不數里。忽見山巔高阜處。有宋字紅旗招展。山下左側。卽有一聲鼓響。張昌一軍殺出。蠻子呀班忙縱馬迎敵。山下右側。又一聲鼓響。朱景一軍突至。唐玲卽舞刀交還。宋師皆生力人馬。以一擊十。元兵困乏。焉能抵敵。張昌朱景截殺一陣。奪得衣甲器械。駱駝馬匹。糗糧等類無數。蠻子呀班唐玲不敢

戀戰。殺開血路。遂走。宋將亦不窮追。蠻子呀班敗走既遠。見宋師已退。乃安定魂魄。按轡徐行。謂衆將士曰。今脫離虎口矣。約定人馬。行近漁梁。爲梅嶺鳳嶺兩山相連。中通一徑處。忽鼓角齊鳴。旌旗繽紛。一彪人馬列開。當頭一將。大呼曰。宇文廣在此。等候多時。元軍將士至此。面面相覷。都監唐玲忿然曰。宋將寧有三頭六臂耶。揮刀而出。與宇文廣交鋒。不三合。宇文廣大喝一聲。將唐玲刺死馬下。宇文廣棄了唐玲。直奔蠻子呀班。蠻子呀班捨命相敵。宇文廣抖搜精神。力戰數合。賣個破綻。將蠻子呀班生擒馬上。拔劍在手。擬欲割頭。蠻子呀班一時魂魄俱無。聲聲願降。宇文廣知是無用之物。遂擲之於地。厲聲曰。宇文將軍饒汝一死。今後若更來侵犯。拿住時。身首異處。蠻子呀班得命。即拜伏於地曰。元主即將某凌遲處死。某亦不復來侵宋矣。叩謝而起。帶領殘兵。抱頭鼠竄而去。宇文廣率兵始歸。

元史演義卷十

第七十回 關將軍招降呂大成

建寧路總管武康侯赫連頤奉旨伐宋。而宋將韓靖夏一味持重。以老其師。赫連頤欲戰不得。遂自引一軍。從新城小徑。竟襲杉關。一面令人由間道走報江右。令襲撫州吉安等處。誰知建昌府節度使韓侯搏虎。乃韓太尉之姪。聞宋元交兵。不時哨探。又聞赫連頤引兵偷襲杉關。須出新城小徑。韓節度急選精兵一千。埋伏揭陽道。自引一軍。出飛嶺邀之。赫連頤不意此間。又遇宋師。知其謀已洩。健卒又飛報軍司馬留夢炎已死。元軍敗回建寧。仰天歎曰。功不成矣。率兵欲退。只見韓節度大軍掩至。元軍當者立斃。赫連頤怒曰。宋人欺吾不能戰也。揮鞭躍馬。直取韓搏虎。韓搏虎舞刀交還。二將棋逢敵手。大戰三十餘合。赫連頤精神倍增。畢竟宋師

從上壓下。元兵不敵。赫連頴抑止不住。大隊遂潰。韓節度追至揭陽道口。一聲呼哨。伏兵四起。元軍大敗。赫連頴舉竟能軍。約束將士。雖敗猶能成行。惟傷裨將十餘員。赫連頴獨當後殿。且戰且走。保衛殘兵。徐徐而退。韓節度亦鳴金收軍。奏凱而歸。赫連總管回至建寧。查點士卒。損兵數千。死驍將十餘員。裨將數十人。副將蠻子呀班。被擒復釋。軍司馬留夢炎。被宋人辱罵而死。赫連總管上表自劾。元主優詔答之。赫連總管憤極。嘔血數升。臥病月餘而死。從此建寧路將領無人。武備不復修矣。韓太尉自此一戰。大獲全勝。又至郟官原。覓得楊孝伯屍首。葬之。傳集各路人馬。唱凱而歸。奏聞宋主。從此元軍不敢南向牧馬。杉關威名永著。一日詔下。韓太尉進爵爲侯。宇文廣陞總領衛大將軍。張昌。石雄。王遼。朱景。陞驃騎將軍。楊孝伯追封爲侯。子孫廕襲本職。勞賞三軍。建昌韓節

度戰敗元軍。賚詔褒美。將士俱賚賞有差。時江西平章乃中書右丞李羅帖木兒。一得赫連總管之報。卽檄臨江府都指揮使呂大成。兵伐吉安。呂大成得令。引兵三千。逕過萬安縣。屯金船嶺。韓節度聞之。檄南安守將總領衛大將軍拓跋琳。領本部人馬抵敵。拓跋琳遂移師萬安縣駐紮。時萬安西村有陰生者。名子宸。家貧甚。賴館穀以爲生。歲暮無投聘者。除夕。妻孥相對。忽有剝啄聲。啓門視之。則兩蒼頭。共一老僕。云是高縣巨室某延師。致金爲聘。車馬相迎。束脩二百兩。陰生大喜過望。期以燈夕後。倉卒別去。竟不言姓氏。陰生亦未及問。旣而念其家鄭重乃爾。主人不通姓名。且素無先容。何以致此。疑是誤投。妻強解之曰。必村落暴富。不識字人耳。生亦信之。燈夕。果有車馬。及前日老僕蒼頭。欣然而至。陰生迎問曰。僕素昧生平。謬辱聘召。昨歲暮倉卒。未敢致問。華門貴胄。

願示其詳。老僕惟言姓黨。且曰。先生勿問。第至其家。便能知之。陰生再欲問時。則已駕車催行矣。暗思延師教子。容有他意。欣然別妻。登車而去。山程水驛。曲折都非熟徑。凡五晝夜。老僕曰。近之矣。生視其徑。多逶迤屈曲。絕無人家。不一會。忽峭壁當前。老樹纏藤。上參雲漢。僅有欹斜小徑。僕與蒼頭等。扶掖而登。既踰其顛。則細草平坡。野花當路。又似別一境界。行一二里。遙望甲第巍峨。老僕指曰。此卽主人宅也。到門。見堂宇煥赫。如王侯家。下車。歷門十數重。不見主人晉接。至一庭坐定。蒼頭數十人。環立兩行。生踟躕不自安。少頃。老僕復出口。主人偶事他出。未及倒屣。改日請見。生唯唯。老僕遂引陰生。復過廳事五六所。至一處。有花木亭池。精舍一區。老僕曰。此書室也。給使小蒼頭數人。牀器帷帳。及生之被服巾履。靡不璀璨。生駭異如夢。老僕引弟子出拜。瑤環繡服。儼貴介子。

弟年近十五六。執禮甚恭。既而蒼頭報席設醉白堂。弟子卽請生復至一堂。珍錯羅列。目所未覩。生首坐。弟子相陪。甫登席。隱隱聞樂聲作。不知其處。酒一行。輒有童子。碧衣朱襪。按拍向席而歌。悉生平所未曾聽者。童子以十二人爲隊。歌一闋卽更。凡歌二十餘闋。生起謝。弟子令罷酒。卽撤席間金杯。椀數事贈生。命老僕送生。仍入書室。弟子次日受業。時發問。性甚慧。弟子日誦千言。過目便了。但蒐搜古人辭。絕不事應制文藝策略。乃告生曰。弟子無意功名。但得識數行書。稍習世事足矣。自春徂夏。羣書該洽。前後贈生已數百金。言歸。輒不許。生亦安之。居無何。漸及歲暮。蒼頭告生曰。主人今日滿載而歸矣。中堂卽大設華筵。請生觀劇。生至中堂。始與主人識面。蓋冠雉冠。服甲服。腰橫寶劍。上嵌七星。四座賓客。皆英雄偉岸。戎服登筵。生心驚股栗。舉止失措。不敢發一辭。主人豪

飲劇談。笑謂生曰。先生勿驚。僕等江湖豪俠士也。因僕等嗜殺。罔顧仁義。特令小兒受業。得以稍知大體。今承不棄。嘉惠後學。沾被靡暨。特治卮酒。聊以談心。不日當送先生歸里。生聞言跼蹐。席間聞衆客舉觴交慶。意似得鄧通銅山。郭况金穴也者。席終。生歸書室。終夜不寢。翌日。主人具綵緞數十端。黃金二十兩。命弟子黨生再拜而謝。主人亦拜謝。仍命老僕送生。星夜歸里。旣歸。生以語之妻。猶未信。啓篋視之。則玫瑰燦然。其妻大喜。越日。生與婦正慶。幸間。忽弟子黨生踰跟而至。生驚問之。黨生拜伏於地。泣告曰。吾父專一聚衆行劫。前日歸家。得豫章餉銀八千兩。平章聞之。卽勅呂指揮督兵勦捕。吾父得信。知必不免。急命弟子速奔先生處逃避。或可漏網一子。乞先生憐之。陰生用手扶起。急問曰。然則汝父母將作何計。黨生掩面哭曰。譬諸弟子。在此間閒話時。卽吾全家就

縛時也。陰生聞之。亦涕泗橫流。泣不可止。其妻勸之曰。伊父劫掠爲生。是渠惡報。何哭之爲。生答曰。非也。伊父本非讀書人。待師忠且敬如此。其慷慨揮霍。有出於尋常萬萬者。吾特爲此一念而悲耳。其妻又曰。吾家得此修脯。僅免饑寒。弟子逃死而至。吾家甚貧。何以容之。生未及答。黨生聞之。卽出橐中馬蹄金。約數十錠。雙手獻之。其妻一見。忙謂生曰。汝急須設法。救護弟子。以全師生。陰生見其妻得金而喜。乃歎曰。此閨閣本相。而亦近世冷煖之常情也。又謂黨生曰。吾與汝。猶骨肉也。汝父雖不肖。汝則何辜。吾卽貧如刺骨。亦必汝容也。況得汝束脩。又有汝橐金。卽於吾家終身焉可矣。且吉安乃係宋地。大元之兵。決不敢越境而捕。黨生拜謝。至是而陰生之家以富。且說元指揮使呂大成。屯兵金船嶺。與宋師連戰皆捷。宋將拓跋琳甚忿。整飭人馬。欲決死戰。而元軍餉銀。運至

中途忽被盜劫。平章切責本郡長吏汛官等。呂指揮立撥旗校數百人。盡捕其黨殺之。奪轉餉銀。業已耗失過半。而營中糧運不繼。士卒多出怨言。宋將拓跋琳。逐日討戰。呂指揮惟令堅守。相持月餘。未交一戰。平章孛羅帖木兒。欲劾奏之。呂指揮不得已。率兵與拓跋琳大戰於五雲洲邊。不一會。拓跋琳又力怯敗走。呂指揮素聞萬安縣積儲甚富。遂襲其城。移兵入焉。至夜半。忽宋師大至。拓跋琳督兵圍定。四面攻打。而呂指揮欲就糧城中。誰知內係空城。業已中計。幾次欲奮勇衝突。潰圍出走。而士卒多病。又聞平章孛羅帖木兒。欲將指揮家口繫獄。械至峽江都督嶺。被強人劫去。呂指揮心如芒刺。十分焦急。逐日登城。望見宋師。人人精銳。自思兵弱糧盡。如何抵敵。指揮抑鬱無聊。忽報宋軍。又添一支生力軍馬。來助攻城。大將乃龍武大將軍武陵侯關普靈也。呂指揮益知難。

敵。元兵大困。城中數日無糧。守陣皆哭。忽小校在城上。拾得一書。獻與指揮呂大成。拆而觀之。其略曰。

某與將軍同里。憶昔蒲州共事筆硯時。迄今思之。景依依其如昨也。前在台州。亦偶相遇。但邂逅間不及款曲。想同學之情。仍然同心也。今將軍奉檄侵宋。出師三月。毫無寸功。進不能破敵。退不能免劾奏。以有用之才。付無用之朝。危哉。此時禍不旋踵矣。家口業已入宋。代爲安置。棄暗投明。豈無意乎。如必膠柱欲守不二之節。則南雄鎮羅浮山諸戰。將軍所深知也。欲戰則出。不出則降。大宋重康四年二月日。河東契弟關某再拜。

呂指揮得書。再三觀之。自知不敵。遂開門出降。關普靈。拓跋琳大喜。呂大成急問家口一事。何以便能入宋。關普靈笑曰。此皆弟念同學之誼。特令裨將等略施小計。至臨江賺之。今已在武都矣。呂

大成稱謝不置。關普靈率兵同呂大成入朝。拓跋琳仍去鎮守南安。呂大成既見宋帝。關普靈薦爲衛將軍。守惠州。

第七十一回 寶林寺韓昭燬佛

韶州府城東南五十里。有溪曰曹溪。溪上有寺曰寶林。乃唐高僧盧慧能道場也。慧能卽六祖。新州人。唐貞觀戊戌年生。有夙慧。三歲時聞誦金剛般若經。卽能尋師。二十四歲傳五祖衣鉢。三十九歲祝髮。七十六歲而卒。唐高宗時慧能初至池州。五祖宏忍大師以鉢盂錫杖及所傳袈裟。謂五百衆僧曰。誰作無象偈。卽傳衣鉢。首座一僧名神秀。卽題曰。

身似菩提樹 心如明鏡臺

時時勤拂拭 莫遣有塵埃

慧能見之。乃曰。佛宗本是空。如此仍有象矣。卽改題曰。

菩提本無樹

明鏡亦非臺

本來無一物

何用拂塵埃

五祖宏忍曰。此全悟道。脫然無象。可傳衣鉢矣。卽以法寶授之。當時池州太守。問五祖曰。會中五百僧。不付衣鉢。何獨付於盧行者。五祖曰。雖有五百人。四百九十九人。會佛法。惟盧行者。不會佛法。獨悟道。方傳得衣鉢。太守深然之。慧能受法。遂爲六祖。後再至廣州。法性寺。繼至韶州曹溪寶林寺。末歸新州國恩寺。以開元三年八月十三日沒。三州官吏。於中途爭迎。六祖眞身。不能決。乃祝曰。焚香所指處。師卽歸焉。香指曹溪。因遷龕並衣鉢。建塔存之。而白光衝天。五日不絕。五代時。僭王劉鋹。迎衣鉢至廣州。夫人偶觸墮地。不能修補。因捨田數千頃贖罪。及黃巢之亂。兵犯曹溪。雲霧晝晦。軍人失道。咸致恭乞哀而去。其肉身傳至宋末。香薰如漆。以手

摩鬚髮如剃。其衣一襲。乃達摩所傳西域屈响布。緝花心織成者。一襲乃唐元宗所賜。織成淡山水者。一西天鉢。并非銅鐵木石。一西天履。更非革非木。不知何物也。貝葉經十七葉。字如刀削。至元丙子。元將張宏範。師犯廣南。下韶州。兵屯曹溪。軍士至寺中。咸用刀割脅。以驗真僞。遂折其指。元兵大驚。咸叩頭乞命。相戒以爲禍。不旋踵。師去後。韶州等處。士女尊禮備至。廣南一帶。鄉紳士大夫。燃香禮拜。奔趨若恐不及。加以元主尊禮西僧。崇尚釋教。韶州人士。居然以爲牟尼再世。曹溪一寺。卽兜率陀天矣。時樂昌縣有蕭生含瑜。偶過曹溪。遊寺中。觀玩法相一會。至客堂坐定。問長老曰。聞昔年六祖禪師。與智光禪師。傳法分戒於儀鳳山菩提樹下。其所演說。惟依般若三昧。令學者頓悟菩提。長老能道其詳否。長老不能答。遂留蕭生在寺。盤桓數日。蕭生與長老。兩情相得。日見輦。

錢帛。佈施入寺者。絡繹不已。蕭生暗思此寺。有田二萬餘頃。猶且日日歛錢。將來不幾富可敵國耶。以長老待生甚厚。未便究詰其支用何處。而寺中亭臺池沼。淨室精舍。罔不閎肆華美。奇花異草。珍木怪石。處處令人賞心不置。內有一亭曰卓錫亭。亭前有泉曰試甘泉。蓋取東坡又試曹溪一勺甘之意。結構精妙。複道幽窈。花木最勝。蓋非其人。不得至也。蕭生逐日與長老接談後。必至亭前消遣一會。私念不意昔人所詠曲徑通幽處。禪房花木深。却在此間也。一日長老出寺未歸。蕭生獨步亭前。見薔薇花含苞吐豔。芬芳襲人。正在花架下。流連未已。忽亭子後。遠遠若聞絲竹之音。蕭生異之。由閣道左行。連過曲廊迴榭數處。有一短牆。其音若自牆內出者。蕭生乃扳牆而望。見複室中男女交錯。管弦啾啞。杯盤狼籍。首座者。卽寺中老僧。左右環立。及侍坐者。無非寺中年少沙彌。

俱各倚紅偎綠。調笑取樂。長老更擁抱妖姬豔女。輕吹細彈。酣歌暢飲。謔言嫚語。無所不至。蕭含瑜一見。心頭火起。正欲發作。忽轉念曰。投鼠忌器。吾已入網羅中矣。悄步而出。仍歸卓錫亭前。翫花一會。始至客堂。則長老仍從方丈而出。接談後。便欲辭去。長老再三不許。蕭生勉強住至次日。見長老禮意十分慇懃。心中不忍。乃以言挑之曰。釋門動稱五戒。殊不盡然。長老曰。沙門戒律甚嚴。先生或者於五戒之外。更有所見乎。蕭生曰。非也。釋子不必定守戒律。而亦有證果成佛作祖者。長老忽色變。徐曰。豈有此理。蕭生曰。不見西湖道濟。酒肉不離於口。姚秦鳩摩羅什。尙能御婦人。一交而生二子乎。長老一聞此語。打着心病。滿面發赤。情知破綻。必爲所窺。遂勃然大怒曰。莊嚴佛地。何物狂生。敢如此謗言。一聲拏下。只見沙彌十餘人。奔至客堂。將蕭生擁至後面殿角下。不由分說。

綁縛起來。蕭含瑜有口難辨。追悔無及。任你乞命。置之不理。少時長老至前。數之曰。吾念孱弱書生。故推誠待汝。乃敢警吾短。將謂吾戒刀不利。不能取汝首耶。蕭含瑜自知難免。乃泣請曰。念數日盤桓。交淺言深。命死不敢辭。乞付全屍。衆沙彌不許。惡狠狠卽提刀就剝。蕭含瑜已魂不附體。長老上前止住。沉吟一會。乃曰。負石沉江。長老自去。蕭含瑜眼睜睜盼着衆沙彌。又加一石。縛定兩臂。用兩人扛至曹溪上流。投於洪波巨浪中。兩沙彌方始歸去。誰知蕭含瑜未合身亡。自入水中。卽得奔流急湍。衝突一會。繩鬆石脫。人便載沉載浮。飄流水面。卽大聲呼救。偶遇漁舟撈起。始得上岸。改換衣服。拜謝漁人。問明此地乃屬湘江。已至韶州府城東矣。急奔至曲江城中。走訴縣令。縣令以無所證驗。斥之不理。蕭含瑜氣填胸臆。無可發洩。搶地呼冤。再控韶州府。府尹梁伯鸞。暗思寶林

寺乃歷代名勝。豈容有此奸僧。立拘集僧衆。并委員弁。搜捕寺中。果於複室內。得婦女一百十八名。梁府尹大怒。切責縣令不理。猶朔望日在寺中。晉香不已。縣令惶恐謝罪。請案鞫問。梁府尹許之。縣令回署。將衆僧用重刑拷打。一一供出。婦女俱係佈施入寺。有慕清淨。自願帶髮修行者。有慕富足者。有戀年少沙彌。不忍歸去者。衆僧尙未供畢。縣令已怒髮衝冠。咬牙切齒。令將長老撈起。其餘以烙鐵火煨烙之。一時叫苦連天。始將婦女一一鞫問。內有一婦。頗具風格。縣令好生面善。尙未問及。婦自陳乃東莞人。姓沈名瑤枝。卽縣令昔年所買侍妾。於中途逃去者也。縣令滿面發赤。雙目直瞪。揮手令速杖斃。餘者斷令歸家。須本夫家主親身來領。凡來領婦者。無不答責之。蕭含瑜寃始白。賞銀二百兩。令歸樂昌。勉以奮志下帷。後蕭含瑜成名。刺桂陽州。當時縣令鞫清此案。申詳

府尹。梁府尹分別首從。如法處決。又將寺中田產。留五十畝。另行招僧焚修。餘盡入官。可安撫窮民數百戶。立時奏聞宋主。旨下俞允。正值刑部尙書韓昭由翔龍府按部至韶。贊羨梁府尹此舉利國裕民。甚愜人意。梁府尹遂會同韓尙書。將寺田逐一履勘。深歎二萬餘頃沃壤。從前徒爲藏奸養蠹之用。勘畢。又至寺中。韓尙書一見招提蘭若。僭擬宮殿。立命人拆毀其三分之二。惟湘山殿乃寶林祖祠。不在拆毀之數。將六祖肉身衣鉢等類。舉火焚之。一時烟燄並作。空中若有人語曰。深謝韓大人。數百年明鏡無光。今始得清淨化身矣。頃刻間。異香撲鼻。梵音盈耳。隱隱向西而去。

第七十二回 摩天嶺三將隕命

宋驃騎將軍焦芳被圍七星巖。自刎。所部軍士餓死者過半。其餘逃下者。俱爲元兵所殺。全隊陷沒。都押牙斛律亢宗大軍。被元將

樊飛豹飛彪弟兄之兵扼險阻定。二樊將焦芳誘入峪口。如魚遊釜中。坐以待斃。聞宋將已死。遂奮勇衝殺而來。斛律統制恐橫州有失。急引兵退入橫州。始知焦芳全軍被陷。斛律統制痛悼不已。令人飛報長沙。元將樊飛豹飛彪仍來攻城。斛律統制大怒曰。羯奴損我二將。誓必擒之。副將屈突申獻策曰。敵將以棄城賺我。損兵折將。我亦以此計賺之。統制與衆將出城誘敵。某伏一軍於華清樓上。俟敵將奪城而入。某在樓上用千筋開下之。敵將縱不死也。九分無氣。則焦傅二將軍之仇可報矣。斛律統制然之。樊飛豹引兵攻城。洪時錦一軍出城敵住。不數合敗走。飛豹方欲追趕。吳廣一軍殺出接應。飛彪縱馬抵住。飛豹恐飛彪戰吳廣不下。跨馬夾攻。吳廣敗走。二樊急追。王彥廖雲兩軍又至。樊飛彪一見廖雲指曰。敗將復來送死耶。廖雲大怒。四將戰無幾時。斛律亢宗引大

軍一湧突至。二樊奮勇抵敵。混戰一會。王廖二將。又拍馬落荒而走。樊飛豹大呼曰。衆軍不趁此時奪城。橫州幾時恢復。斛律統制故作驚慌之狀。樊飛彪急引一軍。躍馬先入。剛至門下。忽敵樓上踉蹌一聲。屈突申將千劬闌放下。梆子響時。亂箭如雨。樊飛彪連人帶馬。壓死於華清樓下。軍士被亂箭射死者無數。樊飛豹眼快。急退幸免。亦中數箭。剛得出城。斛律統制合四將之兵。一齊殺回。緊緊圍定元師。口中聲聲只叫休走了樊飛豹。飛豹畢竟英勇。奮力衝殺。潰圍出走。保定敗殘人馬。身帶重傷而去。斛律統制始鳴金收軍。入城撫定居民。見此次雖得一州。而損兵無數。死大將二員。得不償失。遂重整人馬。正欲進兵攻打南陵。忽寇節度又撥牛犇張燕二將。引兵三千。前來助戰。斛律統制接入甚喜。置酒款待。次日一同進兵。直抵銅柱江下寨。銅柱者。漢伏波將軍馬援征蠻

時標銅立柱也。唐時馬絢爲安南都護。亦建二銅柱於故處。又五代時。晉馬希範平蠻。亦建銅柱。二公皆以爲伏波之裔。故今左右江各有其一。至欽州蠻界銅柱上。刻云銅柱折。交人滅。故至今交人往來。必累碎石於下。且說斛律統制兵至銅柱江。早有元軍中四總管。曹豹。王淮。周鳩。范瓊。四將引兵迎敵。牛蟾。張燕。挺鎗掉斧。縱馬交鋒。鏖戰不已。斛律統制急令屈突申。洪時錦。二將引一支生力兵。由西北角殺出。橫衝其軍。首尾截作兩段。而元兵經蒯參政練後。頗有紀律。四總管雖潰。未能大創。各鳴金收軍。蒯參政見偏將軍樊飛豹敗回。橫州已失。又聞宋師大至。怒責飛豹。黜罷先鋒之職。令守南寧。自引大軍。親來督戰。斛律統制遂大振軍容。一面迎敵。一面命牛蟾。張燕。領輕騎暗襲南寧。越日。元軍中曹豹。王淮。周鳩。范瓊。宋軍中王彥。廖雲。吳廣。洪時錦。大戰於銅柱江上。蒯

參政援桴擊鼓。兩軍殊死鬪。不一會。宋師少卻。蒯參政磨動大將旗。正欲掩殺。忽報偏將軍樊飛豹逃至。着驚不小。急令後軍改作前隊。回兵徐退。且救南寧。宋軍望見元兵隊伍。忽亂。情知南寧有失。一齊攻殺。元軍大敗。四總管兩副將忙保參政。奔至城下。忽宋將牛蟬引軍突出。截殺一陣。早有王淮中箭落馬。蒯參政遂不敢入南寧。急望上思州而走。斛律統制見旣得南寧。亦不追趕。屯兵城外。自率一軍入城安民。命廖雲鎮守。三日後。卽統諸將進打思州。元偏將軍樊飛豹。兵阻鳳凰山。縱馬迎敵。屈突申一見樊飛豹。咬牙切齒。大罵射不死的酋奴。樊飛豹更怒目圓睜。聲言爲弟復仇。揮刀便砍。屈突申亦捉矛就刺。二將惡戰三十餘合。吳廣在門旗下。覷定分明。暗發一矢。正中額角。血流被面。樊飛豹負痛。刀法便亂。屈突申一矛刺死。宋師奮勇。大殺一陣。元兵屍積如山。餘兵

逃去。蒯參政暗驚宋師利害。再令人調柳州都總管索虎通。慶遠副將吳貫三兩軍。速來助戰。宋師旣離思州不遠。卽命朱光斗羊雷迎敵。二將連戰皆敗。蒯參政納悶營中。相持數日未決。遂引裨將數人。出營暗窺宋師動靜。觀玩一會。回營謂衆將曰。宋師雖銳。吾有以破之矣。衆問其故。參政曰。行軍下營。自有法度。按八宮陰陽數置之。營居陽卦之上。則以九爲法。陰卦之上。以六爲法。營門向陽。以受陰氣。不飲死水。不處死地。不居地柱。不居地獄。不居天龜龍首。大將軍宜居九天之上。如隨六甲所居。則將軍居青龍。旗鼓居蓬星。士卒居明堂。伏兵居太陰。軍門居天門。小將居地戶。斬殺居天獄。軍糧居天牢。治罪居天庭。軍器居華蓋。所謂行軍營居天地也。又宜具四獸。列八卦之表。測影以定子午之位。如南有汙池爲朱雀。北有阜堆爲元武。東有叢林爲青龍。西有大道爲白虎。

若夫朱雀無頂。元武折足。青龍悲哭。白虎無銜刀。皆不可居也。強居之者。軍覆皆死。宋軍下營處。正是龍首。亦爲地柱。是死地也。用重軍圍之。絕其外援。其軍必困。困而擊之。其破必矣。遂調度諸將。准備破敵。先是宋營中斛律統制。見元兵累日不出。遂移營逼之。牛駘進曰。此間有山崔嵬。可瞰元軍虛實。屯兵其上。元軍若至。可以下壓。元軍其能當乎。斛律統制曰。不可。地太孤高。恐係絕地。防敵人斷樵汲也。張燕笑曰。孫子不云。置之死地而後生。置之亡地而後存乎。而況行軍下營。貴陽而賤陰。好高而惡下。旣得地勢。敵兵早屈於下風矣。斛律統制終以爲不然。屈突申曰。依末將主見。吾軍分屯兩處。一軍屯山頭。一軍屯平地。兩爲接應。犄角相援。始爲周密。斛律統制從之。卽分兵五千。令牛駘張燕屈突申三將屯於山椒。乘高以瞰元軍。爲奇兵。自統大隊。與元軍相敵。元軍若至。

則疾走其營。拔元幟。立宋幟。焚其輜重。前後夾攻之。元將可擒矣。三將領兵大喜而去。移營數日。元兵仍然不出。斛律統制令王彥挑之。元軍分毫不動。斛律統制大疑。四下哨探。並無埋伏。暗思元人徵調柳州慶遠二軍助戰。或待二軍至始戰耳。忽一夕元軍大至。鼓譟聒耳。統制恐元軍突營。令堅守鹿角。勿動。至天明俟元軍疲倦擊之。誰知次日。宋營前後左右。遍是元軍。重重疊疊。似有百萬之勢。宋兵見之。多有懼色。統制只得下令。衆將分頭殺出抵敵。元軍忽散忽合。愈殺愈衆。不知有多少人馬。吳廣王彥洪時錦等。力不能支。宋師大潰。斛律統制亦阻遏不住。棄營而走。死者無數。劄參政下令。追擊攻殺。斛律統制殿後。且戰且走。將至南寧界口。却得廖雲一支生力兵至。元師始退。却不見牛鉉張燕屈突申三將之兵來援。統制疑惑不定。令人急探。誰知三將之營。已被羊雷

朱光斗攻破。三將協力。戰退羊雷朱光斗。正欲下山赴援。而元將曹豹范瓊周鳩。所統皆是鐵騎。遏定去路。三將幾次引軍衝突。俱如銅牆鐵壁。堅不可撼。且弩石如雨。人不可近。三將無可如何。仍舊殺回。直奪營寨。羊雷朱光斗二將輪流交戰。直誘宋師至摩天嶺上。此嶺上與天齊。四山環遶。綿亙數百里。最爲險惡。嶺下巖壑深廣。峻絕孤懸。爲獐獠出入門戶。瘴氣最重。宋軍士中毒者輒斃。三將心中惶惑。恐效焦芳故事。令軍士探路。則四山皆可下。而不知路向何往。且士卒中惡死者纍纍。張燕十分着急。自往探之。見表延千里。崎嶇巉崖。怪禽異獸。啼嗥動人。愁雲慘霧。晦明難分。張燕探畢回歸。亦中瘴癘。口不能言。嘔吐不已。牛竣屈突申無策可展。忍饑不敢飲食。元將朱光斗羊雷曹豹范瓊周鳩等。圍至二十餘日。各引輕騎。殺上嶺來。三將勉戰一會。復受重傷。俱力盡而死。

全軍覆於嶺上。元將奏凱而歸。

第七十三回 蘇縣令巧決疑訟

漳州龍溪蘇令名會昌。新田人。吏才明敏。縣無疑獄。發奸摘伏。素有循聲。龍溪負山濱海。水陸交衝。又首隸漳州。事甚繁瑣。蘇令應上接下。事事皆理。真是虛堂懸鏡。案牘澄清。一日判一案。乃貢珠門惡奴控主。有龐生者。世家子。廣置姬妾。蓄俊僕。不數年。以療病卒。妻尹氏孀居。有僕名桑紫者。性最黠。與主婦通。時龐生一子。年未及冠。亦甚聰慧。桑紫與尹氏情好甚密。而礙其子。遂唆尹氏以忤逆控之。蘇令質訊。係桑紫抱呈。一同鞫問。尹氏一口咬定。逆子不孝。叔舅概置不理。無所約束。故控。蘇令立喚叔舅問之。皆言不知。蘇令廉得其實。喚桑紫問曰。有子不孝。叔舅兩黨。概言不知。而子何獨妄控。桑紫叩首曰。小人蒙先主人象養之恩。日望小主成。

立。克保家室。奈日事淫博。狎暱邪僻。主母束之。反加抵觸。及赴懇
兩黨。置若罔聞。主母日夜涕泣。無所爲計。不得已。故出名抱訴。蘇
令微笑曰。是大難事。任勞任怨。可謂忠心爲主。桑紫叩首又曰。小
人素以義氣自許。凡主人之事。雖赴湯蹈火。在所不辭。蘇令益嘉
賞之曰。義僕。桑紫深謝。叩頭不已。蘇令隨喚其子問之。則年僅十
五六。恂恂書生。訊逆母之故。無言可答。但流涕而已。蘇令佯怒曰。
忤逆不孝。律有明條。汝死期至矣。立飛籤下。其子慟哭不已。叔舅
皆極力哀免。請恕。而桑紫與尹氏。微有喜色。蘇令乃回顧桑紫笑
曰。爾小主穉年。不任撻楚。爾乃義僕。雖赴湯蹈火。皆無難事。曷代
之。卽喝隸胥。曳翻桑紫欲杖。且曰。此杖不孝者。不可輕也。重責四
十。蘇令又喚其叔曰。伊父與汝。乃手足也。而不代爲約束其姪。汝
應受杖。其叔五體投地。乞免。蘇令沉吟一會。曰。有任怨任勞者在。

汝毋慮也。又曳桑紫重責四十。繼又杖其舅曰：伊母與汝骨肉，而不代爲綱紀家政，成就外甥，竟袖手旁觀，是何道理？亦應受杖。其舅蒼顏白髮，叩首不已。蘇令微笑曰：此事自有義僕任勞任怨，皆所不辭也。命將桑紫，曳翻再杖。桑紫已血肉交飛，大哭求免。蘇令大笑曰：義僕之稱，甚難得也。竟杖之，復命舁重枷至。判曰：枷號義僕一名桑紫，俟逆子改過日釋放。桑紫杖傷已重，旬日竟死。當下蘇令面諭尹氏曰：母子之恩，天性也。今後慎勿妄聽人言，滋生事端。尹氏已汗流浹背，惶恐謝罪，領其子而去。又有錢貢士負債一案，告者凡十人，以貢士曾作一會，共收銀四百兩，貢士負心，竟不墊還。現有文簿可執，貢士則以平地生波，文簿皆僞等語赴訴。蘇令心生一計，先喚錢貢士，問以得會不償，是何心意。錢貢士極力分辨，蘇令不理。卽於十人內，首喚一人入內署，歛容問曰：大凡作

會者。必治小酌。錢某集會初。亦曾備酒。邀汝等否。其人曰。然。又問以何日。其人曰。係某月某日。又問以作何酒筵。備何蔬菜。賓客幾許。棹席幾許。凡瑣碎之事。無不備問。問畢。令在一旁。又喚一人。入而問之。仍以酒穀杯碗七箸諸碎事。問之。其人亦隨口含糊應答。蘇令問罷。隨筆記之。令在一旁。又喚一人。俱如此問。凡問十人。各相矛盾。蘇令撫掌大笑曰。錢某以一會故。一日之間。汝十人。乃領受十樣酒穀也耶。十人俯伏在地。不敢仰視。用刑一嚇。無不吐實。蘇令責之曰。捏誣詐搯。律有常刑。十人俱各如法。錢貢士拜謝而出。聞者無不稱羨。一日陞堂放衙甫畢。一秀才公服昂然而入。直稟曰。一等生員告狀。蘇令徐答曰。二甲進士不准。秀才大慙而退。兩旁胥役掩口而笑。一日有平和縣士子十餘人。由武都下第歸。道經龍溪。宿邸中。遇小偷。失錢三緡。與逆旅主人。口角忿爭。遂控

之。謂主人竊去伊等資斧。共十二緡。衣服貨物。不在此數。闕集公堂。令喚逆旅主人至。隨與質訊。蘇令見士子一行十二人。外脚夫二人。俱在堂下。心中業有分寸。卽喚逆旅主人。大加訶斥。主人力言銀錢有無。概未交櫃。貨物失否。殊難憑信。小人斷不任咎。衆士子一齊紛紛攘攘。呶瀆不已。蘇令正色約住。隨喚一二年長者。問以何年遊泮。何年食餼。今科武都典試者何人。策問者何事。一一問遍。衆士子亦未敢喧嘩。其一二年長者。隨稟以邸中遇盜。主人知情一事。蘇令曰。此無預主人事。所失多寡。自當蘇某賠還。衆士子皆喜。蘇令隨喚吏胥。將二脚夫所擔行李。用秤量之。衆士子不解何意。少頃量畢。吏胥稟曰。一重百觔。一重八十一觔。正。蘇令聽畢。微笑曰。此失錢三緡耳。回顧小吏。卽取錢三緡與之。內有數人。猶欲爭執。失數不敷。蘇令笑曰。此無難知也。若失至十餘緡。恐汝

二脚夫。將力不能勝其任矣。衆士子不敢復爭。驚以爲神。拜服而去。又一案。爲本邑縣尉二女。同在任所。居署中。忽不見。生死未知。無可審訊。又礙於僚屬官箴。頗涉疑難。正逢朔日。因晉香至武廟禱之。是夕。蘇令遂夢武聖坐殿上。大書一詞付之。蘇令審視。乃曰。雜花間紅日西墜。悶無心懶傍粧臺。倚闌干東君去矣。閉紗厨不見多才。

蘇令方欲跪下問明。忽然驚覺。不解所謂。一連數日。遲疑未決。偶坐內廡悶悶。忽見二童子戲階下。大怒。擲杖投之。二童子遁走。杖擊不中。觸門限。折爲兩段。蘇令恍然大悟曰。是矣。乃四門字也。問字去日。一門也。悶無心。二門也。闌字去東。三門也。閉字無才。四門也。意者二女其匿在四門中乎。旣而曰。非也。吾聞縣尉素有龍陽之嬖。四門子最所鍾愛。二女存亡。其在此四門子乎。遂令人喚至。

內衙一款而服。蓋縣尉二女有殊色。因窺見四門子皆美少年。偷香竊玉。兩俱傾心。四門子垂涎已久。因縣尉他出。門子以爭風。忿斃其一。四門子懼。并二女斃之。投屍內署井中。蘇令得實。令人撈起。四門子俱伏其罪。此時縣尉已赧顏無地。挂冠而去。一日有縣民吳小乙。持狀控人負債不還。被控者名汪七。具呈自訴。貧窘難償。兩下質問。吳小乙力言朝不謀夕。專望此債少延殘喘。汪七自陳。不敢負心。所欠是實。但貧至無錐。妻死未葬。現沿門托鉢。何以償還。蘇令着二人情景逼真。沉吟一會。乃曰。此債吾代汝償還。邑內某典肆。吾存錢若干。汪七自往領取。遂手書數字。摺而封之。不准妄開。汪七接字在手。五體投地。飛奔典肆中。與肆翁言之。肆翁驚訝。以爲虛謊。汪七力言非誣。肆翁曰。此官明如鏡。清如水。容有錢存典庫中也。汪七猛省手中。尚有執據。遂出手書與之。肆翁觀

畢。大笑曰。手書上只有四字。汝曾觀之否。汪七答言未觀。肆翁笑以示之曰。乃還不快走四字也。汪七聞言。抽身便走。其行如飛。少頃。吳小乙又至肆中。言官命來領錢債者。亦出手書。肆翁明知此案未了。不知此書又作何寫。含笑接着觀之。肆翁觀畢。更笑不可止。仍還小乙曰。此限字也。汝去耳。吳小乙猶以爲肆翁戲言。忙定睛一看。紙上惟朱書四字曰。再限十年。吳小乙不敢多言。怏怏而去。一時傳播以爲劇談。一日有一民婦涕泣入訴。自稱王氏。夫名卜三郎。昨遠方貿易而歸。不知何人截殺。奪去財物。棄屍某池中。因念三黨俱無。煢獨無依。求爲作主。言訖。嗚嗚而泣。蘇令卽命人撈起屍首。驗畢。周身無傷。惟滿口泥垢。腹脹如鼓。係淹斃者。問過鄰里。俱無驗白。遂賞錢數貫。令王氏自行收殮掩埋。王氏叩謝不已。哀亦頓止。蘇令使人尾之出。看如何葬埋。少頃回報。王氏出衙。

正行間。忽短巷中出一道士。與語移時。始去買棺。蘇令立即飛箠。拘道士至。問如何謀死卜三郎。道士初不肯承。嚇以重刑。始言因奸謀殺其夫。與共遠遁等語。乃并王氏一同拘至。論死抵罪。鄰里毫無係累。蘇令決獄。諸如此類甚多。不可殫述。後宗夢弼以循良奏聞。宋主即加陞以爲撫州太守。

第七十四回 王太常詞慰幽魂

武都太常署中廳事左側後廢軒數楹。時有鬼物作祟。無人敢入。軒前梧桐數株。連抱合圍。清陰欲滴。直蔭半畝。王太常用槐愛其清幽。令冀除此軒。以爲書室。家人切諫不聽。退朝後。花底會客。月下賞心。皆在其中。時而飲醇醪數盞。時而吹洞簫一曲。久之。安然無恙。太常笑曰。甚哉。人言之多妄也。晝夜每獨宿軒中。心神俱爽。自以爲淵明之南牕高臥。作羲皇上人。不是過也。既而西風乍起。

軒前梧葉瑟瑟有聲。太常每當月上。卽吹簫一曲。其音清越以長。直動林木。以後秋夜軒中。微有蠕動。繼而几案陳設之物。往往有移至他所者。太常以爲常。未之奇也。又漸而人臥後。卽窸窣不已。或作繙書聲。或作太息聲。鷄鳴方止。太常靜觀其異。一夕月色晃朗。正從梧桐影裏。映至軒中。太常愛之。小酌吟詩一會。又引簫鳴。嗚吹之。直至夜深方寢。伏枕後。見一紅裳女子。直趨案前。時殘燈未滅。女子卽挑燈。歛容端坐。把卷繙閱。吟詠不止。太常細聽之。聲韻淒切。音節悲楚。若不勝幽咽者。太常披衣欲起。忽女子又釋卷。執筆在手。口詠手書。頃刻卽成二詩。自嘆自賞。乃朗吟曰。

舊梳粧處最堪憐。疊次開軒點翠鈿。今日事非人面改。夜臺空喚奈何天。

恨煞當年夢幻身。墮來苦海幾多春。行將化鶴西歸去。華嶽山

頭作女真。

太常聽罷。不覺技癢。拳幘咳聲而起曰。嘻。寧有如此不畏人鬼耶。女子亦起身微笑曰。太常寧有如此不畏鬼人耶。太常此時也不暇款曲。也不問人鬼。走筆卽和其詩曰。

淚盈紅袖有誰憐。腸斷三更嬾整鈿。安得返魂香一炷。再生人世莫生天。

泉下誰同泡影身。鶯花依舊故園春。從知埋玉難埋恨。兩首新詩自寫真。

女子觀畢。嚶嚶而泣。歛衽謝曰。太常真解人也。妾一生理沒筆硯。今日始遇賞音。太常問。卿生於何地。沒於何時。或飢欲食耶。寒欲衣耶。抑旅魂無依。屍骸未葬耶。女子曰。妾俱無所願。妾雲間人也。姓劉。名絳雪。父爲此郡太守。因汝大宋兵臨城下。父仰藥死。妾亦

在此軒前雉經而亡。生前極好筆墨。苦耽吟詠。故旅魂滯魄。至今猶戀戀舊遊處也。今得太常陽春白雪。一和俚曲。妾從此逝矣。太常喜曰。卿好吟詩。真雅人哉。予行將大延禪士。普渡慈航。仗楊柳枝頭甘露。爲卿灑遍體清涼可乎。女子辭謝曰。感太常高誼。憫及幽壤。但法會之設。於妾亦無所損益。妾旣耽書史。雖異物亦頗能免俗。太常旣憐妾。何不更爲妾一續原韻。太常驚喜欲狂。捉筆又和曰。

青草黃泥最可憐。妝臺無處覓花鈿。傷心環珮空歸夜。疎雨梧桐欲曉天。

仍是亭亭倩女身。夜臺虛度十年春。無塵羅襪輕歸去。佳話流傳悟本真。

太常和畢。以洞簫度之。簫聲未已。曉鷄已喔喔三唱矣。女子乃拜

謝而去。太常深以爲異。自是而軒中寂然無恙。女子亦不復至。

第七十五回 寇節度力戰青龍嶺

宋都押牙統制斛律亢宗。聞三將在摩天嶺覆軍殞命。放聲大哭。招魂設祭。三軍無不下淚。急令人告急長沙。寇節度飛奏宋主。帝亦震悼不已。樞密正使岳燕超奏曰。欲收廣右。此兵未可小覷。陛下宜命大將協助長沙。以成偉功。帝允奏。卽詔保昌侯樞密副使狄定國。率藍天蔚。种世虎。慕容晃。狄勇。四將領兵一萬。共取廣右。狄樞密領詔點兵。徵齊四將。不日起行。寇節度聞之。亦命驃騎將軍任天鵬。暫攝節度府事。自引一軍。統馬晉臣。史良璧。及驍將十餘人。直望廣右南寧。倍道而進。不日遂抵思州。深責統制損兵折將之罪。斛律統制見節度兵至。自請出戰。命吳廣引兵。伏於鴛鴦浦。廖雲引兵。伏於羅叢門。洪時錦爲應兵。直至思州。復來搗戰。剗

參政卽命副將退敵。朱光斗、羊雷出馬。斛律統制橫槊大罵。隨與交鋒。不三合卽敗。二將欺其兵少。驟馬來追。不數里。號砲一響。洪時錦一軍殺出。二將忙督兵敵住。不一會。洪時錦又敗。二將方欲勒馬。忽報范瓊、周鳩接應兵至。二將遂放心追趕。剛過鴛鴦浦。吳廣一軍忽起。掩殺一陣。二將又戰退。吳廣且曰：「此兵卽是埋伏。不足慮也。不趁此時恢復南寧。更待何時？」追過羅叢門。忽後面廖雲一軍阻住去路。前面吳廣、洪時錦一齊勒馬殺回。斛律統制磨衆圍定。朱光斗不隄防。被斛律統制一槊刺於馬下。衆軍砍爲肉泥。羊雷見此光景。情知難免。乃大呼曰：「今日之戰。有死無生。遂振起精神。一枝方天戟。神出鬼沒。馬到處萬衆披靡。竟衝殺而出。元兵大敗。盡棄甲倒戈而走。宋師追襲之間。正遇范瓊、周鳩接應兵至。放過羊雷。敵住宋師。斛律統制大怒。奮勇爭先。橫槊便刺。不三合。

輕舒猿臂。將范瓊擒於馬上。擲之於地。衆軍縛定。周鳩已落荒而走。元軍又敗。羊雷周鳩急引殘兵回營。保護參政。喘息未定。宋師已至。元軍衆將。齊出混戰。宋師勇氣百倍。破竹之勢。敗其兵。砍其營。劄參政自知思州難守。棄了思州。遂赴鎮安。斛律統制得了思州。將所擒元將范瓊。械赴南寧。隨告捷音。寇節度命軍中斬之。卽命馬晉臣引一軍。攻打田州。廖雲引一軍。下歸德。上思等處。留大軍駐南寧。自領輕騎。逕襲思恩。各路攻擊。使元人救應不暇。斛律統制聞之。亦統三將之兵。急趨鎮安。劄參政正欲命將迎敵。忽報宋主又遣保昌侯狄定國。引大兵直搗桂林府。劄參政大驚。以兵五千。命曹豹死守鎮安。自統周鳩羊雷。星夜回桂林而去。參政既去。量曹豹能支幾何。被斛律統制協衆極力攻打。三日遂破鎮安。曹豹降宋。守城文武無不納降。所屬各州一時皆定。命將撥兵鎮

守。統制又進兵太平。時寇節度兵至思恩府。思恩守臣苗鸞王璠
斬衡。一文二武。號爲三鬼。苗鸞爲太守。虐遇其民。見白鏹則如生
命。謂之財鬼。王璠爲都尉。狂蕩好淫。姬妾滿屋。謂之色鬼。靳衡爲
團練使。終日酩酊。酒卮不離口。謂之酒鬼。寇節度兵至。苗鸞居守。
王璠靳衡出戰。二將平日惟貪酒色。不親卒伍。臨陣惟令士卒抵
敵。殊無鬪志。宋師乃是精兵。一陣截殺。如拉枯折朽。二將倉皇逃
遁。皆爲宋將史良璧所殺。思恩百姓見元兵已敗。一齊大呼。殺了
賊官。共投宋主。遂將苗鸞殺之。開門納降。寇節度入城。安慰父老。
出榜曉諭。令各安生業。勿得驚慌。倉庫不動。窮民無靠者。皆賑恤
之。思恩之民大悅。上林遷江等聞之。皆送降表至。又聞馬晉臣一
軍。已下田州。因攻太平。爲元將所困。乞援。寇節度卽令史良璧暫
守思恩。自率餘兵。往取太平。按太平府所轄兩縣一十六州。地最

遼闊。守臣乃上都路兵部左侍郎阿爾只思。左遷鎮此。部下二將。一名商三緝。一名公孫寃。皆萬人敵。驍將甚廣。兵亦充足。馬晉臣一人如何能敵。方至安平州。遂爲所敗。再過養利州。又敗於鷄公嶺。自知不敵。星夜求援。寇節度兼程而進。正遇元將商三緝。追殺我師甚急。寇節度大怒。列開人馬。放過馬晉臣。挺鎗而出。與商三緝大戰三十餘合。不分勝敗。馬晉臣亦驟馬夾攻。商三緝始力怯。敗走。寇節度不追。約兵屯住。打聽阿侍郎重兵。現屯羅陽縣青龍嶺。二將兵屯永康州白虎山。寇節度曰。先破二將。阿爾只思膽落矣。斛律亢宗已下鎮安。亦引大軍來太平助戰。寇節度甚喜。越日自統一軍。直犯白虎山討戰。商三緝命驍將甘受和出馬。寇節度大怒。只一合斬之。商三緝公孫寃。怒發如雷。雙馬出戰。寇節度馬晉臣隨與交鋒。不數合。元軍後隊無故自亂。商三緝公孫寃着驚。

虛掩一鎗。回馬便走。原來斛律統制一軍已到。探得元兵屯於此山。遂從山後直襲後軍。元兵背腹受敵。遂敗。二將棄了白虎山。望羅陽而走。寇節度合兵一處。曰：此去離永康州甚近。隨令吳廣拔了永康。以爲停兵之所。再攻羅陽。吳廣引兵圍永康州。五日下午。洪時錦亦分兵。取了思陵。王彥又大破江州。餘更納降數處。太平大震。諸將仍舊合兵。來攻羅陽。寇節度遂揀選一片平曠之地。北據連山。南憑高岡。左右皆有襟帶。將兵下寨。次日阿爾侍郎自率二將。忿來討戰。寇節度見元兵靠定青龍山列陣。卽調斛律亢宗馬晉臣。洪時錦。吳廣。王彥五將。各統一隊。分別旗甲鞍馬等類。列成五龍奔海之陣。仍自挺鎗上馬對敵。公孫窻一刀一馬卽出。寇節度與戰數合。卽退。公孫窻不識陣法。望陣追來。寇節度將星旗招展。五將一齊殺出。公孫窻全隊被困。死戰不已。商三緝忙引兵

來接應。見無路可入。正揮士卒左右衝殺。寇節度飛馬已至。大喝一聲。商三緝死於鎗下。立即率兵直取阿爾只思。元軍十餘員驍將一齊抵敵。節度全無懼怯。戰敗數人。不一會。五將已將公孫寃戰死陣中。各引軍助戰。寇節度便棄了衆驍將。又縱馬來擒阿爾只思。阿爾侍郎舍命奔走。寇節度便拈弓搭箭。覷定射去。阿爾只思中箭落馬。寇節度急棄弓於地。飛馬來取首級。馬到時。竟被元軍奪去。元軍驍將又被諸將殺死數人。元兵大敗。又棄了青龍嶺。已知羅陽不守。急奔太平。寇節度合衆將之兵。連夜追之。直抵太平。一時城東放火。城北鳴鉦。城西喊殺。城南播鼓。一日一夜。攻陷數處。阿爾侍郎中箭傷中而卒。城中驚慌。軍民無主。文武官吏。絀者。刎者不一。餘皆納降。寇節度令大軍屯於城外。自引一軍。率將佐入城。撫慰軍民。約定秋毫無犯。人心既定。乃分兵命將。徇下安

平養利諸州旬日之間各處皆有捷音。

第七十六回 狄樞密智破崑崙關

元柳州都總管索虎通慶遠副將吳貫三奉檄往思州助戰。中途聞劄參政已在摩天嶺大破宋師。二將以南寧空虛。不如且襲南寧。時寇節度攻打思恩。續取太平。南寧雖有重兵鎮守。僅留萬戶周綸。虞候馬堃。鈐轄王梁。三將守之。三將不意元兵猝至。忙出迎敵。索虎通戰敗三將。吳貫三出其不意。襲了南寧。三將忙引兵退保橫州。而寇節度在青龍嶺不知也。狄樞密方引重兵直犯桂林。忽聞南寧得而忽失。急令衆將倍道而進。索虎通聞之。謂吳貫三曰。橫州三將無能爲也。公足以禦之。如宋師大至。吾當親往抵敵。遂率本部兵駐守崑崙關。以拒宋師。此關控制南寧各路。洵爲天險。狄樞密聞報。卽於關外五十里下寨。越日令狄勇引兵打關。關

上灰瓶。礮木。石子。弩矢交下。人不敢近。引兵而退。回營復命。樞密怒之。次日率衆將。自來關前討戰。關上不理。樞密怒。命將士攻打。忽關上一聲梆子響。發動車弩。此弩運於車上。以十四石弩弓。連着鐵鈎繩。車行軸轉。引弩弓持滿。弦挂牙上。大箭一鏃。刃長七寸。廣五寸。筈長三尺。圍五寸。以鐵葉爲羽。左右各三箭。略小於中箭。牙以發箭。能高能遠。百步所中。城垣罔不崩頽。此法本用以攻城。索虎通轉。用以禦敵。復以糝糠蔽其目。灑以金汁等類。宋師如何敢近。狄樞密急麾將士速退。傷者輒斃。回營自思。此關不破。南寧如何得復。隨令軍中造木幔。布幔之法。木幔以板爲幔。立桔槔於車上。懸幔逼近關前。布幔用複布爲之。或生牛皮。或氈毯等項。作爲大幔。以弱竿懸之。動搖不定。弩矢雖利。中於幔上。亦無能爲。軍士可於幔後。以神機銃擊敵。諸將如法布置。擂鼓而進。誰知索虎

通亦有抵禦方法。宋軍中神機銃雖利。亦無所用。關前要隘。又遍撒鐵菱角。及陷馬坑塹等類。軍中往來。甚是不便。索虎通又暗使人於關外井中。及有水草處。沉以毒藥。宋營將士飲之。遂病。狄樞密知之。卽令鑿井而飲。一時無泉。樞密令擇地有黃羊糞者。必有水。軍士如法掘之。果然及泉。相持十餘日。聞關上糧草甚足。屯於關後。可以持久。狄樞密令軍士捕得野豬獐鹿等物。以艾置瓢中。開四孔。繫獸項下。針其尾端。望關後縱之。盡奔入積屯內。火起。盡焚其糧。此着索虎通初未及料。失去韜重無數。甚是惱悔。狄樞密見此關難。以明攻。命掘子軍。用蜀鑿鋤。尋着地脈。穴地道以攻之。而索虎通深明地聽之法。常令少睡者枕空葫蘆臥聽。有人行四十里外。東西南北皆知之。至是因火獸燔其糧草。亦慮及此。因就關內八方穿井。各深二丈。以新瓮薄皮鞞。口如鼓。令聽耳者於井

中枕瓮而聽。可知去關五百步。一日審知宋師來掘闌門。卽於近處以乾艾一石。燒令烟出。用板於穴下封之。而令烟洩。宋師掘子軍一隊。盡焦灼於內。狄樞密見此計又不行。情知攻守皆敵將所長。且別尋良策破之。旣而歎曰。先節度武襄。以元夜張宴。卽奪此關。平儂智高。定國若不能破關。無顏對先人矣。一日偶問南寧守將。其才何如。左右答曰。慶遠副將吳貫三也。稍有權略。然不及索虎通遠甚。狄樞密聞言。遂遣諜者問之。且說吳貫三本意。原以奉檄助戰。急欲蒯參政建立戰功。坐守南寧。甚非得已。而索虎通臨行時。又以橫州三將無能。命與抵敵。心中未免怏怏。宋營諜者知之。卽散布流言。以爲索總管欲并其軍。故不令立功。且言前襲破南寧。皆索總管一人善戰之力。吳將軍適乘其便而已。何功之有。吳貫三聞言。甚悲。曰。某奉參政檄耳。非索總管部曲也。索總管自

言善戰。如何一守此關。半月不能破敵。吾行當走訴於參政矣。索虎通在關上聞之。驚曰。此宋人反間之計。欲吾兩人鷓蚌相爭。坐受漁人之利。急令裨將二人。回南寧達知此意。反覆開導。且極相推許。以安慰之。吳貫三勉強放下。狄樞密聞之。又遣諜者間以浮言曰。吳將軍誠實君子也。然甘言誘我。吳將軍已入總管算中矣。夫千里奉檄。而不赴轅助戰。見今蒯參政奉詔出師。失陷州郡。徵調之將。又各自爲戰。軍令何在。元主怒。則參政危矣。參政一怒。而凡不遵將令者。獨能免於罪乎。此言一布。人人傳播。吳貫三本樸稜之人。見浮言又起。大怒曰。吾已爲索總管所誤。今日豈容再誤。又聞參政已回桂林。日日閱兵耀武。將大戰宋師。遂決意不守。令人於關上。婉言語索虎通曰。此間有總管一人。進戰退守。皆足禦敵。南寧一郡。不足慮也。某當往參政處。協守桂林。免誤大事。索虎

通明知諷已勃然大怒曰。忌妒小人。不足與圖功也。對使者唾罵之。使者抱頭鼠竄而去。至南寧一一告知。吳貫三怒髮衝冠。拍案大罵曰。欺某慶遠軍。不能滅汝柳州兵也。遂欲率本部人馬。來襲關上。索虎通聞之。益怒曰。宋將吾且不懼。寧懼汝耶。二將正欲爭鬪。兩軍皆震。幸軍中有一提點使荆洪範。老成諳練。以爲軍中自相魚肉。轉與敵人以間。忙至關上。以正言勸止總管。又入城中。安慰副將。兩處極力調停。委曲感悟。二將始止。荆洪範見二將歡洽如初。不勝之喜。時當八月之望。乃於中秋月夜。就關上大設華讌。名曰連珠宴。取二將同心之意。是夜請吳貫三上關飲宴。二將攜手共話衷腸。少頃入席。部下將校各依次對月而坐。軍樂大作。浮白暢飲。三軍皆有犒賞。荆洪範起身爲二將把盞。二將亦交相推贊。豪飲一會。酒興方酣。忽關前一派喊聲。軍士飛報。宋軍已上關。

矣。索虎通拍案一驚。慌披執上關。則宋將藍天蔚慕容晃二人。已從樓櫓騰身上關。軍士皆蟻附而登。宋將勇不可當。元兵敵者皆死。關外大軍。亦擂鼓吶喊。炮聲震天。元兵倉卒。焉能抵禦。慕容晃奮勇。斬關落鎖。關門大開。宋師直入。索虎通頓足歎曰。荆洪範誤事不少。遂棄關而走。當下吳貫三亦甚驚慌。欲來爭關。索虎通卽揮之令去曰。速守南寧。若更有差池。將無面見參政矣。吳貫三跨馬下關。至中途見飛馬來報曰。南寧府被橫州三將仍舊奪去。吳貫三怒曰。宋將欺吾太甚。見元兵紛紛攘攘。沿途而來。吳貫三聯成隊伍。殺至城下。知城中有備。堅不可攻。次日索虎通亦引兵至。二將互相埋怨。幾欲相殺。速喚提點洪範。則荆洪範見關城兩失。知難免罪。已赴清江而死。索虎通曰。趁此時人心未定。作速攻城。猶可解免。否則滋汝罪戾。索虎通吳貫三二將遂督三軍。奮力

攻打城中。此次守禦皆備。矢石交下。人不可近。忽軍士指曰。塵土大起。宋師至矣。索虎通忙令三軍準備迎敵。少時狄樞密統大隊人馬方至。索虎通欲以逸待勞。宋師喘息未定。便指揮三軍一湧而進。殊宋師久住崑崙關外。全未交戰。養精蓄銳。已非一日。今既遇敵。人人思奮。一可當十。元軍中裨將秦朗尙世雄等。皆被藍天蔚戰死。元兵欲潰。吳貫三忿怒出馬。慕容晃接住交鋒。力戰二十餘合。吳貫三力怯。方欲敗退。慕容晃喝聲着中。揮刀斬之。索虎通見宋將難敵。不敢戀戰。忙保護人馬。望柳州敗走。狄樞密督軍追殺一陣。見去之已遠。方鳴金收軍。入城至府中坐定。周綸馬堃王梁三將伏地。不敢仰視。狄樞密怒曰。寇節度以大事託汝。旣控重地。又有重兵。乃疎虞至此。不按軍法。焉警頑惰。立命推出斬之。有慕容晃藍天蔚种世虎三將一齊請曰。周綸馬堃王梁三人失陷

重地。應按軍法。但念業已恢復。乞樞密從寬論罪。狄樞密沉吟片時。命降爲千夫長。隨軍立功。以次擢用。三將叩頭謝訖。狄樞密遂另撥大將。把關守城。養兵數日。始統大軍。望柳州而進。

第七十七回 范僕射登臺觀星

宋重康六年。帝在武都。聞諸將進兵廣右。各路俱有捷音。因召左僕射范國昌。尙書司馬肅。葛天民。樞密岳燕超等入朝。帝設宴內廷。樞密使岳燕超。卽席奏曰。廣右大功垂成。臣當親提一旅之師。助諸將成不世之功。帝大悅。遂仍拜招討之職。燕超與諸臣宴罷。叩謝而出。是夜。僕射范國昌。與尙書左丞葛天民。偶步城東翠微閣上。仰觀天象。見衆星羅列。謂天民曰。左丞識星象否。天民曰。略知一二。願聞其詳。范國昌遂步塔璣。審躔度。用手指定。謂天民曰。中宮太極。其一常明者。太乙常居也。旁三星曰三公。或曰子屬。後

四星末大星曰正妃。餘三星後宮之屬也。環之十二星藩臣也。皆曰紫宮。前列直斗口三星。隨此而銳微曰陰陽。或曰天乙紫宮。左三星天槍。右三星天棓。後十七星。絕漢抵營室曰闔道。北斗七星。所謂璿璣玉衡以齊七政。杓指龍角。衡中南北。魁枕參首。用昏建者杓。杓自華蓋以西北。夜半建者衡。衡正中州河濟之間。平旦建者魁。魁自海岱以東北也。斗爲帝車。運爲中央。臨制四海。分陰分陽。建四時。均五行。移節度。定諸紀。皆學於斗。斗魁戴筐六星曰文昌。一曰上將。二曰次將。三曰實相。四曰司命。五曰司祿。六曰司災。在魁中。貴人之牢。魁斗六星。兩兩相比者曰三台。三台色齊。則君臣和。不齊爲乖戾。輔星明近。主輔臣親強。暗小主疏弱。杓端有兩星。一內爲矛招搖。一外爲楯天鋒。有勾圓十五星曰賊人之牢。牢中星實。則囚多。虛則開出也。至若天乙。天槍。天矛。天楯。動搖其芒。

角則天下之兵戈大起矣。天民間曰：福慶之星。飛流之星。其化何如。范國昌曰：福慶者。乃天地純粹之精氣。飛流者。乃五星之精氣。動而化之者也。五星有變。則精氣散而爲妖星。故漢書曰：天暉而景見。景星者。黃而潤澤。其伏無常。常有道之國。晉或見於君上。此乃應天之兵。大慶之兆也。流星長四五丈。如龍蛇動搖者。大將凶。或白雲如車輪。下有流星。旋入北斗者。主人當走。星有孛於招搖者。夷狄將亂。或流交於天心者。敵盛。或流衝太白而過者。大將凶。或流星貫日而滅。敵凶。或流星貫於紫宮。備奸賊以下謀。上流星前赤後青黑者。客軍敗。故曰流星者。天使也。上曰飛。下曰流。飛大曰奔星。小曰流星。入河鼓。大將亡。出王良。兵起。入將軍及羽林。兵大起。使星出入天庫。匈奴兵起。抵天市垣。大將亡。抵天狗。犯弧矢。將有千里之行。此大略也。天民又問曰：何謂客星。范國昌曰：非

主座之星曰客星。色旬如氣。勃勃似絮。所過之宿。必有災害。出營室無兵。亦不罷。入奎。破兵殺將。犯婁。胡亂。入昴。胡入。犯塞。入畢。邊有急兵。犯觜。堡虛。軍儲少飢。犯柳。兵起。守張。將有陰計。兵起。入招搖。胡兵起。入天槍。天楮。兵起。犯文昌。星蒼色。將有憂色。色赤。將驚色黃。將喜。色黑。將死。守傳日。胡入中國。守天鷄。天下兵馬驚。守天街。胡王死。入囊庫。兵起。守南河。兵起。守騎宮。將憂。士卒疫。守北落師門。虜入寨。兵起。守天倉。粟貴。入天苑。兵作馬死。入天宮。天下弓弩皆張。出天宮。匈奴兵起。守庫騎。西羌來降。守九洲。殊口。負海丕安。天民間曰。彗星之徵。應何如。范國昌曰。彗星長而亘天。兵大起也。引尾入城。城將拔。近則八日。遠則十二日。有應。彗直垂入軍營者。凶。宜拔之。否則士卒俱死。若在敵。宜急擊之。彗出於月之左右者。不出三十日。有兵起。抵觸月者。暴兵起。若毫白者。有大喪也。蒼

黃者。臣下謀叛。黑者。兵大起也。從中天出。曳尾向西者。奸人謀主。將從南曳尾向北者。妄殺向東。身尾俱從天中出者。士民多飢。曳尾向東者。民凶。從北出尾曳向南者。士人凶。彗形如寶。寇來疾速。形如幢節者。寇強。不可妄動。色如血者。敵兵陰到。光焰爛燦。而尾長闊者。敵盛。凡彗所指處。皆凶地也。天民又問曰。彗星如是。又何爲妖星。范國昌曰。天鴈星。將軍之精華也。青赤有光。尾長三四丈。大彗星者。飛星忽作如雲者也。所兆地。有流血積骨之象。頓頑星。如天盞。前卑後高。見則大將死。燭星者。狀如大句。其出也不行。纒見而滅。所燭之地。城邑拔。兵破亂也。天狗星者。狀如火。流星有聲。其下止地。其形類狗。中天而下。圓如類頃田。而上銳。黃色。見則千里破將軍也。蚩尤旗。類彗而尾曲。象旗。見則王者征伐四方。天蓬絮者。類十小星。綿聯如絮。所見之野。當有兵起。虎頭星者。其落大

如月。着地則光。大聲如雷。所墜之地。兵火起。荀始星出於北斗旁。狀如雄鷄。怒則青黑。象伏鱉。見則兵亂。格澤星。如滅火之狀。黃白色。起地上。銳而下大也。其見也。不種而穫。必有大害。枉天星者。類火流星。蛇行如蒼里。如有毛日。長如疋布。着天。見則天下兵起。昭明星者。白而無角。乍上乍下。所見地。兵多變動也。五殘星。出正東方。狀如辰星。去地可六丈。大而黃。六賊星。出正南方。去地六丈。大而數動。有光焰。司詭星。出正西方。去地六丈。如太白。滅漢星。出正北方。去地亦六丈。而赤數動。察之則中青。此四星若出非其方。其方當起兵爲亂。衝擊者不利焉。四鎮星。出四隅之地。去地可四丈。城維藏光星。亦出四隅。去地可二尺。若月之初出。所見。則下有亂兵。勤。有德者昌。或二赤星。在月背者。利宮姓爲將。或一赤星。從西向東者。利角姓爲將。或二赤星。共尾一處。從東向西者。利商姓爲

將。或三赤星。引尾直上者。利羽姓爲將。妖星之辨如此。葛天民曰。此皆星象所見。兵家禍福之本。不可不詳者也。二人在閣上。重復觀翫良久。見紫微垣中。一會明朗。一會昏暗。團團俱生黑氣。又太微垣後一十五星。與天市垣諸星。牽多動搖不定。葛天民歎曰。元人以沙漠入主中國。其氣運亦不久矣。夫紫微者。帝星也。當如五彩龍成。水之始達。日之始升。乃國運昌明之象。今微垣黑氣瀾漫。彗星直入其中。蒙古猶能久乎。范國昌笑曰。以緯象測之。不出四十年。當有帝星見矣。按分野爲星紀。應在吳越。眞主其起於淮揚濠泗間乎。天民曰。僕射何以知之。國昌曰。填星居於星紀。五星皆從而聚於一舍。是以知之。但此時彗星入微垣。元人不久當有篡弑之禍。而彗星又自箕入斗。天下荒亂。生民之饑饉。何時已乎。葛天民曰。天定勝人。人定亦可勝天。吾主應南極之象。僅牛女翼軫。

之分。國雖偏安。亦建王業。非人事成於下。而天象著於上乎。但氣運似甚迫促耳。國昌卽掩其口。天民遂不復言。國昌私告天民曰。吾昔在房州涪陵祠。夢遇藝祖。示以讖語云。建閩固圉。開府從龍。三五播遷。六六一統。首二句已應閩中廣南之事。三五播遷者。應主上十五歲航海播越之意。六六一統者。大約僅三十六年。仍歸一統耳。而秦王亦示語云。重建越王臺。玉關不肯開。燕京承暗統。南去復南來。首尾三句皆應。惟燕京承暗統一語不省。且姑俟之。久而必應。子勿妄言。天民許諾。二人遂歸。

第七十八回 元世祖入夢崇聖

元太后於大德元年幸五臺山。中途受驚得疾。回鑾上都臥病。四年夏始崩。附葬先陵。時大德中始定郊祀之禮。以冬至禮天。夏至禮地。元帝於悲悼中。卽壇壝行禮。未免少疲。禮畢而歸。業已困倦。

宿於大安閣內。忽內豎走入報曰。世祖至矣。帝整衣而起。迎入。世祖至玉德殿坐定。形容慘沮。起身執帝之手問曰。爾曾降詔令中外崇祀孔子。信乎。帝答曰。此至正三十一年七月事也。世祖泣曰。幸有此詔。少減罪過。不然。朕幾不能出泥犁之獄。受無量怖苦矣。帝驚問之。世祖曰。有玉清瓊霄宮糾察使呂獻可者。宋人也。扈從上帝。駕遊炎州而回。適遇朕下滅天毀聖之詔。獻可大怒。飛章劾奏。上帝張翁勃然震怒。立命謝仙糾集雷部。震陷太極殿。先以示警。乃遣金星垣司天府賢書之。修文郎韓昌黎協同地下閻浮提主者。大判此案。韓修文既奉勅命。卽至九幽。會同閃多羅十主者。拘朕並西僧等徵問。朕至九幽宮中。見鐵榜森嚴。令人可畏。少頃。韓修文郎御殿。左右二王者相隨。一文一武者。乃宋故相寇準武者。乃隋故將韓擒虎也。韓修文郎一見西僧等。卽拍案大怒曰。

禿子無禮。敢污滅上天。毀謗聖教。立喝左右用刑。隨有烏喙赤鬚吏人。呼朕入見。韓修文一見。卽責問曰。元主以沙漠入主中國。自應用夏變夷。乃爲風教。奈何嗜殺爲心。狂悖爲政。輒敢蔑視上天。指斥蒼冥。卽此罪辜。已加於商王武乙一等矣。又况聖人立教。自古及今。無不奉以馭世淑身。齊家治國。胥本乎此。汝以胡人作生民之主。乃肆意妄行。欲貶至聖。夫尼父德與天侔。賢於堯舜。昭於日月。豈因汝之貶。能稍損其萬一也乎。但汝狂悖之罪。上通於天。其他淫毒穢宸極。虐餒燔蒼穹。諸款尙不足數也。左右寇韓二王齊聲曰。元主狂悖。擢髮不足以數其罪。萬死不足以蔽其辜。朕無言可答。只見韓修文謂左右二王曰。元主之惡。應與秦政同科。待有嗣君。能蓋前愆。再行議罪可也。寇韓二王卽朱書一帖。令烏喙赤鬚吏引元主入泥犁獄中去。訖。朕不敢不從。隨吏人出殿。早有

會稽陵中諸宋帝一齊攔定。大呼還我頭來。扭住不放。幸得裏人以朱書示之。諸宋帝始去。轉至通衢。則又見伊吾高昌鐵勒爪哇羅鬼三十餘國夷王。上前喝曰。忽必烈也有今日。揮動老拳。爭相毆打。朕被捶楚無算。吏人再三諭解。而朕已將顛仆於地。幸有一縮頸深目。藍面紅髯。紫衣烏帽官人至。彼等始散。朕方起身。與吏人行經數處。始至一府。上懸粉版。大書曰。無間獄。吏人叩門。門隨啓。朕隨之入。見兩旁夜叉。遍是赤髮蝟奮。金牙鋒鏖。臂曲癭木。甲拏獸爪。衣豹皮褲。攜蒺藜杵。銅叉鐵戟等物。見朕。卽獠目電燧。吐火噴血。躑跳哮吼。鐵石銷鏖。朕見之。喪精亡魄。吏人以朱書示之。皆叉手諾諾而退。吏人引朕。由左廂而上。半里許。至一暗室。門上書曰。泥犁之獄。命朕入焉。則先有一人。龍顏日角。貌亦雄傑。荷枷帶鎖。躡於牀上。朕問之。自言卽焚書坑儒之秦政始皇。吏人賀之。

曰。始皇脫離犴狴。此其時矣。始皇未之信。吏人卽以朕滅天毀聖之罪告之。始皇卽帶笑起曰。朕焚書坑儒。不過用以愚黔首。未敢毀聖也。朕之惡。不爲惡。瓜代者今日始至。累朕候至二千餘年之久。一時枷鎖。卽自脫落。吏人隨拾起用以加朕。朕不勝忿怒。而枷鎖已上朕躬。朕不能堪。只見始皇大笑曰。汝之強。寧強於朕之并吞六國。分天下爲三十六郡乎。地府不問貴而問德。不問強弱之勢。但問善惡兩途。朕行去矣。汝須忍耐。待後至者可也。與吏嫻笑而去。朕悶坐獄中。苦於昏暗。目不能見五指。如是者數年。忽一日見前吏人。仍持朱書一簡。至獄賀曰。元主今得離此獄。朕問之。則告以有許魯齋先生者至。言嗣君已下詔崇聖矣。朕一時不勝之喜。枷鎖仍自脫落。隨出獄門。沿途無阻。至殿上。則與韓修文耶。及左右二王分庭抗禮者。乃朕之故臣。集賢大學士國子祭酒許衡

也。許衡一見朕。至起身相迎。命朕立殿左。又至殿上。與三人語移時。始見二王者。出朱書一勅曰。煩魯齋先生。命之歸。許衡隨送朕出。沿途再三囑曰。陛下急回上都。與嗣主說知。命速復聖廟。興釋奠。敬天勤民。痛改前非。則陛下之苦惱盡去。許衡珍重而別。朕不敢少停。回至上都。面諭汝等。以後凡嗣位爲君者。不可不極力崇奉至聖也。至囑至囑。毋荒棄朕命等語。帝受命訖。方欲問皇太后。皇后沒後事。忽宮漏一聲。驚覺乃在夢中。帝不勝駭異。卽於次日下詔。定郊祀之禮。牲用馬一。蒼犢十。羊豕鹿各九。文舞曰。崇德之舞。武舞曰。定功之舞。重建文宣王廟於京師。行釋奠禮。營國子學於文宣王廟之西偏。命左丞相哈刺哈孫通飭各郡州縣亦如之。

第七十九回 黃金河大破元兵

寇節度既下太平所屬二縣一十六州。留兵命史良璧鎮守太平。

忽報南陵失陷。三將退保橫州。急引兵由田州來取南寧。中途聞狄樞密攻打崑崙。與元將相持未決。遂謂衆將曰。狄樞密旣打崑崙。南寧不難復矣。回兵由象州進攻柳州府。時象州乃團練使勃勃秃兒鎮守。有兵三千。聞宋師至。領兵出城。至象臺山下迎敵。斛律統制率廖雲王彥三將出馬。列爲三陣。左廖雲。按山川向背爲地陣。右王彥。按偏伍彌縫爲人陣。已居中。按星宿孤虛爲天陣。互爲照應。勃勃秃兒望見。將人馬屯作七隊。按兩曜五星。作七陣圖以敵之。兩下交鋒。互有殺傷。各鳴金收軍。是夜勃勃秃兒來偷宋營。斛律統制偶有疎虞。被元軍大殺一陣而去。宋師頗有損傷。寇節度切責統制。將論其罪。斛律亢宗請攻下象州自効。寇節度許之。斛律統制曰。勃勃今夜必防我兵劫寨。虛其中軍。伏兵多四散遠處。不如將機就計。廖雲引一軍鼓譟而前。虛作劫營之狀。入而


復出。仍舊伏於寨外。主彥引一軍邀伏兵之後。令勃勃營中自相混戰。直至天明。二將合兵。以逸待勞。直突其營。吾引大軍邀截歸路。欲取象州。在此一舉。二將然之。且說勃勃秃兒得勝而歸。謂將士曰。宋將失利。今夜必乘吾虛。不可不防。令伏兵大寨左右靜以待之。三更後。宋師果然擂鼓噪殺。直突營門。勃勃喜曰。中吾計矣。發動伏兵。一齊殺入營中。死戰不休。直至天曉。何曾有一宋兵。自相踐踏。死者無數。言未已。忽寨外一聲鼓響。宋師大至。慌忙迎敵。而元兵混戰一夜。業已困乏。廖雲王彥雙馬連環。勃勃秃兒不敢戀戰。拔營而走。不數里。一聲炮響。斛律統制一軍擋住。勃勃着驚。拍馬落荒而走。元兵大敗。宋師追至城下。元兵爭先入城。一時不及。宋師已奪門而入。斛律統制遂拔象州。降其餘衆。遂免於罪。勃勃秃兒聞象州已失。引殘兵望柳州而去。寇節度遂進兵柳州。時

總管索虎通領敗兵已回。守禦皆備。自引兵至羅城縣南。靠定麒麟山下一大寨。兩軍尙未對壘。劄參政又令周鳩羊雷等戰將十餘員。率大軍五萬。前來協戰。柳州索虎通命靠定西山下寨。寇節度見元兵日增。細審四衝之雲氣。防有伏兵。又下令秣馬厲士。每宿於營數里外。伏勁勇之士。多列鼓聲。有警。卽擊鼓爲號。敵擊衛兵。則中營出輕兵援之。敵擊中營。則四面夾攻之。又於陣中數出奇兵。利則進。否則退。每當臨戰時。必設奇兵。分左右翼。自陣後擊之。或伏深山茂草中。不施旗鼓。唯以強弩劍楯戈鋌。藏隱於身。伺戰後。先出強弩射之。或佯敗誘追。伏動則撲之。皆可以取勝。又見元將兩軍。約十萬衆。倚角下寨。宋師僅四萬餘衆。乃相地勢。用握奇下營法以敵之。其法外壘一軍。須一萬二千五百人。以十人爲火。一千二百五十火。幕數如之。幕長一丈六尺。合十人守地一尺。

六寸。以三爲奇。以三千七百五十人爲奇數。餘八千七百五十人。分爲八陣。陣有一千九百九十七分五株。守地一千七百五十尺。八陣積足守地一萬四千尺。卒城二千三百一十二步。餘二尺。積步卒六里。餘一百七十三步二尺。以壘四面乘之。一面得一地里。餘二百二十步。壘內得地十四頃十七畝。餘一百九十步四尺六寸六分。以爲外壘。天陣居乾爲天門。地陣居坤爲地門。風陣居巽爲風門。雲陣居坎爲雲門。飛龍陣居震爲飛龍門。虎翼陣居兌爲虎翼門。鳥翔陣居離爲鳥翔門。蛇盤陣居艮爲蛇盤門。天地風雲爲四正。龍虎鳥蛇爲四奇。乾坤艮巽爲闢門。離坎兌震爲開門。有牙旗遊隊。列左右。偏將軍居壘門。禁出入。外有遊軍兩端。前有衝。後有隊。四隅有鋪。中壘一奇兵。三千七百五十人爲中壘。守地六十尺。積步得二里。餘二百八十步。以壘四面乘之。得二百五十步。

圖 陣 營 奇 握


壘內地二頃餘一百步。六纛旗鼓五麾金鼓府藏。皆在中壘。此令
一下。諸將多不解所謂。寇節度乃繪爲圖以示之。



衆將觀畢。始如法安布訖。元軍中遣人下書約戰。寇節度回以來。日當夜寇。節度調度諸將。次日昧爽。元軍堅陣以待。宋營以鳥翔陣。馬晉臣應敵。元將周鳩奮勇而來。戰不一會。宋將廖雲。王彥。率飛龍虎翼。兩隊應兵。齊出衝殺。元陣中王峻。楊樊。劉洪。吳彌。戴瑀。五隊並進。狀若列星。宋營中斛律亢宗。以盤蛇一陣當之。首尾交應。兩軍戰鼓齊催。混戰一會。互有損傷。各鳴金收軍。寇節度謂衆將曰。元陣中旗幟分明。金鼓響應。不可謂非勁敵也。數日後。蒯參政聞索總管戰。宋將不下。自引兵一萬。健將十員。親臨柳州督戰。蒯參政望見宋營。大驚曰。宋將知兵。莫謂無人也。下令大軍。宜慎重舉止。乃背麒麟山。面黃金河。下寨。遂用偃月營法。敵之。亦繪一圖。以示將校。

圖陣營月優

優月營者。前後險阻。外營以四方幕。一萬人。以六千人。守地九千六百尺。積得前一千六百步。積得四里。餘一百六十步。爲營。轉以六千四百尺。得步一千六十六步。四尺爲弦。弦置三門。相去三里。



五十步一尺五寸。營內有地一十五頃八十五畝五十八步四尺。右置上弦門。中偃月門。左下弦門。偃月中營。營以二千五百尺。守地四千尺。得前六十六步。餘四尺。積步得一里。餘三百步四尺。每幕加地四尺五寸四分。每幕營中兩相。置土馬一十二疋。大小如常馬。被其鞍。令士卒披甲冑。囊弓矢。佩刀劍。持矛盾。左右上下。以便習事。衆將校既得其詳。亦如法布置。報入宋營中。寇節度踰馬。出營觀畢。謂衆將曰。蒯參政自來。想廣右之兵盡於此矣。收復廣右。在此一舉。諸君且助吾成此不世之功。諸將口雖應允。因見元兵日增。日衆。心中未免少怯。寇節度不以爲然。回營大集將佐。列陣於黃金河邊。令斛律亢宗引兵三千。充頭隊搦戰。令廖雲引兵三千伏於左。王彥引兵三千伏於右。洪時錦引兵三千伏於前。馬晉臣引兵三千伏於後。驍將等緊守大寨。自統中軍。四陣接應。務

擒敵將方止。且說蒯參政下寨畢。索虎通及衆將等。皆往參見。參政責索虎通曰。前檄調出征。乃貪戰邀功。坐曠日月。致傷副將。今此間將士。如雲如雨。乃不速破敵。何也。索總管無言可答。惶恐而退。次日卽督集衆將校。與宋師決戰。令羊雷爲左翼。周鳩爲右翼。自率精兵五萬衝殺。合兩營之衆。蓋地而來。斛律統制以一隊奇兵當先。戰數合。卽佯敗而走。索虎通大隊不動。麾兩翼兵追之。斛律統制直誘至黃金河上。只見寇節度引大軍來迎。不與交戰。卽麾動六纛旗。四隊伏兵。一齊從中殺來。周鳩羊雷二將圍在垓心。索虎通卽引大軍。欲突陣而入。斛律統制一軍牽住。死戰不已。寇節度指揮將士。往來截殺。宋兵無不以一當百。周鳩爲亂箭射死。羊雷潰圍出時。亦身帶重傷。忙助索總管夾攻宋將。元兵十傷八九。索虎通旣得羊雷相助。大奮神武。連挑宋營裨將十餘員。斛律

亢宗不能抵敵。寇節度看得分明。急麾四陣圍之數重。而蒯參政忽引萬餘生力軍。衝突而來。宋將猝不及防。竟被截爲兩段。寇節度正欲出馬。忽見狄勇种世虎慕容岳藍天蔚四將統大隊殺來。元軍罔不披靡。羊雷被狄勇手起一鎗。刺於馬下。元兵死者無算。索虎通一見。知接應兵已至。不敢戀戰。保護人馬。奪路而走。蒯參政亦引軍而退。宋師奏凱而歸。

元史演義卷十一

第八十回

太乙陣生擒索虎

蒯參政回營查點各軍。共折三萬有餘。大將死者十餘員。副將牙將虞候等。共損數十員。遂大恚恨。曰。宋人欺吾太甚。遂召索虎通入帳議曰。宋師難敵。非出奇不能制勝。柳州舊有鷲峽。地甚險惡。一線羊腸。盤屈峽內。將軍可誘敵入峽。用攬地龍攻之。吾引大軍阻塞峽口。敵軍可全覆也。索虎通曰。參政計非不善。但已施之於七星巖。摩天嶺矣。宋將智勇足備者甚多。恐不能賺入峽。參政又曰。然則決黃金河之水。滄之。索虎通沉思曰。水攻固是。宋軍下營。甚有法度。不當下流。且其營不遷徙。黃金河之水。不能及也。蒯參政勃然變色曰。然則裹糧坐甲。只待天雷震殺宋師耶。索虎通慌忙起謝曰。非末將畏死。欲求參政檄調慶遠府東蘭州黃幡營。

五將至。末將自能破敵。參政許之。且說寇節度收兵回營。狄勇等四將見畢。寇節度曰。狄樞密兵在何處。四將曰。樞密隨後至矣。樞密兵原赴桂林。中途聞節度在柳州。大戰元兵。特令將等倍道而進。以助成功。寇節度甚喜。次日狄樞密大軍亦至。下寨畢。寇節度隨邀入營中。設宴款待。商議先破敵軍。次取桂林。但元將索虎通智勇足備。樞密作何計校。狄樞密曰。索虎通長於攻戰。短於用謀。前拒守崑崙。非定國用間。幾乎不能入關。聞蒯參政知兵信乎。寇節度曰。蒯毅夫韜鈴雖熟。多按死法。不足慮也。來日復雷與樞密共破之。時東蘭州黃幡營五將。一名薩吒利。一名魔賁。一名余延陀。一名猛欲飛。一名蟒龍吉嚕。皆獐部蠻酋。因昔年隨四帥征大理有功。元世祖因封爲五虎將軍。立營東蘭州。彈壓土蠻。五將俱面目猙獰。虬鬚虎臂。粗莽巨偉。勇不可當。所部蠻兵二萬餘衆。皆

耳帶金環。眼若銅鈴。身披鐵甲。手執棒杵之類。當時副參政檄至柳州。索虎通大喜。乃自統一軍。雜五將夷兵於內。練爲六甲迷魂陣。以攻宋師。次日狄樞密寇節度自引一軍探敵。元軍以驍將楊樊戴瑀出馬。宋營王彥狄勇飛出。戰不數合。元軍中炮聲震動。放出六隊夷兵。聯成一陣。奇形怪相。粗猛異常。宋師驟見。錯愕不知所出。夷兵皆赤髮雙捲。碧眼突出。似欲噬人之狀。奮勇殺來。宋師退走。狄寇兩大帥。麾兵接應。斛律亢宗。藍天蔚。慕容亮。率兵抵敵。奈六隊團結成陣。往來如飛。旗幟繚繞。鉦鼓錯雜。幾於目昏耳聾。混戰一會。并三將亦被圍在垓心。三將奮勇衝突。潰圍而出。已身帶重傷。宋師大敗一陣。元將鳴金收軍。宋師連日交鋒。俱不能勝。寇節度甚怒。狄樞密曰。一進一退。兵家之常。不足慮也。聞元軍中大吹大擂。酌酒稱慶。狄樞密曰。此誘敵也。置之不理。別尋計破之。

兩大帥正商議破敵之策。忽飛馬報入。永安公岳招討統大軍至。兩大帥喜曰。招討若至。成功必矣。率衆將士出營迎接。且說永安公樞密正使岳燕超。聞廣右大功不就。因奏宋主。自請領軍徇之。帝授以招討。率兵一萬。舊日將佐。任隨調用。岳招討奉詔。卽調史進。劉瑄。虔靖。岳坤。四將相隨。沿途打探。聞宋兵尙在柳州。遂直入營中。與衆將相見畢。因問敵勢若何。兩大帥曰。敵勢已窮。而復徵調夷兵。我師累劬。今招討至。破之必矣。此兵一敗。桂林乃囊中物也。岳招討停兵數日。又聞元軍中。徵調鎮安府大將王龍。領峒丁五千。至助戰。聲勢甚盛。笑曰。兵豈在多。隨命岳坤往探其陣。則王龍全隊而出。鋒銳正銳。復繼以夷兵一陣。岳坤大敗回營。心中惶恐。懼父論罪。岳招討責之曰。旣不能敵。便當全軍而還。如何造次。遂喝退岳坤。請二帥入營商議曰。如此惡戰。非小小機謀。所能敵。

也。吾有以破之矣。兩大帥曰。如招討令。越日。岳招討先請二帥。一同陞帳。大集將佐。謂曰。胡元混我中國。非止一日。大宋龍興。業僅偏安。收復廣右。此其時矣。凡我將士。同心努力。有功者賞。不用命者誅。今元將旣用夷兵。練陣惡戰。我亦以陣法破之。我今所布陣。雖名曰太乙。而陣中按三垣混形。九星布政。定日辰。論方位。明生尅。擊父則子應。擊首則尾應。擊中則父子首尾皆應。大小將士。俱各依令而行。勿得違誤。衆將皆諾。招討遂取青旗一面。令种世虎領本部兵。俱青旗青甲青馬。駐紮正東方。上按北斗貪狼星鎮寨。如遇甲午三日。庚午三日。戊午三日。應休門出兵對陣。論相生。該正北文曲星。正南廉貞星救應。取白旗一面。令狄勇領本部兵。俱白旗白甲白馬。駐紮正西方。上按北斗破軍星鎮寨。如遇癸卯三日。己卯三日。應休門出兵對陣。論相生。該東北巨門星。正北文曲

星救應。取黑旗一面。令慕容晃領本部兵。俱黑旗黑甲烏馬。駐紮正北方。上按北斗文曲星鎮寨。如遇甲子三日。戊子三日。壬子三日。應休門出兵對陣。論相生。該正東貪狼星救應。取紅旗一面。令廖雲領本部兵。皆紅旗紅甲紅馬。駐紮正南方。上按北斗廉貞星鎮寨。如遇乙酉三日。己酉三日。應休門出兵對陣。論相生。該東北巨門星。正東貪狼星救應。取黑間白色旗一面。令王彥領本部兵。俱白鑲黑色旗。白鑲黑色甲。黑間白點馬。駐紮西北方。上按北斗武曲星鎮寨。如遇庚子三日。丙子三日。應休門出兵對敵。論相生。該西南祿存星。東北巨門星救應。取黑間青色旗一面。令藍天蔚領本部兵。俱青鑲黑色旗。青鑲黑色甲。青驄黑色馬。駐紮東北方。上按北斗巨門星鎮寨。如遇丙午三日。壬午三日。應休門出兵對敵。論相生。該西北武曲星。正南廉貞星救應。取青間

紅色旗一面。令劉瑄領本部兵。俱紅鑲青色旗。紅鑲青色甲。火色青驄馬。駐紮東南方。上按北斗輔弼二星鎮寨。如遇癸酉三日。丁酉三日。應休門出兵對敵。論相生。該正北文曲星。正南廉貞星。救應。取白間紅色旗一面。令岳坤領本部兵。俱白鑲紅色旗。白鑲紅色甲。火色白點馬。駐紮西南方。上按北斗祿存星壓寨。如遇辛卯三日。乙卯三日。丁卯三日。應休門出兵對敵。論相生。該西北武曲星。東北巨門星救應。再取黃色令箭一枝。令斛律統制領本部兵。當於八營之中。俱黃衣黃甲黃馬。上按北極紫微垣。臨鎮中宮。按着本日支干。移換旗甲。倘有疎虞。八營齊應。取赤色令箭一支。命史進引本部兵。當於紫微垣前。東南相向。俱用紅間黃色旗甲鞍馬。從正東起。直環列至西南止。上按太微垣。外應正東正南西南四營的不測。取金色令箭一枝。命唐靖引本部兵。於紫微垣後。西

北相向。俱用黑間黃色旗甲鞍馬。從正西起。直環列至東北止。上按天市垣。外應正西正北西北東北四營的不測。招討調度諸將已畢。起謂兩大帥曰。元兵若敗。請節度引兵一支。埋伏百里外。近馬平縣界。截斷元兵歸路。樞密引兵一支。速取柳州。待衆將合兵後。始圍桂林。再令馬晉臣緊守大寨。招討自率輕兵五百人。登麒麟山觀戰。諸將得令。領兵而去。遂於黃金河之左。紫霞灘上。各按方位。列成大陣。哨馬報入元軍。劄參政率衆將。令軍中搭起雲梯。升高望之。見各方有門。各門有將。有動有靜。條開條合。中間一片浩浩蕩蕩。列列森森。似有百萬之衆。劄參政觀望良久。不識此陣。遍問衆將。亦言不知。入帳坐定。令大將王龍引輕騎探之。候黃幡營五將接應。不可輕進。王龍一隊即飛馬出營。直犯宋陣。只見斛律統制傳令曰。今日支干。以文曲星迎敵。貪狼二星破軍二星救。

一聲號角。正北營慕容晃揮刀殺出。王龍見宋將來勢洶勇。隨分兩路夾攻。慕容晃毫無懼怯。王龍一股銳氣。按納不下。正好鏖戰。忽鑼響一聲。疑是收兵。乃正東營种世虎。正西營狄勇。兩軍殺出。王龍雖猛。豈是三將之敵。被种世虎一鎗刺於馬下。宋師截殺元兵。死者無數。比及黃幡營五將救至。則敗兵逃回。已無及矣。宋師重復歸陣。五將咆哮大怒。各奮蠻勇。直突宋陣。而無門可入。衝突一會。被亂箭射回。五將率兵在陣前跳躍如虎。痛詈而去。索虎通見五將回營。細問情狀。乃謂參政曰。陣中用孤虛法耳。何足爲奇。文昌鎮寨。而以貪狼被軍應之。吾兵適犯其所尅。故敗。今用五姓法。以陰擊陽。以生擊死。按本年羽德在中。陽子陰午生氣。子死午刑禍丑。宋營子位在北。午位在南。我今從南擊北。又按九勝法。則甲午旬。天目在庚子。地耳在戊戌。行軍宜背天目。向地耳。宋師正

犯庚子。今先厭其王氣。次按五姓之法攻之。宋陣雖整飭。不難破也。索虎通乃於朔旦旬首正子時。在營中月空上環三九步。以朱畫八卦壇位。成三界。其內畫十二辰及月將之名。東南西北相去數步。取蒼狗白鷄各一隻。索虎通自披素服。右手仗劍。左手按二畜北面立。默誦敵將名氏。卽斬之。埋於正南方深三尺。次日遂向蒯參政請過將令。召集將佐。調遣入陣。傳號箭十二枝。以驍將劉琪引兵爲正西隊先鋒。用白色旗甲。攻宋將正東營。王峻引兵爲西北隊先鋒。用黑白色旗甲。攻宋將東南營。丁琨引兵爲正南隊先鋒。用紅色旗甲。攻宋將正西營。魔賁引兵爲正北隊先鋒。用黑色旗甲。攻宋將正南營。猛欲飛引兵爲西南隊先鋒。用黃色旗甲。攻宋將正北營。楊樊爲正東隊先鋒。用青色旗甲。攻宋將西南營。戴瑀引兵爲東南隊先鋒。用青紅色旗甲。攻宋將東北營。薩叱利

引兵爲中軍左哨先鋒。用黃黑雜色旗甲。從東南營殺入。攻宋將太微垣。余延陀引兵爲中軍右哨先鋒。用黃紅雜色旗甲。從東北營殺入。攻宋將天市垣。蟒龍吉嚙引兵爲中軍正先鋒。用純青純白純紅純黑四色旗甲。從正北營殺入。攻宋將紫微垣。砍倒大纛旗。四圍放火。引動十二先鋒之兵。一齊從中攻殺。再令吳齋及衆裨將保護參政。堅守大寨。自統一軍應敵。號召各隊。索虎通自謂調度得宜。可敵宋師。而按定五姓。從南擊北。以陰攻陽。恰入死門。惟厭勝之法。適足以制斛律統制耳。當時索虎通自恃材勇。由正南打入陣中。宋將廖雲抵陣。戰不一會。廖雲大敗。繞旗而走。索虎通號召十一隊人馬入陣。自己督兵。直向正北攻打。一時萬口喊殺連天。十一將齊入陣。倏忽之間。陣中有千門萬戶。并無東西南北。元軍十一隊先鋒一時不知從何處殺起。蠻將薩吒利已犯

太徽垣。正遇宋將史進交馬。而正東种世虎東南劉瑄兩軍齊至。夾攻薩吒利大敗。被史進殺之。楊樊從東入陣。見不是頭。遂轉身打入正北。遇宋將慕容晃敵住。不三合。慕容晃生擒馬上。魔賁由正南而進。見索虎通已攻破南陣。亦轉入東北。遇藍天蔚。兩將勢均力敵。死戰不已。却被史進嗖的一矢。魔賁慌忙躲閃。藍天蔚隨手一鎗。死於馬下。元將入陣。一時各尋敵手相殺。并無方位。而宋將互相救應。人忙我暇。元將一時若劉琪。戴瑀。王峻。猛欲飛。皆死於陣中。索虎通攻殺一會。情知十二先鋒陣亡過半。亂了方寸。遂認定中軍紫微垣攻入。正遇蟒龍吉嚙亦至。二將遂連環殺進。斛律亢宗急橫槊迎敵二將。而太徽天市史進麈靖。俱有元將敵住。未及救應。索虎通瞋目大喝一聲。一鎗刺來。斛律統制措手不及。死於非命。蠻將蟒龍吉嚙便砍倒大將旗。放起火來。宋陣諸將不

見將旗。一齊着驚。知是中軍有失。史進。狄勇。岳坤。藍天蔚。慕容晃。种世虎。六將一齊殺入紫微垣內。索虎通。蟒龍吉。嚙力敵。衆將。一刀一鎗。毫無破綻。慕容晃。激得七竅生煙。使盡平生威力。揮刀砍入。蟒龍吉。嚙斷去一腕。狄勇趁勢。一鎗刺入。滾鞍下馬。被宋軍剝爲肉泥。索虎通。自知孤掌難鳴。欲突出重圍。業已身受重傷。种世虎撒手。放出紅錦套索。索虎通被纏。仰翻馬上。史進輕舒猿臂。擒下。令衆將縛定。六將始分頭殺出。元將士死者降者不計其數。宋師如摧枯拉朽。元兵折損十分之七。逃出陣者。惟余延陀。丁珉。數十裨將而已。宋師大獲全勝。鳴金收軍。衆將又令軍士。將斛律統制屍首。搬回營中。岳招討陞帳。衆將一一上功畢。招討隨令斬索虎通。楊樊數將。爲斛律統制設靈祭奠。葬於黃金河邊。立即下令直搗元軍大營。時蒯參政聞此大敗。六神無主。情知廣右大事已

去。命余延陀、吳瀘、丁琨、勃勃、禿兒等斷後。自擁敗殘人馬。拔營望柳州而走。行至羝羊石。有寇節度一軍。阻定去路。元軍人困馬乏。奪路便走。寇節度麾軍截殺。奪得衣甲鞍馬器械。不計其數。余延陀死戰得免。丁琨死於亂軍之中。比至柳州。則狄樞密已安坐城上矣。劄參政不敢驚犯。迤邐直望桂林而逃。數日始達。星夜奏入上都求援。不三日。岳招討合兩大帥之兵。直抵城下。四面圍定。奮力攻打。宋師以得勝之兵。聲勢甚大。滿城文武。束手無策。軍民惶惶。宋營中時時下令軍民無犯。劄參政力不能支。朝服望闕再拜。投池中而死。勃勃、禿兒自刎。文武死者甚衆。惟余延陀率千餘蠻兵奮殺出城。望東蘭州而去。吳瀘及餘官吏遂率軍民開門迎降。宋師遂下桂林。岳招討自同兩大帥入城。撫恤民生。出榜曉諭。輕徭薄賦。吊傷唁死。發出倉廩。賑恤困窮。元人弊政一一更之。劄參

政屍首及諸死節官吏。俱以禮葬。百姓大悅。一面奏聞宋主。一面犒賞三軍。各處安設官吏。各關隘撥兵控守。數旬之後。諸事漸理。一日大將軍高耀卿齎詔至廣右。招討及諸將帥接讀已畢。乃以高耀卿爲廣右節度使。控制一鎮。陞資政大夫上官樸爲右丞。知桂林府事。以史進爲威武大將軍。設幕府。專守桂林。虔靖王彥廖雲。吳廣。劉瑄。洪時。錦馬。晉臣。史良。璧各按原爵。以戰功陞屯衛大將軍。都部署。都統制等職。即鎮柳州。思恩。平樂。蒼梧。潯州。南寧。太平。鎮安。八府。其餘關隘營屯處所。酌量分鎮。留兵一萬。分制各郡。其餘將士俱隨三大帥入朝。論功行賞。岳招討將廣右事務交卸分明。始同狄樞密寇節度二帥。率兵向武都而歸。

第八十一回 趙孟頫入宋和兵

岳招討等三大帥及諸將士回國。次日朝見。帝慰勞備至。於是招

討岳燕超進爵爲王。予長子岳鎮爲南安伯。世職樞密。狄定國進爵爲保昌公。節度寇復雷進爵爲寧武公。如种世虎。狄勇。岳坤。慕容晃。藍天蔚等。俱加大都督。三大帥各部將佐。亦論功陞秩。有差陣亡諸將。如斛律亢宗。追封武烈侯。焦芳武勇侯。牛鎡。張燕。屈突申。傅朮。俱以伯爵贈之。子孫廕其本職。陣亡士卒各有優恤。所在立廟。命有司祀之。大出帑藏。重賞三軍。寧武公寇復雷仍爲長沙節度使。彈壓各鎮。卽以便殿設宴。飲至。衆臣山呼拜舞。謝恩而出。數日後。寧武公寇復雷率其本部將赴長沙。入朝陞辭。奏曰。廣右大功業已底定。尙有慶遠。泗城二府。鬱林。永安二州。未入版圖。陛下宜詔高節度。不時訓練人馬。若有機會。立攻下之。以便建闡立鎮。帝允之。寇公辭帝。赴長沙而去。帝亦以廣右不全爲宋土。終爲後患。卽日下詔與高耀卿。乘機進取。高節度遂檄各鎮將。逐日厲

兵秣馬。尙猶未動。元朝守臣疊次飛章奏入上都。元成宗憂形於色。召平章政事張九思梁珪等。問曰。朕不用卿言。悔已無及。今廣右陷沒。僅餘四郡。觀宋人之意。不盡得。不止。卿等何以處之。御史臺臣力言參政蒯毅夫失陷廣右。多由三軍不努力。將帥不協心。致此大敗。辱國喪師。失地數千里。毅夫雖死。尙宜逮其家屬。論以覆軍之罪。然後朝廷命親王大臣。協同陝右滇南二省勁兵討之。以圖恢復。所謂乾綱獨攬。陛下不可不明信賞罰也。成宗聽畢。歎曰。夫疆場披堅執銳之士。枕戈待旦。臥雪通霄。皆爲國也。幸而勝。則廕子封妻。不幸而敗。則肝腦塗地。朕昔在藩邸治軍。親所閱歷。將士以軀命博功名。死生存亡。且夕殊難料也。卿等安坐朝堂。徒事筆墨。業同蝕蠹。技比雕蟲。叨服章縫。惟呻佔畢。一聞敗挫。卽云將帥失人。士卒畏死。但閫外之事。非卿等所知。慎勿妄言。留夢炎

其車鑿也。臺臣等大慚語塞。左丞相哈刺哈孫亦奏曰。陛下負宗廟社稷之靈。當赫然震怒。以圖討賊。不然。恐負世祖寄託之望。并徵仁裕聖皇后手詔之心。平章張九思獨曰。恢復境土。固爲國家立威。然必師武臣力。將帥得人。乃爲有濟。目下內外大臣。無出宋人右者。此何以戰。依臣愚見。惟畫地求和。各安境土。然後養精蓄銳。以觀其變。此長策也。集賢大學士阿魯軍撒力爭曰。大元中外一統。豈容宋人鯨吞虎視。不大挫其威。則侵伐不止。平章之計。毋乃款和誤國。效宋人南渡之事乎。梁珪亦曰。以陛下英明。兩國旣勢均力敵。非戰則和。今戰不能。和不可。臣不知計之所出矣。戰與和。惟陛下獨斷獨行耳。時羣臣各執一說。有議堅壁清野以待之者。有議會合京西滇南福建江右川湖五省以討之者。獨中書右丞相完澤嘿然無語。帝遂問之。完澤奏曰。諸臣之議皆未盡善。依

左丞相之計。則兵連禍結。戰無已時。徒驅數百萬生靈。委之鋒鏑之下。依平章之見。畫地求和。恐宋人未必允。蓋昔年金人和宋。以有秦檜爲內應。故指揮如意。今宋人非復南渡時也。君臣同德。將相一心。日夜臥薪嘗膽。以復厓山之仇爲事。其國以得人爲強。其兵以久練而精。廷臣謂欲與戰。適驅羊入虎耳。臣愚以爲陷沒兩廣不足慮。惟陷沒襄漢者。憂方大耳。成宗一聞此語。拍案稱善。蓋宋師旣得襄漢。漕運梗塞。惟海運一路入京。上都路十分不便。完澤又奏曰。臣愚以爲與宋和者。應目下之急。不必與宋久和。且休養觀變。此至善之策也。帝欣然從之。謂文武曰。朕意決矣。廷臣有再言戰者。朕必唾其面。卿等可至中書省。酌議以聞。於是文武不敢復爭。張九思梁珪等皆至中書。會合臺省九卿文武。議復襄陽德安安陸漢陽四郡地。而以廣右慶遠泗城鬱林永安四郡歸之。

湖廣則畫江爲界。大江以南爲宋。北爲元。立盟修好。休兵養民。並遣使先至桂林止兵。然後議行人。直入武都。與宋定盟。文武議定。次日。奏聞元主。請以翰林學士趙孟頫爲行人。領太醫院事。李邦寧副之。二人皆宋舊臣。故有是命。帝無不允從。修定國書。副以禮物。并太后所授玉璽。歸之於宋。且曰。朕不嫌自屈。作無璽天子。凡以爲兩國休兵養民也。二卿其善達朕意。慎不辱命。趙孟頫李邦寧領詔而出。卽定於次日起程。不日遂達武都。宋重康六年夏五月也。宋主臨朝。有近臣奏知。卽命元使臣趙孟頫李邦寧二人入見。帝見二臣。皆故宋人。大有不悅。因問曰。二卿旣仕大元。今至小朝廷。見朕何意。趙孟頫惶恐免冠。稽首對曰。陛下龍飛御極。寡君特命下臣入賀。一則寡君度德量力。不敢與陛下及在廷文武諸執事。並駕爭驅。故俯懇上國。聯盟修好。息兵養民。下臣因不避斧

鉞之誅。冒干天威。悚息待命。李邦寧亦俯伏奏曰。罪臣等逃死餘生。原不應以闕廢刑餘。污及興朝。而寡君與在廷文武。皆曰欲休兵養民。非二臣不可遣也。竊以寡君與在廷文武之意。非以罪臣等乃大宋委棄餘息。一線可通。冀陛下宏堯舜之仁。闢天地之量。而兼容并包也乎。故罪臣等昧死入覲。乞陛下憐而赦之。帝始回嗔作喜。問曰。二卿仕元。現居何官。趙孟頫奏曰。下臣逃死歸安。自謂已得偷生。應埋首江浙。與草木同朽矣。乃廉訪使程文海再三相逼。郡縣迫促。目下待罪翰林學士。實大宋之首惡也。李邦寧奏曰。臣以小黃門隨恭皇帝入元。元主用以給事內廷。供使令而已。近成宗在位。始命罪臣領太醫院事。帝首肯者再。曰。元主欲與朕和。其意何如。趙孟頫忙俯伏丹墀。將玉璽國書獻上。奏曰。寡君不忍生民塗炭。願作無璽天子。而以國寶歸於陛下。則薄海內外皆

知正朔所在矣。地土則廣右陛下已轄九郡。寡君更割慶遠泗城鬱林永安四郡。以奉陛下。以成全美。而與陛下求襄陽德安安陸漢陽四郡之地。以便畫江爲界。以江之南者屬宋。江之北者屬元。干戈永息。生民樂業。兩國赤子皆戴陛下之德。於不衰矣。伏乞陛下聖裁。帝觀其國書。大意亦與孟頫所言相似。乃曰。二卿且退。候朕與文武商議。趙孟頫李邦寧叩謝而出。早有右相种世龍大將軍關普靈奏曰。宋元之仇。不共戴天。萬無可和之理。以勢言之。蒙古雖中外一統。而宋以海南偏安。足與頡頏。仗陛下天威。文武努力。尙當削平區宇。再造社稷。方雪匡山之恥。報伐陵之仇。以云議和。斷乎不可。尙書皇甫惇奏曰。元人請和之意。特屈於一時。勢衰力竭耳。明爲休兵息民。暗爲養精蓄銳。其勢如猛獸噬人。必先卑身帖耳。始得以肆其饞口。此勾踐沼吳之策。而亦金人款和愚宋

之謀也。南宋已誤。陛下豈容再誤。樞密副使狄定國奏曰。慶遠四郡皆掌握中物。何勞元人割取。其意殆欲得襄陽四郡耳。四郡一得。則漕運可通。元人不懼我矣。一時羣臣議論。無允和者。惟侍郎蘇伏威。尙書李穆。右丞劉知幾。左相范國昌。四人以爲可和。帝不悅而罷。一連數日。羣臣堅持不和。帝召元使臣趙孟頫。李邦寧二人。以國書玉璽。謝而遣之。二臣知事不諧。忙俯伏奏曰。議和乃寡君有求於陛下。非陛下和寡君也。陛下曷不捲雷霆之威。施雨露之仁。使兩國百姓各安生業。處於堯舜之世也乎。帝曰。汝主地土。莫非大宋之物。而猶欲割襄陽四郡以通漕運。自爲計則得矣。朕不受汝主愚也。趙孟頫又奏曰。陛下去四郡。獲四郡。於陛下之版圖並未損也。何不可之有。帝怫然曰。宋元欲和。除非德祐復還。會稽諸陵無恙。方可議和。李邦寧叩首奏曰。恭宗皇帝北狩。業已徂

落。太子完普現今作賓王家。封爲瀛國公。寡君優禮相待。至會稽諸陵。皆先帝失德所爲。今世皇墓木已拱。寡君深悔之。又不敢直彰其惡。特令浙省平章。修復皇宋陵墓。以蓋前愆。故投誠乞憐於陛下。陛下獨無意乎。种世龍在旁。厲聲答曰。伐陵取骨。乃羣盜所不爲。蒙古殘酷如此。天必棄之。至廣右慶遠四郡。以我兵臨之。如探囊取物。何勞汝主將機就計。謂以割奉大宋。而欲我襄陽四郡耶。恐汝主此念差矣。關普靈亦正色責之曰。寄語汝主。能戰則來。否則遂降。宋元世仇。無可議和。趙孟頫李邦寧。遂不敢多言。再拜辭去。不數月。二臣又奉元主詔至。云以元貞元年。修復皇宋陵寢。今更於每陵置守塚三百戶。以贖前愆。瀛國公願送還入宋。至廣右慶遠四郡。不必動兵。即日歸宋。更增歲幣十萬。計襄陽等郡所出。每歲不過此數。乞兩國通好。講信修睦。帝覽畢。笑曰。朕恢復仗

義大舉。寧爲此歲幣金錢起見耶。又以問樞密正使岳燕超。燕超曰。臣職在樞密。身任武職。惟知有戰而已。餘非所知。惟左相范國昌從容奏曰。臣愚以爲陛下仗義恢復。原應掃平區宇。聿新王室。但立國偏安。定鼎海隅。以陛下之英明。文武之贊助。能與大元並駕爭驅。亦可謂千載一時矣。卽云議和。一出元人本意。和不和。尙以我爲政也。且元人能以欲取姑與之策。和大宋。大宋獨不能以欲擒先縱之策。款元人乎。陛下何必爭此一閒。使戰鬪無已時也。帝亦念歷年戰爭。費用浩繁。歲入不支。又損兵折將。殆無虛日。亦欲趁此允和。待休養數年。生息聚斂。再議征伐之舉。乃謂范國昌曰。或戰或和。卿意何如。范國昌曰。戰者。乃陛下恢復不易之理。和者。乃一時休養權宜之計。此一言而決耳。尙書司馬肅亦曰。和不可拒。而戰亦不可忘。此出自陛下聖裁耳。帝乃諭文武曰。論德祐

匡山之事。宋與元萬無和理。但以兵連禍結。生靈塗炭。將士死亡。血戰何時已乎。朕欲少屈。姑允其和。使軍民得以休息。至割地一款。卿等更宜籌畫。不可少失銳氣。种世龍關普靈狄定國三人齊出奏曰。陛下既決定與和。臣等不敢爭執。但議和各款。須令臣等參酌。帝曰。此事自關卿等主持。文武遂齊至樞密府中商議。以爲當如契丹石晉故事。以南朝爲父。北朝爲子。否則南朝爲君。北朝爲臣。以親王大臣各一人。爲質於宋。更割膏腴富饒二十郡。歲幣一百萬。則襄陽四郡可歸。餘皆依樣云云。范國昌笑曰。何必石晉。卽如金人之事。以南朝爲兄。北朝爲弟。足矣。以親王大臣爲質。此事未妥。种世龍讓之曰。左相袒護蒙古耶。范國昌曰。非也。以元人爲質於宋。豈能相容。竟不用質。足見大宋以信義爲重。且免生意外之事。衆皆然之。國昌又欲減割郡歲幣之數。衆皆力爭曰。不可。

議定上之。帝乃減二十郡爲十郡。百萬爲六十萬。謂曰。酌乎其中。不可大過。恐梗和議。致爭戰無已時也。范國昌贊成之。帝始召趙孟頫。李邦寧入見。謂之曰。朕之本意。原欲光復舊物。宏我國家。但爲生民起見。屈意允和。議和各款。當依大宋。二卿速歸去見汝主。若能如議。便兩國修好。不然。朕之兵。卽日渡江。取東京諸路。先爲大宋掃陵墓矣。二臣再拜稽首。謝曰。陛下若能允和。則天下蒼生之幸。寧獨寡君與在廷文武。同受其賜哉。二臣領命辭出。不敢停留。星夜回上都而去。直至宋重康七年。元成宗大德十年。秋九月。趙孟頫。李邦寧。二行人。又賈國書入宋。以南朝爲兄。北朝爲弟。割廣右慶遠泗城二府。鬱林永安二州。及江右之臨江瑞州袁州三府。寧都一州。凡八郡與宋。荆楚則畫江爲界。以襄陽漢陽德安安陸四郡歸元。歲幣三十萬。玉璽獻與宋主。惟瀛國公自言在燕已

久不欲回宋。北朝亦未敢強。餘皆依議。趙孟頫李邦寧先至樞密府。與宋文武相見。諸臣猶欲再議。左相范國昌曰。行人之跋涉至矣。既欲修好。惟堅信義可也。預先奏聞。次日帝乃大設朝會。元使臣朝見畢。將玉璽國書及諸般禮物呈上。俯伏奏曰。陛下宏天地之愛戴。仁育萬物。恩沾率土。寡君及在廷文武。實被其賜。和議各款。俱一一如命。祈陛下睿覽。帝觀畢。謂使臣曰。朕屈意允和。亦爲兩國之生命耳。元主但出本心。朕焉有不俞允之理。趙孟頫稽首奏曰。寡君欲與民休息。直齋戒沐浴。以告於宗廟社稷。始遣下臣。寡君囑下臣之言。皆抽肝擢膽之言也。寡君所望者。得陛下一俞允。則大元宗廟社稷之靈。實邁相之。帝悅。李邦寧亦奏曰。從此二國修好。邊垂無警。內外文武。亦得以共享昇平。罪臣等蒙陛下之賜。亦可謂不辱君命矣。帝亦曰。朕不食言。令守臣讓還四郡之地。

以便二卿復命。趙孟頫、李邦寧再拜謝訖。帝命於偏殿設宴。以待使臣。時百官畢集。飲酒樂甚。惟武班中諸臣見和議已成。欲退四郡之地。未免怏怏。皆曰：我等疆場血戰。始得四郡。乃以片言棄之。從前汗馬功勞。盡成畫餅。况此四郡。乃得之於賈翀。非奪之於蒙古也。帝聞之。頰不慄。有范國昌私問李邦寧曰：元主爲君何如。李邦寧曰：內事決於宮闈。外事委於大臣。而連年寢疾。元主殆不久於人世矣。國昌又問太子何如。邦寧曰：無太子。有國者其北邊總兵之懷寧王乎。帝又謂趙孟頫曰：卿雖仕元。猶能奉使。和二國之好。不忘故主。而留夢炎乃竟領兵伐宋。是自取其死也。言之令人髮指。趙孟頫拜謝曰：前者非留夢炎阻詔。則宋元早聯和。無此數番爭戰矣。使臣與文武等盡歡而罷。越日。帝交割四郡。重賞使臣。遣侍郎蘇伏威給事李進誠二人入元報命。以答其禮。自是而和

議成矣。

第八十二回

令狐韜當殿論璽

宋重康八年。帝一日設朝。下詔。以所控郡縣。改爲六鎮。除延平。建昌。肇慶。長沙。桂林外。岳州設一節度。控武陵。辰州。澧州。郴州。靖。沅。桂陽等州。長沙。控衡陽。營陽。建州。茶陵。而益以平樂。蒼梧。潯州等郡。建昌至是亦增臨江。瑞州。袁州。寧都四郡。桂林亦增慶遠。泗城。鬱林。永安四郡。計大宋此時所轄五省。凡五十二府州。三百二十四縣。六節度得詔。入朝見帝曰。臣等出萬死一生。爲陛下恢復大業。今大業粗就。如火之始然。泉之始達。正宜席捲宇內。囊括四海。一洗厓山之恥。光復舊物。奈何信元人狡獪之謀。竟與之和乎。有襄陽節度使扈德威抗聲言曰。臣與韓搏虎。討平雲夢。始得四郡。此四郡者。大宋得之於賈翀。非得之於蒙古也。蒙古慮梗漕運。何

不取之於巨寇之手。况湏口之戰。臣等幾罹不測。艱窘萬狀。始奪其險。故招討激怒。始打襄陽。蒙古計亦毒矣。卽所割八郡。不及襄陽等萬分之一。蒙古不惟欺大宋無人。實欺陛下不智也。陛下昨降此詔。襄漢之民。無不喪氣。卽日挈家而徙者。數萬餘家。陛下縱不爲臣等惜。獨不爲大宋蒼生赤子惜乎。德威聲淚俱下。帝乃斂容答曰。朕播越海島。蕭然一身。非卿等萬不至此。卿等血戰艱難。拓土開疆。重爲我大宋定鼎建國。卿等之勤勞。自足千古。但恨有功未賞。鐵券莫封。朕未免怏怏於心耳。卽議和一事。朕亦以卿等血戰半生。權爲休養之計。徐圖進取之機。養晦觀變。作十年生聚訓練計耳。朕非偷安。遽忘仇恥。卿等六人。俱加開府儀同三司。永鎮六郡。令將士等操練簡閱。卿等臥護靜鎮。但總其成。暇則宴酣優游。頤養天年。不亦可乎。寇復雷韓搏虎二人。正欲力諫。一聞此

言。卽叩地流血。泣奏曰。陛下興言及此。臣等雖捐頂踵。不足報也。但願主上無忘厓山。臣等亦不敢深阻和議。帝亦泣謝曰。有臣如此。顧復何憂。朕日夜思海島艱難。惴惴於心。卽厓山之戰。猶赫赫若前日事也。六節度齊拜謝而出。皆歎曰。朝廷自此。不復用兵矣。不日各赴任所。扈德威遂移鎮岳州。諸將士亦略有遷移。越日。蘇伏威李進誠自上都回國。見帝曰。臣等入元。則成宗已殂。懷寧王正位爲武宗矣。武宗以陛下旣允和議。欣慰之至。卽日大赦天下。加孟頫爲行臺侍御使。兼翰林院承旨。加邦寧爲大司徒。兼左丞相。仍領大醫院事。當時李邦寧笑謂臣等曰。寄謝大宋皇帝。有邦寧爲相。諸事不足慮也。帝聞之。驚曰。邦寧宦者。亦官左丞相乎。元政從可知矣。時有工部侍郎長孫軌。鴻臚寺少卿黃仲通。中書右丞劉知幾等。以宋元息兵。生民有慶。元主願作無疆天子。而以國

寶歸宋。宋得秦璽。應上尊號。請表賀。帝欲許之。太子洗馬令狐韜出班奏曰。不可。璽有真贋。不可不辨。帝問曰。卿何以知之。令狐韜曰。秦璽之不在久矣。秦始皇并天下。以趙璧爲璽。此藍田玉。卽卞和獻楚之璞也。楚婚趙。納璧爲聘。秦昭王給以十五城。藺大夫奪以歸趙者也。璽圍四寸。六面。正如螭紐。李斯蟲魚篆。其文曰。壽命於天。旣受永昌。漢高祖入關。秦子嬰繫頸以組。奉璽降漢。哀帝臨崩。以璽付董賢。曰。無妄與人。平阿侯王譚子閔侍中。白元后。帶劍入宣德後闈。叱賢。賢跪授璽綬。孺子未立。璽藏長樂宮。王莽篡竊。使安陽侯舜。求璽於孝元后。后怒罵曰。若自以金匱符命爲新皇帝。當自更作璽。何用亡國不祥璽爲。而欲求之。我漢家老寡婦。且暮且死。欲與此璽俱葬。終不可得。因涕泣。旁側長御以下皆泣。舜亦悲不能自止。謂太后曰。臣等已無可言。莽必欲得璽。太后寧能

終不與耶。太后恐莽脅取之。乃出璽投地。缺一角。莽末。漢兵入長安。商人杜商。取璽殺莽。校尉東海公賓就。斬莽首。問璽。璽主所在。曰。室中西北陬間。就取詣王憲。憲遂稱漢大將軍。舍東宮。妻莽後宮。乘其車服。將軍趙萌等。以憲得璽。綬不上。收斬之。璽歸更始。赤眉立劉盆子爲帝。破長安。更始敗。上璽綬於盆子。盆子立一年。其兄恭知赤眉必敗。教盆子習爲辭讓之言。下牀解璽。綬叩頭願避賢路。涕泣唏噓。赤眉樊崇等。共抱持盆子。帶以璽。綬。盆子號呼。不得已受之。馮異收長安。盆子率丞相徐宣。肉袒上所得璽。璽復歸漢。靈帝崩。何進誅宦官。雒陽亂。中常侍段珪張讓。劫少帝及陳留王。步出穀門。夜至小平津。六璽不自隨。三日還宮。失傳國璽。餘璽皆在。董卓燒雒陽宮闕。遷都長安。諸侯兵起。長沙太守孫堅。進至雒陽。得傳國璽於城南甄官井中。建安元年。袁術謀僭號。聞堅得

璽。拘堅妻而奪之。四年。曹操破術。術走死壽春。廣陵太守徐璆得璽。獻之。漢傳魏。魏文帝隸刻肩際七小字曰。大魏受禪。傳國璽。魏傳晉。懷帝於永嘉五年。劉聰陷雒陽。遷帝及六璽於平陽。聰子粲見殺於靳準。劉曜平準。準羣臣推靳明爲主。遣上表奉傳國六璽降曜。曜大喜曰。使朕獲此靈璽。而成帝王者子也。國稱趙。趙爲石勒所滅。稱後趙。勒死。石氏亂。冉閔盡殺諸石。稱魏。晉穆帝永和八年。閔與前燕慕容雋戰。危急。遣蔣幹求救於謝尚。尚使戴僧施據枋頭。求傳國璽。幹沉吟未決。僧施率百人入鄴。給幹曰。今燕寇在外。道路不通。璽未敢送回。卿且出以付我。我當馳白天子。天子聞璽在吾所。信卿至誠。必多發兵糧以相救餉。幹以爲然。出璽付之。僧施宣言遣人迎糧。陰遣督護何融。懷璽送建康。江南之未得璽也。中土人笑爲白板天子。至是復歸晉。晉傳於宋。宋文帝義隆三

十年。子劭弒逆。武陵王起兵入石頭。縛劭於馬上。送軍門。不見傳國璽。以問劭。劭答在嚴道育處。就取得之。道育宮婢也。宋傳齊梁。侯景亂梁。稱帝百餘日而敗。王僧辨進石頭。問王克天子璽。絨克良久曰。趙平原持去。景之奔也。以璽自隨。使平原太守趙思賢掌之。曰。我死。宜沉於江。勿令吳兒復得之。思賢自京口渡江。遇盜。從者棄之草間。至廣陵。告兗州刺史郭元建。元建送東南道行臺辛術。術以北齊天寶三年四月壬申。上璽於齊主文宣。文宣告太廟而受之。周之破鄴。齊幼主令侍中斛律孝卿奉璽至瀛州。歸於北周宇文氏。周傳隋。宇文化及弒煬帝於江都。盡收寶器。及後宮蕭妃。抱璽歸化。及守聊城。竇建德攻破之。擒化及。拜謁蕭后。稱臣。收其璽。建德倚突厥以壯兵勢。隋義成公主先嫁突厥。遣使迎蕭后。建德以千騎送后入虜廷。而留璽。秦王世民擒建德。獲其傳國八

璽。璽歸唐。開元六年。改稱傳國璽。曰受命寶。元宗幸蜀。使韋見素奉寶傳位於肅宗。僖宗光啓元年。李克用偪京師。夜出開遠門。使神策軍使王建。負傳國璽以從。登大散嶺。閣道燒絕。丈餘。建囊璽於背。手掖上。自烟焰中躍過。夜宿板上。上抱璽枕建膝而寢。解御袍賜建。曰。以有淚痕也。既入蜀。田令孜盜璽埋地下。尙食使歐陽柔治令孜故第。得璽。獻之前蜀主王建。建傳子衍。唐魏王繼岌滅蜀。璽歸後唐。後唐潞王從珂。清泰之末。石敬瑭臣契丹而攻唐。從珂攜傳國璽。登元武樓。縱火自焚。璽已爲煨燼矣。晉天福三年。更作受命寶。其文曰。受天明命。惟德允昌。末帝開運三年。契丹入晉。晉奉傳國寶一。金印三。出迎契丹。以國寶追琢非工。又不與前史相應。疑其非真。詰責使獻眞者。晉人對以潞王自焚。失傳國璽。此寶先帝所爲。羣臣備知。非敢匿寶。乃止。契丹建國爲遼。寶之爲眞。

遼興宗重熙七年。試進士賦題。以得傳國璽者爲正統。猶侈言之。至保泰二年。金人克中京。天祚奔雲中。遺傳國璽於桑乾河。實晉之天福璽也。故傳於今。璽之大略如此。帝聞之笑曰。非洗馬洽考辨。幾誤此璽爲秦璽矣。令狐韜曰。天福晉璽之外。更有姚璽。慕容燕璽。卽魏晉亦各有刻。魏自刻者。其文如秦。秦璽獨自右。魏璽獨自左。晉所刻者。其文曰。受命於天。皇帝壽昌。唐太宗貞觀十六年。刻受命璽。其文則曰。皇帝景命。有德者昌。六朝雲擾。自謂得秦璽者。皆魏晉所刻也。今按此璽。雖其文爲李斯八字。而篆法全殊。特不知所從來耳。侍郎蘇伏威奏曰。元御史大夫崔彧。得於故臣扎刺氏之家。卽宏吉刺皇后所手授於成宗者。令狐韜曰。此卽大宋元符中。咸陽縣民段義。於河南修舍。有光照室。掘之。得古玉印。其文曰。受命於天。旣壽永昌。上之哲宗。蔡京等驗以爲寶璽。遂命曰。

天授傳國受命寶。改元元符。卽此璽也。宋至元符得璽。佞人滿朝。國運寢衰。得此璽者。何賀之有。羣臣遂不復言表賀。帝又曰。三代以九鼎相傳。桀有昏德。鼎遷於商。載祀六百。鼎遷於周。所謂在德不在鼎也。非洗馬之言。朕幾爲卿等所誤。長孫軌。劉知幾等大慚。帝遂陞令狐韜爲太子少傅。賜水晶鹽十兩。冷暖玉一盤。謂之曰。此玉出日本之東。集真島。島上有臺曰凝霞臺。臺上有池。池中出玉碁子。自然黑白分明。冬溫夏冷。故謂之冷暖玉。卿勤學考据。故賜此玉以旌之。又聞卿所辨鑿鑿可憑。亦如此鹽之有至味也。令狐韜再拜謝恩而出。

八十三回

廿四堆宋主掃墓

餘姚王生。名勉。字器之。卓犖有大志。而蹇於遇。年三十。猶蕭然四壁。落魄不偶。欲圖青雲。而元人適罷科舉。欲營什一以博升斗。則

撫掌揶揄者適笑於其旁。乃改業。習小兒醫。一月而殺三孺子。皆豪貴家嬰兒。幾罹不測。急取其書燬之。久而貧無卓錫。乃投身典肆中。傭作會計主管。典肆翁以其有文名。遂收之。且厚其餼。繼而典肆虧折。肆翁急謝遣之。王生大窘。焦急欲死。過府城五雲門。見一鬼跋雷門上。脚垂至地。王生曰。此防風鬼也。聞琴聲則舞。急取琴鼓之。鬼端坐不動。兩手掩耳。示不欲聞。王生歎曰。時衰鬼弄。此之謂矣。棄琴而去。竄至錢江。忿極。方欲躡身一躍。偶見江干一廟。又轉念曰。且到廟中自縊。免致身葬魚腹。覓得一索。直入寺中。仰視。則伍大夫廟也。王生泣拜於地。曰。將軍乞食吹簫。終有霸吳之日。王勉沿門托鉢。卽是絕命之時。何懵懵者。天生人之不偶。若是也。哭訴一會。取繩正欲自縊。忽見神座下臥一物。黑色蒙茸。目閃爍有光。一狐正在睡熟。急收繩縛之。狐自夢中驚醒。作人語曰。某

狐仙也。昨赴天台醉歸。經此少憩。不意爲君所縛。君如釋某。彼此有益。王生戲問。何以相謝。狐曰。使君巨富可乎。王生貧寒如洗。正中心病。再問曰。汝言戲否。殆欲曳尾遁耳。狐曰。是人孤陋寡聞。將爲勤學死矣。一富且不能致。狐何以仙稱也。生卽釋之。狐方起身。少刻。化一老翁。鶴髮童顏。唐巾儒服。藹然可親。重與王生敘禮。二人邀入酒樓。把盞傾心。老翁談吐甚廣。王生自謂不及。因問致富之策。老翁曰。越人信鬼。惟鬼道足以惑之。會稽郡各處富民。率多刻薄起家。倚富壓貧。我今擇其尤。徑入其家。拋磚引石。打雞弄犬。橫生怪異之病。彼必請法師求符籙。百俱不效。君然後言能驅邪。但書花押。向空焚之。我出此戶。又入彼家。不三月。君之巨富成矣。王生大喜稱謝。又轉念曰。此財似出非義。翁何不更出一策。老翁大笑曰。此財雖不義。而詭於義者也。君猶欲守義。將爲溝壑死矣。

吾固言君獨學寡聞也。王生亦笑許之。老翁遂去。未幾而會稽郡各處疫癘大作。俱有鬼狐作祟。遍請法師。不能驅遣。獨王生之符籙一至。立即平安。不閱月。致數千金。生乃市田產。修房舍。置奴僕。而病者益衆。求者愈廣。一一應之。儼成鉅富。暗思此儻來之物。何必苦聚。貽笑錢癖。遂力行濟人利物之事。不論巨細。不限遠近。無不被其恩。沾其惠。隨得隨用。任意揮霍。自此會稽各處。王勉之名大譟。一夕老翁忽至。王生再三致謝曰。翁再造全某之命。此德當銘之五內。沒世不忘。老翁笑曰。君今富矣。復欲貴否。王生笑曰。人苦不自足。既得隴。復望蜀耶。人亦孰不欲富貴。但如翁者。固欲富而卽富矣。豈欲貴而卽貴乎。老翁曰。子非富中人。乃貴中人耳。生曰。翁何以知之。老翁曰。子以不義之財。作仗義之舉。此念已超出尋常萬萬。本處有見成之貴。非子而誰。王生驚曰。目下之貴。非

探訪。卽選舉。如此仕途。容及王某也耶。抑翁別有術致之耶。老翁曰。子靜待之。不出旬日。大貴至矣。王生疑信參半。老翁居其家。未半月。忽報宋主率同文武。由閩中武都起駕。越江右。至會稽。爲南宋諸帝灑掃陵寢。時宋元己和。浙省平章脫脫。早臨會稽。預修地主之儀。且說宋帝詔种世龍。岳燕超等。輔太子監國。自率范國昌。司馬肅。關普靈。寇復雷。大小文武十餘人。幸會稽郡。元平章脫脫。率同浙省大小文武。迎接入城。越日駐蹕獅山之側。廬湖之濱。南宋諸帝陵寢。帝一一謁拜。俱各封護。修理完好。脫脫祇候宋主。禮意亦極懇懃。而帝終以伐掘爲恨。脫脫奏曰。此先帝所爲。外臣雖愚。何敢直彰其惡。帝怒曰。平章以朕不能討平江浙耶。一時關普靈。寇復雷等。辭色甚厲。二人昔日大鬧臨安。此時正揚眉吐氣。共誦讓之。脫脫神色不撓。徐對曰。宋元旣聯兄弟之好。今一旦敗盟。

則曲直所在。知者自能辨之。卽如陛下所云。上國有問罪之師。寡君亦有禦敵之賦。彼此反覆辨難。絕不少屈。獨范國昌折之曰。寡君爲謁陵而來。陵中虛實。不獲周知。寡君之羞也。平章旣作東道主。陵骨一事。不問平章。寧入上都問上都乎。果爾。則宋元又兵連禍結。啓釁之由。恐平章責有難辭。脫虎脫惶恐謝曰。相國見諭。責固難辭。但君父之惡。臣子何忍顯暴。范國昌正色責之曰。世祖所作諸惡。薄海內外。誰不知之。寧待平章今日始顯著耶。如不欲顯著。則北朝皇帝。不應三次遣使入宋議和矣。爲人臣者。於君父有失。能使之修德行仁。痛改前愆。方爲忠孝。若一味彌縫掩飾。則愈掩愈彰矣。脫虎脫拜伏曰。非相國之言。脫脫幾陷於罪矣。帝謂之曰。伐陵一事。自於平章無與。朕惟欲得陵中詳細。其他不過求也。脫虎脫又奏曰。伐陵乃至正二十二年間事。迄今二十餘年。陛下

請駐蹕會稽。容外臣訪之。數日始回奏曰。外臣當爲陛下表賀稱幸。帝問之。脫脫奏曰。聞當時伐陵。此間好義之民。潛取諸帝陵骨。用別骨換之。當時世祖所伐去者。皆尋常骨也。但不知諸帝陵骨。義民等藏於何處耳。帝聞之一悲一喜。曰。卽求平章訪查陵骨下落。脫脫不得已應命。再至山陰會稽諸縣。物色訪問。並無人知。蓋當時朱叟與村中諸父老。已多年物故。盜骨一事。乃逆旨所爲。皆祕不敢言。故至今無可訪尋。脫脫甚悶。三日後。有餘姚王勉赴轅。自言能識陵骨藏處。脫脫大喜。引見宋主。帝問現在何處。王勉俯伏奏曰。小民有俚語獻上。卽曰。

炎宋無辜。元帝伐陵。瘞玉何所。視此冬青。

帝急問曰。何謂冬青。王勉復奏曰。會稽蘭亭山原。處處有冬青樹者。其下皆陵骨所在也。帝聞之。立拜王勉爲工部郎中。作山陵使。

者命爲前導。帝與文武及元平章脫脫等。卽至冬青樹所。一一掘之。果然瘞骨其下。帝見之大慟。關普靈。寇復雷。日光如炬。怒髮衝冠。脫脫亦失聲歎曰。先帝不仁。至此極矣。急令工人等。重啓其陵。開其隧。脫脫親負一具。宋臣文武亦皆負一具。送入陵中。安放妥貼。復封其陵。帝始陳設方物。薦其鼎俎。刑牲藉茅。大展祭告。帝悲悼不勝。諸陵一一封畢。帝深德會稽。昔年藏骨義民。冬青所種。處令封其樹。勿使剪伐。惜不知其人。無可酌賞。乃命會稽一郡免賦十載。大宋代爲完納。其銀皆由武都。輦至浙省。交與平章。務令民沾實惠。勿使不肖官吏。別生枝節。帝又重賞脫脫。不日發駕起行。直回武都。脫脫送出浙省界口始回。道經會稽。聞百姓頌德不已。皆稱宋主爲有道天子。脫脫歎曰。如此方是君人大體。不圖先帝當日。乃狂悖至此也。王勉隨駕入朝。遂仕於宋。果中老翁之言而

大貴。而王勉每食必祝曰。狐仙翁。蓋其富也。狐所致。卽其知陵骨在冬青下。亦狐所指授也。狐去時。自言隱於天台。後遂不復至。

第八十四回

楊妃井太眞洗心

尙書葛天民。奉宋主命略地廣右。至蒼梧。道經容縣之西。有楊妃井者。相傳以爲昔日太眞所飲也。好事者建祠其右。肖太眞於內。香火特甚。天民一見笑曰。異哉。生男勿喜。女勿悲。君今看女入神祠。此亦文人韻事也。命市紙馬冥鏹數十事。入祠酌椒漿奠之。奠畢。在祠中觀翫一會。咏唐人句云。

元宗回馬楊妃死。雲雨難忘日月新。終是聖明天子事。景陽宮井又何人。

天民歎曰。牀第之言不踰闕。椒房宮闈之事。史官何由知之。洗兒一事。新舊唐書不載。溫公通鑑乃以天寶遺事入之。此委巷之譌。

言也。又論者動以武后楊妃同稱。亦太不公。武后與呂后等。詎可與楊妃比例。語云。姚宋若存。妃子在。胡塵那得到中華。林甫國忠之罪。何妄加於妃子也。感歎良久。是夕。宿驛中。見一人冠步搖冠。披紫霞衣。佩紅玉。曳鳳鳥。明璫翠羽。飄飄欲仙。侍者十餘人相隨。向天民斂衽謝曰。蒙尙書枉顧。惠及梓里。復承厚貺。辨明前事。馬嵬坡前。死且不朽。但予更有一言。予與武后。事雖不同。而皆蒙千古不白之冤。予并爲武后一陳衷曲。共釋覆盆。按貞觀十一年。以武氏爲才人。年十四。二十三年。太宗崩。武后爲尼。永徽五年。以才人武氏爲昭儀。年三十一歲。明年立爲后。子宏生三年矣。宏道元年。高宗崩。則后六十歲。臨朝七年。稱皇帝。改唐爲周。又十五年。中宗復辟。遷太后於上陽宮。凡十月而崩。年八十二歲。中宗景龍四年。臨菑王討韋氏之亂。封平王立爲太子。年二十六。睿宗太極元

年。傳位於太子。明年癸丑。改元開元。開元七年。予始生。至二十三年。始冊爲壽王妃。予時年十七。二十五年。武惠妃薨。二十八年。度予爲女道士。號太眞。召入宮。時皇帝年五十七。予年二十二。天寶四載。秋七月。冊予爲貴妃。十四載。十一月。祿山倡亂。十五載。丙申六月。皇帝幸蜀。予死於馬嵬。年三十八歲。肅宗卽位靈武。尊皇帝爲太上皇。至德二載。丁酉。上皇還西京。上元元年。庚子。李輔國遷太上皇於西內。寶應元年。壬寅。太上皇崩。年七十八歲。夫武后不能亂唐。高宗自亂也。武后雖亂唐。未嘗亂天下也。唐祚之得長也。武后繫之也。中宗非令主。韋氏多失德。房陵無異於桐宮。悔艾不終於元德。武后不帝。而誰帝乎。二十二年之間。使環海恬波。金甌無恙。是豈中宗所能辦耶。向使天促其年。相從於乾陵之下。韋條煽禍。烈於鸚鵡。不知李氏百年社稷。作何景象。蓋中宗之闇弱。甚

於高宗。韋氏之才略。不及武后。高祖太宗。殆陰壽之。以待臨菑王
之壯。絜天下而還之子孫。彼中宗者。爲之傳舍而已。武后何嘗亂
天下。亦何嘗竟亂唐也。至予之事。則誠如尙書所言。以貌見寵。不
與國政。并無陰謀遠略。稍有過於男子。設使當年宰相非林甫。邊
帥非祿山。何至雨泣鈴淋。香銷羅襪。波翻太液之颺。虐煽靡山之
燄。致予齋恨而沒。沉香亭畔。花萼樓前。彰彰可考也。千秋下有知
我心者。其尙書之謂矣。予言已畢。請從此逝。倏忽不見。天民亦寤。
披衣而起。挑燈少坐。歎曰。天下安危。係於將相。吳信宰誣。而西子
沉冤。唐任安李。而太眞蒙慘。同一千古疑事也。不意祠前一奠。竟
感其靈。滌垢洗污。直至今日。鬼猶如此。人何以堪。次日復至祠中。
再拜稱謝。出俸錢十萬。命容縣令爲新其祠。奏聞宋主。更發帑藏。
大爲恢廓。改作宮殿。而顏之曰。靈妃。置田百畝。春秋奉祀。自是而

水旱疾疫。合郡禱之。靡不應。

第八十五回 宋昭帝詔求直諫

宋重康十七年。元仁宗延祐之四年也。帝巡至香山島。勅爲文天祥。張世傑。陸秀夫。三人立廟。名曰三傑廟。令有司春秋致祭。再過新會。至厓門山。重招帝昺之魂。觸景興懷。回憶當年顛沛流離中。逃死不遑。遙望海中。號泣不已。扈駕文武。再三勸慰。帝始收淚。巡至潮州。掃陸秀夫之墓。立神道碑。帝親爲贊書之。遂駐蹕於潮州。時驃騎將軍靖海大都督史霸。鎮守潮州府一十五年。史霸威名素著。海寇平息。臥護潮陽。帝疊加褒美。慰勞備至。加威武副將軍之職。帝是夜宿於行宮。忽見海岸有黑鬼數十人。高不踰三尺。其行如飛。去地幾二尺許。各持利刃。四面圍遶殺來。帝大驚。速呼將士扈駕。左右迄無應者。帝狂奔。黑鬼亦奔而追之。帝大窘。忽轉出

一壯士。手揮鐵椎。奮勇擊殺數十人。黑鬼遂敗。紛紛散去。帝急呼壯士何人。壯士伏地奏曰。臣泰山石敢當也。言訖不見。帝亦驚寤。次日卽問扈從文武。史霸奏曰。雷州有黑鬼蠻。能馭空離地而行。前楊孝伯大兵收復雷州時。有三千黑鬼。前來迎降。孝伯誤以爲阻抗王師。一鼓殲之。感入陛下噩夢者。卽此是也。帝又問石敢當何人。韓昭奏曰。五代時。劉智遠爲晉祖押衙。遣力士石敢當。袖鐵椎。從晉祖與愍王爭忿。敢當與鬪死。殺愍王左右。故至今人家有橋路衝戶者。立石刻泰山石敢當字樣於上。謂以敵煞也。陛下入夢壯士。卽此人耳。帝聞之。卽封石敢當爲三界蕩魔伏鬼將軍。勅史霸就雷州祭之。帝回憶夢中情景。猶惴惴不已。遂不欲行巡。駕回武都。不數日樞密正使永安王岳燕超薨。帝幸其家。親往弔唁。詔命集賢直學士李仁恭。爲辦喪事。越日。又詔文武俱往送葬。諡

曰忠武。帝悲悼過甚。八月癸酉。帝不豫。免朝賀。宣范國昌。种世龍。司馬肅。關普靈等四人入宮。受遺詔。輔政。丁丑。遂殂於麟德殿。羣臣輔太子璉卽位。是爲昭宗。冢宰范國昌。權處分軍國重事。帝在諒陰中。哀毀如禮。孟太皇后歎曰。此令狐少傅輔導之功也。葬顯宗於壽陵。尊孟后爲太上皇后。帝始親政。以明年爲隆熙元年。王妃爲皇后。尊范國昌爲太保。班宰相上。种世龍爲左相。司馬肅爲右相。狄定國爲樞密正使。關普靈爲樞密副使。六節度暨各將帥俱入朝賀。帝又降詔於六鎮之內。設四大營。以都部署領之。四時練兵。以備不虞。江右設神武營。以拓跋琳領之。屯大庾嶺。湖廣設天策營。以陳同領之。屯茶陵州。廣右設神策營。以唐靖領之。屯崑崙關。廣南設靖海營。以李繼業領之。屯湖陽關。六鎮之內。又連營若蜂屯蟻聚。堅不可犯。各鎮俱拜命而去。帝一日又下詔曰。

朕以薄德。謬承大統。但置鼓懸鞞。聖主每樂聞其過。而師箴腹賦。英辟不欲掩其非。朕居青宮。常勤乙夜。深羨魯直之忠。不嫌汲黯之戇。咨爾內外大臣。百職庶司。屬在言路。固時時鳴鳳朝陽。未入諫垣。亦在在批鱗殿陛。負氣敢言。乃褒鐵面。聞風彈事。亦重豸冠。能面折而廷諍。重有造於我國家也。如模稜而阿附。豈所望於爾文武哉。直言上聞。毋負朕意。欽此。

一時言路大開。臺諫諸臣。爭相上疏論事。一一優詔答之。右相司馬肅諫曰。爲人君者。能言不如能行。臣竊見台諫諸臣所奏。皆切中時弊。陛下若不見之施行。徒加勅獎譽。是陛下有納諫之名。無納諫之實。乃好名之心盛也。爲人君者。而徒好虛名。則粉飾太平。將何以傳後世。臣恐阿諛取容者。不旋踵而至矣。帝聞言恍然大悟曰。朕不吝改過。立見施行。即將諸臣所上。如開經筵。厚風俗。培

國脈。興學校。隆教化。敦農桑。慎銓選。別去取。各款發。至政府。一一頒行。冬十一月。祀昊天上帝於南郊。有星孛於東井。又孛於南方。時帝建慈寧宮未就。禮部尙書葛天民上疏進諫。其略曰。

臣聞采椽卑宮。唐虞大禹之所以重皇風也。瑤臺瓊室。夏癸商辛之所以犯昊天也。今宮室崇侈。民力凋敝。天示恆象。妖彗炳灼。斯乃慈父懇切之訓。當崇孝子祇肅之禮。不宜有忽。以滋天怒。

帝覽疏殊不懌。太保范國昌賀曰。臣聞君明則臣直。有陛下納諫之君。始有天民敢諫之臣。臣等殊不及天民也。帝意乃釋。時汀州府太守辛次公上疏。請旌孝子賴祿孫一摺。按至元初。漳州陳機察作亂。擾至汀州。祿孫負其母。并挈妻子。入山避寇。寇至。人皆散走。祿孫獨守其母不去。寇出利刃。將殺其母。祿孫以身蔽母。泣曰。

寧殺我。毋傷吾母。母衰矣。乞憐之。時母病渴甚。山中覓水不得。祿孫乃含唾啣之。寇皆驚駭。莫不歎服。勅衆不得妄殺孝子。反取水與之。又祿孫妻有殊色。寇中有欲掠其妻去者。衆寇責之曰。奈何辱孝子婦。誓將殺汝。挾其人去。送其婦歸之。亂離中逃竄。能敦至性。孝行可嘉。有關風化。不可不以上聞。帝甚悅。詔下禮部特賜旌表。

第八十六回 吳草廬不序藏經

元武宗卽位。以母弟愛育黎拔力八達。爲皇太子。哈刺哈孫仍爲右丞相。答刺海爲左丞相。因承成宗遺詔。凡嗣位者。俱宜崇祀孔子。武宗卽於是年七月。加封孔子爲大成至聖文宣王。命翰林承旨闕復草詔曰。

蓋聞先孔子而聖者。非孔子無以明。後孔子而聖者。非孔子無

以法。所謂祖述堯舜。憲章文武。儀範百王。師表萬世者也。朕纂承丕緒。敬仰休風。循治古之良規。舉追封之盛典。加封大成至聖文宣王。遣使闕里。祀以太牢。於戲。父子之親。君臣之義。永惟聖教之尊。天地之大。日月之明。奚罄名言之妙。尙資聖化。祚我皇元。

時有太子右諭德蕭料等。皆竊歎曰。大元尊崇聖教。朝野可望治矣。至大元年。又下詔。禁白蓮社。毀其祠宇。以其人隸民籍。帝復優禮大臣。敦崇儒生。席富有之業。慨然有勵精圖治之意。究之烝亂諸母。仍然冒頓遺風。官制雖汰。多循達魯之名。章服雖頒。雜用鬪韋之飾。宦者李邦寧。乃用爲江浙平章。西僧教瓦斑。用爲翰林學士。承旨顛倒錯亂。莫此爲甚。在位五年而殂。皇太子愛育黎拔力八達卽位。是爲仁宗。乃定大成至聖文宣王春秋二丁。釋奠俱用。

太牢。復科舉。策進士於廷。及第出身有差。從翰林李孟之奏也。李邦寧至是。寵遇日隆。帝竟遣邦寧行釋奠於孔子。邦寧受命。方入廟中。行禮就位。忽大風起殿上。兩廡燭盡滅。燭臺底鐵蹲入地尺許。邦寧悚息伏地。不敢仰視。諸執事伏地良久。不能成禮而退。邦寧惱悔累日。帝亦悔之。卽下詔制。自今宦者勿得授文階。改皇慶爲延祐。及延祐三年。復加宦者續元暉爲昭文館大學士。帝蓋中心無主。每相矛盾。然聰明恭儉。通達儒術。可爲元守文之主。在位十年而殂。太子碩德八剌卽位。是爲英宗。以至治元年。元夕張燈。極其華美。帝御樓門而觀。民皆爭呼萬歲。帝又酷信浮屠。崇奉西僧。勅建西山佛寺甚亟。又下詔於各郡寺觀。宏開道場。廣建法會。作功德以資冥福。輿薦拔以賑先靈。諷經禮懺。宣科演教。州郡靡不翕然從風。帝遂勅寫金字藏經。詔翰林直學士吳澄爲序。吳澄

抗表奏曰。

陛下勅寫金字藏經。爲生民祈福。此堯舜禹湯爲心。誠盛舉也。若用以追薦。則臣所未諭。蓋福田利益。雖人所樂聞。而輪迴之說。不過謂爲善者死。則上通高明。其極品與日月齊光。爲惡者死。則下淪污穢。其極卑與沙蟲同類。浮屠子遂創爲薦拔之說。以惑世人。今列聖之神。上同日月。何庸薦拔。且自國初以來。凡寫經追薦。不知凡幾。若未效。是無佛法矣。若已效。是誣其祖也。撰爲文辭。萬不可以示後世。臣無任懇切之至。

帝再三勅之。吳澄堅不奉詔。卽日移病而歸。至文宗至順二年卒。澄字幼清。號草廬先生。臨川人也。潛心好學。篤志力行。著書立言。翊翼聖教。謝疾歸時。從學者數百人。所著有易春秋禮記纂言。及校定皇極經世書。大戴禮等書。卒贈臨川郡公。諡文正。

元史演義卷十二

第八十七回 三清樓公孫醉酒

寧都有金翁者。甚貧。臂曲如弓。本名金駝子。好事者偏飾以美名。曰金錠子。遠近有慶賀事。必邀至家。以爲佳兆。金翁之名大譟。每遇吉日。爭相致之。以得者爲幸。翁一一造之。莫不奉金錢饋酒。食醉飽盈袖而歸。久而積累。遂置田二十畝。其田故膏腴壤也。里中有呂富翁者。久欲此田未果。一旦爲金翁所得。心銜之。陰以里役構訟。傾其家。其田遂歸於呂。而金翁以貧。昔年爭欲致爲佳讖者。至此無人叩門矣。金翁乃偃僂田畔。瞻望飲泣。里中人有以構陷始末。皆出呂翁告之者。金翁甚恚。自念無可報復。惟伺便或遇呂翁。以利刃刺之。一日聞呂翁飲於姻家。夜深始歸。金翁卽挾刃至中道伺之。捱至更餘未至。曠野蕭條。松風刺骨。金翁忽轉念曰。呂

翁不仁。渠自昧心而貧。乃我命。貧而且病。何必更作孽乎哉。卽擲刀於河。抽身反走。忽失足一顛。跌踏於地。良久始起。徐捫腰背。皆有異。至家叩門。其妻一見。驚而訝之。曰。爾胡爲頽然而亭亭也。金翁自顧。亦錯愕。不知所出。調笑之聲。喧聞比鄰。共走入視之。無前此拳跼故態矣。遠近皆以爲異。金翁深祕其挾刃事。惟言得奇方所愈。而竟無人知之者。至是亦稍有周恤。免於饑寒。數月後。呂翁亦遣人厚加餽遺。并請臨其家。金翁峻拒之。呂翁親自造門。邀請甚恭。金翁不得已。造其家。則陳設豐隆。酒殽交錯。備極款洽。告辭輒不許。又延至內室。促膝談心。意甚親密。金翁甚疑之。入夜已深。金翁欲歸。呂翁始告曰。聞翁痼疾頓愈。甚慰鄙懷。但不佞有所求於君可乎。金翁問故。呂翁長跪而請曰。愚夫婦年逾半百。僅一七齡之子。生而韶秀。亦甚聰慧。乃於前月某夕。偶步堦前。踰門限。而

忽顛仆。竟同翁之痼疾。百藥罔效。因思欲愈此疾者。非翁之奇方。萬難爲力也。翁如不吝。請奉百金爲壽。金翁聞之。瞠目直視。不語者久之。呂翁笑曰。翁以百金爲不足耶。金翁不覺長歎數聲。欲言仍止。呂翁怪而問之。金翁乃移座近前。盡吐其實。兩處約計。擲刀與其子得疾之夜。時刻分毫不爽。呂翁聞之。毛髮悚然。深自惱恨。盡反其田。卽於是夜載金翁之妻至。夫婦皆養於其家。越明年。呂翁復舉一子。而七齡者竟死。金翁夫婦無子。皆厚葬之。卽以其田爲祭田。呂翁子命名爲呂金生。以示不忘金翁也。金生美姿容。性聰敏。成人後。博學能文。時呂翁夫婦已卒。金生屢試不售。淡於進取。挾貲遊覽。放浪江湖。縱酒嗜博。無所不至。客廣陵。戀一妓燕孃。有終身之約。久而逋歎愈深。猶日與惡少縱博。不下數百金。燕孃代爲籌算。雖傾囊不足償也。燕娘一日。乃大張宴飲。邀集豪貴十

餘人決賭。金生連擲皆北。燕孃在旁審視良久。乃盡出簪珥釵釧。珠璣燦然。請以五十金爲注。時同博者各攜數百金。皆相視而笑。許之。點籌既定。梟雉互陳。次至燕孃。乃揚袖大呼。一擲六緋。衆客皆愕。燕孃斂骰在燈。拂袖稱異數。不敢有後冀。計其獲已三千餘緡。盡徵而歸之金生。罷酒後。燕孃復約諸豪貴。明日幸相過從。妾有所請。翌日乃蚤起治酒。諸客一一皆至。燕孃乃豔妝而出。手挽金生。對天釀酒再拜曰。今日爲郎戒賭。次浮巨白。上其假母。亦再拜。捧出匣中五百金。爲贖身。以次遍酌諸客。亦再拜曰。自今日以往。將爲呂家婦。不復見矣。遂入。舉座感歎。有泣下者。其假母持金。嗚咽不能成聲。旣而酒闌。燕孃椎髻短袷。車騎已在門外矣。卽日南還。道經新城。東至三清樓下。金生欲登樓少憩。且翫江景。燕孃問曰。何謂三清樓。金生曰。新城舊有何淵。何潛。何濱。弟兄同登慶

歷三年進士。後淵謚清節。潛謚清敏。濱謚清忠。至今臨江起三清樓以紀其勝。燕孃曰：此乃名勝所在。妾與郎君不可不登樓留題。以遣逸興。金生大喜。甫登樓。卽遇有惡少年十數人。行歌而前。聯袂喧笑。燕孃貌美且都。光豔照人。將遮侮之。金生自度力不能支。窘甚。忽樓上一道者。角巾素服。鬚髮蒼然。當牕責衆曰：若輩獨無宅眷耶。焉得無禮。衆怒曰：我輩作戲。何預爾野道事。羣起攻之。燕孃始得間而逸。金生欲留謝之。道者揮之速去。金生始望空而走。衆惡少齊攘臂樓前。叱曰：何來潑道。胡爲者。因手挈樓前巨石。可重百斤。擲地入土者三四寸。以示脅力。復相與戲博。無不矯捷輕悍。視老道士直豎子耳。道者徐步下樓。笑曰：貧道少年粗習此伎。可與若輩共試否。衆惡少恃衆且勇。爭赴曰：來。來。話未已。道者忽起。騰躍而上者。丈許。踢其一人。自額至胸。及於腹。其人仰仆。不能

少動。卽挈石擲地人也。又一人奮袂而進。復飽老拳。亦臥而嘔血。兩人皆巨魁。旣負。餘皆慙伏不敢動。老道士兩手提巨石。擬碎兩人首。於是諸惡少號泣請命。道者正欲釋放。忽鳴鑼一聲。見旌旗對對。戈戟森森。報節度使至矣。諸惡少急扶掖二人。踰跟遁去。老道士卽欲避匿。韓節度搏虎在馬上。早已望見。以鞭梢指曰。此湘陰道士也。急下馬上樓坐定。令人邀道者至。道者一見便識。卽呼曰。韓大人別來無恙耶。叩見畢。韓節度以賓禮待之。諸將校皆侍立於側。韓節度與道者相別幾二十年。故舊相逢。喜不自勝。卽命置酒樓上。翫景談心。飲輿方酣。韓節度遂言別後入宋。如何征討。如何興復。如何建都立帝。每言至忻動處。道者擊節稱善。輒浮一巨白。言未及半。而老道士已酩酊大醉。入黑甜鄉去矣。韓節度猶刺刺不休。說戰功。說制度。口談指授。語漸含糊。不一會睡去。諸將

校無不竊笑。忙扶節度與老道士下樓。至新城驛中安宿。衆惡少此時。方知老道士與節度有舊。無不吐舌。猶慮節度得知。爭先逃去。受傷二人。一暈體青紫。呻吟半年始愈。一竟成痼疾。呂金生家中。望之歸者三年。驟相見甚喜。詢得其狀。舉家深佩燕孃之德。而金生與燕孃。情好甚篤。自是亦不復作浪子遊矣。後聞此道者。乃韓節度故交。遂至建昌謝之。時湘陰道士。已客節度署中。金生入建昌。半月不獲得見。一日有幕府錄事張亶。偶出一見金生。問之。張錄事蓋金生姻戚也。金生遂言其故。張錄事曰。子欲見公孫先生耶。金生不知。張錄事曰。湘陰道士姓公孫。名鴻。節度在漢陽相會時。尙隱姓名。至今聞大宋建國已固。方始說出。此乃節度之上客也。幸子早至。若更遲三日。將赴岳州。扈節度處去矣。引之入見。老道士笑曰。貧道偶見不平。少加聲色。何足言謝。呂金生再拜稱。

謝而退。并謝張錄事。始歸寧都。後金生以賞謁選。得龍門縣尉。燕孃隨赴任所。金生居官頗清慎。不數年。仕至柳州刺史。解組日。燕孃始出囊中骰子六枚。面面皆緋。卽當年一擲三千者也。噫。詭不害智。燕孃其女中傑出者哉。

第八十八回 劉蕡墓軒轅還金

宋昭宗隆熙七年。夏四月。少保左丞相范國昌。樞密使保昌公狄定國。相繼卒。乃以關普靈爲樞密正使。岳鎮爲樞密副使。九月。廣右節度使大將軍高耀卿入朝。奏元主南坡有變。當乘其亂。攻取京西諸郡。元人必不暇顧。機會不可失也。帝恐礙於和議。耀卿奏曰。宋與元和者。乃先帝一時休兵養民。權宜之計。當此士馬精壯。陛下正宜發憤有爲。以繼先帝恢復之志。右相司馬肅奏曰。乘人之喪。而伐人之國。仁者不爲也。陛下此時。未可妄動。待來年詔集

各鎮會議。方可興師。高耀卿曰。宋與元仇敵也。先帝日日臥薪嘗膽。恨不掃平燕雲。肅清海內。仍爲大宋一統。今既有機會。寧可因有喪而中止乎。帝從之。猶未下詔。忽報岳州節度使新寧侯扈德威卒。帝悲悼數日。伐元之詔遂寢。以种世虎兼開府儀同三司。爲岳州節度使。卽日赴鎮。高耀卿歎曰。天不欲宋復興大業矣。辭帝仍鎮廣右而去。高節度一日巡至柳州。見城垣崩圯過半。責太守立卽修理。時柳州守戚臣任法嚴峻。飭所屬州縣派撥民夫。委官督工。日夜修理。官吏承上意旨。催工旣迫。催科尤急。以鞭箠從事。而法愈嚴者。弊愈滋。凡司會計。筭錢穀。總出入者。無不枉法索賄。民甚苦之。係累於縲紲之中。而仍負擔土木之責。甚有賣妻鬻子。破產傾家。而以償官緡者。融縣西羅村。有一李拒。產本中人。素性長厚。一子尙乳。一女名翠雲。同里中有汪生六一者。家甚富。一日

窺見翠雲。妝束雖甚樸素。而一種嫵娜之態。流光顧影。自足動人。汪六一久思染指。無隙可入。正值郡守行扎修城。撥派民夫。以家業饒裕者。爲城工局首。經紀銀錢。按此局首。若黠者充當。便肥私囊。樸者承任。罔不蕩其家資。汪六一聞之。卽令人將李拒之名。舉報縣中。可當局首。李拒聞之大驚。急至縣中申辨。縣令不允。責曰。業經舉報。卽日申祥。豈容推諉。若人人皆免此任。公事誰爲經理。竟申入郡中去。李拒無可如何。隨衆局首。齊赴柳州。汪六一遂日夜設計。欲騙翠雲入手。李拒妻崔氏。捩擋家政。井井有法。三姑六婆。概不入戶。燒香賽會。未嘗離門。汪六一無法可施。而李拒在柳州。經管數月。支給不敷。虧折無數。日積月累。逋歎益深。官吏索賄。李拒又不善應付。未幾遂身陷囹圄。崔氏聞之。無計可爲。惟有變房屋。市田產。計圖贖出囹圄。誰知數仍不足。李拒在獄中。寄信崔

氏。若更得五十金。則禍可免。崔氏得書泣曰。家業典賣盡矣。此金從何而出。其女翠雲亦泣不可止。乃謂母曰。聞古有緹縈上書。願入宮爲婢以贖父者。兒亦願賣身得金以贖父。崔氏聞言大慟。然至此已無可如何。遂從其策。汪六一聞之。大喜。卽令人與崔氏說。知願以五十金買去作妾。崔氏欲不允。翠雲泣曰。但得贖父出獄。兒雖作妾亦所甘心。崔氏勉強許諾。汪六一以金付之。娶翠雲而去。母女分手。淒絕自不待言。而崔氏急於贖夫。旣得銀在手。卽負幼子。自往郡中。愈行愈遠。益想益悲。又慮此銀一入。若更不能贖出。則夫妻惟一死而已。行至馬平縣。經劉蕢墓前。疲勞已甚。遂將幼子放下。置囊於地。哭訴於劉蕢大夫之墓。嗚咽之聲。字字酸楚。聞者無不下淚。崔氏悲悼。一會見黑雲四起。知陰雨將至。遂起身。倉皇負子而去。至郡中。則城工業已告竣。而李栢在獄中已年餘。

矣。崔氏至獄視之。李拒悲喜交集。急命取銀付吏。而崔氏一聞此言。如震驚霹靂。魂魄俱喪。不知此銀失落何地。李拒亦嗒然若喪。又聞乃係賣女之銀。惟呼天而泣。崔氏此時。欲出城覓之。則已日暮閉城。不得已。至邸中寄宿。是夜雙睫淚盈。直盼天曉。鷄鳴。卽披衣起。出城沿途物色。俱不見。暗思必失於劉蕢墓前。仍至故處。亦毫無形影。尋思無計。不覺捶胸大慟。坐於墓下。聲聲直喚。參軍。乃唐室直臣。寧長臥地下。死而無知耶。一面哭。一面訴。淚如湧泉。淚盡繼之以血。四顧無人。覺宿鳥爲之悲鳴。林木爲之悽惻。哭訴一會。正欲就墓前觸石而死。忽來一書生。問曰。娘子毋乃失金者乎。崔氏急應之曰。然。書生曰。汝金爲我拾得。可隨我入城。行當還女。崔氏聞言。如身至鬼門。死去復甦。叩頭不已。書生止之。徐步而去。崔氏倉卒間。亦未叩其姓氏。此人乃東蘭州軒轅生。名固。同一友。

華生名國選者。應舉將入武都。偶過劉蕢墓前。拾得一囊。啓之內有五十金。華生喜出望外。謂軒轅生曰。吾二人僕馬之費。儘有贏餘。軒轅生曰。不可。此金安知爲富貴人所失乎。爲被難人所失乎。若富貴人所失。用之固爲不義。若爲被難人所失。則性命死生。皆係之矣。華生大笑曰。兄何其迂。非盜非奪。自我拾之。自我用之。亦復何尤。軒轅生不以爲然。回至寓所。置金囊於枕畔。終夜不寐。暗思明日。必訪其人還之。黎明卽起。仍至劉蕢墓前候之。恰遇崔氏尋死。問明金數皆符。引至邸中還之。誰知華生見軒轅生有還金之意。卽移寓他所。不與共事。將金囊攜去。軒轅生大驚。急至華生寓所。則金已耗去過半。正色責之。乃持歸邸中。而崔氏已望眼將穿。一見軒轅生。喜不自勝。正欲稱謝。只見軒轅生愀然曰。爾金已被吾友耗去過半。奈何。崔氏聞言。重復嗚咽而泣曰。良人身陷。

囹圄。前此易業取贖。因不足數。又陷月餘。始賣女得金五十。若仍不足數。則良人終無出獄之期。言畢。泣下如雨。軒轅生惻然久之。旣而曰。吾橐中尙有十五金。并以贈女。合計尙少數金。軒轅生又至城中。問各處可有東蘭州朋友。一一訪之。代爲挪移。三日後。始全數與之。崔氏千恩萬謝而去。軒轅生以試期尙早。與逆旅主人略貸資斧。仍回慶遠東蘭州。更備僕馬之費。始赴武都。而李柜闕坐獄中。以爲此金已失。忽見崔氏持金而至。一一說知。感泣不已。急以金付吏。越日釋放。夫婦攜幼子。同出柳州。口中時時感歎軒轅生。謂異日當啣給圖報。一心望歸融縣。至女家視之。誰知翠雲之事。更有不測。汪六一旣得翠雲。大暢心懷。詎料其妻陰氏。悍而且醋。以六一娶妾。卽本村李柜之女。又聞其美。大怒。俟翠雲入門。引至內房鎖之。不通半線。汪六一饒口流涎。無可如何。漁人與陰

氏哀懇。陰氏益大起風波。一罵三朝。一詈四夜。汪六一懼。伏不敢動。彈陰氏亦並不少假辭色。汪六一飲恨而已。一日偶至內房門隙。私窺翠雲。忽陰氏至前。汪六一見而反走。陰氏操杖逐之。六一不提防。足挂屏風。一交仆地。陰氏近前。以杖搥無算。家人僕婦等將陰氏勸解入內。汪六一狼狽始起。恚甚。大言曰。吾何以生爲。語畢大慙。時邑中有臧生者。作懼內供狀。嘲之。其狀云。

伏維陰盛陽衰。巾幗之雄可畏。女強男弱。鬚眉之婦堪憐。稟坤而乃以乘乾。夫綱已墮。治內更兼夫正外。妻道何隆。風斯下矣。豈世間多燕趙佳人。教且同焉。實宇內少昂藏男子。慨往古而已然。嘆近今之更甚。某本儒生。家傳閥閱。自信美如城北。豈期配在河東。號閭內之大將軍。自他有耀。怕老婆之都元帥。舍我其誰。非關南國人柔。倍見北方風勁。鳩盤茶踞白蓮臺上。臙脂

虎臥紅錦叢中。一言觸惱。分明太歲當頭。片語加嗔。儼似小魍
破膽。抱衾裯。猶存穀觶。侍飲食時。切悚惶。奉命承教。早等綸音
諭旨之嚴。言聽計從。恪遵婦倡夫隨之訓。被罵總莫妙粧呆。動
怒又何妨陪笑。出必告似哀猿。候月反必面如餓馬奔槽。可駭
者。平時聲若洪鐘。到妻前而不聞其響。可憐者。縱爾勃然盛怒。
入房中而忽改其容。誠何心哉。良有以也。兼之娘子每抱采薪
之憂。卑人獨盡割股之孝。茶湯自進。不同保母之頻呼。藥石親
調。無此梅香之偷懶。體心着意。痛癢相關。敲背搖肩。殷勤曲盡。
宜乎恩威並用。賞罰皆施。奈何慈悲心不捨半毫。冰霜面居然
終日。縱使盈盈秋水。但常見金剛弩目之時。如何淡淡春山。不
曾有菩薩低眉之日。燈影下誰教你屈體蛇行。所可道也。言之
醜也。人面前可畏他大聲獅吼。庶幾改之。予日望之。更可憚者。

立法尤嚴。設刑備至。大門門。使丈夫之驚魂墮地。小棒椎。乃娘子之扑作教刑。馬桶蓋制就圓枷。儼似中軍之帽。裹脚布權爲長練。竟同綿殮之尸。繡房中一箇罪囚。卽夏禹泣之而奚益。黑夜中渾身疼痛。縱文王視之而徒傷。欲討饒。旣慮鑽隙相窺。將高喊。又恐隔牆有耳。無奈啞氣吞聲。學吞炭之豫讓。攢眉咬齒。等刺股之蘇秦。古公何罪。竟罹无妄之災。陽貨激恩。常感不孥之德。瓠犀牙如此鋒銛。長頸邊時隱着一顆紫印。麻姑爪這般利害。瘦臉上早現出幾縷紅斑。以云困頓。不亦甚乎。若謂風流未之有也。將登山臨水。總是驚心弔魄之場。卽宴客娛賓。尤多寃後跋前之恐。九子魔時時作伴。羅刹女刻刻相依。旣難爲孟嘗君之秦地私逃。亦徒爲齊景公之牛山隕涕。頗情願削髮而念阿彌。或告之吁。無所禱也。恨不能腐刑而爲闍寺。彼將曰噫。

於汝安乎。是以生死均難。進退維谷。從未得吐氣揚眉之日。恆抱此囚首蹙額之容。此懼內之稟性良然。真怨慕之苦衷莫解。不得已而傳之管城子。猶未盡我形容。無可奈而寄諸楮先生。庶得知予苦楚。聊以藏拙。不敢書名。人各有妻。觀之莫笑。供狀是實。

汪六一久而不堪其苦。挾賞遊京湖而去。陰氏竟將翠雲出賣。有邵陵老商人在融縣聞之買去。商人行至新田縣。疾卒。翠雲遂淪落營陽。李拒夫婦回融縣西羅村時。則已賣去月餘矣。李拒夫婦自然不勝淒楚。幸得一姻家顧氏。時周郵之。僦居敗屋。稍延殘喘。時當宋隆熙之十三年也。正月。福寧侯開府儀同三司种世龍。武寧侯龍武大將軍關普靈。俱薨。是年禮部知貢舉者。乃集賢大學士。工部左侍郎。歐陽懋德。六鎮士子。俱雲集於武都。歐陽侍郎肩

門後得一佳卷。擬作首選。耳邊似有人語云。此人不可入選。歐陽侍郎隨問之曰。爾爲誰。其人答云。吾卽唐元和中下第之劉蕢也。侍郎聞言。遽棄之。隨取一卷。填爲首選。放榜後。則巍然高列第一者。卽東蘭州之軒轅固也。一榜九十餘人。及第出身有差。軒轅生以首選。卽銓道州刺史。謁見時。侍郎問曰。東蘭州有華生名國選者。賢契亦知之否。軒轅生曰。此門生契友也。侍郎曰。華生之卷業已取列第一。若有人呼余。不可入選。因而擯之。究竟其人何如。軒轅生對以甚佳。侍郎再三問之。軒轅生始將拾金一事。始末告知。侍郎瞿然曰。無惑乎呼余者。自稱劉蕢。職此故耳。諸生以一第爲兒戲耶。一念之差。遂落孫山之外。以五十金。而棄一進士。至此悔無及矣。子勉之。前程未可量。當不負吾拔擢也。軒轅生再拜受命而退。赴任道州。令人至東蘭州。接其母至。其妻亦同至任所。時軒

轅生無子。其妻勸置側室。以延宗祀。軒轅刺史應允。因公至郡中。偶見一女子。在破屋中。爲人縫紉。刺史悅之。遂納爲妾。叩其里居。姓氏。蓋卽融縣西羅村賣身贖父之李翠雲也。翠雲問明。亦知刺史爲還金贖父恩人。兩情不勝驚訝。以事非偶然。軒轅刺史轉私歎曰。惜乎此女賣身數次。不然。卽充次房可也。攜回署中。母與妻皆喜。爲另置鸞鳳巢。誰知翠雲。仍然處子。刺史大喜。更令人至融縣訪李拒夫婦。至卽立爲次妻。李拒夫婦。再拜謝曰。再造之恩。無可答報。願充媵妾。以酬高厚。刺史不許。年餘。舉一子。其妻愛若己出。爭撫養之。未幾。連生二子。後刺史仕至贊善大夫。翠雲獲誥命焉。而謀陷李拒。計圖翠雲之汪六一者。竟以狎遊妓館。病死於外。不獲歸。妒婦陰氏絕嗣。家貲亦蕩然無存矣。

宋右贊善張純粹。外任爲武陵太守。廉幹有聲。於城內建雙忠廟。四賢祠。雙忠廟者。祀唐張巡許遠也。四賢祠者。祀楚屈原。漢馬援。宋唐介。岳飛也。蒞任數載。生民安居樂業。一日有一老僧擔經執杖。詣郡自陳爲烏蒙僧。由南海歸來。入浙過寧波。曉起山行。經鎮海縣千丈巖。拾得一襍囊。內貯三百金。復有小冊。記其銀封甲乙。及商人姓名。俱甚分明。僧坐巖前。欲俟其人至還之。半晌迄無人影。欲自詣官。又恐見疑。反遭不測。乃沿途遍問廉吏。無出上國武陵張太守者。願以銀貯庫。乞太守出榜揭示通衢。召商人至。符其記數。則還之。太守大喜。延老僧於郡齋。爲設供養。欲留爲郡中四賢等祠。作常住僧。僧辭曰。老衲大事有託。此願畢矣。孤雲野鶴。何天不可高飛。而堪匏繫也耶。食後。卽飄然辭去。太守器重之。每宴寮友賓客。卽舉以作快論。常曰。元人奉西僧。而西僧一出。輒斂金。

錢。官吏人民莫不苦之。以視此僧。判若天淵。聞者皆嘖嘖稱羨。數月後。果有商人至。自言秦中人。販貨入浙。日暮行急。墮裝馬下。近聞爲老阿師。慈悲所拾。貯於貴庫。詣府自領。太守令驗之。無分毫異。乃原璧歸趙。商人口頌心銘。感老僧之德。更無已時。傳播一郡。人人無不知有義僧者。欲見其人。不可得也。年餘。太守以事偶過岳州。商人迎拜馬首。自言僑居巴陵。望見前日老僧。持鉢乞食於路。僧一見太守。急避匿人叢中。太守遣人邀至。甚懼。遍語搢紳。稱讚不已。商人聞之。請見。則匍匐捧足。頂禮而謝曰。肉眼不識聖僧。非神使君在此。幾於覲面失之。一時義僧之名。復播於岳州。居無何。洞庭湖內君山黃陵廟及軒轅臺。年久傾圮。欲重新改建。議募賞而難其人。士民皆曰。此非義僧不可。交口推之。老僧遂慷慨任事。卽首赴武陵。請張太守題募序。張太守欣然命筆。倡首捐百金。

郡民樂施者。頃刻千金。復回岳州。及潭澧諸郡。以修復名勝。與義僧倡首。莫不聞風響應。數至鉅萬。商人亦捐三百金爲依助。且曰。此三百者。聖僧所惠也。募貲旣足。士民等議將入蜀中購木。又請於僧。老僧辭曰。貧衲蕭然一身之外。更無長物。乃挈重裝以行千里。無乃爲盜齎乎。衆皆曰。阿師義不容辭。廟成。則阿師功德。與平等閣相頡頏。老僧不得已。曰。必欲貧衲肩此重任。須官給郵符。多備從人。并秦商與俱。秦商嘗言欲以報我。必願往也。衆稱善。岳州士民。於是爲之卜日戒行。男女執香擎幢。導鼓樂以送者。幾於填巷塞途。觀者蜂屯蟻聚。祖餞於岳州城中。商人亦貯數十篋於肆內。令一老僕。一蒼頭守之。臨行。又殷勤治酒。邀鄰里囑代爲看守。老僧與商同行。凡二十餘人。皆張弓挾矢。挂劍揚帆而去。行至荊州石首縣。正值重陽日。僧與商人上岸。市酒穀。以啖從人。竟日之

內僧但食酸盞而已。衆皆酩酊大醉。一睡直至天曉。呼僧與商俱不見而囊橐如故。試一舉手。輕如無物。啓之則蕩然無存。惟一利刃在其中。衆人急歸岳州。鳴之官。官發商人肆中所藏數十篋視之。內皆瓦石。其老僕蒼頭。皆岳州人。半年前所傭也。捕緝累年。竟無形影。武陵太守聞之。爲之於邑者累日。後張太守有猶子名崧者。以省親關中。道經華嶽間。策蹇日暮。偶遇大雪。暫至路旁空室中少憩。忽見有紫髯狐裘。騎駿馬。隨兩奚奴。軒然而來者。見崧熟視之。頃曰。足下非張公子耶。崧曰然。紫髯卽下馬。問何以至此。崧以省親對。紫髯遂笑曰。還識我否。崧茫然未對。紫髯握手曰。蝸居不遠。家有濁酒。可以談心。幸相過從。免今夕邸中冷寂。相與上馬。聯騎而行。不數里。卽有莊院。門徑幽邃。屋宇華麗。登其堂。陳設甚備。咄嗟治具。物物精腆。席間金玉杯碗。不下數十事。紫髯浮白大

嚼。時時向崧大笑。崧心疑之。託醉就寢。終夜反側。未嘗合目。次日雪霽。更治酌。而復厚贈之。復問曰。竟識我否。崧終不省。分袂時。乃曰。爲我謝尊叔賢太守。我卽向日烏蒙僧也。大笑而去。崧歸至武陵。以白太守。太守悵然若失。曰。如此騙局。眞如鬼如蜮。令人不可測度矣。十分懊惱。已而大笑。

第九十回 許廉訪請頒葬制

元英宗酷信佛法。每言佛門可治天下。故崇奉西僧。十分隆重。右丞相拜住奏曰。清靜寂滅。自治可也。非可以治天下。帝不以爲然。聞宋昭帝下詔求諫。又謂拜住曰。我朝亦有如唐魏徵之敢諫者乎。拜住對曰。槃圓則水圓。孟方則水方。有太宗納諫之君。卽有魏徵敢諫之臣。帝稱善久之。時翰林承旨西僧教瓦斑。仕至太子少師。帝尊寵之。一日奉元行宮正殿災。帝語羣臣曰。世皇昔建此宮。

至朕躬而燬。實朕不能奉釋之故。遂又拜西僧蓋真吃刺思爲尙書。乃下詔出獵。駕至柳林。忽太風雨雹。拔柳林行宮內外大木。三千餘株。帝驚。猶以爲西山佛寺。功久不就。下詔極力催督。甚急。監察御史觀音保。上疏力諫。以歲飢。且東作方興。請停其功。帝大怒。立命斬之。有道士劉志先。僧圓明等。俱以妖術作亂。命大元帥完顏等討平之。帝遂果於誅戮。朝臣人人自危。巡上都還。駐蹕南坡。有宣徽使鎖南。御史大夫鐵失。二臣俱領衛兵。夜半後。擁兵攻入行幄。先殺丞相拜住。莫宗遂爲鐵失等所殺。乃迎皇叔嗣晉王也。孫鐵木兒。以支庶入繼大統。遂爲泰定皇帝。帝旣立。乃族誅鐵失等。於燕都。籍其家。有樞密副使兼中書平章張珪。乃張宏範次子。張景略之弟。以武階調文職。自上都至。上疏以逆黨未討。姦惡未除。政令不行。賞罰不公。賦役不均。財用不節。等事。請裁擇之。帝不

報。是時人心浮薄。民間醜信陰陽相地之說。青烏家專一談論風水。煽惑人心。一爲所迷。有停棺至數年不葬者。有旣葬而遷而又遷者。有葬後以元武藏頭。蒼龍無足。而滅宗嗣。傷骸骨。窮通得喪。彼此搆訟不休者。則有曹州定陶縣邊留翁一事。邊留翁者。居定陶戚姬村。夫婦以捕魚爲業。僅一女無子。薄有餘積。乃於范蠡湖側。搆一園林。買山爲終老之計。其地左泉右石。後枕阜陵。前俯清溪。邊留翁甚合心意。無事卽就湖濱捕魚。優游山水。西山有一薛翁。家貲巨富。酷信風水。適聘一地師至。名曰高談生。遍爲薛老物色龍穴。俱無佳者。至城南一見邊留翁地。乃大驚曰。此瓜地安魂。湖燈妥骨之吉壤也。薛老愀然曰。此非吾產也。雖佳何益。高談生遂爲畫策。以薛老一子。與邊留翁之女聯姻。不欲厚奩。但得園中幅地。爲薛老作佳城。邊留翁有何見識。私幸聯姻富戶。無不允從。

不日成婚。乃迎邊留翁夫婦於家。飲食俱極豐腴。禮貌尤恭。邊留翁卽贈以地。薛老大喜。遂請高談生相地按穴。如法築墳。自後對於邊翁夫婦禮貌寢衰。又久而竟逐之。邊留翁夫婦無奈。仍刺船至江邊。捕魚爲生。薛老夫婦。至是且將其媳日加箠楚。不與飲食。其子亦攢斥之。不以爲妻。釵釧服飾等類。盡行剔去。謂漁家女。惡得服我家物。媳竟磨滅而死。草草葬畢。邊留翁夫婦但悲泣而已。一日捕魚至范蠡湖邊。望見泉石依然。林巒如故。而巍然高阜者。乃薛氏之生墳也。歎歎久之。忽見一人田中耘草。乃故莊客也。向之嗚咽。不能成聲。莊客曰。薛老以巨富而與翁聯姻者。特爲此地耳。邊留翁始知其詳。欲控薛老。而苦無錢。欲刺地師。而苦無刃。乃伺縣令出衙時。攔輿訴之。縣令集訊。而邊留翁絕無執據。反被斥逐。冤填胸臆。鬱鬱而死。其妻亦呼天號泣。自沉於江。高談生遂往

賀薛老曰。佳城自此定矣。薛老謝之百金。未幾而薛老家三被回祿。皆見邊留翁父女三人因風縱火。而薛老之子。與一富室冉姓者聯姻。冉故縣中惡胥。虎而翼者也。薛子偶斥其妻。其妻恚甚。投繯而死。冉至。將薛老夫婦并其子縛而捶之。窘辱萬狀。始捨其子去。鳴於官。陷於獄中。薛老上下行賄。直破千餘金。始得其子出獄。薛老一日。偶見邊留翁夫婦。偕數人持黑索者至。薛老不覺失驚。謂其婦曰。邊親家來矣。其婦應之。登時夫婦俱死。薛子卽請高談生葬於穴內。又重謝以百金。不數月。雷轟其塚。陷入地者丈餘。竟成深潭。而冉富室仍不忘舊仇。以登州府刼餉一盜。扳薛子入案。竟坐大辟。其女之憤始洩。而高談生仍徇佯事外。東處覓龍。西家尋穴。其設局誦人金錢。猶其小焉者也。又傳其徒數十人。一味走富室。誑愚民。串地棍。買絕地。各處皆翕然從風。爭相致之。竟有推

高談生以地行仙者。後爲仇家所殺。支解之而去。山東廉訪使許思敬聞之大怒。立飭郡縣嚴究青烏之黨。以泰定二年正月入覲。請將族葬之制。頒行天下。禁止陰陽家相地邪語。上疏奏曰。

臣聞術數之學。凡有濟於世者。皆律所不禁。而獨似是而非。言僞而辯者。不可不大爲之防。恐其以質而亂眞也。夫古之葬者。不封不樹。後世聖人制禮。始葬祭並用。而葬欲吉壤。卜之而已。使沒者得其安。生者遂其願。非如近世所云。輒以朽骨爲名利階也。竊以青烏指南之術。原本邪說。而衆生必死。死必歸土。自倡爲富貴利益之說。以忻動人心。無論蚩蚩者氓。入其局中。卽搢紳詩禮之家。亦罔不堅持其說。以爲玉尺錦囊諸書。悉本乎河洛皇極。足表裏乎聖經。豈不謬哉。伏維陛下宏天地之量。並日月之明。頒行葬制。永定畫一之規。禁止邪辭。免生伎倆之技。

以奠人心。以正風俗。則渾穆敦厚之象。未必不再見於今日也。臣無任激切屏營之至。

帝覽奏善之。卽詔發行省。凡葬者。俱依族葬之制。其有妄談風水者。一律禁止。行省若不嚴行屏息。御史臺臣。用以上聞。

陰陽家學問。容或有之。若一味堅持其說。則過矣。夫親在則以親爲可有。可無之人。親沒則以親爲求富求貴之具。心地若此。尙可問乎。談風水者。可以寤矣。曾見有人題金山郭璞墓詩云。

雲根浮浪花

生氣來何處

上有古碑存

葬師郭璞墓

曉世之意。隱然言外。所謂但見戴紗帽者來看地。不見戴紗帽者來上墳也。故後賢有造生壙詩云。

莫笑先賢造化臺。何人不向此中來。譬如華屋身將住。可否梅

花手自栽。三板暫教風日閉。一門直待子孫開。香山墳畔泥滓酒。先與羣公醉幾回。

風水之說既不足信。至選吉擇日。尤可笑者。後賢亦有詩云。

何須六甲卜王匡。心是功曹善主張。展氏自知無隱慝。呂才從不信陰陽。燕藏戊己巢雖穩。人守庚申道亦亡。豈若信天翁最好。一生所到是康莊。

觀此。則選吉擇日之說。亦甚無謂。杭州有吳東昇者。百夫長也。頗善詞翰。年八十臨終。曾作詩曰。

囑咐兒孫送我終。衣裳棺槨莫豐隆。停喪只可經旬外。出殯須行徑路中。念我行藏無大過。請僧超度有何功。掘坑埋了平生願。休信山家吉與凶。

嘻。武弁有此。殆有過人才識。而隱於百夫長者。

第九十一回 趙完普焚香告天

元泰定四年。詔皇子允丹藏卜。往智泉寺受佛戒。帝則御興聖殿。受無量壽佛戒於帝師輦真吃刺思。郊廟祀事。概用大臣攝祭。監察御史趙思魯以大禮未舉。遂上疏。言天子親祀郊廟。所以通精誠。迓福釐。生烝民。阜萬物。百王不易之理也。陛下宜講求故事。以格純嘏。一時御史臺臣莫不交章上奏。極論此事。泰定帝覽疏不悅。羣臣不敢復諫。時西僧佩金字圓符。絡繹道路。馳騎累百。傳舍不能容。則假館民舍。而因以驅逐其男子。奸淫其婦女。民皆苦之。有奉元一路。經西僧往返者。百八十五次。用馬至八百四十餘匹。較之諸王行省之應供。十多六七。驛丞無可控訴。臺察莫敢誰何。有帝師輦真吃刺思弟子撒花只里者。奸橫尤甚。佩金字圓符。率其秃衆凡百餘人。由福州經建寧路。沿途所經。見有嬖女優童。輒

擄去。民間畏如蛇蝎。逃匿不遑。一日撒花只里偶經泰寧縣地。迂道而過。泰寧乃邵武所屬。宋民聞之。亦多驚懼。杉關韓太尉聞此消息。大怒。檄校尉四人。引壯士二百名。往泰寧捕至。將佩金字圓符者。斬其首。餘盡杖殺。寇節度在長沙。亦捕西僧十餘人。處以極刑。以故西僧騷擾。不敢少踰宋界。元泰定帝在位五年。殂於上都。大臣倒刺沙等。立太子阿速吉八王禪爲帝。泰定以支庶入繼。遂承大統。而英宗以南坡被弑。失統外藩。按英宗乃仁宗嫡子。仁宗則武宗同母弟也。武宗以母弟爲太子。故仁宗得位。而武宗二子。長子名和世瓌。封周王。出鎮雲南。次子名圖帖睦爾。封懷王。出居建康。武宗既殂。弟仁宗立。約以次傳位於周王懷王。而丞相鐵木迭兒欲固位取寵。乃立英宗爲嗣。周王出鎮雲南。行至金山西北。諸王率衆從之。遂居於北部。及泰定帝殂於上都。燕京留守燕鐵

木兒謀舉大事。徵集兵將。露刃以會羣臣。曰。武宗皇帝二子。位當歸之。不從者斬。羣臣失色。一時商議以長子周王。遠在沙漠。猝不能至。次子懷王在江陵。少近。乃迎入燕都。懷王不允。曰。長兄在北。當有天下。燕鐵木兒曰。人心向背之機。間不容髮。一或失之。噬臍何及。懷王不得已。乃以九月襲帝位。改元天歷。是爲文宗。自謂居攝。布告中外。時泰定太子阿速吉八。已卽位上都。遣兵分道來攻燕都。大敗而去。文宗卽詔齊王月魯帖木兒領兵一萬。爲東路元帥。不花帖木兒領兵一萬。爲西路元帥。合圍上都。不旬日。攻破上都。倒剌沙等出降。阿速吉八逃至西都。爲亂兵所殺。文宗旣克上都。乃遣使迎長兄周王和世疎於漠北。時周王在漠北。業已稱帝。爲明宗。文宗以帝位讓之。固請還京。明宗不可。文宗又遣右丞相燕鐵木兒奉寶玉。赴漠北。再三陳請。明宗始許之。因遣使立文宗。

爲皇太子。皇太子乃自發京師。往漠北迎之。天歷二年九月。明宗駕至旺忽察都。與皇太子弟兄相見。握手言歡。乃大宴皇太子。及諸王大臣於行殿。是夕。帝與皇太子同榻而寢。時惟丞相燕鐵木兒宿於外寢。天曉忽聞哭聲甚哀。燕鐵木兒卽奔入帳中。取出寶玉。此時皇太子已弒明宗。燕鐵木兒卽扶皇太子上馬。向南而奔。駕回燕京。以明宗暴殂。布告天下。乃復襲位。計明宗在位。僅半年而殂。中外頗多議論。文宗患之。先是有故宋趙和尚者。卽宋恭宗之子趙完普也。恭宗以德祐二年北狩。入上都。初封瀛國公。後皆爲僧。皇后全氏爲尼。居佛寺二年。帝鬱鬱而殂。又七年。太皇太后謝氏崩於燕。皇后全氏聞之。亦不食而殂。完普與其親屬轉徙沙漠。靡所定處。後徙薊鎮。聞淮陽王張宏範滅宋。擄掠宗室子女入燕者無數。元人爭取之。惟端宗一昭儀柳氏者。被掠至燕。業有孕。

元人皆棄之不取。發至薊邱。與趙完普等一處安置。完普密問柳氏以身孕所由。柳氏回言。於景炎三年二月朔。帝在謝女峽。與妾一幸。時宰相陳宜中已逃。文天祥未至。帝日日悲泣。每望海祝曰。願天爲朕生子。與大宋滅元復仇。四月。帝崩於礪州。衛王立。是爲帝昀。五月。黃龍見於海中。妾隨楊太后往觀。感而有孕。故當時改元祥興。妾負孕迄今。四年於茲。完普聞言。密爲保護。多方維持。誰知此胎非凡。直懷至。至治元年正月。應大都路地震。有聲之日。方始分娩。果然日角隆準。方面大耳。試啼聲。英物也。趙完普大喜。命乳母用心撫養。名曰趙一。暗取背城借一之意。不日令下。詔遷於上都。時宋元已和。故完普不願入宋。意蓋以武都敵於外。已則撫養趙一成立。以應於內。後以丞相塔思不花奏。又移應昌府。至治三年。太史令奏。應昌有天子氣。不應以趙完普等居之。又徙五國。

城。完普頻年遷徙。每暗撫趙。一日。異日能爲我故宋雪恥者。必吾弟也。一日。周王和世疎輕弓短箭。帶領人馬。獵至五國城。見趙一愛之。時周王無子。欲取一爲養子。卽召完普。說知。完普不敢不從。卽命拜於膝下。周王大喜。命將校扶上駿馬。簇擁而去。完普依依不舍。送了一程。佇立瞻望。直至不見人影。始掩袂而歸。周王引至上都。更名爲妥歡鐵木兒。及出鎮漠北。俱命相隨。至泰定四年。周王嬖始舉一子。名懿璘質班。周王稱帝於和寧之北。爲明宗皇帝。時妥歡鐵木兒僅八歲。懿璘質班僅二歲。迨至明宗暴殂。二子俱隨文宗入於燕都。趙完普此時與其親屬。又遠在沙州。妥歡鐵木兒聞之。不勝感泣。而完普在沙州。聞周王稱帝暴殂。每夜於中庭焚香暗祝。曰。願吾弟早正大統。暗續國脈。爲大宋一洩仇恥。則天實邁相之矣。

第九十二回 潞安王出守歸國

元文宗既弒兄奪位。欲泯其迹。以籍人口。乃加殊恩於明宗二子。而封長子妥歡鐵木兒爲潞安王。次子懿璘質班爲鄜州王。俱養於宮中。視若己出。惟右丞相燕鐵木兒。司徒香山等。以妥歡鐵木兒乃明宗養子。不應居在宮掖。令出外藩。免生他變。帝以明宗眷愛之。且尙幼。未之許也。時燕鐵木兒已冊封太平王。加太師。獨握大權。威行宮省。帝倚恃之。以泰定帝后宏刺氏色尙未衰。燕鐵木兒通焉。欲收爲妻。而見潞安王在宮。恐將來成人掣肘。遂讒間兩宮。以危言撼帝。帝不能無動。妥歡鐵木兒卽迎機請鎮雲南。仍繼先帝之志。帝許之。此時妥歡鐵木兒年十一歲矣。原有明宗舊日一班文武將校。護向雲南而去。鄜州王懿璘質班。年僅五歲。乃留於京師。帝尊崇釋教。較泰定尤甚。封西僧輩真吃刺思爲大國師。

一日至京。帝命朝臣一品以下皆往郊迎。大臣悉俯伏在地。雙手進觴。帝師端坐不動受之。惟國子祭酒張養浩獨挺身舉觴立而進曰。帝師釋迦之徒。天下僧人師也。予孔子之徒。天下儒人師也。請各不爲禮。帝師笑而起。舉觴卒飲。衆官爲之慄然。帝日受佛戒。謂清淨之理。可與天下相安於無事。而邊報旁午。一時若遼東。陝西。武安。祿餘。俱有兵起。諸王禿堅。烏蒙。羅羅斯等。各據地以叛。尤甚者集慶路之花山賊。橫行州郡。行省莫可如何。報入燕京。帝笑謂宏刺皇后曰。此輩鼠竊。滿腔都是天子之心。所幸宋昭帝乃恭默之主。不然。宋師一動。朕宵衣旰食。又寢不安枕矣。卽下詔以監察御史張士宏爲行人。往聘於宋。以修舊好。命各行省徵調兵將。嚴行討戰。時諸路小警。隨撲隨滅。惟集慶路花山賊。行省參政許有壬檄調京口都督耶律霸引兵討之。初戰。互有殺傷。再戰。官兵

折損無數。賊遂不可制。奏入。帝不悅。五月。白虹並日而出。長竟天。秋八月。天鼓鳴於東北。御史臺臣皆上章論事。以銓選之弊。因入仕之門太多。黜陟之法太簡。州郡之任太淹。朝省之除太速。當設法以救四弊。應天變。庶時事可挽。帝覽奏不省。時已寢疾。乃詔太平王燕鐵木兒入宮。遺命傳位於鄜州王。燕鐵木兒曰。不如立燕帖古思。帝不許。隨殂。燕鐵木兒卽徵會諸王。至京師。立鄜州王懿璘質班爲帝。是爲寧宗。時年七歲。百事皆裁決於中書。燕鐵木兒在位二月而崩。燕鐵木兒又請太后立燕帖古思。太后不可。曰。吾子尙幼。潞安王妥歡鐵木兒現在雲南。今年十三。禮當立之。燕鐵木兒聞言色變。欲再諫阻。后遽下懿詔。命諸王迎潞安王於曲靜。既至上都。燕鐵木兒出城迎入。途次並馬徐行。自陳迎立悉出己意。潞安王年幼。見燕鐵木兒聲勢凜凜。氣燄薰灼。不敢仰視。亦不

敢回答。燕鐵木兒疑之。王既入京。久停懿詔。不獲冊立。太后及諸王屢請於燕鐵木兒。燕鐵木兒故緩其事。日與姬妾飲酒作樂。偃翠倚紅。體益尪羸。十餘日遂死。后乃與諸王大臣立潞安王爲帝。且囑之曰。萬歲後仍傳燕帖古思。勿負吾意。潞安王再拜受命。告廟陞殿。改元元統。是爲順帝。以伯顏爲太師右丞相。燕鐵木兒弟撒敦爲太傅左丞相。從此蒙古大統。仍暗屬於炎宋矣。

第九十三回 還珠亭冤鬼洩憤

合浦之東。舊有還珠亭。以漢時孟嘗爲合浦太守。治稱神明。失珠復還。後人因建亭以表之。此亭路當孔道。宋初。亭中過客宿者。往往無故自斃。縣令不能決。久之。此亭遂廢。宋穆宗景新五年。孟縉雲來守廉州。政通人和。百廢俱興。慨然欲復修此亭。以勵守宰。縣令吏胥等阻之。以爲此亭久廢。多出疑案。不可復建。孟太守不聽。

鳩工庀材。不日告成。更爲匾額。顏之曰還珠亭。縣令吏胥皆私相竊議曰。從此亭中又多事矣。孟太守下車伊始。亦聞昔年許多疑案。尙未深信。是夜卽宿亭中。以瞻其異。縣令吏胥皆爲太守危。孟太守宿至更許。果見一紫羅衫女子。血濺滿面。伏地稱冤。太守曰。有何冤狀。女子曰。妾夫爲石城縣令。任滿宿此亭。亭長無狀。枉殺妾家二十餘口。埋在亭下。盜取財物。太守曰。石城與廉州接壤。道經官員。被人劫殺。合浦縣宰獨不知耶。女子曰。當時鍾明亮寇亂潮陽。各處縣宰禦寇。且不暇。寧計及此。孟太守又問女全家被亭長謀殺。自應冤搆。亭長何過客經此。輒遭魅魔令斃。是何道理。女子泣曰。妾冤沉海底。蓄忿無可發洩。故逢人卽懇。彼薄福之人。見妾卽自驚斃。非妾之罪也。孟太守點頭道是。又問亭長何人。女子曰。卽充太守門下公幹。所稱燕頷虎頭毛太尉者也。太守得實。揮

之令去。曰。爲汝昭雪。勿得戀此。游魂爲厲。則滋汝罪戾矣。女子叩頭而出。孟太守次日亦不明言其故。細察府中吏役。並無姓毛之人。遲疑未發。暗思此人必虎而冠者。府中無之。縣內必有此人。又察縣令吏役冊籍。亦無一姓毛者。一夕。微服至茶肆中。坐定。見往來無非胥役。紛紛議論。謂某案非某人不可。某案非某人莫辦。衆皆譁然。又一役曰。今龍門江海船被劫。失去貢物無算。殺死防海千戶兵卒十餘人。誰任此案。一役曰。此案非毛太尉不可。衆皆然之。孟太守聞言驚駭。又未便向前細問。回衙去訖。翌日。比案見各役紛紛銷納文結。惟欽州龍門江一案未銷。太守問此案誰人承辦。衆役稟曰。戚揚。太守冷笑曰。非燕頷虎頭之毛太尉乎。衆役皆曰。然。時戚揚已蒼顏白髮。在旁伏地稟曰。此案係水寇搶劫。早晚恐未能拏獲。乞假以日月。太守曰。此案姑且少待。更有還珠亭狀。

官謀財一案。戚揚須急爲辦理。遂飛簽下之。戚揚聞言色變。悚息待命。太守卽傳人役。并合浦縣宰。齊至亭中。令人往下深掘之。共得屍二十七具。縣令錯愕不知所出。太守曰。此石城縣令及家口之屍也。縣公鞫問戚揚。便知端委。戚揚此時。已汗流浹背。方欲跪下。忽兩眼一昏。見一紫羅衫女子上前。噴血滿面。登時暈死。縣令命人以水沃之。復甦。卽將謀殺情狀一一說出。時戚揚已成巨富。更拘其家小。用重刑拷問。盡皆吐實。天道好還。戚揚昔日行劫殺石城令二十七口。及今四十年。仍以全家二十七口抵罪。分毫不爽。孟太守令將石城令二十七屍。葬之高原。豎碑立墓。此亭遂傳至今日。毫無他異。

第九十四回 清風嶺廉夫祈嗣

紹興府嵊縣。有一青楓嶺。因嶺上楓樹甚多。故以名嶺。宋端宗時。

元將阿魯台兵徇浙東。破台州等處。擄掠一空。時臨海縣民妻王氏。有殊色。亦在擄中。千夫長殺其夫。并其舅姑。欲納爲室。王氏恐被污。乃佯謂之曰。能使我爲翁姑與夫守期月之服。略盡寸心。方可從命。千夫長甚喜。許之。又恐其自縊。令所擄婦女雜擁之。師還。挈與同行。至嵎縣之青楓嶺。王氏見下臨絕壑。不啻千仞。守者亦少懈。乃仰天竊嘆曰。妾今得死所矣。遂嚙指出血。題詩於石上。有云。雲中千古恨。金石一生心。之句。題畢。投崖而死。千夫長悵望而去。後其血漬入石中。顏色如新。不爲風雨剝蝕。紹興府爲之樹碑。立祠嶺上。易其名曰清風嶺。元仁宗皇慶二年。以翰林學士李孟請行科舉。始詔令以皇慶三年八月。天下郡縣興其賢者能者。充貢有司。次年二月會試京師。中選者親策於廷。及第出身有差。此詔一下。南北士子。齊赴京師就試。時有温州府縉雲縣申屠生。入

京應舉。才思出衆。慨然以第一人自命。道經清風嶺。見郡守爲王節婦所撰碑紀。不覺啞然失笑曰。旣矢志不從矣。而又臨海相從至此耶。節之一字。談何容易。我等讀書人。正當爲名教中抉出節義二字真面目。方不負所學耳。乃題詩一絕云。

嚙指題詩似可哀。斑斑駁駁上青苔。當初若有詩中意。肯逐將軍馬上來。

題畢。走馬揚鞭而去。是夜。縣令夢入城隍祠。見吏役等倉皇出曰。請縣令速入。兩郡城隍至矣。縣令趨而進。見兩郡城隍上面端坐。私問左右。左右曰。上面居左坐者。乃紹興府城隍。卽東晉時宣城內史桓彝也。居右手坐者。乃台州府城隍。卽故宋招諭使謝枋得也。縣令禮畢。卽有門吏入報曰。至矣。兩城隍皆離座降階以俟。縣令隨之。只見門外一婦人。冠帶而入。兩城隍揖之陞座。禮畢。分

賓主坐定。婦人首先泣告曰。王氏所以間關忍死者。以舅姑與良人未成服。且未得死所故耳。王氏寧畏死哉。今申屠生自恃多才。毀我真名。將來節之一字。將盡喪於彼文人之口。况婦女生前含辛茹苦。甘萬死而不辭者。專望死後有人爲之發潛闡幽。申屠生前程遠大。而存心如此。尊神若不主持。從今以後。恐無人立坤維之正氣矣。言畢。掩袂而泣。桓內史色變。徐謂縣令曰。黜其科名。謝侍郎亦怒甚。乃曰。竟絕子嗣。兩城隍再三安慰。婦人始泣謝而起。兩城隍轉身謂縣令曰。節義最爲地府所重。世人不省。往往肆口譏訕。士子尤甚。今後垂爲令典。凡毀謗貞節者。皆絕子嗣。但王貞婦祠屬在縣。宜不時令人好爲守護。縣令方欲問申屠生何人。而曉鐘一聲。春夢頓醒。次日卽令人至嶺上祠前訪之。果有一申屠生至此留題。縣令立燬其詩。令人偵察之。申屠生果下第而歸。

後竟無嗣。及致和中。山陰有楊維貞者。字廉夫。諸暨人也。博學能文。乃大元時一家作手。曾過清風嶺。亦題詩祠中。以辨其事云。

胡馬馱馱百里程。清風後夜血書成。祇應劉阮桃花水。不似巴陵漢水清。

後廉夫登泰定進士。署天台尹。又任江西儒學提舉。歷修宋遼金三史。作正統辨千餘言。著作甚富。致仕後。居杭州鐵冶嶺。得莫冶所製鐵笛。故改號鐵崖曰鐵笛。嗣又築圃於江之上。戴華陽巾。披鶴氅。頭挽雙髻。吹鐵笛作梅花弄。曾有詩云。

青羅包髻白行纏。不是凡人不是仙。家在洛陽城裏住。臥吹鐵笛過伊川。

時廉夫年踰大衍。尙未抱子。一日。過會稽。拜禱曹娥祠下。夜夢一女子謂之曰。爾不必禱我。爾不記昔年未第時。題清風嶺一詩乎。

雖未嘗掩婦之名。而毀謗節義。其罪至重。故天絕爾嗣。廉夫悚然驚覺。汗濕重衣。始大悔恨。次日卽市香楮福物。牲醴諸事。上清風嶺祠中。再拜謝過。奠畢。乃改題一詩以紀之云。

天隨地老妾隨兵。天地無情妾有情。指血鑿開霞嶠赤。苔痕化作雪江清。願從湘瑟聲中死。不逐胡笳拍裏生。三月子規啼斷血。秋風無淚寫哀鳴。

題畢。是夜卽宿祠中。夢一婦人入。歛衽致謝。廉夫急欲問之。忽見一小兒牽其衣。婦人倏不見。亦遂驚醒。廉夫此時憂喜交集。暗思文人弄筆。一錯三十年。今後凡有關名節者。萬不可妄肆筆墨。因復在祠前和節婦絕命詩一首。拜謝而歸。歸後未及一年。果生子。其和詩云。

君王無道妾當災。棄女拋男逐馬來。夫面不知何日見。妾身料

得幾時回。兩行清淚頻偷滴。一片愁眉鎖不開。回首故山看漸遠。存亡兩字實哀哉。

第九十五回 張士誠販鹽起泰州

元監察御史張士宏奉詔聘宋。聞廣王瑩卽位。改元景新。是爲穆宗。以白映雪爲左相。令狐韜爲右相。馬遇樂爲樞密正使。岳坤爲樞密副使。時老臣文武。若司馬肅。皇甫惇。葛天民。李穆。韓昭。劉瑋。岳鎮等。皆卒。穆宗甫卽位。見元主遣使入賀。甚喜。厚待士宏。亦遣議郎甘霖奉使答之。傳詔以景新二年。出巡六鎮。是時六鎮節度使。四營都部署。疊經更換。如延平節度使石城侯劉瑛。建昌節度使南靖侯韓搏虎。長沙節度使寧武公寇復雷。肇慶節度使安瀾侯馬遇陽。廣右節度使威武大將軍常寧侯高耀卿。俱薨。惟岳州節度使總領衛大將軍种世虎如故。四營都部署。則靖海營李繼

業。神策營。鹿靖。天策營。陳同。神武營。史進。翔龍府。留守。司開國侯。張懷亮。杉關元帥。太尉。益陽侯。韓靖夏。俱更調數次。文教武功。漸次不及。重康隆熙之初矣。後穆宗聞潞安王上都襲位。大喜。詔以司徒上官誠參政。樊東樓二人。賈禮物往賀。是時集慶路花山賊。大掠江陰。鎮江等處。盜艦往來江邊。莫敢如何。耶律霸駐兵通州。泰興間。阻定江海門戶。急請許參政。檄各鎮將校。協力捕勦。許有王卽調戚芳。李典。王樗。姚匡。四將。各領兵一千。相助勦賊。而花山賊首莫天夜。戎無敵。耿冠軍等。凡三十六人起事。前至建康。劫寶藏庫者。卽莫天夜等也。天夜自號爲莫老虎。戎無敵自號爲巨無霸。耿冠軍卽耿星星之子。星星死於海島。冠軍出沒江海。新附賊黨。自號爲耿天王。餘賊亦皆有譚號。與梁山泊情形相似。聚衆數千。橫行州郡。商民苦之。有戚芳王樗二將。合兵至常州。與耿冠軍

大戰於武進縣孟城山。王楞不敵。爲耿冠軍所殺。元兵大潰。耶律都督聞之大驚。急令裨將等緊守海門。自率兵倍道而進。又與賊戰於丹陽。傷其頭目數人。賊兵奪氣。姚匡一軍。又在洪澤湖爲我無敵等所敗。時賊已蔓延各郡。耶律都督顧此失彼。乃泝流而下。思以重兵截揚子江口。行至青龍灣。不防賊兵猝至。耶律都督亦爲莫天夜所敗。耶律霸不勝忿怒。檄衆將合兵於海州。誓與死鬪。莫天夜耿冠軍等聞之。竟糾合賊衆。直奪海州。攻破其城。擄掠一空。時耶律都督兵猶未至。莫天夜等又大獲全勝。遂屯兵海門。三十六頭目俱微服偷過廣陵。欲遊瓊花臺。私探揚州。道經茅山。偶遇推車運輦者數百人。各持弓矢。荷戈矛以行。莫天夜等視之。乃鹽徒也。不以爲意。忽內有三人。拍馬當頭。大呼曰。此花山賊也。呼哨一聲。一齊圍定。莫天夜等忙掣出兵器抵敵。殊三人勇不可當。

戰不數合。莫天夜中鎗身死。耿冠軍被斧劈落馬。其餘死者亦衆。傷者多爲所擒。鹽徒打探賊黨尙在海州。乘勢追過海門。賊衆聞耿天王莫老虎皆死於其手。望陣先逃。餘者皆烏獸散。比及耶律都督兵至。賊已肅清。令人訪殺賊者爲誰。蓋卽泰州之張士誠。士德。士信也。大軍旣集。無所攻殺。惟撫定瘡痍郡縣而已。耶律都督深以爲恥。嘆曰。朝廷養兵數十年。而賊乃平於販夫。我輩都應愧死。引兵而歸。且說張士誠本泰州白駒場亭民。家貲巨富。販鹽爲業。兩弟士德。士信。膂力過人。亦有權略。諸子張龍。張虎。張熊。張虬。張彪。張豹等。凡十七人。無不驍勇善戰。又有呂珍。韓敬之。李伯清。紀世熊。金鎮達等。智勇足備者數十人。爲之爪牙。故士誠負販所經。盜賊不敢正視。士誠每撫枕自嘆曰。天下荒亂。草澤中非無英雄。惜乎蒙古不能駕馭耳。至是無意間大破花山賊兵。益輕朝廷。

潛蓄不軌之志。多結亡命。俱列部曲。仍以販鹽爲名。往來蘇松京口間。常謂其妻劉氏曰。姑蘇臺館娃宮。去此不遠。吾大事若成。當於蘇州立國。建一樓曰齊雲。爲汝宴酣之所。又謂兩弟曰。吾他日起事。其在高郵州乎。高郵有三十六湖。以受七十二澗之水。又有形勝可控。蘇松諸郡俱可順流而下。士德士信皆以爲然。遂日與賓客諸子。謀方略。製器械。布腹心。收爪牙。聚糧糧。駸駸乎不日欲乘長風。破萬里浪。投鞭斷淝水之流矣。

第九十六回 劉伯溫望氣遊西湖

宋穆宗景新五年。卽元順帝至元六年。翔龍府南海縣人朱光卿。一日晨起。攬鏡自照。見己蟒玉冠服。立於鏡中。異之。又遊花田。見二老人。童顏鶴髮。飄飄欲仙。聚語於素馨花下。一老人曰。天下何時太平。一老人曰。待朱天子至。天下仍一統。朱光卿聽得。心中暗

喜。正欲上前叩問。二老忽不見。朱光卿益以爲神。遂潛蓄異志。聞惠州九曲嶺有聶秀卿譚景山者。自稱定光活佛。哨聚有千餘人。遂往歸之。自言其異。二人大喜。願相翊戴。并接其妻子至寨中。議以爲元滅金絕宋。而武都已復宋世。遂倡言爲大金國復起。立光卿爲金主。聶秀卿爲丞相。譚景山爲將軍。光卿妻爲皇后。子爲世子。移兵圍龍川。龍川縣變生倉猝。登陣守禦不及。一日一夜。遂爲所破。縣令千戶俱死。朱光卿隨得東莞。勢如破竹。率兵直取海豐。時翔龍府留守司統制。乃總令衛大將軍狄勇。聞變。卽引精兵兼程而進。時賊兵已入海豐。狄留守遂圍海豐。一鼓破之。聶秀卿譚景山俱死。朱光卿就縛。妻子皆被擒獲。光卿至此。始大悔恨曰。花田老人誤我矣。狄留守命械至武都磔之。旬日遂平。此信傳至上都。是時順帝左相唐其勢謀逆。唐其勢者。左丞相撒敦之子。撒敦

卽燕鐵木兒之弟。撒敦卒。唐其勢代父爲相。伯顏爲右丞相。用事。唐其勢怒曰。天下本我家天下。伯顏何人。位居吾上。遂懷異志。與從父答里答。謀立所親爲帝。御史張金告變。伯顏乃率完者帖木兒等。引兵圍府。唐其勢之妹伯牙吾氏。卽順帝后。亦在府中。唐其勢被擒。攀折殿檻。不肯出。其弟塔刺海。走匿皇后座。后蔽之以衣。左右曳出斬之。血濺后衣。唐其勢伏誅。伯顏使人并執后。至。后呼帝曰。陛下救我。帝曰。汝兄弟爲逆。豈能相救。乃遷后出宮。令酖之。伯顏此時大權皆在掌握。奏罷科舉。順帝允之。宋主聞而歎曰。欲得實才。莫如科舉。詔罷科舉。元政由是大壞。時有高安縣丞劉基。字伯溫。處州青田人也。少穎悟。善經學。以至元初進士。任高安。曾遇老人鄧祥甫。授以天文術數。遂旁通天官陰符家言。因見元政衰亂。鬱鬱任所。又聞順帝以罷科舉下詔。遂掛冠去。歸青田。隱紅

羅山曾詠太公釣渭圖以見志云。

璇室羣酣夜。磻溪垂釣時。浮雲看富貴。流水淡鬚眉。偶應飛熊兆。尊爲帝者師。軒裳如固有。千載起人思。

基昔日嘗佐石抹宜孫幕。後甚悔之。至是惟與浦江宋濂。龍泉章溢。麗水葉琛。四人相契。優游山水數年。一日。葉琛章溢與客數人。邀基往遊西湖。基欣然願往。泛舟湖中。飲酒方酣。四顧空闊。南北高峯。山水佳麗。令人應接不暇。座中有少年朗吟曰。

虛度韶光二十春。昂然七尺困風塵。不如死在西湖裏。贏得青山葬我身。

基聽罷大笑曰。客鍾情甚矣。以酒觴之。忽見異雲起於西北。定睛看時。不覺狂喜。大言曰。此天子氣也。應在金陵。不出十年。有王者興。吾與公等當輔之。座客皆駭。葉琛急止之曰。公醉矣。章溢因問。

曰。何爲天子氣。基曰。天子之氣。外黃而內赤。猛將之氣。外赤而內白。反此則爲凶兆。章溢曰。雲氣之占。亦有說乎。基曰。然。有將軍雲氣。有伏兵雲氣。有勝兵敗兵雲氣。有城上姦賊雲氣。是以順之者昌。逆之者亡。葉琛曰。何以占之。劉基曰。占氣之時。觀其初出。如甌上氣。勃鬱上騰。積而爲霧。氣雲氣。結爲虹蜺。暈珥之屬。不積不結。散漫一方。不能爲災。必森森疾起者。乃可占。常以平明小晡。日出沒時候之。其內有風雨爲解者。亦不成災也。雲氣如弩弓之狀者。天子之氣也。雲氣長數百丈者。猛將之氣也。或雲氣無故如虎行雲中者。主暴兵。或如人字在空者。所發之處。必有人告急。或望無雲。獨見赤氣。如且暮之霧。或黑雲極天。白雲如仙人衣。十萬聯結。部隊相逐。罷而復起。皆動兵之象。若出軍之日。天氣漠漠。雲彩陰沉而寒者。必戰之象也。如或有青氣見君王相上者。大勝。或雲

三道。如霧非霧。如塵非塵者。敵人發軍之徵。隨其起處防之。白雲如疋布。起於東方者。大兵起也。赤者尤甚。青者大喪。黑者亦如之。或黑雲三道。首尾銳而中裂者。其下將有大戰。或雲氣赤而具綠黃者。大臣專權之兆。不早除之。必有大變。於軍上往來者。往者敗。來者勝。如雲氣散如錦文者。當有赦書行天下。若無慶賀事。必見流血。雲氣如虎頭者。亦暴亂之象也。此雲氣之七占。爲將者當以勝敗之象。立修德之防。章溢葉琛齊聲贊曰。非吾兄精象緯之學。焉能語此。日暮酒闌。返棹而歸。

第九十七回 脫脫決議開黃河

宋穆宗景新九年。左相白映雪卒。以令狐韜歐陽懋德爲相。帝頗事聲色。經營土木。令采漳州水晶。以作鏡殿。尙書上官誠樊東樓等。進諫不聽。帝席太平之業。日久宴安。且生猜忌。時馮道南之子

馮順爲右丞。王武秀爲郎中。楊俊又爲太子舍人。三人皆機巧便佞。善伺人主意。帝甚寵之。又有左贊善韓欽明。乃韓昭猶子。議郎吳岌。乃吳廣之子。二人亦阿附上意。帝甚重之。五人互相朋比。朝中目爲五鬼。王武秀昔日爲神策營小吏。犯令。爲虔靖虞候所鞭。吳岌亦坐法當斬。陳同恕而杖之。二人遂倡言國家承平。宜廢四大營。并歸六鎮。帝亦以歲費浩繁。租稅不敷。遂允其奏。宰相令狐韜。樞密使岳坤。極力諫阻不聽。二人奏曰。陛下若節妄費。以務正用。國家之歲供。猶恢乎有餘。帝滋不悅。詔下。有建昌節度使史進。翔龍府留守司都統制狄勇。杉關副元帥劉遇隆。三人聞之。不肯奉詔。一齊入朝。上表抗言曰。

昭皇帝設四大營。以佐六鎮。星羅碁布。以備不虞。乃至善之策也。陛下宜守成法。不可變易。若云經費不敷。則土木之費。珍玩

之供。乃陛下近年始有此舉。先帝在日。未之聞也。且陛下承宗廟社稷之重。正宜親賢遠佞。節用惜財。以固國本。詔求直言。以培國脈。不然。豈惟有負先帝艱難恢復之意。并恐失中外人民之望。

疏入。帝大怒曰。欲廢四營。乃爲國家惜費。汝等乃面侮朕躬。謂朕聽佞言耶。立命斬之。史進狄勇神色不撓。亦抗聲言曰。陛下不惜冗費。而裁正供。四營若廢。武備不振。偷變生不測。老臣等立見其敗矣。可惜先帝十五年海道播越。創業艱難耳。帝怒不可止。勅劍封下。羣臣不敢進諫。時三人已綁出朝門。史進目光如炬。大言曰。自壞汝萬里長城。異日定悔無及。陳太皇后在宮中聞之。立即命駕直出殿門。責帝曰。汝父如龍。汝兄如虎。國有大政。無不與羣臣商妥始行。在位數十年。并未妄殺一朝士。以人才難得。當爲國家

愛惜也。况史進狄勇劉遇隆三人。皆顯皇帝恢復創業功臣。汝乙夜觀書。幾曾見誅殺功臣之主。能國祚綿永乎。必爲若所欲。恐一敗塗地。將累及老身。不知死所矣。且責且泣而入。帝大慙。卽令人追回令旨。則三人綁至法場。業已斬決矣。帝亦惱悔。詔厚葬之。贈史進爲忠烈侯。狄勇爲武襄侯。劉遇隆爲義勇侯。以原官廕其子孫。月餘。太皇后陳氏崩。帝哀毀不勝。鬱鬱寢疾。九月癸丑。遂殂。在位十年。穆宗子尙幼。以昭帝子承祐立爲太子。至是卽位。遂爲成宗。以明年爲嗣慶元年。從此四營旣廢。六鎮空虛。內而老成凋謝。外而宿將物故。宋祚不復永矣。成宗御極。稔知五鬼妨賢病國。盡放流之。是年惠州府羅浮山崩。有尙書樊東樓嘆曰。羅浮乃宋業起義之所。今無敵崩頽。時事可知。遂致仕而去。是時元順帝改元至正。復行科舉。從右丞相脫脫之請也。按此又一脫脫。乃馬札兒

台之子。因左相伯顏既誅唐其勢。獨秉國鈞。專權自恣。脫脫乃伯顏從子。慮禍及己。深以為憂。乃問其父馬札兒台。當於伯父未敗時圖之。父以為然。脫脫未決。又質之於其師吳直方。吳直方曰。此大義滅親之舉也。正值伯顏搆陷鄴王。又擅貶宣讓威順二王。帝不勝其忿。決意逐之。脫脫始以帝出獵。用宿衛兵拘伯顏於京城。草詔榜其罪狀。黜為河南左丞相。徙之蒙化。伯顏中途遂死。又按此

伯顏非世祖時 帝任脫脫為左丞相。錄軍國重事。帝始憶及文宗謀為不軌。致明宗暴殂於旺忽察都。乃撤去文宗廟主。徙太皇太后於遠州。放故太子燕帖古思於高麗。太皇太后乃大悔恨曰。惜不用燕鐵木兒之言。以至於此。燕鐵木兒子孫。盡行誅戮。凡御史臺臣有諫者。帝輒誅之。以報宿恨。帝又遣使至沙州。暗護生母柳氏。及趙完普等親屬至京。欲尊養之。使臣未至。而完普柳氏先卒。

帝慟悼不已。詔移至燕京。厚葬之。俱有封贈。親臨祭奠。廷臣未喻其意也。至正十一年。黃河決。脫脫乃大集羣臣。廷議河防一事。紛紛衆論。無所折衷。惟漕運使賈魯。以爲必塞北河。疏南河。使復故道。工不大興。害不能已。脫脫奏知。帝遂遣工部尙書成遵。大司農禿魯等。巡行視河。議其疏塞之方。以聞。成遵等乃自濟濮汴梁大名諸處。行數千里。掘井以量高下。測岸以究淺深。博采輿論。以爲黃河故道。斷不可復。山東連年歲歉。民不聊生。若聚二十萬衆於此地。恐他日之憂。更有大於河患。時賈魯先與脫脫言。此役自關丞相一語已決。况成遵等。采河南北童謠有云。石人一隻眼。挑動黃河天下反。殆欲以此語驚撼丞相耳。及聞成遵等議。脫脫怒曰。汝謂民將反。民卽反耶。自辰至酉。議不能決。明日執政皆謂成遵曰。修河之役。丞相意已定。且自有人任責。公勿多言。成遵曰。腕可

斷議不可易。脫脫遂奏出成遵爲河間鹽運使。詔開黃河故道。以賈魯爲工部尙書。充河防使。發河南北兵民十七萬。自黃陵岡南達白茅。放於黃固哈只等口。又自黃陵西。至楊青村。凡二百八十里。有奇。興工五閱月而堤成。河復故道。超授賈魯爲集賢大學士。脫脫爲太傅。賜世襲答刺罕之號。其餘賞賚有差。誰知賈魯治河於黃陵岡。鑿山開導。拆毀民居。驅逐搬徙。果然掘出石人一隻。眼所拆毀處。恰是妖人劉福通所居。福通久以白蓮會燒香惑衆。奉欒城人韓山童爲主。詭言天下大亂。山童乃彌勒佛下生。當爲中國之主。河南及江淮愚民。翕然信之。事覺。官捕之甚急。山童被擒。福通煽動開河丁夫。以紅巾爲號。遂據朱臯。攻破羅山。真陽。確山等處。又陷汝寧府。及息州。光州。衆至十萬。福通乃迎山童之子韓林兒至。立爲帝。號小明王。建都亳州。國號曰宋。改元龍鳳。以其母

楊氏爲皇太后。劉福通爲平章。亂自此始矣。

第九十八回 哈麻獻策造龍舟

宋成宗嗣慶二年。以廢去四大營。武備遂隳。六鎮雖設。節度多不得人。盜賊四起。一時若漳州賊李志甫。汀州賊羅天麟。靖州賊吳天保。湘鄉賊沈芝仙。道州賊蔣丙。所在煽亂。而袁州賊周子旺。自稱南朝周王。勢尤兇悍。告變者星飛雨急。更有應火達者。潛伏京輔。欲奪杉關。成宗歎曰。聚六鎮五十二郡之鐵。鑄不成此一錯也。時宿將旣卒。惟种世虎尙鎮長沙。詔平湘廣諸賊。韓飛瓊亦繼守杉關。命討近處羣盜。猶幸諸賊起事。雖搃殺命官。相結爲亂。俱無大志。烏合之衆。倏起倏滅。种節度雖老。威望猶著。兵行皆有紀律。如蔣丙。吳天保。沈芝仙等。無不次第被擒。遂移師江右。會合建昌節度使馬如玉。共討周子旺。子旺直奔南安。上桂嶺。桂嶺三關之

營亦廢。無兵扼險。子旺遂守北藏嶺。以拒官兵。馬如玉攻之不克。爲流矢所中而卒。种節度大怒。督兵奮力仰攻。直奪其險。子旺又竄韶州。种節度追殺之。韓元帥討李志甫。羅天麟。二賊。初戰亦爲所敗。復戰伏虎菴。羅天麟被擒。李志甫敗入海。惟應火達一時未能平服。足有三月。始被韓元帥誘入甘露巖。伏發。擒斬之。二人平賊後。入武都見帝。重加賞賚。進爵爲侯。种節度未及還鎮而薨。韓元帥陞建昌節度使。是時方谷珍擾亂台州。張士誠亦起兵。據高郵。國號大周。自稱誠王。知府李齊不肯屈膝。士誠怒使曳倒。槌碎其膝而剛之。蘄州羅田縣人徐壽輝亦以紅巾爲號。攻陷蘄水黃州。以蘄水爲都。國號天完。僭稱帝。遣其將項普略丁普郎等取漢陽興國。順流而下。佔據杭州諸處。沿江盜起。江右宋州亦失陷無數。先是至正間。朝中有數君子。如翰林侍講學士揭傒斯。翰林學

士虞集。編修楊載。侍讀黃潛。國子祭酒歐陽玄。翰林承旨爨爨等。著述作用。皆一代人物。至是皆卒。右丞哈麻等。乃進西番僧於帝。行房中運氣之術。號演撲兒法。又進西番僧伽璘真善祕密法。帝皆習之。久而益精。荒於淫佚。漁獵美色。無所不至。帝亦自思得承大統。出乎望外。天下大亂。豈能復治。遂以政事付中書。聽其裁決。日惟以遊宴爲事。乃用宮女十六人按舞。曰天魔舞。取豔麗異常者。首垂髮數辮。戴象牙冠。身披纓絡大紅綃。穿長短裙襖。各持加巴刺般之器。及宮女十一人。練槌髻勒帕常服。或用唐帽窄衫。所奏樂用龍笛。頭管。小鼓。箏。箏。琵琶。笙。胡琴。響板。每宮中讚佛。則按樂而奏。度曲而舞。帝覽之樂甚。又於內苑中浚池。思作一解纜蕩槳之樂。而未得其法。哈麻進曰。臣有龍舟之法。帝問其詳。哈麻曰。其船首尾須長一百二十尺。廣二十尺。上建五殿。龍身并殿宇。俱

用五采金裝。船行則龍首眼爪尾皆動。造玉漏約高六七尺。爲木櫃。藏壺其中。運水上下。櫃上設西方三聖殿。櫃腰設玉女捧時刻籌。時至。輒浮水而上。左右列二金甲神人。一懸鐘。一懸鈺。夜則神人自能按更而擊。帝如法造就。於後宮海子內演之。果然船行。龍首尾眼爪。無不皆動。帝大稱賞。曰。無怪煬帝錦帆江都之遊。其樂忘返也。遂重賞哈麻。有奏邊報者。帝輒止之。曰。政事自有中書。朕不與知。近臣多歎息而退。

第九十九回 韓節度誤釋友諒

宋成宗嗣慶六年。江右湖廣大饑。廣右獠賊吉烈思。及土官黃英。岑伯顏等。雲擾南寧。攻破崑崙關。進拔柳州。慶遠等郡。守臣拓跋琨。狄義。龐鳳皆死。節度使吳炳南不能敵。遂緊守桂林。廣南潮陽關等處。海寇邵宗愚。殺戮人民。搶州劫郡。擄掠倉庫。翔龍府留守

王耀先。鞭長不及。潮州高廉等處皆失。將士死者甚衆。是時陳友定已據建寧。正攻福州。故武都尙無兵侵犯。而江右各郡。則方谷珍屢寇。而韓飛瓊屢卻之。帝日夜焦思。令上官樸之子上官璉。權爲都部署。守護杉關。以史進之子史全忠。引兵一千屯桂嶺。扼湘廣江右諸路。防賊兵驟至。時岳鎮子岳奎任樞府。种世虎之子种繩武。管度支。六官多不兼備。而致仕者。歸隱者。上表輒去。帝下詔切責。然不能禁之。衡湘自吳天保。蔣丙等。倡亂後。餘黨未靖。韓節度飛瓊。恐復嘯聚。遂自引一軍。徇各處。痛加捕勦。復擒斬數千人。兵至湘鄉。偶被巡兵獲二十七人。似商非商。似賊非賊。節度以誅戮太甚。恐及無辜。乃再三審問。內有一人。形貌甚偉。自言沔陽人。以捕魚爲生。乃避賊者。非賊也。叩其名。自言姓陳。名友諒。十分剖辨。確有可憑。節度遂縱之去。旣而曰。此人目動言肆。狀亦雄傑。必

非善類。不如殺之。以絕異日之患。急令人追回。則已逃匿不知去向矣。節度甚是惱悔。引兵巡遍各郡。時營陽邵陵全州道州彬靖桂陽。俱爲元將鄧祖勝等奪去。宋已無力爭討。所控者武安。湘東。數大郡而已。韓節度引軍回武都。復命訖。不久遂卒。帝爲之泣。贈少保。厚葬之。是時成宗雖除五鬼。又有三尸。一少卿梁佩。以聚斂爲事。朘削小民。一大理寺丞冉釗。以殘酷爲能。決獄流血。一吏部郎吳鈞。貪墨無厭。賄賂公行。當此國運衰微。恰遇此三人。扼據要津。中外益失所望。人心早已解體。種繩武累欲奏免三人。而帝方倚之爲重。疏入不報。岳奎歎曰。所謂上與介甫如一人也。時事可知矣。且說沔陽陳友諒。本漁人子。曾爲縣吏。鬱鬱不得志。因見天下大亂。潛懷異念。乃以數十人托爲捕魚。來窺衡湘。不料被獲。幾陷羅網。逃過大江。遂不能久待。因與項普略有舊。直投蘄水。先見

倪文俊。文俊用爲簿書掾。旣而普略引見徐壽輝。壽輝與語。大奇之。拜副元帥。號爲天完將。獨領一軍。乃招其黨如張定邊。陳英傑等。遂欲縱橫天下。時荆襄武昌安陸。俱爲項普略攻下。乃與普略約定。普略攻江右。友諒竟渡大江。取房州。直抵岳陽。宋將任安世。乃任天鵬之子。權守岳州。擁兵出敵。戰敗。爲張定邊所殺。遂破岳州。陳英傑分一軍往奪衡陽。守將廖重貴戰死。周府尹自縊。陳友諒兩路合兵。進攻長沙。此時長沙節度使已廢。守臣寇靖海。聞陳友諒卽韓節度所釋放者。乃大怒曰。吾父坐鎮長沙十年。賊兵不敢正視。今友諒犯界。是欺某爲紈袴子。不能戰也。率兵三千出城。大殺一陣。賊兵頗有損傷。次日復戰。寇靖海麾衆列成一陣。名曰六子連芳陣。將友諒層層圍定。箭如飛蝗。賊兵傷者甚衆。友諒不識陣法。左右衝殺。無路可出。面中三矢。十分危急。寇靖海望見。驟

馬殺入陣中。綽起開山大斧。正欲劈友諒首級。忽馬失前蹶。反將寇靖海掀翻在地。友諒急捉矛刺之。被賊兵將士剝爲肉泥。宋兵見主將已死。其陣遂亂。陳英傑張定邊等。乘勢督兵截殺。死者無算。友諒遂入長沙。其餘營陽建州武陵等郡。勢如破竹。陳友諒打聽項普略亦取南康。普略將趙普勝。戰於湖口。殺行省平章星吉。普略已進兵。襲破吉安。友諒聞之。遂直過廣南。史全忠由桂嶺兼程而進。急至湘江。深溝固壘。不與交鋒。友諒無可如何。岳奎聞之。亦引兵五百。至湘江犄角下寨。扼住賊兵。相持月餘。聞宋主成宗有疾。岳奎急引兵。暗暗退去。回至武都。帝隨殂。在位七年。岳奎種繩武等。輔太子桓卽位。年方五歲。倉卒間。請吳太后臨朝。垂簾聽政。方議遣兵。往阻韶州。尙無其人。忽報陳友定已攻破南關。上官都督戰死。陳友定引兵長驅而來。直搗武都。吳太后聞報大驚。种

繩武曰。事急矣。臣保太后陛下。速幸漳州避之。岳奎奏曰。臣誓死守武都宮中諸王妃嬪。及朝中文武扈從者。卽時起行。此時陳友諒已戰敗。史全忠過了湘江。圍困韶州。岳奎一意守定武都。惟望廣南江右兩處兵入勤王。誰知項普略趙普勝之兵。已由臨江趨贛州。取建昌矣。廣南告急文書。一日數至。尙未知帝幸漳州。岳奎命都尉劉鋌。副將軍石成。統制申屠禮。金吾將軍慕容萇。四將留兵三千守城。自統大隊。往迎陳友定對敵。而友定以長勝之兵。奮勇而來。武都數十年不見兵戎。百姓望風而遁。宋兵未戰。先自驚愕靡定。岳奎三令五申。連斬數十人。不能禁止。而陳友定之兵已至。兩陣對圓。陳友定命驍將薛義出馬。不三合。被岳奎斬之。賊兵少退。岳奎麾兵大殺一陣。陳友定奪氣。是夜岳奎出其不意。襲其營。陳友定大敗而去。忽探馬報來。江右建昌府已失。屈突節度盡

節。岳奎着驚。又報陳友諒連陷韶州肇慶二郡。直打翔龍府。宋軍聞之。人心慌亂。俱無鬪志。復戰。遂爲所乘。兵潰。副將孟鴻。焦肱。宇文煥等。俱死。岳奎血戰三晝夜。衣甲盡赤。渾身上下。矢集如蝟毛。遂拔劍自刎。畢竟岳氏一脈忠義。陳友定進攻武都。四將與友定背城一戰。奈人心不屬。士卒多望陣先逃。四將亦力盡而死。時三尸未扈。駕從行。遂獻城納降。武都一時死節者。如侍郎呂穆之。諫議大夫耿純。學士鄭夢蘭。及告老致仕者。凡數十人。是日翔龍府亦爲張定邊所破。留守王耀先死之。耀先乃老將王方子。參政司馬昂被執。不屈而死。史全忠湘江兵敗。聞帝在漳州。引兵急趨。扈從保護。而陳友定旣得武都。卽率輕騎倍道而進。攻取漳州。時關普靈之子關浩。爲扈駕將軍。與史全忠等。引兵奮勇殺賊。乃寡不敵衆。賊兵愈殺愈衆。關浩知事急。急命種繩武范景先等。保護太

后少帝由澄海縣望海道而去。關浩率兵死戰。陳友定麾衆圍之。關浩矐目大呼陷陣。殺其驍將數人。已身受重傷。至死猶手握畫戟。牢不可解。史全忠力盡被執。陳友定勸之降。史全忠睜目大罵。陳友定支解之。軍士死者無數。其餘汀州延平各郡。俱爲陳友定攻下。分兵回福州。自據武都。陳友諒旣下翔龍府。又攻惠州南雄諸處。宋臣文武死節者。如右丞劉敏。參政方連茹。府尹王義方。統制官扈從龍。楊勇。藍忠等十餘人。元平章也兒吉尼。總制張榮。亦乘勢引兵。襲破桂林。鬱林。思恩。節度吳炳南逃去。廣右諸郡。元人傳檄而定。至是宋亡。起顯宗重康元年。庚子。卽元成宗之大德四年。終成宗嗣慶七年。丁酉。卽元順帝之至正十七年。享國共五十八年。少帝仍航海而去。計顯宗重康十七年。昭宗隆熙二十四年。穆宗景新十年。成宗嗣慶七年。重康初立國武都。規模甫就。君臣

皆勵精圖治。同德同心。隆熙御極。則宋元業已交好。內外文武。輔導得力。生民樂業。下詔求諫。實恭默守文之主。景新初政。頗猶可觀。後漸興土木。弛意奢侈。武備不修。老成亦凋謝殆盡。佞人用事。遂荒於政。嗣慶卽位。四海鼎沸。六鎮焉能久存。加以內外空虛。人心散離。文治武功。兩無其人。所謂人之云亡。邦國殄瘁也。猶幸三百年養士餘澤未涇。顯皇帝亦加隆禮。重爲培植國脈。故雖偏安海隅。其亡也。節義之士。指不勝屈。而君臣仍脫身海外。並未作青衣天子。從此羣雄竊據。稱帝稱王者。重復紛紛然起矣。

第一百回 明太祖應運和陽

元順帝聞張士誠聲勢甚大。命太師脫脫引大軍擊之。脫脫善用兵。先平定芝麻李。威望已著。一至高郵。連戰皆捷。分兵收復六合等處。截其路徑。士誠大窘。會中書右丞相哈麻。與脫脫有隙。風監

察御史袁實本。劾奏脫脫出師三月無功。傾國家之財。以爲己用。半朝廷之官。以爲己隨。帝卽下詔奪爵。安置淮安。哈麻尋矯詔遣人醜之。脫脫旣卒。張士誠勢復猖獗。進據姑蘇。稱吳王。旣又詐降於元。元主封爲太尉。方谷珍陳友定聞之。互相效尤。元主又以方谷珍爲浙江行省左丞相。陳友定爲福建行省平章事。是時劉福通建都於汴梁。迎其主韓林兒居之。明玉珍起劍閣。亦自稱帝國號大夏。改元元統。此外更有何虎真。關先生。毛貴。劉益。田豐。王仕誠等。分據山東。廣南。大同。遼陽。益都各處。惟天完將倪文俊。始建都於漢陽。徐壽輝正位。封倪文俊爲平章。時陳友諒尙在廣南。聞之卽歸。有元行省左丞何真。引兵突入翔龍府據之。仍名爲廣州。正值吳王張士誠降元。每歲運糧十萬餘石至燕京。帝遣使臣賈龍衣御酒賜之。使臣至中途。遇陳友諒殺而奪之。得御酒龍衣。以

奉其主徐壽輝。壽輝平章倪文俊專恣。欲弒壽輝。未果。懼罪奔黃州。陳友諒故與文俊有隙。及歸。因襲而殺之。并其軍。自稱平章。隨又攻陷信州。改都江州。稱漢王。與其將張定邊。楊政。熊天瑞。陳英傑等。謀迎徐壽輝。至。尋弒之。遂稱帝。國號曰漢。改元天義。當時竊據羣雄。惟吳王張士誠最富。漢王陳友諒最強。然皆攻城掠地。爭戰無虛日。兵亂歲飢。民不聊生。并無有安天下救生民之志者。惟大明太祖高皇帝。此時避兵濠城。倡義起師。收納賢士。欲定天下。太祖姓朱。名元璋。先世家於沛。後徙句容。再徙泗州。父世珍。始徙濠城鍾離村。生於朱家巷。母陳氏。夢一黃冠者。授丸藥吞之。及誕。白氣貫空。異香滿室。數有光起。比長。姿貌雄傑。志意廓然。年十七。父母相繼卒。葬親無棺。謀瘞鳳皇山谷。中道絕。忽雷電晦冥。大雨如注。少避之。明日往視。土裂。則屍已陷入矣。田主劉繼祖。卽以

其地與之。至是孤無所依。乃入皇覺寺爲僧。兵亂。乃取伽藍杯。筭卜避難守舊。皆不從。旣卜倡義。卓然倡立。計遂決。西至汝穎。夜陷麻湖。遇羣兒呼迎。聖駕叱之不見。有瘋道者周顛。見之輒曰。告天平。又曰。你打破一桶。再做一桶。又常夢西丑有朱臺。數羽士以綵絳衣衣之。元順帝至正十二年。始從郭子興於濠州。子興奇其貌。留爲親兵。戰輒勝。次年收得里中兵七百餘人。子興遂署之爲鎮撫。乃與徐達湯和等略定遠。下滁州。得李善長與語。大悅。用掌書記。次年又下和陽。時郭子興已卒。劉福通立韓林兒於亳州。欲檄朱元璋爲副元帥。不受。此時朱元璋已恩威並著。豪傑歸心。欲渡江取金陵。而患無舟楫。恰值巢湖寒水。軍元帥俞通海等。率衆萬餘。船千艘來降。元璋顧左右曰。吾事濟矣。遂率徐達。馮國用。邵榮。湯和。李善長。常遇春。鄧愈。耿君用。毛廣。廖永安。引水軍東下。首克

牛渚磯。進拔太平府。耆儒陶安、李習等。率父老出迎。陶安因進言曰。方今四海鼎沸。豪傑並起。攻城屠邑。互相雄長。然其志皆在子女玉帛。取快一時。並無撥亂反正安天下之心。明公率衆渡江。神武不殺。人心悅服。以此應天順人。而行弔民伐罪之師。天下不難定也。元璋嘉納之。旣而取集慶路。改爲應天府。分遣諸將取鎮江。廣德。皆下之。元璋以諸將推戴。始稱吳國公。略定江右。自立爲吳王。建百官。又命孫炎往浙東。聘龍泉章溢。麗水葉琛。浦江宋濂。青田劉基。四人同至應天。吳王迎而勞之曰。我爲天下。屈四先生。今天下分爭。何時定乎。溢對曰。天道無常。惟德是輔。惟不嗜殺人者能一之耳。吳王深以爲然。皆重用之。後三次伐漢。拔江州。戰鄱陽。圍武昌。始平陳友諒。降其子陳理。至正二十七年。始命元帥徐達。副將常遇春等。取平江路。火焚齊雲樓。擒吳王張士誠。以歸。士誠

妻劉氏縊死。繼降方谷珍。遂盡有淮南。浙東。江西。荆楚之地。又命征南將軍湯和克福建。執陳友定。以至正二十八年正月乙亥。祀天地於南郊。卽皇帝位。建元洪武。以李善長爲左丞相。徐達爲右丞相。夏四月。征南大將軍廖永忠平廣東。征虜將軍徐達常遇春平河南。繼克太原甘肅。都督馮勝取潼關。六月。平章楊璟取廣右。閏七月。徐達常遇春李文忠傅友德等分道徇河北。連下衛輝彰德。廣平。順帝始詔擴廓帖木兒領兵勤王。大明兵至通州。元知樞密院事十顏帖木兒力戰而死。順帝大懼。乃詔淮王帖木兒不花監國。及丞相慶童留守燕京。自集三宮后妃皇太子。夜半出居庸關北去。如上都。八月。徐達等克燕京。淮王帖木兒不花等皆死。洪武二年。順帝奔應昌府。洪武三年。殂於應昌。時征虜將軍常遇春卒於軍。李文忠遂代領遇春之衆。進兵開平縣。白海子。駱駝山。敗

元將太尉蠻子沙不丁。平章朶兒只八剌等之兵。遂督兵長驅大進。攻拔紅羅山。直抵上都。連戰皆捷。降其左丞蓋元魯。平章上耶罕。留守八失忽都余萬等。再襲應昌府。元兵大敗。皇太子愛猷識理達臘。從數十騎逃去。皇孫買的哩八剌。及皇妃寶玉。皆被擒獲。李文忠以元帝既殂。想昔日滅宋。張宏範乃逼至航海不休。循環報復。亦入吾手。遂率兵窮追。大加捕勦。又降其衆五萬餘人。直至北慶州而還。露布以聞。太祖以元帝知順天命。退避而去。特諡曰順皇帝。而封買的哩八剌爲崇理侯。至是天下歸一。而正統於是乎定矣。

